

道光丁未鐫

顏氏家藏尺牘

騷鴻雅藻自昔延芬溯厥源流或以書法傳或以文字
者傳書法者肇鍾元常而極於二王著文字者昉李少
有馬儻有散體各臻超妙如度木鄧林敗絮江浦美不
勝收此曲阜顏氏未信堂所藏尺牘裝池凡三十四冊
題跋一冊姓氏攷二冊皆一時名卿碩彥典詞妙墨之
所薈萃蓋以書法姓氏攷也

海山仙館叢書

得寺以贈友人爰錄其全文都爲四卷附姓氏攷一卷

蘇子瞻

蘇山翁詩書

蘇子瞻詩書

蘇子瞻詩書

PL
2451
.P29
0.91

顏氏家藏尺牘序

鱗鴻雅藻自昔延芬溯厥源流或以書法傳或以文字
著傳書法者肇鍾元常而極於二王著文字者昉李少
卿而盛於六朝歷今二千年世俗競尙有選本有專集
有駢儷有散體各臻超妙如度木鄧林販繪江市美不
勝收此曲阜顏氏未信堂所藏尺牘裝池凡三十四冊
題跋一冊姓氏攷二冊皆一時名卿碩彥英詞妙墨之
所薈萃蓋以書法傳者也余藏之海珊山館歷有年所
將持以贈友人爰錄其全文都爲四卷附姓氏攷一卷

彙入叢書以備一種是向以書法傳者今又以文字著
矣集內計二百餘人當其含毫飛翰結想停雲或經緯
文明或商確今古或情致委婉或寄託遙深或旋斡而
爲功或剖析以見義或揆張乎風月或舒嘯乎烟霞窺
一時交際之隆覘四海人文之盛於以曠晤前賢旁參
故實疏瀹靈性襲軒逸情亦開卷之一助也至諸公事
迹見於姓氏攷裒輯始末詳於題詞披覽足悉毋重贅
焉

道光二十七年歲次丁未春正穀日潘仕成謹識

顏氏家藏尺牘卷一

馮太傅溥

前承大翰已有小札奉復想久塵記室矣不佞以耄年
久病復荷簡命謬主文闈惟恐隕越無當以貽知己羞
幸榜發之後論無異同差逭罪戾獨失之於令弟以是
爲愧耳所恃高明諒之於形跡之外也屢煩注念裁答
稽遲以無人索回字且值不佞匆冗無暇晷更衰老忘
事也惟照不一賤名另具

遠承芳訊足仍不忘兼領大杯之惠謝謝衰病相仍未

能脫離塵鞅日望鋒車至止從吉在何時耶近吳逆已
亡休甲有日且海內人文雲蒸霞蔚鱗集京師真千古
盛事惟祈台駕速發馳驅王路共襄太平耳冗次率復
不盡欲言

龔尙書鼎孳

奉別經年圖晤不遠茲偶值程舍親同里取道金陵喜
得藉爲鱗鴻以通芳訊故蹙然而治一函舍親誼在水
乳倘蒙進而教之弟與有榮施矣馮池主臣名單具

曹侍郎溶

歸讀大集沉雄傑出直欲囊括千古壓倒時才小巫爲
之心悸然疲懦有所激發亦將力索枯槁仰繪日月也
里人范成閒從弟至此書畫十數種足充清玩其人樸
實無文以法鑒定價值當奉教惟謹耳餘留面罄
近代史書邸鈔之外必以家乘爲憑昨誦雄文甚爲忠
烈生敬完上附謝弟溶頓首
葉尙書方藹

終年碌碌未獲時候孝履忽辱大教注念殷殷媿荷交
并曷可言喻拙文鄙俚無似深懼上玷名賢有負仁人

孝子之託乃蒙不棄採而用之益不勝其悚仄也使旋
匆匆率勒奉復伏惟垂鑒不一

比承老先生來訊審知孝履安善甚慰委撰先公墓表
久不報命非敢忘也懼一時草率無以副仁孝之意也
既又思之世之有可言者必待乎能言而能言者尤必
得夫可言者爲之言然後其言信夫所謂能言者非獨
學問之博而文詞之美也惟其是非好惡一本人心之
公而不徇時俗爲去取爾藹之學問荒矣文詞陋矣獨
其硜硜之鄙不敢背公道而輕徇時俗則幸自反而無

愧焉然能言之人不常有而可言之事又不常遇生平
讀書見古人忠孝大節必爲咨嗟涕洟稱道誦說況同
吾世有至行卓卓如先公者又辱其後人不棄命操筆
紀其事豈非踴躍恐後者哉竊有一言不敢不奉陳者
昔年河間之破實因王師再入關而行述中但云畿南
亂而已竟不言其亂爲何則使後之傳忠孝獨行者何
所據以成信史也從來兩國兵爭仁人志士舍生殉義
者何限前朝之節烈獨非 本朝之深嘉尙者乎亦何
所諱也輒以鄙見撫實書之謹錄藁一通寄上至於識

慮淺聞詞不稱意有負所委忸怩亦何可云伏惟垂鑒
不宣藹再頓首

高侍郎辛允

承垂注已佩德矣此謝諸凡幸自愛婆心區區不盡

劉參議思敬

昨晉拜時遇一舍親泊河之干未防船滑落水衣履盡
濡是以踵門弗便面晤深以爲歉舊日筆墨所記偶相
知者刊一種奉公暇寓目尙未印行也有未當并希商
示以正其訛至感容再面悉名單肅

劉考功體仁

使車駐山水之勝勝友必多朝夕得佳句所獲已侈不
必更問阿堵矣弟汗漫江南自春抵冬今始返棹邗溝
然不敢入石門一步者恐客多無以應也崙价代躬走
賀兼有恃誼之懇春初在江甯物色得一二人尙可供
書卷旁頤指今欲北歸勢不能緩而力又不足倘老年
親翁假以一數吾事豈不大濟已乎密之不須向人道
也明歲二月當再晤以悉弟昨在吳門乃聞孔親家至
舍而弟失候至今耿耿近况各何如幸示爲慰弟吳江

一路頗有所作匆匆不及繕寫容他日請正

阮亭冒雨見過念吾脩來當共談幸惠然卽至爲望脩
來先生小弟體仁頓首

沈侍郎荃

金馬追隨渥承雅眷睽教未久頓易星霜伏諗兩年翁
秉濬冲之至性篤莪蓼之深情雖備極哀榮而依然孺
慕弟以塵韁碌碌未遑啣泐蕪緘一慰孝履懷耿之切
與日俱長茲敬捧瑤華兼拜隆誼仰惟摯愛不敢言辭
大老先生窮碑題字謹如來式盥手以書丙舍題額亦

率塗附交來使矣但中間款項或有未妥并立石年月
或秋或冬未奉確示另備數字屆期酌配何如匆匆布
復並謝至意憑楮神馳弟荃再頓首

昨逐隊而行未免困頓一應交際之事尙覺疲苦以故
咫尺衡宇而猶未敢趨叩也舍親咨文已送到聞旦晚
尙須題請不識何時可以咨入成均也伏懇留神統俟
面時九頓不盡

聞咨送之文昨已用印感荷至誼曷有極也薄稿一緘
聊爲尊伴煙資并照不盡

所事聞農部已咨發貴衙門矣闈期在即願望台慈多方噓護早賜允咨感不獨舍親一人也諸容面頌弟荃頓首

茹凡所託承老年翁台諭卽欲爲之作札所有委折竟爾忘却望再詳示之不一弟荃頓首上

虛火上攻頭面作腫卽靜卧尙不能支况有筆墨事紛紛未了乎悶極悶極顏年翁七律高華秀朗正如瑤臺嬋娟見者皆知其妙不止格律之精當也二札已題率復先君子崇祀欲求顏年翁佳作增重不審可許我否

門年家弟荃頓

奉別未幾頓移時序還老人都不識曾道及否弟輩暱
勉從事幸已告竣所拔者皆潛處力學單寒孤苦之士
想老年臺早已悉其大略矣今因解差之便遣奴入北
總仗留神照庇目下尙有正事未竣來月初當返敝鄉
長至前卽束裝歲底可握晤以罄積懷也憑楮切禱來
僕甚蠢諸凡望爲周全切祝切祝貴房師仝老此時想
亦未回同時并致意外附闡墨拾冊奉覽

鑾坡奉別之後復感寒伏枕駕過失迂委冊亦稽報命

爲罪茲尚伴上繳乞賜察收聞大集已付剗剗何時得
惠教也附訊不一弟荃載頓首

繆侍講彤

瓜步道中過承惠恤故人之誼令人銘刻歸來忽忽三
年不及以尺素候問起居殊深懷想令叔岳孔先生遠
臨敝里得接手教知近履佳勝承台委竟作子虛人情
薄於秋雲而令親不無金盡裘敝之歎在弟處那移貳
拾餘金稍資行李然而困頓極矣瀕行草此數行奉復
臨楮翹企

好雨生涼儘堪劇飲明日候車騎早過千祈攜綠綺來
一踐疇昔之約兼可爲弟驅病魔也望望弟彤頓首

承諸位年兄盛意至再敢不祇領惟日內炎風正暑斗
室促坐無可爲樂略竢微雨新涼當以浮瓜邀快談也
率此容面罄弟彤頓首

一飯草草甚以不得罄歡爲悵尊分萬不敢當併祈一
一致之諸年兄鄙衷昨已面吐幸有以諒之也率此不
一

伏枕偶得二詩書呈大方郢正興會必佳得賜和教尤

感也修老年兄弟彤又言

昨候起居不得面侍色笑爲快卷在何日解科望年兄
敕使一諭經承恐駕回則于君卽謝事又需有待也特
此再瀆專候明示弟心肅

昨承賜顧未獲趨謝爲罪新選同人向有公酌不知近
尙舉行否如無則年兄必有專席弟以欲附贊合行未
識可否望示下諸不一

梁師伯於廿四日行有啟卽可附去同人公候甚爲切
當祈年兄卽作一稿付弟謄寫與來价可也弟連日賤

體病極非敢於方命耳率復脩老年兄大人小弟彤頓首

弟因歲事倉皇拮据略無空晷實不能操管作駢句轉懇一友捉刀以應臺命苦不能工惟年兄名手點易用之可也率復不一修翁年長兄弟彤頓首

弟有許語欲奉商確特走候不得一晤爲耿過三日當再圖過訪也弟移寓在東首打磨廠真君廟對門夏舍親相隔十里會面爲艱奈何奈何年兄諸凡行止有便幸以尺一示弟于懇于懇修老年厚兄弟彤啟頓首

刻下在此候一回信不得走高軒的在明午後趨教也
特此先覆弟彤啟頓首

度歲碌碌無停晷不得走晤爲快尊章遲閣良久可勝
罪歎值此心緒匆忙勉就一面請教餘俟春明一一補
過堂聯書梁夫子句想定有當尊意也脩老年兄弟彤
啟頓首

徐尙書乾學

久疎教言時切瞻企偶於啟奏時一晤芝宇又勿獲暢
談乃朝夕鹿鹿良覲頗稀悵歎曷極茲有至親姓名仰

懇知屬瑣瑣可鄙然有不得不爲轉煩之苦情輒敢恃
愛奉瀆伏望俯兪具感高誼倘老世翁未能全允或將
其一轉托貴同人必期有當爲禱湖上隆情尙未奉報
至今耿耿然中心藏之無日敢忘也原欲走叩面懇恐
不相值崙此布瀆臨啟虔悚

前慢甚爲歉舍弟咨照已領入特囑致謝忠義卷目并
四書解四種奉上諸容叩悉不具侍乾學頓首

郝尙書惟訥

曩獲朝夕聆教幸寡愆尤別後典型日遠蒞事維煩以

庸拙之夫處艱劇之地將來不識作何稅駕也正愧未
達數行虔訊孝履忽承台翰意氣懇懃把讀再三殊增
感激追跪展太老先生傳銘盥漱細誦允堪革薄起懦
百世猶將賴之奚止裨一時之世道人心也耶東望泥
首莫知所頌肅此奉復臨池悚切

相去千有餘里歲華屢更雖彼此神依非山川所能間
隔而握晤維艱無日不倦倦於懷也接台翰恍如面承
稍慰積悵弟向以冗病之故已苦支離近復多所不堪
更覺頽憊而不能自解惟望高賢到署得奉指南幸老

年翁善自頤養早命鋒車無使弟輩久爲引領也辱委
尊筵弟素不能書稍遲容覓人代揮寄去虔勒附復臨
穎瞻溯

吳侍郎元萊

一別數年時深懷想昨聞旌節入長安弟以外吏勞勞
匪朝伊夕覺人事過疎而功令是凜遂罪積如山莫可
逭也老先生寅年臺或亦諒其生平而不加督責耶遠
承手諭如對芝眉復荷渥儀安敢濫拜唯心銘良友之
至愛而已別諭自不敢勞台慮此弟所藉以安靖地方

之賢技也况叨梓里乎敬聞命矣匆匆不及多緒容面
再佈可耳臨啟依切

容臺共濟雅賴同心素旃言旋未遑馳送迄今耿耿老
年臺情纏孺慕至性過人不肖深以爲念頃接手言得
聞孝履遠懷差慰太老先生純孝天成人倫師表垂諸
史冊照耀千秋承頌墓表兼以傳辭讀之肅然起敬但
天不憖遺彌增哲人云萎之歎耳不肖逐隊碌碌寸長
罔效引退難言忝竊滋懼未知年翁何以教我豚兒僥
倖非台庇不至此伏蒙垂注感荷無已殊卷呈教郢削

幸甚臨啟瞻馳

孫侍郎承澤

秋霽可喜吾鄉之災貴縣稍輕家中有人來否知闔宅
納吉也出署後乞時過一譚宜兄事若何此時或無暇
及此也不盡澤頓首

連未得晤爲歉七日齋中瀾茗小譚乞爲約譚舟老同
過前評宋大家文極爲痛快欲續爲商確竚望竚望
昨校定晦庵先生極其精細已一一改正再以第二冊
奉覽幸卽賜還理學先生詩晦庵下惟劉靜脩先生極

工已選定繕將完矣寧有近息否承澤頓首

久未奉教殊切耿耿近養疴西河水次草廬尙約年翁
小譚也爛麵齟齬有小房一所頗堪居停今年欲葢中
層不與人住以西向日者言宜明歲敬借光移居不必
論租前已面言之矣不盡澤頓首

惟老年翁劬勩在公今已及瓜寬大廉淑之譽浹於遠
邇喜可知也不肖近來閉門益深自年翁行後杳無跼
然之音故懷思倍切非可言喻年華日暮而呶唔之志
不衰諸經俱有註解現在註儀禮五六月間可卒業苦

長安無經學書承教代爲南中收買此莫大之愛謹開
一單乞留神重價購之抵都一一奉上使旋匆迫肅此
代候願言不盡

法方伯若真

老年翁報命榮歸竟不能一尊奉祖道雖淪落中人不
足齒數其如中心耿耿何弟已戒道矣一札再別不盡
之緒時縈夢寐附問候小奏九件統希注鑒其別件載
一單唯老年臺不忍之懷向吾鄉諸君子一致之感德
何旣肅此代布不盡依依原綾一幀書復

說帖

彥氏家藏所別卷一

三

原任江南安徽等處承宣布政使司法若真說帖伏念
真待罪兩載拮据萬狀盡爲他人作牛馬若有一分一
文自私自利天地鬼神鑒誅今離任之後代上憲賠墊
者已罄變家產尙有一二未完無可再賠不得不據實
說明仰求郎大人金前司自行歸結然不將事之原委
說明恐冒欺罔之罪謹一一陳說一郎大人任內發前
司收寄賣黃豆肆萬餘石至八年回京時勒令變價解
院復差內丁守取豆價因年久內有耗折並經承侵欺

貳千叁百陸拾柒石該銀壹千壹百捌拾五兩經承陳
睿無力賠補遍揭通衢有總督豆商之語污蠟不堪只
得借動庫銀墊解今庫項無補無可代賠者一也一郎
大人任內積欠倉米貳千柒百陸拾餘石至八年回京
時差內丁資冊到司諭令改入新收項下候發價銀及
至回京價仍不給前米缺額只得借動儲米抵完又令
左書辦取去銀貳千兩銀米俱空今儲米部行變價應
完米價銀肆千柒百叁拾玖兩零虛懸無着無可代賠
者二也一金前司任內陸年柒月內自領出庫銀壹萬

捌千餘兩至柒年捌月始買豆壹萬叁千石到省久泊
河干及詳明奉郎大人憲批收倉在船內卽有霉爛共
計六千餘石此時若勒買足報收有失同官之雅只得
允從使經承林植領出易新償補後林植身故家貧不
能賠補軍需缺額後官卽勒令本司代賠或在金前司
良心不昧不能不急爲措完者也以上三件皆遠年未
完並非本司任內之事本司亦並不曾出結受代今俱
累及本司淹滯江南諒亦仁人君子所垂憐者敬陳臺
電如會郎大人金前司鼎言歸結俾得生還存歿啣結

謹說

趨叩未得晤謝爲懷前見鄭石兄道及老年翁思得秦
篆弟有一老友頗善此技敬爲製二章呈閱儻可領略
不妨以所欲者頻爲示下亦知此道之有公好也何如
何如諸容晤布不盡制弟真百稽

許久未獲晤教何日共移鄭兄處得借高談一日耶爲
望爲望前委大字倩人勾出其力不能如腕聊以竟數
耳敬報命制弟真百稽

許久未晤正欲受教昨忽接家報有傷心之痛病不能

支實不能侍長者但肅此代謝非敢言辭也謹叩呈不
具弟真頓首

昨趨望大喜未獲晤叩容再領教誨吉聯博笑小弟真
頓首

孤旅遠客到忙忙數晝夜無停時以食客起居皆身親
之厨下無一使可能了此也適客去得稍息信手作數
句媿不能揚揄大雅之十一其若之何幸老年翁裁用
之令叔老年臺尙容端肅呈不具先此特報並宥遲遲
之罪諸容面悉不盡制弟百稽

別老年翁後卽以謁撫軍作皖城行得之郵筒附忤庭
年兄札恐遲其中之說先遣使上聞亦有一札致徐公
祖乃爲弟交盤之役祈其破格照拂老年翁見時當爲
弟致謝之感徐公祖之恩斯勤斯也並祈老年翁代投
之統容歸去時登叩不具制弟百稽首

錢塘雪旅把臂言別儵忽四載其如此光陰何弟以不
然之白灰自不入春陽之赤管老年臺先生戛戛契刀
軒軒簪珥而雪中之炭亦覺艱澁江河日下可恠也亦
可悲也歎息歎息自弟狼狽歸來頓卧空山炎涼萬狀

辛酸百結欲再走長安一番買老仰二天之在層霄憐
一介之有知己老年臺先生必有以指我於泥途落落
中也秋暮漸寒年歲不登脂車無資須之來春可偕長
兒樗同裝北發趨謁崇階以近奉截取之例先具文投
貴衙門祈臺鼎曲王之亦以王王如年兄歸來云前猶
有軍機十八人無著落後此者更無期徒多往返耳且
戀戀者樗兒於己未徵幸後卽循廣東例券助援納中
行等衙門本年十月初卽題冊到戶部因執事金提塘
苛派抖難至今六年不給庫收以致未行貴衙門近得

龍需老年翁大力轉求又不能不遲遲以待望梅俟有
頭緒更望臺恩先此長鳴聊申濶緒統希慈鑒自愧空
函尙俟晤叩不具小弟若真百頓拙畫將意有知晤言
以當大噓弟真再頓首

李閣學之芳

日承枉顧柯陽得領謦欬殊慰飢渴第以簿領塵勞未
獲一尋青霞仙奕之勝良用闕然山城蕭索仍攜兩卷
畫圖輕舟翩去在老年翁雖爲韻事使地主將何以爲
情哉清秋漸爽近社自佳西湖山水間有勝緣否臺旌

東邁當在何時率裁奉候所煩大作及物色諸名人想
荷留神統祈卽示幸惟垂鑒可勝神往

鞅掌戎旃屢逢虛度爾然疲役自歎勞生知愛如老年
翁方當憐惜之不暇而亦爲此稱觴世法乎仰荷殷遙
佩服曷已承示詩文典贍風華俾弟攘美感何如之諸
友皆屬名下弟願見有懷已非朝夕希老翁代爲道意
意湖上勝事如常不無倦游之慨便中容再致之別教
當俟酌奪另報多次勒復未盡縷縷

班師北旋兩省更番駐防夫役艱繁十倍于昔小民竟

無休息之期顧此殘疆殊增浩歎頃接翰教得諗近履
二三執友半載以來不能爲湖山游屐增色且人情奔
驚久已悉其槩矣承諭當爲留意必須來謁而後酌定
也林生抵衢自是端謹之士餘具悉之卒復幸鑒不盡
前承翰教勿次附復應塵典記班師就道比日近況何
似二三湖山主人不致寂寂否甚爲念之前書所云林
生恐江干舟楫維艱今特專人奉迂煩老年翁轉致幸
卽遄發日有碑版文字數首欲藉面商久已懸榻待之
矣淳安留代已卽批行率此惟鑒不盡

余閣學國柱

彥以彥卿戶部名

二

貴役旋後又有兩函未知何時可到造船之說既在外
定何衙門此爲可以自主但恐船增一事而別累不減
須得督疏兩分題明就裡如議自易易也白仲調年兄
以海內名宿得屬淵源大爲吾道生色迺以衆見參差
未得首甲不獨我輩悵快凡屬有心莫不歎惜頃因別
有端倪未便遽歸其令郎家居恐有應照拂者在台兄
至性關切自毋事不佞豐干耳藉寄不盡
客春小力南還接手書殊慰遠念不佞沿途阻風雨仲

春始得從廣陵登車以北過家兄滌陽署知台丈有龍
江之命冀得中道便晤茲因敝故友王雲川諱子龍藉
候起居敝友於先朝爲甯南虎將卧龍岡乃其故里滄
桑後泛宅投綸與不佞結鄰好廿餘年而食貧特甚此
君重意氣輕死生然不曉筆墨不解逢迎台丈當另設
一等以待之耳途次如面弗旣

京國聚首凡事正可商量不謂不孝自孽深重遽抱大
痛飲血南歸遂易星霜緣抵家之後親友弔問遠近陸
續今夏始畢且敝邑又僻處山谷無從一寄聞問門下

雅才練識自是遠到之器但輦轂之地是非易淆物力
維艱慎交游惜日費此其最要耳不孝志氣益敗清華
絕想邇爲先人無歸窆之善地早夜疚心意欲稍遲起
復以襄此大事未卜可如願否崙此聊當面晤長安風
景若何有以示我臨楮依依不盡

聞命之始原擬中途可晤不謂馳驅相左又承存注至
今爲念不佞於三月廿四入都此月卽可推補銓部雖
有復例之議然局面濶大頭緒繁雜終成道謀貴差較
之別推雖有豐儉之殊安穩無虞則勝他處六七八三

月方是良時但滿公極宜調和大約凡事寬一步讓一
着終得便宜耳分造漕船之說卽與司農商之如有的
着另當遣報王雲川之札原非得已高明必能體亮目
下家叔又索有一函奉侯亦不得不應輕重亦在台酌
實屬親叔自不得與王雲川同眎也同門卷已見孫白
張萬四兄亦已相晤借光夥矣役旋匆匆率復不及百

一

役還帶有寸復想久入台照造船之舉已行外議但得
在外酌定之後方從內料理庶有濟也家胞叔諱允明

以從家兄滁陽署便候台範亦通家之誼不可已者昨
已從別函諄切及之台丈古道人心定不待不佞之長言
矣率奏如面弗旣

杜別駕恆燦

周京舊地文獻尙存得老世丈輒跡及之王風大雅倡
道同人真一時之盛駿駿可千秋者也承教大作洋洋
多風得初盛遺音且楷法精妙當奉爲奕世之珍矣癭
杯荷愛莊生謂不材得全弟知懼矣并敬謝教益也何
日命駕牛頭寺爲十日談弟掃徑以俟矣復顏世兄同

胞三原道弟杜恆燦頓首

司左側一小樓頗潔非酒家也弟已攜尊卷在此跼蹐不敢遠勞至北門矣昨書如抄竟付小力也弟燦再言竟日論文又得縱觀奧府會城中如此清爽宜人之事未曾有也太上感應經乃弟從春月刻成者以紙墨之資尙須將伯遂不獲盛爲傳布謹奉一部爲旅舍寓目未審可呈覽於先生長者之前命工印施乎刻板見在省中印工處矣西果二種并志寸心榮發何日今日尙過我耶不一不一弟燦頓首

手教至諷誦再四輒不勝情弟土木形骸久矣不意吾
兄之能感人一至此耶東發何日慎重加餐努力名德
與道合真他日弟當長跼下風罄聆提誨得長存於天
地之中幸矣幸矣刻下渡渭抵三淮攜手河梁遙遙何
日如何如何遜來道兄世翁弟杜恆燦頓首

孫舍人枝蔚

昨一友邀飲秦淮舟中至夜方歸歸後因乏使不能復
至尊寓聞有事相商是前所託事否讀大著玩味不忍
釋手延年庭誥之推家訓後未易多得也特奉還前拙

稿亦望擲下弟枝蔚頓首

拙序於蝟冗中成之苦無佳語又重違台命謹書上病人滿床醫不離門聞先生將行竟不及一握別幸惟鑒亮修翁先生大人功弟枝蔚頓首

數日因有亡弟之戚匍匐喪間是以遲答尊札悚仄悚仄承惠大刻今日始得展誦元氣渾淪體格磅礴求之古人當在少陵昌黎之間餘子不能望肩背也敬服敬服先此謝教評語一兩日間卽呈上不悉功弟蔚頓首應博士撫謙

前承命以行樂贊見屬時無印章又僕人甚小懼有失
誤不便領歸今作一拙言奉贈聊致其意不敢塗污尊
卷以取罪戾唯先生一笑置之而已撫謙再頓首脩翁
先生大人門下

夢思闕里冀一登堂喜邁光儀來蒞此邦遠承世澤用
行舍藏近徵忠孝守義巖疆居雲霄裏家秦嶽旁已從
皇極聿建三綱更列人間聊製七襄今瞻之子如愛甘
棠念昔陋巷克己皇皇豈意雲初百代流芳像贊爲脩
來先生錢塘弟應撫謙具草

應處士

禮壁度璧

敬啟顏先生閣下伏惟先生復聖之象賢斯文之樞斗
得誦先生所賜樂圃集篇章之際想見其人前奉命家
君同沈吳二世兄恭叩臺端并附上九容箴拙文四篇
求政今早同敝友走領適有客在堂閤人難於傳命不
獲望見顏色悵然空返拙文如蒙先生不棄而賜之教
乞示期走領敝館在賀衙巷內去尊寓咫尺謹竚立待
命之至修翁顏先生大人執事年家期晚生應

禮壁度璧
仝

頓首

吳處士懋謙

余客遊曲阜甚久因得交脩來時脩來弱冠才鋒馳騁
霆舉颶發便令人退三舍日同其大阮石珍倡酬不啻
百餘篇暇相與瞻謁孔廟禮器憑弔少昊元公之墟極
一時友朋歌咏之樂脩來每出語必驚一座余心儀之
而心憚之贈詩二語有君才方跋扈余意已沉冥然脩
來靜穆不輕言詩後舉進士權稅龍關復遇於金陵適
我友愚山至出其南苑扈從詩八首兩人讀之瞠目歎
賞爽然自失也浸淫有年陶冶成集而見其五古之雅

也七古之雄也五律七律七絕之精以練也沉着痛快
壯采驚人如隴西之射飲羽沒石平原之書透過紙背
字字從古人中來而又字字不從古人中來東魯風雅
代不乏人荔裳淹通阮亭英藻方之脩來之沉鬱偉麗
真堪鼎足觀止矣雲間吳懋謙序

日來腸紅甚腰痛不可忍不得入城殊爲相念當事歸
否別有事否弟有小影求題像贊俱欲意中人先生文
章品望爲海內第一人不可錯過也上與旁皆可題惟
尊意脩翁先生教弟謙頓首

來對如魯公透紙背諸咏清新沉着高貴不可言謝教
謝教兩窓作得分韻二首求政弟酬應頗多前醅韻可
省矣如何如何樂翁長兄先生教弟謙頓首

一病杜門幾不能見我故人也同人爲弟危者十且八
九如此暑天蹣跚簾幕間尙未出戶今幸庇稍進食接
教知念弟深矣聖湖白雲繚繞清夢諸同人當一一致
之詢使知遊况頗佳懌快之甚俟秋候駕掃室望早桂
新開以奉言笑弟一小序會刻否如刻寄幾部來并有
懷弟詩否脩翁先生小弟謙頓首

吳徵君農祥

張鍾會飲圖呈上恨筆粗疎不稱戴原本耳如可塵雅
玩留爲鎮宅爲荷謝生老矣乃能爲老先生圖此二冊
抵掌相對不辯爲三太傅衣冠謝郎邱壑俱兼之矣老
先生必自有題拂當和其後耳弟祥頓首脩翁老先生
老年臺

別後又復患瘡台諭以寒暑中爲之恐不足以辱命也
惟教之小兒吳容謹遣趨侍左右俞敷伯今之史才也
老先生於鹽院祖臺處乞提攜之外家兄吳楨舍姪吳

紫芝皆寒家之俊也望一體視之爲感弟祥頓首脩翁
老年臺老先生大人

小兒昨已奔歸今晨趨柏臺試矣伏冀老先生始終題
拂不盡布衣弟農祥頓首脩翁老先生吏部相公閣下
席處士居中

不奉顏色者已屢易星霜矣仰企之私如何可云憶先
生憇駕廣陵猥蒙雲誼不棄葑菲收之交遊之中廁之
座席之末且辱玉趾惠然肯臨蓬蓽於是得共啣卮酒
細叨塵論酣醉耳熱復爲刻燭聯吟而高岑妙句尙勒

齋閣則一時叨藉之盛迨將感恩無盡念之念之先生
巍然人表如岱華聳拔環區爲時瞻仰而銓選重寄俾
門牆桃李宏列仕版至若揚風訖雅牛耳詞壇更爲人
士之宗拙選一帙亦藉光珠玉不小近將馬首都門當
挾此帙敬呈因以奉教於左右則數年積懷遂可少慰
也春水游鱗便附尺素兼以蕪句寫意統爲寄正唯祈
藜照不吝則遠人幸甚幸甚

雨雪載途未得衝泥造晤深爲悵歎小照鄙陋無似欲
藉大言爲寵錫妄干珠玉或不吝揮毫耳拙刻將卒業

欲求佳稿爲陽春高唱以光梨棗幸卽簡惠是望外有
俚句奉贈容錄呈不一脩翁先生制晚居中稽首

林處士璐

契濶登龍於今四載伏處蓬蒿鬚髯如雪南來仕宦每
問璐姓名皆出先生之口知提攜教誨感深刺骨向拙
刻另刪定付梓未成曾許弁言謬托椽筆故人貧病不
能遠涉倘有青眼處還祈留神拙稿一冊奉覽

早閒齋稿呈政欲面求教益再行改削耳憶前諭訖歌
戲擬爲之或不須此恐涉自獻之醜詰朝當晉謁以悉

種種晚林璐頓首上

拙作二首欲走謁呈教適有遠客枉顧先送記室野老
嚙語不足道也俟謄清再行刪改可耳昨懇元晏爲拙
刻生色先生能恕然乎太翁傳叨列賤名何敢損刻資
容面悉謝晚璐頓首

昨醉後狂言得無持布鼓過雷門乎太老先生傳乞發
來手當補作贊三日內并關侯祠記同奉上小序一首
求附末簡稍暇當更作大篇刻入拙稿以榮布衣何如
何如晚林璐頓首顏老先生山斗

杜處士濬

前拜台復深感盛懷而其人忽然數日不見自失機會殊爲可駭豈弟之窮固未易瘳耶茲敢奉問先生門下不識有可以爲弟地者而弟但附一書寄候當事用成兩先生之美則尤奇感也第恐遲則遲矣悚切悚切連以酷暑不敢作熱客俟雨後少涼卽趨領至教也不盡欲言

吳太守綺

塵事蝟毛畧無清晷不遑造別堦下豈勝歉仄昨以薄

物將意不蒙全茹反辱獎謝真足負愧矣茲有商者吳
門敝居二所業著小价求售其價值必待數日後方有
就緒綺則不能久候欲先就道柰刻下脂車乏費敢於
老先生處暫假抬金濟此匆遽之需當於渡江後卽部
署奉還素沐高雅必不以鄙言爲河漢者迺敢瀆之左
右幸諒鑒不盡醜縷臨穎主臣

弟已遷至曾氏河亭矣刻下正在部署未及過晤當事
一札前蒙俯允但小兒卽日南歸其事俱在邗上必得
持返相示乃得拜惠也望爲轉達特此瀆修翁老年翁

先生弟綺頓首

連日避暑於清涼山寺月中望遠頗多清興恨不得老
先生同知也今日水樓聽雨始得從事筆墨冀報台命
耳田公祖將返句曲前事可否幸鼎言以促之爲感修
老老寅年臺侍綺頓首

吳會萍逢正擬飽聆塵誨而匆匆返棹不及具杯酒以
敘別懷又不敢俗物唐突高雅惟案頭小玩數事謹貢
之清悶閣中聊資吟餘真賞伏冀哂存豈勝榮藉不一
綺再頓首

適所言書院一事非有他意以田公祖當世大賢不可
失此勝地資無多費事可必傳幸老先生商其可否以
示援納既不可行今奉一呈相換餘兩事並祈代促卽
發爲感修老老寅年臺侍綺頓首

姜處士楨

連日走候面謝皆以公出不值爲悵蒙賜瑤篇并厚惠
種種感佩非筆舌能聲明早的行矣以措置行李之艱
心緒惡極竟不能上和白雪以表數年仰企之私歉仄
無似希知已原而宥之楨頓首頓首

渡江匆遽不得走謁行館爲罪衢州之往想不宜太遲也昔李青蓮曰鑑湖五月涼又云竹色谿下綠荷花鏡裡香則知山陰道雲門寺或可一枉高人避暑也像贊卽當草奏决不煩苞茅之討王父母下車卽詢及賤子姓氏此爲徐崑山昆季所託耳然亦不敢卽爲趨拜者以老先生龍門在望梗忝有一日御車之幸必須長者表揚介紹而疲駑下乘亦可登騏驎上樞矣昔縣官負米立雪拜袁生僵臥之床陶公伸足度履屈刺史載酒之期使當時莫有後先必不能成古今佳話故特遣豚

兒渡江求一尊札致之王父母或可少冀其青盼則玉成之德真不淺細也札中求謬爲稱許云梗平日不能奔走趨承當事貴人卽冠蓋滿京華交遊遍天下而云梗倦遊已唯貴人能式廬圖面耳前書單內尙失開名臣奏議一書係一百本此最要者大約弟在敝鄉先爲搜訪諸書名單別肅

吳興陸氏造筆名手聞台駕至越彼欲以佳筆貢之法書藉弟一言爲介希選其可者若入京需用亦不妨向渠多買連日以諸公盛筵故不敢唐突竢清暇當走訂

看畫至田家一飯也梗頓首頓首

吳門

宋實穎

既庭任王府基

張適

字崔民任專諸巷詩畫彈琴為江浙第一

金侃

字亦陶住雙林

巷詩文

余懷

字澹心金陵人寓吳門老名士

姚文焱

字彥昭長洲縣廣文詩文極妙介長

畫妙絕

人

高簡

字澹游畫妙

楊无咎

字震百詩文妙絕住閬門內李子靜姻家

王暈

字石

谷畫為三

徐枋

字昭法明壬午孝廉高士詩文畫皆妙海內著名

馬長逸

住羊山元

吳第一

門坐功人品高妙

以上諸公凡相見俱云姜梗鐵夫致意

盧博士元昌

小詩三首奉正大作幸即擲教外有小事相瀆乞一札

致婁父母并煩尊紀懇懇得重懲爲妙修翁先生小弟
元昌頓首

昨特走候值駕山行想佳詠必多矣弟欲求一尊帖致
史公祈發小仵荷荷恃愛干瀆容踵頌不盡修翁老先
生小弟昌頓首

紀處士映鍾

讀樂圃集知作者爲一代之詩人也開卷多樂府古詩
峭然壁立吐語高潔已坐百尺樓上酒酣睨八極俗物
都茫茫矣至於命題有意憶古情長感物悲歌一倡三

歎古體之渾灝流轉今體之秀逸絕塵含情深厚讀罷而几篋間尙殷殷留金石聲安得不以此事相歸顏先生樂圃集題辭金陵紀映鍾頓首具

丁郎中澎

昔人稱孔北海爲先達而其文特高雄德祖次之詩皆不與也詩獨推子建正平甚矣詩之難言已從來論詩家侈口以古風方漢魏近體追盛唐然終屬描頭畫角愈趨愈下造建安慶厯之堂奧者寥寥若晨星焉余且老懶作詩間作亦未必佳嘗欲得海內雄材沉博偉麗

獨踞一代之上竟不少槩見讀樂圃集不得不於先生
歎服膺也樂圃集詩評弟丁澎藥園僭筆

張處士彥之

鴛湖王書城兄精於星學與苧庵宏軒梅巖俱舊交仰
重老先生令範特過奉謁公祖父母間一噓揚之彼叨
庇不淺矣修翁老先生大人年家眷晚弟張彥之拜

范進士鄙鼎

老年翁文章聲氣夙甲海內弟於蓬窻間作南豐北面
者旣十年於茲未之役喜依末光得慰饑渴未幾匆匆

言別夜明總欲滿把擲而不才者當面錯過可柰何頃
見老年翁讀書鳳閣稽古龍墀此一佛六押昔人所深
賀也宰相判官真不愧王佐家風矣每欲相羊左右以
道阻且長適因家兄出遊聖鄉敬此代候起居附小刻
求郢不戢

王給諫曰高

睽違教範再易寒暑雲樹之思時切寤寐老年臺以清
班之選暫膺權關重任聊展經濟鴻猷此乃踐台宅揆
之先資也欣企欣仰迂拙如弟自給假歸里久戀山林

未獲通候茲將入都候補特令小倅隨賀年兄南來托
代叩新社不腆附將聊申輶悃惟冀鑒涵小刻奉覽臨
穎神馳

史編脩鶴齡

分袂倏已半載秋光清勝想龍江煙月盡入詩囊殊不
苦於韻地作勞人也頃接手教深荷遠注停雲相望正
有同懷耳使旋匆匆藉復餘情莫旣唯鑒不宣

吳太傅正治

祥琴在御景福維新屈指還朝掃榻以俟乃接手言尙

稽良晤可勝悵惘然金風薦爽履坦非遙握手燕山仍
依依在旦晚間也望切望切不肖年復一年總無善狀
惟是湖南底定敝鄉已稱甯宇六十老人可以伸長林
豐草之計統俟知己到日悉此衷曲耳遽使言旋草此
率承復不盡願言臨風瞻企

屠尙書粹忠

別來迭更燧火雲樹之瞻時勤寤寐也老年臺鴻才偉
望爲當宁倚重邇聞靜攝舉朝引領未審何時命駕以
慰蒼生也家叔事顛末已悉左右不敢多贅但積弱之

後無能驥振大急小絕所由來耳承老年臺加意栽培
雖弗克如願而愚叔姪啣銘甯有旣哉亦惟有調和一
法作就地文章庶直捷了當而已不盡縷情容圖端佈
揮汗率復神與楮馳

李處士日景

弟於前月二十九日渡江直至本月初三日始得長發
曾留數行令小奴投上不識入清覽否弟自初十日抵
濠上一路爲風寒所中舊恙復作臥牀又三二日地不
過三百里別不滿半月回望耿光宛然天際當不知如

卷之十一

何之久且遠也弟由都下方回里門返掉江甯想又是
報命之候龍江月色渡口濤聲不識擎杯摘韻時亦念
及白首李郎悠悠行路否也豚子寄寓江干異鄉孤旅
所謂窮人無告是也爲祈老親翁曲加青拂深感長厚
病廢餘生一日不填溝壑決不敢負高誼於雲烟耳料
老親翁兄臺軫念梓里必不忍膜置也聞有觀風之舉
此江南諸士子之幸所託陳奮飛楊芝二生并童子陳
玉書者萬望推分優列榮感不啻弟身之矣承惠詹父
母一函到卽致之極承深款弟已將太翁任鳳陽縣事

言之渠忻然樂從卽新守劉親翁弟亦力託亦爲唯唯
老長兄幸速令人來學中遞呈以副至孝行迫率勒諸
維心照臨池不盡縷縷長至後五日弟景再頓首

弟廿二日確行矣昨匆匆走別未盡所談來春返京想
又是老親翁報命時也人生非麋鹿何能久相守洵夫
所請教之札不識便於相託否侍教數日確拙之性或
老親翁所稔知非敢借一字作山水遊人態倘蒙酌發
亦桑梓厚道也卷冊三件係王生求售者送覽尙有畫
屏二十幅容過小寓取看向拙稿便中查擲諸不及弟

景頓首

昨匆匆以小力四出簡駕爲悵惠函領到存之笥中相機投之若可不煩當事也仍當郵寄然老親翁舌上蓮花已鏤肝刻骨矣佳箋拜領快甚隴蜀之求爾爾一笑一笑中書君適值乏用更感分惠多矣昨所云寫字之王生曾於江甯管糧二處以他事夾責擬罪恐老親翁不知其來歷特密聞之如欲令寫楷字差貴役送之寫去相接恐不便也分俸極感至愛第尊署清寒祇有心領而已今日尙有一席他出若天雨則不能渡江又在

明早矣率謝不一弟景再頓首

趙太常崙

昨緣便鴻附上八行想已達吾年兄台電矣賤恙至今
尙未全復皆以人情之薄所遇之窮鬱鬱使然趙如松
甚可用遣价去年兄與周年兄望石商行知年兄骨肉
關情不待多贅去价口稟可耳

別我年兄不覺半載弟卽年兄勿須再囑也六月出都
炎暑馳驅一路感瘧症直抵三山未愈昏瞶中扶掖入
閨幸仗庇所拔皆孤寒知名士撤棘之日歡動城市捫

心自慰庶不負我兄知己之望耳卷隨後卽到弟尚有
小价去諸可心照不贅趙如松甚的當孔老親臺推吾
兄之愛不啻骨肉謹此并聞同署諸兄弟隨後卽有人
到年兄且勿道及可耳此番文頗堪觀年兄須亟力譽
揚之

鄭山人簠

皖邸餘閒屢得罄聆塵教生平至願何樂如之春歸過
尊寓握別冒雨尋山二日始抵浮渡山不甚高而巖洞
萃集徑不甚深而松篁陰翳有關有廓有橋有牖皆是

天然不假人力週遭不過十里而邱壑無盡茲山僻在
荒陬游人罕至宋歐陽公往訪山僧遠公者山自茲始
闢焉山徑有三道由華嚴寺入勝始得綱領寺僧號山
足者乃青原首座瀟洒有致脫堂頭習氣凡入山俾之
爲導極佳老先生掛瓢江上時由王家套不過半程可
到幸勿以紆道失之晚簠敢勸駕顧前出山由陸路至
廬州三月廿六始得歸里不意金斗程蕉六先生亟欲
晚簠相會遣价追至江甯簠因其誠懇不能固却今將
復往矣前領老先生諭帖已付記室矣今因盛使來皖

便鴻附候容面不旣臨穎曷任瞻馳

翁尙書叔元

春明拜別寒暑再更鹿鹿塵坳中遂成疏節然瞻戀之
私無時不依座右也叔元本無識知奉命來此畏懼
滋甚出闥後擬遣一介祇候興居逡巡未果乃辱老師
叔手書慰誨兼荷隆貺遠頒慚感何極貴鄉人文之盛
實甲天下前列諸篇自謂得未曾有榜發後會城諸當
事皆承謬許謂輿口翕然但不知都門議論若何大約
兢兢此心可告天地餘非所惜惟才短識薄或有遺珠

無所逃罪也老師叔一代鉅人衆望咸屬幸不惜齒芬
獎借曲賜包荒則感頌名德永啣不朽矣盛惠對使敬
璧率泐謝復統希垂照不一

老師叔大作近今以來都無此種手筆不朽盛事舍此
誰屬續示十三篇方焚香盥讀少寬四五日便當奉繳
承諭序言實不能繪畫日月或有思路可尋當勉綴數
語不敢必也先此復不次世侍生叔元頓首

高太常層雲

曩者素車東指相對霑衣惻愴離情較尋常分袂爲更

切也歲華荏苒兩更寒煥想老世叔先生松窓讀禮著
述尤多且知牙緋卽吉不日還朝肅迓前旌佇傾積悵
其欣慰爲何如耶世晚鹿鹿無成旅懷蕭寂前雖濫登
薦牘正恐素無根柢之容未敢妄邀非分近復議開史
館則朝夕從事不幾束細腰乎大抵隨行一爲與試以
了此一局已耳別諭自當爲知己者效想譽望夙欽有
無藉於鄙言者矣使旋藉復不盡依馳

潞河猶几席間耳馬首一去邈若山川神溯雲亭倍深
勞結昨偶至闕下爲俗緣所困片晷不得自由乘間欲

一觀清揚乃竟未能適願旋爲敝東促歸遂不復走晤
殊怏怏也二箋奉繳冗中捉管拙過巴人如何如何二
老先生所叱名荷荷晚層雲頓首

梁相國清標

久未得相晤爲悵舍親郝雪海前遇恩應得封典聞在
貴署其公子欲領取舍親雖經身後處分原非侵欺及
貧墨之比近又經特旨褒其廉潔准免追銀或仍當
領幸惟留意如有應商亦爲酌議確當何如餘晤悉
頃舍甥極荷雅誼謝謝向有舊聯二三皆蛟門諸兄書

者今煩大筆撥冗書之或另有新製亦可又內弟王子諒以太常典簿新納主政庭中亦求惠一聯隨意書賜妻弟感佩無極併望早命筆不一

昨屠兄來晤翩翩佳士不媿門牆可喜也解蘭石大破積習爲近年學使所僅見聞前不能考完時也勢也督疏請展期亦無可如何之計幸年兄主持使竟其局造福士風甚大且足爲各省學使之勸雖與定例不符但今日破例之舉亦不少矣似不必膠執成說也何如何如解子家兄之及門然亦公論非私情并望轉致意勞

年兄切切

家弟荷令兄年翁之知佩曷可喻茲又有鄉試敝同年
金壘者令江右之南豐丁憂已久任內經手未結羈留
至今始歸服闋起文赴補其遲延之由文中已詳恐貴
衙門或有苛求望門下主持其人貧窘病困沿途持鉢
始能北來不能飽胥役之欲明矣所恃仁人能原其苦
情也不盡

駱電庵尙滯江都聞經手無甚葛藤而新令不接交代
向不佞曾面言之未審何以留難至今昨有字來求門

下草數行致之旦夕卽有公車者南回望付一札來切
囑其早令電庵歸里亦仁人孝子錫類之義也餘不一

一

睽隔兩經寒暑停雲之誦曷能已已遠煩注念寄以德
音知苦廬平善慰懷可言又見書法益進酷似趙承旨
尤覘門下里居勤於學問也轉瞬卽吉佇俟握手至見
示家傳志銘讀之所慕如覩尊公年翁風烈矣扶溝上
蔡二令前已面致撫軍草草附復併謝不宣

歲月不停別遂三載令弟及使者兩寓手書適值不佞

有炊臼之悲福過災生煢煢孑影衰遲遭此殊難爲情
致未及與令弟年兄一敘情好至今忽忽未能釋也幸
聞卽吉非遙握手可待但迂疎如不佞或旦晚拂衣又
阻良晤未可知耳吳越之遊此時亦頗不易吳撫吳集
已草兩函寄上吳藩昨已有先之者越撫因舍姪在其
部下屢有相煩不便又瀆統惟心亮承示詩集甚慰渴
思近體尤望惠教哀冗中草草不盡願無辱雅貺併謝
十餘年來三經悼逝卽奉倩安仁無此慘酷也自傷命
薄聽之彼蒼若太上忘情未能幾及煩門下手唁篤致

佩之五中屈指鋒車脂轄有期何復以足疾少稽幸善
攝早瘳卽圖就道可耳扶溝不善作吏中州人皆知之
今未審誣控何事問來使答以不知王子厚云此事已
久然究竟茫然奈何容另思所以致之恐不能終保無
虞也臨筆馳切

僕迂疎無似謬躋崇班十餘年兢兢自謹恐負先帝
之知而才術短淺無善可稱積罪叢愆宜膺譴罰歸里
之日荷諸兄古處之誼榮施道左戀戀逐臣伏處田間
已將一載未嘗不服膺高雅也前聞選入中秘深爲忻

躍此席在今日稱仕宦捷徑所至正不可量惟門下勉
之耳此賀僕固陋不文拙集實爲災木近已置筆墨高
閣矣門下之才可並驅慙下白雪樓當不專有千古望
示新篇以破山中岑寂切切不盡

里門三歲時念故人道阻且長停雲曷已中秋後勉驅
入都一拜闕廷前度劉郎觀桃如舊而自顧年屆始衰
顛毛種種憂患之後智慮摧頽雖逐鷁行已不堪世用
矣京邸冰霜仍如羅雀幸及門數子每相過從獨門下
遠隔江關唯頻晤仲調白年兄一談運定如面對耳茲

辱翰教具悉雅注金陵有濮仲謙善製小竹器爲文房
佳玩其人已死其器尙有存者又見近人製小竹酒杯
亦雅望留意各爲購數種亦齋中譚讌之助也草復不
及縷縷

嚴侍郎沆

別來忽忽遂已月餘離索之日倍覺其長入夢之途彌
增其遠頃奉手教忻慰均之訊來役知道履佳勝乍晴
天氣興趣更多僕一署蕭然喜無塵事儘可讀書所恨
精已銷亡惛惛不記整日埋頭都無所得可爲知己告

耳來人述諭日內正在胸次逞來計非楮墨可達初十
後當一入都門共計之率復不盡欲言

自到潞河整日與藥裏爲緣偶一入都卽困憊而返未
圖良晤深切惓惓茲有啟者鄉試做同門之子遭家多
故流離不堪今幸貢入成均教習已滿得考一正印則
其一家尙有苟延殘喘之望僕生死關情不得不爲呼
助於知己伏望俯鑒微忱不同泛託并非不肖私心上
累清聽特爲垂憐而援引之感且不朽倘在同人案頭
亦祈特爲轉致賤體小瘥卽圖泥首伏枕草不盡欲言

北地早寒秋風加冽適館未謀禦冬何計言念旅次不勝怍怍祇疎濶爲惓切也新詩高渾肅穆真得黃初以前風旨近時作者拾人牙慧便付棗梨而宗盟風雅未布國門亦詞場憾事也故以薄俸爲倡望早授剗劂用慰同人至切至切弟沆頓首

勞副都之辨

分袂忽幾三閱月矣想念之私與日俱積老年兄近況必倍獲清勝弟迂拙性成別後絕無佳狀唯存一矢公矢慎之心無慚屋漏而闡中任勞任怨種種非筆所能

盡撤棘後地方諸公因王師移鎮奔命不遑視吾輩一
差真屬贅旒卽往例又格於廣文諸公靜候匝月稍有
成緒然幾減半矣弟刻下暫返里門抵都之期當在仲
冬先令小价輩於諸先生處稍展寸私百凡望年兄鼎
力一概包荒感何如之但小刻攜帶爲艱已會一肆中
恐一時未能入手并祈婉言先爲道意劉潛老處亦有
小札致之矣前所委尊函已面交蘭老但此君未知何
以作報章也端此佈懇臨楮瞻切

葭灰應律綵線添長正老年兄新祉方升時也憶初夏

奉擾佳園快領塵教轉盼又逾數月弟每思捉筆苦吟
爲杏壇別圃作一首唱但邱壑烟霞弟亦有此錮癖見
老年兄金昆玉友獨享此清福不覺夢寐神遊第恐風
塵鞅掌之餘率筆了此公案反令泉石笑人故逡巡藏
拙耳刻下三年之局弟已報竣雖當事者亦有雅意但
弟從來時命自安且捫心亦無善狀承知己注念亦惟
有中心藏之而已奉祀三詳俱已如命迅發想簪花釋
奠可不誤佳期也試牘全集係弟三年心血所存秋闈
獲雋者大率前列居多謹以一冊奉政又一冊乞致令

兄老先生均望有以教之承惠多儀謹登一種使旋附
謝不盡瞻戀

承乏三年備承教益匆匆南發離情別緒楮墨難宣至
弟守拙才疎當事之知己屬過分何敢萌一毫妄念耶
承諭祠生謹如命頂補諸生衣頂近奉部文通行嚴飭
新歲總未批發既承來教諄切當留至交代前商所以
報命也台愛重疊附謝不盡

董尙書訥

拜別時過承至誼肫篤感深五內雖身居天末無刻不

神馳左右也。弟冒暑長征，曉夜馳驅，所過崇山峻嶺，皆人烟稀少，行路維艱，詎意抵滇，人情大變，皆外柔內險，落落難合。藩王旣不照拂，地方毫無情意，蕭條萬狀，去國懷鄉，不敢爲年兄盡陳。恐增年兄之遠念也。弟仰年兄爲泰山北斗，望於格外周全。弟不敢忘大德，也不腆將意托孫太夫子致上，幸賜涵納爲禱。別諭已多方求之矣。滇南無可取者，先托人於湖廣覓之，料自得當，必不負委也。諸夫子及諸同人前，皆不敢空函致候，愧悚無地。年兄晤時，亦不必言小力之入都也。敬候近祉，不

盡神馳

別後忽忽居諸星霜兩易每憶向時共商風雅握手相
過何可得也邇來長安寓邸景況蕭屑竿牘久疎乃辱
瑤華先及知年兄近履安和讀禮席苦孝聲洋溢式於
井里傳諸京國何快如之青芻絮酒方以未得趨叩爲
歉復蒙齒謝益增媿汗矣天氣炎蒸尙惟節哀強飮以
膺景祉臨風裁候曷任翹依表傳領訖并謝

喬侍讀萊

同年同官又復同志四載長安樂數晨夕真極友朋之

盛事至於雲誼種種感入心脾雖襍被南歸而依戀左右實未去懷外日遽使遄歸有失修候不安之極至今猶耿耿也弟歸里數載蹇遭橫逆疾病連年又值先君大故不但形神皆瘁亦且逋負如山非故我矣奈之何哉以至一切疎濶雖至好如年兄亦未得一申積悃真無復人理者矣近知年兄亦讀禮東山理合匍匐奉唁乃以縮地無法不能如願罪歉何似祭章引意惟鑒宥之刻下聞舍姪自孟縣歸取道東平遂爾被盜亦不幸之極矣而當事者反以打詐爲辭希圖諱盜真亦無良

之極矣青天白日之下稍有人心者忍爲此乎幸賴年
兄力主公道加意照拂弟可恃以無憂而高厚之愛銘
之五中沒齒不忘也竭力奉謝但此事已至於此贓物
未可必得不如捨之但得脫然速歸則佩台愛更深矣
一切皆恃福庇非筆所能盡也臨池北望神與俱遄恭
候孝履禪年眷弟喬萊拜

骨肉兄弟離羣七年饑渴之思如何可言屈指今秋定
當聚首長安而東山絲竹何久戀耶遠接手教深感注
存弟以謏陋濫叨曠典所惜者升六不與題薦蛟門薦

而不試椒峯試而不得若子綸則可得可不得無甚關
係矣年兄山居多暇著作益富何不賜教一二曩日升
六言年兄欲索同人詩扇敬以五扇奉寄拙刻附覽近
以試事勉力學賦尚有賦稿數十篇目下授梓容另請
教銓曹日新月異深望年兄主持幸蚤至爲快令兄老
先生何日可到近有論俸之說似亦不宜遲遲也邵子
柳已從水路而來尙未到也使旋匆匆奉復不盡欲陳
臨池依依

何中書觀

不奉教言忽更四載濶別之衷與時俱積拜承手札如
映玉山兼惠鴻篇及篁上新作齋盥三復煩襟頓滌殊
倍於空青在握豁我病眸也訊使者知年兄卽吉以來
道履嘉勝日與竹林棣萼怡怡一堂自多樂事淹蹇如
弟杜門數載苦狀百端不意中復邁牙角近雖彼愴悔
禍甘爲輸服而結局尙不知何如亦亟思赴補但資斧
不充未有定期我年兄榮補在卽不審能勉力爲尾附
否耳近稿書便面請教非敢以燕石而酬隋珠亦用以
誌別緒也盛价事悉之其人口中佳箋如命復上但段

友久患癱症不能捉筆殊爲圯事如何如何四年伯大年兄不及專函統希叱致弟觀頓首

遠承年兄及諸年兄遣奠榮被歿存鏤刻之私百喙莫悉也仲夏過珂里假榻高齋日侍年伯杖履並領四年伯暨大年兄提誨誠勝十年面壁每道及年兄分香帝座不啻天上人若弟泥首風塵前途若漆正不知稅駕何所耳癸卯拙卷久以飽蠹承諭勉索一冊呈上畫稿皆爲覆瓿之用不知尙有存者否喪次不暇搜括容過此檢出馳獻也貴長班至以荒僻故殊深輶褻統希鑒

原舍弟囑筆致候興居並謝存注餘情縷縷尙容嗣布
不盡鳳凰池上定多佳什便中寄示一二爲望

孫少司馬光祀

朱嵩老鄉賢客到此朝野之所推重年兄之所熟悉者
乞鼎語轉懇劉潛老年翁賜之仁拂想自樂成其美不
佞仍當親趨鳴謝也草此奉瀆諸容晤頌不一光祀頓
首

山公缺速皆出年兄妙用大爲快報但無人乎選司之
側恐無留心催促者今早啟奏又未見漢官想年兄必

當尋常事託之乞再代致鄙意一囑求其早早移詢則
佳甚矣餘晤悉不一光祀頓首

敬問錦囊想大佳矣今有商者此時正甫澹菴俸在第
一第二可得之於最早報滿者昨淡菴來說乞年兄卽
作一字與楊公祖只云早早報滿最便宜在十一月初
旬投冊稍遲無妨據貴衙門定例而言自可信從不必
言及正與澹之說可也倘得今晚賜下與澹一看再交
提塘爲便此澹所懇求而深感者也候候

自違教益忽已年餘不佞此中忘年之友茲重諫臣而

外間無其人每有緩急欲商憤懣欲語環顧四旁無由
可道胸臆間事睠懷年兄不能不增離索之感也不佞
客春以宦量已盈時局中無着足處冀欲息踪田里引
例言歸而獲上未能徒滋罪過今惟隨俗偃仰耐此容
容然而桂珠之呼時復相累公私之際况味不佳計年
兄明年春夏之交便當脂車入春明庶藉以浣慰積渴
言念爲勞蓋跂予望之矣大雛倖售皆叨大庇遠承佳
貺感何可言敬此言謝兼候孝履捧翫手翰書法更覺
精進秀逸之中結構森嚴點畫有姿正側有勢造微入

妙可以名家矣珍服珍服草此布衷不盡欲吐其已復
令兄者茲不復道以當言者不必再及也諸惟心照真
切真切光祀頓首

去歲承特使遠涉重以腆貺金石至誼感佩弗諼念年
兄卽吉在近日望車騎早入京華計夏間可炙光霽忽
接手教藹若晤言詢令兄年兄得知近履爲之浣慰若
南遊亦事之可行者但入都亦似不可太緩近日人情
涼薄時勢又復不易恐往返三五月內未必能盡遊興
惟年兄酌之吾鄉苦逢禋歲今遣大臣賑濟恐又多一

番支應未必有救于饑荒聞雪後糧價頓減或民心可
以少安即命草三扎奈兩轄俱無交誼一函寄之俊升
亦不足爲年兄重也多次奉復兼候闔府納福并祈轉
致大年兄及令叔年兄道馳切之意盱惟心鑒臨啟惓
惓光祀頓首

日來切望年兄至京冀得良晤慰同心互相依倚之私
今聞脂車未果悵歉殆不可言想業已轉假自當有數
月之留明春北上似無容再計也今省中上編檢較俸
疏此翁寶林倡率博學所爲令兄世兄不知前俸多少

如早到尙可在博學之前若來緩則坐讓三四十人如
之何其可也今年吾鄉陞運海眉龍河同時被斥不但
齊魯無色抑且正人短氣不佞區區老憊其僅存者幸
耳歸去無策此中又落落孤立資斧之計亦日漸衰減
正維知已指示商確以破岑寂卽煩轉致令兄當命駕
過來也駿聲已請告此時卧雲在彼不佞卽當於家函
中囑其訂交想到時必肯照拂度不減於駿升也扶溝
尙不知其事容寄懇子濂可耳拙書附笑草草布復并
候福履統惟心照馳切馳切

別後忽近一月輒有離索之思世兄入佳勝之地想更
添許多興會耶貴門人遂作榜眼舉朝羨其丰姿真爲
可喜若非有人稍梗其間已爲狀頭矣順羽奉聞并候
新祉法黃老先生吾省大賢可以言交其餘同鄉之爲
監司者未可輕語肝膽也有一帖欲寄楊鄂州彼到任
聞在四月初十煩世兄早覓便羽寄之再作一札更妙
廖含章忠厚有餘雖此無辜殊爲可憐偶念及之故以
爲此爲意外之道地不必令含章知也馳切馳切光祀
頓首

世兄榮發後計日抵珂里循定省稱家庭之慶計日抵金陵攬雨花秦淮之勝甚爲此行稱羨然風晨月夕同人離索之感亦不能不繫於中也晤行清徐公祖想歡然慰故舊之思法黃石先生已謝事料情况寂寥不知交代有甚葛藤否甚爲念之世兄早晚相見時爲不佞道意貴門人爲學山年兄讀卷同心共讚遂得大物誠爲可喜張兄亦三立卷頭雖諸君所核故稍後之然而亦不低也此中事亦平平艾長老及敝師同入少宰澹餘爲陪亦增吾鄉氣色然忌之者多矣貴房卷已見惠

四部謝謝銅事宜商確至妥一則滿公情愿一則衙役
不爭然後可行如欲行之先期寄信以便預籌可託之
人也購訪厨役夫婦更急於了惟留神爲感晤敝館師
馬夫子其意何如不佞字中微有所言而語不甚明不
知解否昨季滄韋召對又肆雌黃亦不知其聞之否也
附懇江寧有一守備鄭建功係一表姪昨見報被參恐
無一相識之人乞稍稍照拂倘得稍輕感勒無量馳切
馳切光頓具

昨貴班役之南付數行候興居距此數日不曾記號今

尊扎有號甚便也所云先一字尙未之見榮任之後當與滿洲意氣相合而又當使之有一種敬服之意而御衙役則更當使視之與滿不同於正大中寓精詳不能欺蔽則關務易辦政譽益翔矣何如何如銅斤事使舍親畧買大約亦得八分此係偶收不知將來買成否故不敢多買也藩臺回信不多却無清數不會復問族有確示始敢實布置耳寶源尙未停仍有此意但終無確說耳徐公祖留意可感意者其在冬間乎彼州而此叙亦望世兄之留意也兩口厨亦求留意貴宗家報卽日

送去矣如晤督不爲密語則已若欲問在上前蕤菲之人則滄葦者是彼昨又言一次所揚者淮帥蘇馬而抑者吾師不可不防也如不密問則不必言滿性多疑恐反爲無益矣一切事宜統候手教遵行馳切馳切光祀頓首

前貴班役及差上回音想久入清覽得貴宗處送到手教藹如面語慰慰所謂稅尙未多此中詢之知者云四月至十月乃盛時也龍江造漕之說昨問高弗若少司空尙不知其事亦未別查近有兩次字問施東老迄未

回示銅斤清數昨其令郎見拜云卽有亦不多也金陵
江山秀麗可助詩情佳咏必多可擇其最關風物者相
示乎西清諸君近況平安已致世兄相念之意惟內升
不果行而鄴老又新與柏公爲大敵勝負殊不可必將
來諸君日在其耳目之前是以難處之局屺瞻兄在鼎
甲中聲譽甚佳又甚篤淵源之義皆推台分誠函丈下
高座也想間中尙有臨池工夫楷法已精者不宜間斷
似漸宜肆力行草訪問佳帖不妨多購也草草奉復再
候近祉馳切不一光祀頓首

月餘無往來之信懷思甚爲馳結得一手書欣如對語
偶恙而愈定復大健計此時來商鱗集公務之暇領畧
鍾山淮水之勝賦詩紀事誠足樂也徐公祖至誠君子
知其必爲留神所煩婢厨二者均不可少厨有婦始爲
可久良是不妨緩之總是世兄還京時帶至爲便耳允
老爲人無情大不可交蘆蕉謫甚亦不可與深言且不
宜以脫畧取忌也鄭弁之弟旣知吾輩之厚恐急難中
有稟相通宜諭令勿然形迹不可不慎相機暗中一爲
之足矣買銅無多本僅發二百金筭來竟在八分二三

釐間不知購者虛實若何且其中康熙錢甚多除此餘
錢無幾可奈之何若鎔之則其工其地又費商確東藩
存銅不及萬觔其餘皆辦買之數恐將來衙役怨不經
手於交局時通同駁勒俱應預爲籌度者水脚尙未知
所需若干此已買之銅乃京內外價尙未試吾鄉貴賤
大約不佞自揣力量可任三四萬觔多則不能其買銅
批文最要所託者非一路須各付一張始不虞盤詰耳
近貴宗藩伯先施投交其人經濟才也草復兼候近祉
馳切馳切光頓首

孫少司馬光祀

買銅之信前已寄去記係前月想此時將到也寓京數
年始得循補非補後則不能謀退局故爾痴等若此不
知者以爲難退易進之小人矣言之可發一笑承遠貺
感謝感謝銅限定報滿後兩月全完立法甚嚴今鄭澹
菴被參正在此講說甚苦京內外全無採買處昨汪荅
文已完連腳價遂費至每觔一錢亦係自買覺其太多
倍前所收銅約每觔八分二三釐聞藩司原價亦有八
分尙未問其清數也將來意欲承買四萬爲世兄分勞

多則不能定於運至德州或問子綸間屋或煩金父母
借地俱無難事今連藩司者已將近二萬期於明年二
三月買完在德州等候連腳價似每觔得八分半光景
多亦不至相懸如有餘剩算清存繳如世兄有爲生代
買之物照數扣留可也期比他人稍省始慊余懷耳其
餘十月上旬到此始便恐往家轉發費事欲與泰公祖
對支若彼計費一到則不能對矣買銅執照最要留意
留意季報冊投部科其官禮若干司役之費若干宜密
示一數以便詢問看其得實際否今卽向若老及震生

一言容知數後仍當一對甚便於後來也何如易澹兩處當轉致相注之意書辦用土著不過紙上具文大略防人相挾離關二三十里亦可用當取地方官印結爲妥耳鄭弁委係表姪若見署臬乞轉致云不佞原料旣係鄉里遇赦之事儘可從寬又經世兄鼎呂相囑知爲舍親定當稍存情分不意嚴駁若此不日當求海眉親家字相懇早做一情不意盛德陰隲之事乎十月內當到一江寧知縣吳汝亮係做同年最相厚者其人才品綽可勝繁邑之任但今之爲令甚難惟世兄凡百提撕

之至望至望廖含章忠厚好人代人受過可憐想
可遇赦保全但未必有昭雪之力耳石竹齋最上等印
色求寄三四兩分外多盛印油兩餘欲備用以有最好
印色將乾也許悉布衷不覺過俚惟心照不一馳切馳
切光祀頓首

套言不敘今買銅連濟上者已得三萬四千餘觔其餘
四下採買據言頗難然愚意欲足四萬之數不敢食言
也但廢錢內多有康熙字者吾輩雖申飭之亦不能查
恐不能不費調停耳對銀須紋泰老將來有人在此驗

收卽換廢錢亦論成色也在京收銀在濟南發銅銅秤
自不得輕恐早運至德州無人看管須得買完與貴役
尅日在交兌始爲妥便意此當爲明年正二月間事也
女子可得其人否或一或二亦不必多惟厨子夫婦要
緊昨徐公祖代買小厮二名甚感但其一甚小不能學
歌如世兄覓有年十二三以上十六七以下貌美而喉
清者爲購一人其用價若干自並厨婢銀同扣繳上然
此一宗猶可緩必佳者乃妙耳草此寄復不盡馳切光

祀頓首

若晤法黃老致意寄到兩札俱見矣前說已致澹脩其
所云續送使用一項與部授受生從不諳萬乞別爲專
托生効奔走可耳前齎差回付有報章想已入覽今盛
使到兌銀三千四百業已收明法馬較此中行使平等
每定輕五錢其銀足紋者十之七八餘亦九七八色在
兌客中此爲上乘度俱可用所差無多也但東瞻之萬
餘爲臨清關逼去未免又費零星湊買與來使相約期
與明年四月中運抵德州不敢少怠錢銅萬不能檢點
一律待先與工部商之或如何收錢或何樣廢銅或須

鎔鑄如其所言庶臨時不致刁蹬耳自隨時有信報聞
法馬已增印記樣銀未曾索看刑命石會票約蠟中交
兌法馬成色交後另報銅批存之分發族親繳可也劉
周奠儀俱送訖所謂投工常例詢來役與內數相合據
云甚妥亦不便再查讀新詩如相晤語慰慰印色甚佳
謝謝吳海嶠年兄旣已上任其初政可教者幸開誠示
之生近況如常更覺酬應忙迫全無臨書之暇此其所
不樂也役旋草此奉復并候嘉祉馳切馳切光頓首
獻歲後有一信由徐行老公祖函中寄去不知已達記

室否不佞二月內大爲駁雜背生一毒數日間幾至委頓今幸仗庇漸愈目下作膿生肌可望無事然近况亦良苦矣買銅甚難然不敢不勉託泰老公祖者業已催之彼有端差不敢久悞其餘托親戚有就近地採買此時尙亦無多俱約至四月彙送德州果能如期則妙若德州則不能購將來不能在四萬之上也銅價俱照八分半發訖九分之說且不必言若將來運德腳價不足自酌量算之可耳購人承世兄如此留心感感新差不知爲誰以病中不令傳知恐一聞外事不便於賤恙醫

者之言若此見手教侍海翁諸兄來看時卽託轉問而
囑之入都亦不必太遲若慮稍稍過限路中取下一印
結亦妥鄒父母乃多事之人與生頗厚見時當言之伏
枕奉復不覺溢幅諸惟心鑒馳切光祀頓首

久無便羽疎於寄候遙知近祉清勝念之馳結公餘詩
興若何猶有臨池之暇耶茲小女之僕上京特詢福履
因前月接邵長班一稟云王壻保舉疏於初旬到部有
湖撫王題爲興山知縣清廉愛民等語彼時欲遣人達
知年兄想爲日已久部覆已定故爾聽之乃彼任中至

今無一信至不知是真還是假殊爲增悶懇祈留神一查如已經覆准則妙倘有別說或係虛傳亦求詳示以慰懸懸至懇至懇并祈致意令兄道相候之誠草勒不備惟心照爲禱真切真切光祀頓首

仵回接手翰具悉近祉爲慰王壻保舉事十月間楚撫始批允待督至會題費如許工夫今又停例尙未見貴部覆疏云何若保過與未保者無異則前案可以寢矣泰瞻公祖陞去吾東大失所恃近日省中光景漸不如昔往年地方要事此公猶肯直言吾輩公言猶肯相信

而今而後地方官與士夫交情廢矣安得有正人之論
入當事之耳耶履端將屆年兄榮納新祥棗餅野味不
足以佐辛盤見意而已致意令兄恕不揣函統惟心照
馳切馳切光祀頓首

王壻叨知年兄近祉爲慰愚自二月病日至今百日未
愈不但眸子眊焉抑且睨而視之旣無望於離婁之明
豈復能知西子之美惟眼前茫茫無際足下俚俚何之
耳可笑可憎年兄必聞而深愈之也茲敬懇者敝同年
孟鏐壬午舉人見任濟寧學正厯俸已七八年計此後

陞期不遠乞年兄爲之及早留意斟酌於遲速上下之間或內而國學翰詹或外而邑令可免於遭醜者兩路皆可寬其途以便轉移最怕者恐淪落教授一寮耳彼有毛詩業已驗貯惟年兄之所用可應時而奉也今老同年之在仕途者鄴老之外止此一人甚爲關切不得不求年兄之仁拂也至禱至禱因目塗鴉字多難辨然而不敢倩書諸惟心照馳溯不一光祀頓首
數日前有小牋上候新社想達典籤此時小伴尙未歸也茲敬瀆者藩吏趙運隆齎計冊至京其人乃舍親也

特令專叩台端彼雖明白謹慎然初膺此任恐有未諳
萬祈年兄百凡慈拂賜之指示或命紀綱導引之俾得
善爲竣事免於過失借光多矣至懇至懇伏惟心照臨
啟依切期光祀頓首

久未作書寄候興居馳慕不可言八月見令弟高發喜
極距躍家門積德之報如是不爽夫人奈何而不汲汲
爲善也自世兄復綜銓管遂覺吾鄉人情平風靜浪萬
頃波瀾俱成安流爲政豈不在人哉不佞今年心緒最
惡益覺衰老雖勉強消遣與自然者終不相同糊塗過

日而已敬候令兄納福恕不另啓祈致意野味二種聊
佐辛盤希笑存之承畧不備諸惟心照翹切翹切光祀
頓首

昨晚備語劉役今早卽往叩見年兄候至入署而同所
言前後事已洞記之云歸卽悉陳求所以報命也如仍
欲面諭乞使一人呼之明日想當令投冊耶附此先聞
光祀頓首

午餘敬候榮陞幸勿他往且帶陞資一千爲望啓脩來
世兄弟光祀頓首

十三日小酌餞子相乞年兄早臨園談敬此預啓脩來
世兄閣下光祀頓首

連日未得晤教慕甚寶應令舍姪孫蕙以卓異應領袍
帽不知若何領法乞示知以便遵領容謝不一光祀頓
首

忙中有汚佳扇繳上一笑近作附請斤政外具扇一柄
煩賢姪大筆又聞送梁大宗伯詩悲壯爲諸公中第一
乞用別紙錄示一覽爲感光祀頓首

濟上寄到一字想爲季霖之札敬奉上再乞發一回單

答泰瞻施公祖餘晤悉不一光祀頓首

恭喜想已啓事耶昨始見易老適甚乏其告匱不如爲
少宰時遂未便言及也餘亦尚未得當奈何暫聞光祀
頓首

連日未晤爲歉馮老先生欲賢姪書扇送之昨日又問
當早覓一佳扇寫送也光祀頓首

少宗伯曹澹老年兄一扇求楷法爲寶乞乘興爲一書
之借光多矣餘晤頌不一光祀頓首

敝門人爲其母求節壽詩粹不能得句敢借鴻章以文

固陋希撥冗一作被光多矣容晤謝不一光祀頓首
陸義山尊人壽詩媿儉腹不能成咏乞賜鴻章以光盛
舉感不可喻矣如作律詩二首更妙容謝不一

大雨後尙未一晤想貴寓亦不愧屋漏耶曾記去年有
獻醜拙文一冊內有墨義窻稿今妄意人選乞尋賜一
查光祀頓

世兄得士之喜尙未趨賀貴房止見首卷其餘有錄出
者乞示一覽又敝門人及親知落卷卽乞查賜以速爲
感容謝不一光祀頓

數日未得晤教爲歉先奉托查平陰縣援納貢監程焯
不記已送監否乞示再懇者如世兄有擬吾省題乞示
一觀甚感光祀頓

小札并近作一帙乞轉致余公祖求正不敢往拜并祈
諒之當於闈後投之爲妥也光祀頓

昨晚遜老年兄卽送此字乃甚相愛之意思也所云宜
稍遲亦是再此奉覽昨卷乞早動筆用印賜下以便完
此一事復之以慰其心光具

前走謝未獲晤教爲歉今柯岍初都掌科委作太夫人

壽詩捉筆不能成句萬乞年翁不吝鴻章代作一首感
之不盡至禱至禱光祀頓

陸觀察祚蕃

龍門千里信使殊疎唯西望紫雲時深懷結茲荷老年
臺不我遐棄翰貺遠加渥甚殷情彌慚疎節矣本擬馳
候興居緣知榮發在邇尙期耑介長安布展賀悃寵錫
敬拜一種心佩明德無窮矣別諭謹心識之憑穎感切
周儀部襄緒

山茨接袂信宿荒齋嗣竚王猷雪棹再敘離索而征帆

迅渡錢塘不識台旌何時北指也日緣冗襍未獲走別
江干崙倅馳送懷念依依貴通家處叨及齒芬定當雲
誼關切謝謝宅報已囑小僣攜送矣弟望後將有閩行
前諭楊札未審可及帶去否如有緘發不敢浮沉也朔
風珍重憑楮不聲

陸少伯菜

適間奉叩不值爲悵敝咨郭扶老以保債事復結訟於
司寇之庭一二日內未能入署乞年兄爲之包荒感荷
推愛匪淺扶老自當面頌大德也特此佈懇不一脩老

年兄大人小弟菜頓首

弟寢疾數日今早始能啜粥尊恙想已霍然前札至失
答又不獲奉候爲罪家兄館事仍望年兄玉成不敢以
煩他友也可否幸裁示之脩老年兄大人小弟菜頓首
偶過沈康老寓齋得讀瑤章知爲謫仙後身敬服詞壇
領袖矣未識肯慨賜一冊否春風蕭寺名卉奇松近咏
必盈箱并求惠教舊刻數葉自慚鄙俚引玉爲勞不敢
藏拙錦旋何日尙容趨送小弟菜載拜

偶有舍親到寓不能趨叩若佳章可以賜讀甚快甚快

否則明早當造尊齋也脩老年兄大人小弟菜頓首
今歲同年壽分皆已不出蓋因舊年一週彼此往來已
遍弟亦不敢獨異耳王夫子孟分仍祈補足何如候候
譚太守吉璫

來諭領悉明出署卽到彼奉候也特此復原札附上弟
吉璫頓首

春秋題從來二單二傳至傳題皆兩比從未有一句者
蓋石門與胥命瓦屋合若與別合雖旨中不載也順天
新榜舊例必已查確乞明示切感切感特此甯母節無

傳主尊王通貢向爲左傳題今不用矣并及弟惣頓首
李明府楷

聖賢刪詩其作詩蓋甚寡尼父龜山操諸篇復聖未聞
也子讀孝廉詩感神明之胄時中之學焉古無律詩而
後世有之宋儒有言孔子未免應舉然則家訓可作詩
亦可爲孝廉工於詩而尤絕口不談詩視矜夸學杜之
輩汗背沾濡此先聖之不伐善不施勞人之所不能及
者也七律在唐人之間恐唐人亦有所不及矣右詩序
河濱李楷草書

尊照并大集草草題就深愧不文小冊反叨高詠真拋
磚引玉矣謝謝梁溪錢礎日兄諱肅潤卽秦對巖太史
受業師也有古文澌之選將次成書其館在敝府楓橋
得便一訪之何如率復不莊

先生見贈之詩奉爲至寶呈序時未見此柄所以未謝
今大作已梓拙言無所用之正欲暢言尊渙區區急就
淺淺短章何足存覽場前以小兒考試當至青門別爲
弁跋表章作者小巫神盡不敢不勉耳方伯公祖愛我
然不敢恃愛而作不通之前以董畫供清賞此畫原

主乃一不通世務之人且將官也以爲畫係家僮盜出
康國泰原以寄賣與價買到二年餘矣告赴長安斷給
原主畫在署中懇求擲下異日負荆請罪不一

昨面請大作幸可備示今者爲五言古詩以將嚮往倘
肯和我爲感尊作容以小序上也修來世師表楷頓首
李進士嗣真

報國分袂屈指四月年一念及恍有塵世之隔則以弟
與年兄情義之感真如水乳雖一日三秋而况四更冀
莢也耶歸來窮愁落莫無一善狀雞啼蛙吟皆引愁緒

獨是飲食夢寐間常有一欣然而長輶然而笑之人如
爲晤對如爲嘔歌者動靜言語心能貌之卽弟亦不自
知其所以然矣閒中欲爲歌行一首以紀吾兄弟遇會
之始忘形之雅以及思念之切拈髭撚韻而愁懷亂之
迄今未成如漾空遊絲引緒不及數尺而微風斷之終
無尋常之觀如此景况良可慨矣及靜中微思求其所
以之故不過一窮遂能造詣至此古人云詩必窮而後
工何弟遂窮而至於無也吾兄近况不知何若想米珠
薪桂之場亦未必不至攢眉矣老嫂到否卜居何所近

日有何善狀便中望示知之陝中貴同宗曾求幕中人
歸與家君言之意欲一往求吾兄一贊其間不知可否
如稍可爲之望老兄極力慫湧爲妙也如貴同宗有慨
允之意其中周旋亦望吾兄先爲之地蓋泄柳申詳所
以安身之道應如是耳想年兄亦必代弟爲謀也相望
之意累紙不盡旅次匆匆不勝神往矣敬上修翁顏老
年兄閣下弟李嗣真頓首拜

呂繇侯考

兩次汚素糸方棟仄未已復承重委敢不赧面報命但

恐有損諸葛公盛名耳明蚤書就來取可也佳什已得
杜髓游夏烏能贊一辭哉示我指南矣佩服佩服晚繇
頓復

連爲病縛不得過晤爲恨三舍弟已於初十南旋矣過
蒙寵賜感甚感甚茲有友人張兄工部咨文已於十四
到貴部祈推分蚤咨送監天寒貧生思歸心切也囑切
囑切容面謝不旣前孔生已邀炤拂並謝繇晚頓首
出場後賤恙更劇遂不得趨謝也尙有要言奉商俟遲
一二日再面悉茲以敝友人之子入雍聞今日戶部咨

文到貴部求推分卽命書役移咨蚤一日則見台愛矣
容面謝不旣繇頓

屢造謁屢相左耿耿歉繇今以乏資難歸暫完館事
館在城內王府二條衎衎筆帖式王名信家繇之屢屢
奉叩相商者無他求爲謀一讀書地新正後諸學使俱
換能于新公處一薦得借看卷理我舊業則感德宐有
旣耶秘之秘之此懇晚繇頓

向爲呂年兄奉懇當事一函因呂年兄行迫未得就緒
昨又有字來索祈年翁便中卽爲草出一可完繇口面

蘇氏家藏尺牘卷一
二亦可少爲年翁生發幸慨賜爲荷繇十三蚤必行矣
再圖晤謝不盡倘恐有誤繇當立字爲質也其名空之
再填可耳脩翁老年翁繇頓

在都屢承厚愛感感出都時曾兩辭台階并求當事一
函想尊冗未得慨發後匆匆策蹇弗獲面別至今耿耿
法帖釋文向未錄完笥中又檢得一冊附寄去其餘當
另呈也行人甚迫不多及令兄先生幸叱名繇頓

譚太守吉璫

今日當往拜並看令叔先生聞今日大駕進城故復中

止明日上行李想亦不能來園十七日無事同令叔先生來聚談半日亦快事也天涯知己會晤良艱知有同心故不敢以套帖奉請定當笑而諒之耳何如何如此

上

季翁先生
脩翁親臺

均覽小弟瑄頓首

旬日不辱過臨想望不已命老傳愛諭想已達之徐公祖乎今姑看其自處若何再當以字往聞耳向所云詞林胡璞老欲求允老相爲之意爲其有北山翁淵源之自也親臺常相見仍求一言先達之弟畏熱不能往晤卽拜之亦未必卽會也何如何如今因清源栢老親翁

慕高雅而請教敢以字聞天涯戚里一見如故轉覺弟
言之爲多也一笑暑瀉草草幸亮弟瑄頓

弟自初三日擾回卽重傷風鼻塞痰嗽至今尙未豁然
是以聞令叔先生違和未得躬候爲罪也因思令叔旣
來當爲設處歸資仍以前日勞帖所送之程舍親一事
再煩一札致之願照許虞老之數爲令叔車馬之費此
亦不勞而得之也弟亦可自往一囑特爲尋事不出巧
爲親臺一力耳如可行乞呼舍親入內細商行之若公
冗未暇可命趙掌家持尊帖來舍當面議妥確而後人

告斷不浪漫從事也何如何如令叔若愈祈過舍一歡
幸致聲附香圓八枚用見同香之意弟瑄頓首

黃孝廉垧

接手教知老年伯捐館舍可勝震悼疋羸之餘不能趨
弔亦未遣一介少伸雞絮之誼殊覺愧懼交集也伏讀
行述撫膺歎服老年伯生平慷慨忠孝真足千古且子
姓繁多簪笏濟濟天之報善人可爲厚矣孔老年翁以
聖裔高賢爲東方師表墨人士仰賴實多世兄亦復英
年磊落是皆欲數共晨夕者惜病臥蓬蒿不敢辱先生

長者之駕然令德高風子弟輩且口道之矣容小愈卽
當負笈請教也壬子秋蒙年兄遠惠詩箋未獲答和今
復垂清問五年之內兩承慰藉而狼狽如初感念疇昔
惟有伏枕浩歎而已弟病中無所事事里曲巷謠聊以
自遣乃令大巫見之已使我頽然喪氣而猥云必傳得
非愧我乎年兄讀禮家居暫終喪制公孤重望朝廷方
虛左以待千秋之業是在今日弟且拭目俟之矣蕪詞
一闕書箋呈教惟斧削之便中賜和爲感臨楮曷勝馳

結

黃御史敬璣

小兒歲內過擾郇厨深爲感勒當茲春光明媚知新履
佳勝愧病軀家食不能共領畧長安花柳耳倘秋間得
愈卽當躬侍言笑也茲因蜚公丁年翁之便率勒奉候
蜚公與弟相知最深今違限數日恐有未便乞親臺多
方維持卽弟身受榮賜矣又聞前歲誥封已有頒行者
仍祈留神爲感草草空函幸惟台鑒臨穎北望不盡欲
言

玉律乍回椒觴初獻親臺茂祉誕膺百福駢集不察可

知也弟以十年客寄之身今得度歲里門聊可自慰但遙瞻燕門紫氣未免時切顙注耳茲因唐帝老北上附此奉候帝老有事都門倘可爲之周旋者祈親臺多方指南至於長安一切事有可相聞乞頻爲示知俾草野閒人得與聞京師近事感佩無量矣蓋總河李提塘處有弟報本可以頻爲郵致也總河清正和平一切體統俱循漢人舊例東土自此有福星矣附聞不悉

兒輩入都叨蒙雅愛奈不才有負栽培何弟擬今歲北行而又以小恙滯留明春當面領大教也茲因羽便率

候近禧兒輩落卷借仗鼎力查寄其中或有小費亦祈
親臺代用卽奉償也連后場查出更妙如止前場亦可
草此奉懇統惟丙照不悉

東野廩生雲鵬

寒門幸叨 帝眷恩至渥矣而諸務周全者實出自老
親家培植以湊成一代盛典也前拜讀瑤翰深感垂念
銘刻高深曷云所報耳小兒赴都多日矣凡部疏議定
之事想已妥就但祭田一事本省藩司甚屬掣肘其所
撥之地盡係水滙山岡千年不茅者若不乘今煩爲改

彥此家廟所屬卷一
機恐致後流爲虛具至于修廟估計之物價與附廟戶
役之數額俱尙未有定論總之弟族蕭瑟諸道所司一
無以應故致施發遲遲耳惟望老親家終始周全鉅細
照拂則老親家之弘仁大義當與 盛世之殊恩并垂
於千萬禩而子孫實世世受其賜矣肅此布懇不盡欲
言臨池曷勝瞻溯之至

魏明府煜如

久未覲芝眉五內慙切鳬趨莫由徒深葵傾耳恭聞親
翁德望日隆賢聲茂著金甌之卜應卽在指日間也茲

因犬子入監躬叩崇墀其一切事宜伏乞多方指示曲
賜玉成骨肉至愛當永矢弗諼矣附具八行恭候鴻禧
不盡濶悰統希睿炤臨穎無任馳依

顧處士炎武

仙舟一晤良豁積懷王程靡及不獲攀留信宿以罄願
言猶爲耿耿耳所寄書板乞付去俾家訓如命勘正容
於秋仲入都面奉率此附候不悉

弟向日錄有古今集論五十卷頃充李劉年翁延弟至
署刪取其切於經學治術之要者付諸梓人名曰近儒

名論甲集因此淹留尚有旬月如貴地友人家有鄴架
之藏欲一就觀且得以晤言講習尤幸事也日下欲借
唐荆川稗編第一套抄錄幾首未知可轉覓否大小阮
才名已達之當事如便中至郡可投一刺極相企慕也
新詩并乞惠示以便奉揚休譽燭下草此附啓不盡吉
人超宗兩社翁併希叱致

去秋得接光塵恨首路匆匆未獲信宿之留以聆微言
而商大業至於四方同人遙相問訊無不仰贊鴻才以
爲今代復有知十之姿庶幾之品也仲春偶過充署未

得親詣闕里再侍雅譚專俾賁所刻韻譜呈正大方至
前日所留詩本音稿係未改定之書其中有舛誤者姑
寫二條附上閱過粘卷內付還他日當攜全書奉觀更
求指誨耳率爾未盡

弟以今六月至雁門時李君天生自關中來言修來社
翁在方伯署中不多會客初秋入都而敝鄉沈繹老亦
自關中來交相推許計太華終南之勝二嶠函谷之阻
周秦漢唐之蹟並已收而載之行笈矣山史兄及楊王
兩敝門人並得一見否石珍杜翁想閉戶著書臥游五

嶽胸中當別具一邱壑而鴻文大製日新富有則兩君
固並驅中原矣弟頃至岱下俟主人之歸卽過兗郡先
此奉候并問秦中諸子消息所留詩本音乞附下已大
加刪改將以新本就正也諸容面悉不旣百一

老年臺旣晉秩寅清而令兄復駿蜚東國凡在知己莫
不欣怵弟以訟事未了尙缺叩賀茲有德州方山謝年
兄入都附此申候方山爲內院清義公之冢嗣翩翩文
雅更能熟於古今少年中鮮其儔匹屬以蔭職赴部一
切仰祈照拂緣弟夏秋主於其家昕夕對譚心所歸依

惟在門下至於居官涉世之道亦望時時提命貴鄉才
俊可爲後勁不俟弟言之畢也冬杪圖晤不悉中懷
在都時極荷惓惓之愛今姜元衡攀及弟名具題請
旨弟已赴濟南投到矣先有一札致譚年翁業詳此事
始末念知己聞之必倍懇切謹此布啓前沈天甫所指
造陳濟生逆書有序有目有詩有傳原狀稱共三百一
十六葉今元衡所首之書無序無目無詩止傳一百餘
葉知部中原書已燬刪去天甫狀中已經摘出者稱另
是一書據元衡南北通逆情由一揭欲借此書另起一

大獄而羅書內有名之三百餘人於其中以翻主僕名分之案不知就此百餘葉中篇篇有濟生名則卽此一書之明證也奉 旨爲沈天甫指造之書卽已故之陳濟生尙屬誣罔而況餘人乎弟敢不惜微軀出而剖白此事尤望大君子主持公論此札仍乞傳與譚年翁一觀升以告諸吳越之同聲氣者廣韻留程宅候取不盡
康熙七年二月十五日在京師慈仁寺寓中忽聞山東有案株連卽出都門於三月二日抵濟南始知爲不識面之人姜元衡所誣姜元衡者萊州卽墨縣故兵部尙

書黃公家僕黃寬之孫黃瓚之子本名黃元衡中進士
官翰林以養親同藉揭告其主原任錦衣衛都指揮使
黃培見任浦江知縣黃坦見任鳳陽府推官黃貞麟等
十四人逆詩一案於五年六月奉 旨發督撫親審事
歷三載初無干涉忽於今正月三十日撫院審時稟稱
有忠節錄卽啓禎集一書元衡口供啓禎集二本皮面
上有舊墨筆寫忠節錄字樣
陳濟生所作係崑山顧甯人到黃家搜輯發刻者咨行
原籍逮證據其所告此書中有黃御史宗昌卽
坦之父傳一篇
有云家居二年握髮以終以爲坦父不會剃頭之證有

顧推官

咸傳

一篇有云晚與甯人游有云有甯人所爲

狀在以爲甯人搜輯此書之證不知此傳何人授稿何人親見刻板見在何處此書得之何方而就此握髮一語果足以證已故二十餘年黃御史之不剃頭否就此與游二語果足以證甯人之卽顧甯人又卽搜輯此書之人否且讀邸報此書已於六年二月曾經沈天甫出首矣請畧言之昔敝郡有陳明卿先生

諱仁錫

以壬戌探

花官至國子祭酒好刻古書有資治通鑑大學衍義等

書一十二種行世其子濟生亦好刻書濟生已故有光

棍施明者從海外來與沈天甫等合夥偽造此書假已
故陳濟生之名而羅江南北之名士巨室於其中以爲
挾害之具又偽造原任閣輔吳甦一序以騙詐其子見
任中書吳元萊奉 旨圈議部議書內有名之人共七
百名內有寫序寫詩譏傷 本朝之人五十餘名合行
查究奉 旨沈天甫夏麟奇呂中逃走之施明未來之

吳石林及代主控告之葉大等合夥指造逆詩肆行騙
詐雖稱逆詩從海內帶來茫無憑據又云編詩之陳濟
生久經物故而從海內帶詩之施明又經逃走此等奸

棍嚇詐平人搖動良民誣稱謀叛以行挾害大千法紀
爾部卽將沈天甫夏麟奇呂中葉大俱行嚴審擬罪具
奏逃走之施明未來之吳石林俱着嚴行緝拿獲日也
着擬罪具奏刑部審得沈天甫等供稱騙詐吳中書銀
二千兩未給將此書出首欲圖三品前程是實奉 旨
將沉天甫夏麟奇呂中葉大四人于閏四月二十二日
押赴西市處斬施明吳石林緝拿未獲今元衡所首之
書一百二十餘葉與沈天甫之三百一十六葉者雖刪
去頗多而詩卽啓禎之詩傳卽此詩之傳編造之人卽

陳濟生其爲一書不問可知也恭釋明旨不直曰編詩
之陳濟生而加以又云二字又云者據沈天甫之所云
是已故之濟生 聖明猶燭其誣罔而元衡欲以此牽
事外之人而翻久定之案其南北通逆一稟云據各刻
本山左有文石詩社有大社江南有吟社有遺清等社
皆係故明廢臣與招羣懷貳之輩南北通信書中確載
有隱叛與中興等情或宦孽通奸或匹夫起義小則謗
譏大則悖逆職係史臣宜明目張膽秉筆誅逆故敢昧
死陳揭逆刻種種罪在不赦北人之書削我 廟號仍

存明號且感憤乎鴟張虎豹乎王侯南人之書以我

朝爲東國爲虎穴以僞王爲福京爲行在北人之書曰

斬虜首

黃培刻郭汾陽王攷傳中有斬首四千級捕虜五千人乃子儀敗安祿山兵紀功之語 權

胡姬征鐵嶺

黃培詩有云怨女金閨裏征夫鐵嶺頭

殺金微又有思漢威

儀紀漢春秋南人之書有黃御史握髮一傳又有起義

有舉事有勸衡王倡義及迎魯王浙東王上益王等事

又有吳人與魯藩舟中密語又有平敵將軍有懸高皇

帝像慟哭及入閩入海等事北人之書有含章館詩集

友晉軒詩集夕霏亭詩郭汾陽王攷傳南人之書有啓

禎集卽忠節錄歲寒詩東山詩史做文信國集子美句
百八十章其北人則黃培所刻十二君唱和序跋等人
其南人則啓禎集所載姓名籍貫俱在刻本中約三百
餘人是元衡之意不但陷黃坦陷顧甯人而并欲陷此
刻本有名之三百餘人也不知元衡與已斬之沈天甫
逃走之施明何親何故何以得此海內帶來之書而前
唱後和如出一口其與不識面之顧甯人刻本有名之
三百餘人何譬何隙而必欲與黃氏之十二君者一網
而盡殺之推其本意自知以奴告主之罪律所不赦欲

別起一大獄以陷人而爲自脫之計遂蹈於明旨所
謂嚇詐平人搖動良民誣稱謀叛以行挾害者而不覺
也天道神明不僭不濫今于三月四日束身詣院投到
伏聽審鞫至教唆陷害別有其人尙容續布統惟詳察
江南布衣顧甯人頓首

魯公書家廟碑多寶塔碑爭坐位帖俱在西安府學俗
所謂碑洞者其所書郭敬之家廟碑在布政司奉使蔡
州題字并石刻像在同州臧懷恪碑在三原縣碑洞中
石經及漢唐字但有錢即可買不必用官府惟各州縣

古碑非官府不能致然多是唐碑惟郃陽漢曹全碑極佳其他若麟遊之九成宮碑長武之虞恭公碑俱佳若多印得曹虞二碑各一幅見惠最感

申梟盟名涵光永年人太僕公之長子今庶常隨叔之兄也太僕公甲申殉國難 路安卿名澤濃曲周人故

總漕皓月公之子聞近日亦在府城任如不遇此書卽留申宅 孫徵君名奇逢字啓泰容城人今住輝縣萬歷庚子舉人今年八十三河北學者之宗師也 王無異名宏撰一字文修號山史華陰縣西岳廟南小堡內

故少司馬公之子關中聲氣之領袖也 楊伯常名謙
故王孫也住西安府南八里大塔堡內大塔者慈恩寺
塔也或駕在藩司署中則求於到日卽遣人致之 何
虛子公祖以臺中出爲關內道銜籍俱列便覽其衙門
在布政司內 共書六封各送韻譜一本伯常則二本
故有七本

赴東六首


萊人姜元衡訐告其主黃培詩獄株連二十餘人又以
吳郡陳濟生忠節錄二帙首官指爲炎武所輯書內有


名者三四百人炎武在都聞之亟馳投到幽繫半載撫
院劉公審鞫卽去年奸徒沈天甫陷人之書得蒙開釋
因有此作 人生中古餘誰能免尤悔况余庸駑姿側
身涉危殆竊寄起東嶠長鯨翻渤澥斯人且魚爛士類
同禽駭稟性特剛方臨難詎可改偉節不西行大禍何
繇解 行行過瀛莫前途憩廣川所遇多親知搖手不
敢言爾本江海人去矣自足全無爲埒虎鬚危機竟不
悛下有清直水上有蒼浪天且起策青驪夕來至華泉
苦霧凝平臯浮雲擁原隰峯愁不注高地畏明湖溼

客子從何來，徬徨市邊立。未得訴中情，已就南冠繫。夜
半鵩鷂鳴，勢扶風雨急。延尉望山頭，嗟哉亦何及。荏
苒四五日，乃至攀髯時。夙興正衣冠，稽首向陵墀。詩人
岸獄中，不忍恭敬辭。所秉獨周禮，顛沛猶在斯。北斗臨
軒臺，三辰照九疑。可憐訪重華，未得從湘纍。羲仲殷
東方，伶倫和律管。陰崖見白日，黍谷回春燠。柔艣下流
澌，輕車度危棧。草木皆欣欣，不覺韶光晚。大造雖無私，
薰蕕不同產。奈此物性何，鳩化猶鷹眼。天門詖蕩蕩，
日月相經過。下閔黃雀微，一旦決網羅。平生所識人，勞

苦云無他騎虎不知危聞之元彥和尚念田畫言此舉
豈足多永言矢一心不變同山河

顏氏家藏尺牘卷一終







PL
2451
P29
V.92

顏氏家藏尺牘卷二

王官谷

士有負盛名卒以虧大節咎在見事遲不能自引決所以貴知幾介石稱貞潔唐至僖昭時干戈滿天闕賢人雖發憤無計匡杞榘邈矣司空君保身類明哲放逐歸山阿閉門卧積雪視彼六臣流恥與冠裳列遺像在山厓清風動巖穴堂茆一畝深壁樹千尋絕不復見斯人有懷徒鬱切
先妣忌日

風木凋零已過時一經猶得備人師聞絲欲下劉陂泣
執卷方知孟母慈秋雨秀連中野蔚夕陽光起後園葵
無窮明發千年慨豈獨杯圈忌日思

顏氏家訓荒亂以來雖寒畯之子能讀孝經論語者
尙爲人師雖奕葉冠冕不曉書記者莫不耕田養馬
常熟縣耿侯橘水利書

神廟之中年天下方全盛其時多賢侯精心在農政耿
侯天才高尤辨水土性縣北枕大江東下滄溟勁水利
久不修累歲煩雩禱疏鑿賴侯勤指顧川原定百室滿

倉箱子女時昏聘洋洋河渠議欲垂來者聽三垂饒凶
荒每與師旅併誰能念遺黎百里嗟懸磬况此戎寇深
早夜常奔迸上帝哀惻婺天行當反正必有康食年河
雒待明聖自非經界明民業安得靜願作勸農官巡行
比陳靖畎澮徧中原粒食詒百姓

瓠

瓠實向秋侵粦然繫夕林不材留苦葉槁死亦甘心偶
伴嘉蔬植還依舊圃尋削瓜輸上俎剝棗遜清斟衛女
河梁迥涇師野渡深未須驚五石應信直千金作器疑

無用隨流諒不沈試充君子佩聊比國風吟

弟於九月二十日保出十一月十日一案之人俱已赴
院畫供想有題結之望凡所以入險能出困而不躓者
皆知已扶持之力當世世尸祝不敢以楮墨宣矣前具
近詩六章曾徹覽否屢有札與舟公託其致感而未見
一報豈其移寓或石頭之沈浮耶今有一函所致之近
况詳之函中可共覽也旅食無依暫寄徐玉老署中不
謂有延安之陞則此中別無主人矣萬老先生書已投
似蒙注念院批取保一宿便發也弟候命下結案卽詣

都中叩謝如尙遲則俟舍甥北上時代弟九頓台墀今
來者玉老之僕囑其三日後走領回書洵寒不莊幸宥
弟今年寓跡半在厯下半在章邱而修志之局郡邑之
書頗備弟得藉以自成其山東肇域記若貴省之志山
川古蹟稍爲刊改其餘概未經目雖抱素餐之譏幸無
芸人之病然以視令叔先生則真魯之兩生不敢望後
塵矣汶陽歸我泊之四年始得皆爲良田今將覓主售
之然後束書西行爲入山讀書之計所刻座右語一通
并音學五書面葉呈教近日又成日知錄八卷韋布之

士僅能立言惟達而在上者爲之推廣其教於人心世道不無小補也率此附候不宣

夏初匆匆出都歉然之懷難以筆道想道履彌勝大業日增令叔先生今在都門亦當聽鵲起之音奏鹿鳴之什矣弟久滯安德仰藉洪庇章邱一案已得小結雖陷害之情未明而霸占之律已正轉蓬思息倦羽思還九仞之功非仗婁侯不能終此一簣敢乞鼎致其詳在札中未緘以舟老正值文場不敢瀆札并乞於試畢日道意小价王登往庄故遣潘一廉其人謹愿望賜回諭詳

文於二十後到廳更懇家報中速聞之至禱至禱

昨出抵暮始歸承駕左顧失迕爲罪家訓勘畢送上並用硃筆以便一覽卽得幸爲另抄一本仍乞原本見賜感感弟炎武頓首

大作清勁無一俗筆太華伊闕諸作爲集中第一思悲翁戰城南亦有白傳諷諭之遺意大雅之音得復起於今日矣敬服敬服元稿返上畧商數字識以浮票未知有當否諸容晤悉弟炎武頓首

弟纔至城中尙未拜客老社翁須兩三日後以未申二

時過我則得晤矣大才何藉弟筆想未見刻啓耳附上
一紙不盡弟炎武頓首

弟爲一二相知所留似須秋抄方可行昨諭抄書者能
爲弟覓二人否弟炎武頓首

歲云暮矣欲走齋中一晤不知可得片刻之暇商訂風
雅否此間殊覺總總弟於二十七日移至舍姪寓中度
節肇城記想已閱畢幸付下此啓弟炎武頓首

弟以較讐之忙不及親叩專俾走送別有一函便中求
投入理署令叔先生並希叱致知己之言不敢忘惟努

力讀書以庶幾無負相期之意也弟炎武頓首

捧讀大章清新婉逸逼似唐人所謂不意永嘉之末復聞正始之音者矣羨服羨服舊刻二冊乃五六年前作中有誤韻幸爲藏之河北關中書共六封馳上姓氏居址別開一紙煩照單分致昨枉顧以主人不在率爾慢去殊深不安統俟文旌東返面頌并求惠示西征大作耳長路關山濁涇清渭千惟珍重旦起作書數千字恐使人來取匆匆遂不能詳弟炎武頓首

詩本音二冊送上中有駁正者乃衛太史筆也此書未

定不必抄錄只將坊刻詩經一本圈注其不合及太瑣
碎者置之可也更祈教正爲荷底事一有信卽求示之
弟炎武頓首

聞已具覆幸詳示之詩本音閱完并求付下弟炎武頓
首

舍甥久積傾慕昨奉叩未晤今擬於初四日攀駕一譚
俾弟亦得待聆誨言至感至感弟在初旬內亦欲出都
矣弟炎武頓首

五日前曾走叩未晤旣台命諄諄不敢固強舍甥容另

卜日奉候但弟目下卽擬出都不得追陪一敘奈何奈何尙容趨別未悉弟炎武頓首

前有一函想已徹覽弟不遵明哲之訓果有此累今江友之驕吝足以致敗而與之同事奈何奈何南冠而縶竟不得出一切詳之舟老書中惟知己爲之共拯懇切懇切餘語去价能道不悉弟名心肅

前走叩未得面弟以十二三出都往德州此刻擬一造別并問貴鄉有旅伴可同行否退谷先生常問起居附及弟炎武頓首

弟來此區區之意尙未得少申爲歉廿四日出都前往
厯下如有札寄示乞寫德州北李宅家報付報房封遞
三四日可達李老先生諱源字星來原任河津令與弟
交頗密卽可專人賁至省城也事畢再容趨至九頓報
至德州先到蕭宅須卽轉至李宅有二李故稱北以別
之小弟炎武頓首

來諭惓惓深感愛厚所云屢有言相致者止於舟札見
之他皆未到卽賦梅者止有一札無兩札也所云但當
力辨有無勿牽別事敬如台旨笥中之書昨至德州簡

點二日悉取而焚之矣并復此中之事大抵上有求而
下不應弟遂無保出之法黃氏絕不照管債主斷絕日
用艱難庄田之麥俱爲劉棍割去每日以數文燒餅度
活何以能支欲乞一問南夏諸公若天生至晉可爲弟
作書促之入京搏輦上一二函至厯下必多有所濟弟
已別有字往關中矣一切統希垂照不宜舟書可互觀
之弟名心勒

五月十九日院審先取有同案中年老者四五人保識
黃御史曾已遵制剃頭口供次辨啓禎集中有甯人字

無顧姓又不在黃御史一篇傳內并審出釁起章邱地
士情由惟問姜要顧甯人輯書實證無詞以對又扳卽
墨老諸生杜述交爲證此人從不識面又展轉推出所
從得書之人爲萊陽孫榮榮乃積年走空之人今並行
提去矣雖未保出而是非已定此皆上臺秉公持正及
大人君子孚號壯拯之力惟有世世尸祝茲因便羽先
此奉聞弟名宥具

屈處士大均

弟明日決行兩日俱在周老處承枉顧寺中失迓爲罪

明早當造榻奉別秋氣漸寒惟加珍攝爲望此復修翁
道長兄弟大均頓首

弟明日乃能行尊集印成幸先以一二本惠教也畢右
萬兄慕先生有道工文章欲得先生爲其尊公東郊先
生作一疏草跋刻之此疏大有功於聖門望先生有以
慰之右萬兄精心理學說而闢二氏多發人所未發其
晉謁先生蓋欲先生爲之印證所學也萬爲留神上樂
圃先生弟大均頓首

李檢討因篤

曩過燕臺重親有道晤言未悉而班馬促旋年翁惓念
故人不使雲泥懸望接塵屬飲歡若平生六翮高騫攜
手孚於金石南箕北斗足翻明月之詩矣別來偃卧山
中絕不聞門以外事去春亭林先生見訪始知年翁有
苦次之哀倉卒東還事皆合禮猶憶吾兄通籍後輒迎
老伯入都弟嘗就謁堂端一承杖屨典型淪落觸事悽
然方期遙賦大招薄展生芻之誼而弟適爲虛名所誤
致諸公謬采 上聞號泣控辭半載殆無寧日甫得敝
鄉兩臺垂憫取結移咨乃部駁旣嚴而 溫綸復再三

敦促不得已至舍白頭老母匍匐京師繕疏陳情扼於
當路淚枯力盡溝壑是甘幸總憲魏公爲弟密題教孝
一疏又流涕面奏 聖心惻然可免考圖歸矣遠荷朶
雲寬其疏節且命爲老伯作追輓之什此固弟之夙心
也眼底疲於應酬至衄血二次無一刻得暇容出京時
於畿南近邑爲之並評閱尊集覓便鴻寄上萬不敢忘
見贈大篇推獎踰分非謗陋所敢當匆匆附謝病眼昏
暗屬舍姪書統冀鑒原不一

前荷吾兄遠貽翰劄賤子何人記不圖古道之猶存也

尊集謬肆丹鉛僭踰無所逃罪然寸波塊土仰佐高深
誼忝夙交知吾兄不爲河漢耳老伯禔躬純粹當代儀
型奉輓之詩必擬得其近似比者風塵稠濁寸晷無寧
未敢以泛常應酬草草塞責况親承杖屨辱在通家吟
哀些於九京海嶽共聞斯語歲內當寄紫瀾家弟所轉
上吾兄並答大篇統呈郢削也弟久栖輦路違越慈親
引領西風肝腸欲裂頃不自揆冒昧陳情蒙主上特
恩許以歸養目下束裝返里百緒茫然燒燭裁書苦無
倫脊抵家喘息畧定卽鼃勉以踐前言拙稿半皆散遺

偶得炎人刻送三紙請政新秋餘暑未盡諸惟珍玉不
宣家舅送到餽餅不敢自私邀仁兄刻下過小寓同享
之上修翁老仁兄弟篤頓首

宋廉訪琬

重九之集因爲王襄老公祝知老年翁無甚深交故未
奉約嗣後同人雅席自當追隨鞭弭也小婿王生深以
得御龍門爲幸其事之原委已經面陳各省起送者不
止一人而當事狐疑不決業覓一要津致之倘得鼎札
數行破其拘攣之見則雞肋微名可以成就或與泰升

兄共作一函祈惟台裁驟爾唐突殊爲不安但往返跋
涉望此甚殷故敢冒昧以塞其請所謂慰其孺子意也
送張幹老二詩呈教此題定有佳篇希賜一誦容卽趨
謁面頌不旣

久睽教益殊切調饑前者恭候台安未得一見比聞道
體已平良深慶忭敬懇者弟昔年蒙難有山右宰姓者
周旋備至心甚德之今伊二子考譯字生高昌館試者
寥寥而字學無出其右冀老年翁枚置前列五六名以
內庶得借手天功以報故人不啻身沐生成矣容趨謝

不一

夙疾纏綿日事藥餌兼以暑中無事不敢時溷興居用
是久疏塵教耿仄何似啓者舍親謝名會同其尊人與
先君子交好最深通世誼者非一日矣文頗成章字殊
摹古歷試成均一時譽滿今咨部候考定職有最上一
乘之望伏祈老年翁從公檢閱特賜主持俾得邀榮冠
服以爲閭里之寵以慰讀書之志恩施所及弟自永矢
弗諼甯第荷生成者戴高厚哉恃在至愛崙此瀆陳惟
冀垂神可勝禱切

長安需次追隨壇坫猥蒙老年翁不我遐棄納之聲誼
之末提攜教誨情好肫摯何以得此於知己哉溽暑拜
別暫過里門一展先人邱墓今已取道廣陵溯荆門而
上峽中言念良朋渺焉萬里惟從窈眉山月想見紫芝
眉宇耳敝邑公舉欲以先君從祀鄉賢例當歲終達部
弟至楚中定有人至萬一文到在前望老年翁力爲照
拂以從輿人之請則錫類之仁感均存沒矣望老子老
代弟奉懇知自蒙慈注也合肥宛平兩先生前煩爲道
鄙意匆匆率勒尙容嗣布可勝切禱

施侍讀閨章

昨歲專函壽簡公祖未達故以壽序稿封入借重鼎呂
似可卽以此爲詞也賣舡詩不拘遲早興到則爲之正
不必多佳牋同令叔箋刻並惠數紙以廣示同好章再
頓首

枉顧失候甚歉重承雅惠不敢全卻已對令叔道此鄙
衷矣感媿何似詰朝渡江匆匆不悉名另具

江關相見成近體一首以塵擾未得錄上夜來讀大作
爽然歎息七言絕唐人獨具三昧妙在著力不得杜老

別出生硬稍似拘體便自專家尊作金陵絕句得無效
此否去膚避熟洗盡時人粉膩亦是此體所少南苑扈
從八首則粹然古人工力悉到難在作應制體不寒儉
又字字新警頌美之中曲寓諷諫油然忠孝之意盤鬱
言外於此道三折肱矣下問勤懇使僕不揣喋喋者何
也販夫囊得一金而與量谷牛馬者論持籌之巧拙亦
見其不自量矣抑昔人文字貴多商量朋友磨切或不
廢云爾也抵京師有暇當數共晨夕盡發篋中之藏相
與上下議論耳令叔季相亦奇士何時快晤言之神往

寓中雜沓潦草不倫勿罪勿罪

辱書得尊公先生表傳及佳詩一卷悲喜併集悔曩者
不稍停東魯執手唁晤於洙泗之間也一別遂爾九年
少壯幾何脩名不立自顧蒲柳早彫重迫暮齒平生記
問十九茫然豈可復應宏博之科作後生技倆乃官司
敦迫不許盤桓觸暑就道抵都下應酬喧冗便復委頓
蓋自去冬十月寒嗽至今未得霍然筆墨意盡矣感德
門世行力疾作誄不揆鄙拙又點竄大篇庸匠代斲其
心則苦千秋之業甯刻毋寬僕自金陵讀牋刻已私目

以健手頃阮亭先生比隣接巷每論詩輒爲首屈一指
今序中引以爲重蓋實錄也諸詩伯持論近多以宋駕
唐殆爲膚附唐人者矯枉去唐漸遠山海之喻寓有微
尙知已能不河漢其言乎風便冀有以發吾覆也使
者索報對客草勒不一令叔令兄并聲致貴世令尙翁已
爲桑雨老頌之矣

尊詩入十子詩畧者不得不照衆式倘刻全稿必須宋
字筆畫畧重或照錢宗伯杜詩箋注款式用十一行爲
古雅賣船詩僭改字句不識可有當否附及之敝友梅

耦長心嚮有素附刻詩請正幸查收

朱檢討彝尊

曩者荒文應命未足頌揚太老先生萬一乃拜嘉厚幣
寸心含慙至今飛光如馳三葛兩易遙知讀禮之暇撰
述益多正眎星騶北來用慰契濶捧接手教知尙需時
然得筆疏千里正同覲面矣弟迂拙性成狗祿初非本
願奈有司敦迫遂入京華滿擬放還自視人地正如薛
歐蟲達老先生乃以淮陰見方何敢當耶拙稿尙未災
木統容晤時面請指教太老先生前不敢率候鶯俟還

朝三薰晉謁先祈叱致憑穎惟有依馳弟名箋肅

潘檢討末

憶自甲寅之春獲攀風範隨蒙特開綺席竟日論文雅
誼隆情勒諸心府片帆南下戡影衡茅筆硯荒蕪鱗鴻
稀濶嗣聞先生奉諱歸里恨在遠道不獲磨鏡自前翹
首東蒙但有企切煙波釣徒一竿自足忽塵啓事駭若
爰居移病不從敦迫就道本擬躋踏京塵便行拂袖取
路鄒嶧之間當信宿高齋謁孔林觀禮器而歸不自意
見縻於此被斷木以青黃資越人以章甫不習不堪當

可奈何遠惠手書具感垂注素韉旣除所望夙駕鋒車
慰答羣望何尙棲遲林澤令人作天際真人想也拙稿
未經繕寫杪冬小刻二箋附覽聊以見志不堪供撫掌
耳令兄老先生計已脂車北上不另通候草草勒復不
盡依馳弟名單具

毛處士先舒

伏讀大學解謂格物乃却心中物累又云物是凡事物
情欲之蔽吾明者格謂却之不使蔽吾明知謂吾心之
虛靈致謂推之以至其極是義精極與鄙見恰符雖與

紫陽註格物不同而與其註大學之道節意頗合此真
千古定論也恐近佛學而故避之政是後儒通病理本
相通何庸立異虛心折衷深用歎服文釋疏義真足爲
學者之津梁中論字法體用極是但此止可概其常云
耳若文字入變處又不可以執定法今只就複字者言
之如說命唯事事論語立之斯立大學上老老上長長
原道人其人均此一字也上皆是用下皆是體老子道
可道名可名樂記物至知知均此一字也上皆是體下
皆是用又如孟子彼長而我長之彼白而我白之上長

白皆是體下長白皆是用白馬之白也長馬之長也上
長白又皆是用下長白又皆是體類如此等豈有定法
音正一編細入毛髮昭哉發矇其所云聲別清濁卽周
德清中原音韻之分陰陽也但德清止於平聲分之耳
愚又嘗細按四聲俱有清濁而平去入三部聲清濁處
卽成陰陽唯上聲一部聲清濁處不成陰陽卽如大著
所引平聲通字爲清同字爲濁上聲董清動濁去聲凍
清洞濁入聲篤清獨濁然東凍篤皆是陰聲同洞獨皆
是陽聲唯董動二字雖分清濁難判陰陽矣此愚所謂

上聲清濁不成陰陽者也又平去入三聲皆悉具清濁而上聲又或有清濁或無清濁如董動二字有清濁者也若清聲之風捧諷福濁聲之逢捧鳳伏則上聲同歸捧音矣無清濁也又若清聲之邕勇擁郁濁聲之庸勇用玉則上聲同歸勇音矣亦直無分清濁者也率略攄義未知先生以爲然否或肯更賜詳示而教之乎匡林格物問答韻學通指韻白四種前奉去併望指訛尊著二帙僭筆附璧不具薦林鹿老事未知已妥否書乃小兒所寫今親筆附勒亦防將來或有僞託也又白

數歲前叨承枉駕者屢促膝論文深領教益至今追味
清旨不去於心茲者先生領袖羣倫人欽冰鑒金衡玉
尺一代崇瞻弟聆緒風亦復欣仰又得舍親洪中令書
知先生於弟有說項之雅卽浙中當事處亦蒙過相推
譽知己之感真無以爲報稱地也愧謝愧謝近小兒忝
有卑職赴選入都特令恭趨龍門奉候近祉小兒菲材
不足當門下趨走之末吏唯先生量同河海不擇涓流
稍加噓拂便得培風萬里其餘凡可指示之處尙祈不
惜有以教之文泚一帙尙未成書題尊像語已借重其

中送上清覽以資一笑燕吳遙裔不盡欲言臨楮翹切
余處士懷

先生榮任金陵時懷適僑居吳郡深以未識荊州爲恨
前翁山兄往婁東奉訪卽致渴懷昨在禾城鹽臺成愚
老云台駕在禾急於圖晤冒雪鼓棹到北關外晉謁而
先生已去禾來蘇事類剡溪可勝惆悵新春日歸家見
尊票卽趨候又不相值真昌黎所云相需之殷而相遇
之艱也頃承大教如見顏色容當盥沐抽毫敬題以報
昨梅隱僧筠士叩見一二日內尙於菴中求作支許之

遊也草復修翁先生晚弟懷頓首

王考功士祿

承老門長兄弔奠唁慰情文周摯昨雖踵門稽首以謝
未足盡感悰之萬一也再此佈謝不孝弟月初卽奔喪
東矣倮然衰絰之身誼不敢過別從此離居不知何時
復得奉教左右也言之淒然啓者愚兄弟雅辱至愛不
同泛泛舍弟事望老門長兄留神照拂不孝目下精神
憤亂語不及詳其間曲折已囑北山舍弟臨期一一奉
商矣外告母文一通附呈台覽臨筆曷勝戀切

王進士士祐

睽違道範已再易冬春矣懷想高誼無時暫釋昨遣小兒之汶上迎路雲路年兄特脩小函令之上候乃匆遽未及奉撰杖屨茲路年兄西旋之便附此奉候興居弟去歲以荆人抱病屏跡半載首秋一入春明比旋里而荆人之病已入膏肓矣不匝月而有炊臼之戚事既倉皇且值歉歲周章之狀莫可名言目下擬爲吳越之游然尙未審成行何日也附及者舍親輩有欲求尊府贊禮劄付者屬弟奉懇茲列名一單祈老門兄鼎力慨爲

轉求見惠并求發一移會文書投鄒平縣公處則叨榮
無既矣伏惟留神臨穎馳切澹園先生諸令弟年兄統
希叱致拙刻二冊附呈大教并正澹翁先生

伏處寒廬與先兄相依爲命家門不幸先兄又殉母以
死弟視息雖存生趣都盡知己如門兄臺先生應爲扼
腕太息也前承遠賜弔唁敬此申謝先慈襄事擬在來
春徬徨莫知爲計專有所商祈進小价面稟其詳萬望
留神真不啻麥舟之助也臨穎溯切不盡

王尙書士正

兩年兄之奉高堂而徒跣歸也同人仰觀哀戚之容不勝懸切若同志數君子夙昔樂數晨夕者分襟以來益俛俛如有所失則弟之懷抱可知也長涂丹車屢事得不勞頓否知目前正營窀穸幸稍節哀痛以慰慈闈是所顒望弟三四月間卧病幾四十日承委作傳大畧已就尙須一芟削然後脫稿不至久稽詁老隨卽致之渠意必待賢昆玉一札到弟云方讀禮未敢通書都下是以屬弟口致詁老性素硜硜或近申作數行候謝之兼索文字弟好從臾之耳如何如何至十子之刻葉慕廬

林澹亭宋牧菴諸君皆已刻竣惟大集未梓殊爲憾事
且年兄實首商此舉詎可反遺而登他人苦塊之中特
自己廢業若友人代選付刻義初無傷祈以集稿卽寄
曹實庵田漪亭刻貲先予五金餘襄事後全寄之亦無
不可近陳椒峯董蒼水數君入都慕此舉皆有此意而
峨嵋書言椒峯尤力然弟獨意在年兄者不特以首事
故且愛重詩品不忍捨去耳并此附商不盡念切五言
一卷說岩不知收之何處屢索不可得也

比有數行上候孝履旋拜手教伏審尊候安吉哀毀之

餘未至滅性差慰遠懷承以老年伯傳見屬久已脫稿
以候認老文字同發而渠以日講每日五鼓入直以是
遲遲今已取到并同札一通及拙作統寄上認老當代
作者其文足以備國史之采而弟愧非其人也以素附
金石之契又忝通門子姪之末不敢辭以固陋惟裁訂
而用之幸甚五言領到大事畢尊集當早寄以成完書
匆匆不盡溯切

大阮先生歲前返里弟時正有周閭之役匆匆數行奉
候未得少申款曲迄今爲歉想老門翁相諒於形迹之

外也自仲冬閉閘挑河三月無一船往來缺額竟至六
七千金茫然無補救之術將來如能與吾修老從容晏
坐南宮署中卽意外之幸矣泥塗中聞老門翁分校禮
闈得士必爲一時之冠欣慰無量茲廣陵敞門人汪舟
次楫者蓋代才也詩文書法皆足縱橫十萬里與蛟門
兄弟行少爲同學其胞兄長玉亦擅風雅今有不獲已
衷言弟苦在遠而幸老門翁之當事也特以數行屬蛟
門面悉千祈吾兄留意焉舟次兄弟爲東南領袖吾兄
又當代君宗聲氣之緣知不煩弟之覩縷也容面頌不

盡

自先生銜恤而歸也歲忽再易雖弗獲時通音訛然每
晤二孔昆玉必候起居顧恨不得其詳徒深耿切耳使
來捧誦良書頓豁積臆如共西窓一夕之談聖林聖廟
碑版向曾彙成一書否大刻拜教蕪陋之詞愧未能闡
大節於百一乃儼然與詛老如椽並列汗流浹背矣承
諭真仁人之言中心藏之但疎賤力不逮此耳 主上
聖學日新右文崇儒度越前古向以纂修入直 禁中
竊見便 殿讀書每至乙夜勿論他嗜好卽游幸亦絕

稀少此平治根本也第恐諸司奉行未必盡體 上旨
耳如何如何先兄節孝錄一冊蜀道小集一冊附呈覽
教承委二扇完上書跡自勝本色不必苦究真贋也一
笑一笑令兄老先生致候臨啓馳切大阮先生未專字
爲此名又行

入春以來遙憶孝履無恙祥琴在卽佇望啓事不獨慰
中朝士大夫之望亦竊幸晨夕析疑吾道可以不孤也
忽披良訊如聆謦欬兼知老伯母太夫人納福欣慰無
量吾鄉三冬無雪流冗載塗弊邑左右已有傾村落而

逃者聞青兗之間殆有甚焉頃者撫軍疏至臺省交章
特遣少農速往賑救德意可謂至矣第聞濟東數邑不
在賑列反派車百兩輓粟而東是只尺又有苦樂之不
同矣承寄孔林碑刻謹拜領訖唐宋碑名蹟最著者更
揭數本惠示尤所望也尊集頗與愚山快讀燭屢見跋
然尙未暇點筆今愚老序成先寄弟稍遲從孔年兄處
郵上何如令叔老先生甚軫遙念尊候想已清勝冬間
十家兄在邸舍偶同和友人五言數章合刻一卷今上
二冊聊代晤言耳博學諸公 御試約在此月下泮史

局似在必開但未知如何位置留用多寡李天生昨殷
殷奉訊渠已以母老具呈貴衙門矣家君托庇安善第
臆底又有十家嫂之變不知寒家何以不幸至此承垂
注謝謝臨穎馳切不盡百一令兄先生以名致候又行
暑中未敢趨晤想在鑒原也貴州有孝廉越閭者欲復
姓江此子乃弟與鞠觀老之舊交聞貴衙門有沙公者
與年兄最善祈詰朝入署一爲開導之感不獨在江子
也容晤不一其原札附覽可了然矣

卽吉已久日望台旌北來每曩昔文酒之會聊慰三年

調飢之思使來得手書乃知復有轉假之意爲之惆悵
都城人海同志寥寥不卜何時始獲續西園清夜之游
也大集敘尙未脫稿遲當奉寄敝邑兩年奇旱今歲麥
秋已大無而五月一雨之後又復杳然秋禾大抵亦如
貴縣矣加增不訾都中食指日苦不給進退出處一無
可者計吾兄山中尙少此一段拮据耳吾鄉今科館選
六人頗不爲少而博學宏詞止有諸城李渭清一人其
餘大半皆江浙間人昨有偶爲邗江友人題墨菊一絕
句云由來苦節本難貞莫向東籬問落英徵士今年滿

京雒不知何處著淵明吾兄見之定爲一軒渠也諸故人惟愚山朝夕聚首史館尙未開似尙候監脩先生耳山史飄然還山真如鶴立雞羣可敬可羨霽老前暫歸里弟初不知未得晤送想時時相見幸此致爲囑臨穎馳遡藝圃倡和詩一帙附正孔子家語知聖府有藏版并顏氏家訓各惠一二部漪亭慕廬澹亭皆滿志而皆不取取者諸君子中止峩眉一人改編修也

前尊使回有數行上復達記室久矣再拜手教自當留心當事方有棘闡之役一二日告竣相晤卽致之不忘

也令兄老先生統此奉候未盡令叔老先生比已清勝
未敢耑候并煩叱名又行

不孝弟罪通於天間關萬里慈母見背三月毫不聞知
及匍匐奔喪已逾卒哭之期悲哉爲人子三十九年生
不能養病不能侍臨危不能視含殮聞永訣一語縱復
偷生人世何以爲子何以爲人言念及此肝腸迸裂老
門兄素相關切倘亦憫鮮民之遭而爲之南望揮涕乎
前在蜀有小力北行曾與次兄同賦小詩以將遠念并
囑家北兄與門兄細商一切想荷留念煢煢草土中惟

望天際故人不忘夙昔啣結之私何日忘之同署兄弟
統爲叱致不敢輕以不祥姓字相通也周李雅諸兄尤
道念切之意合肥夫子董堂翁并爲稟致不盡憑穎涕
泗不知所云不孝弟泣血上

委扇書舊作呈正弟不工書十餘年久不書扇故倩代
筆然亦殊不工也目前磨勘大家自存寬大北闈葉舒
崇葉淳二君乃詔菴太史之子姪與弟又有師友之誼
其文久爲世所稱道閱時幸爲留神并祈致奉倩年兄
更感不盡

彥老之語已囑轉致否蜀道小集祈擲付有二三同人
屢來宣索故也餘面悉弟正頓首

家兄病痊赴選文書一件祈老門兄攜付貴衙門司務
廳爲感家兄偶他出故未專啓并惟鑒之弟士正頓首
昨勞重謝謝扇五柄求老門翁爲捉刀人拙作皆在八
家詩選并蜀道小集中煩一檢閱塞鼻書之可也容謝
不一弟士正頓首

幼華舍弟又有一字來專人奉覽明日尊駕入署祈爲
細細一查示之其情迫切吾輩關切之誼門兄自有同

心也餘未盡小弟士正頓首

晴峰刻下送扇至細觀之乃乞隣非親書也甚以爲憾
只得送上詩則真而字則贗頃已告過定不罪也柯素
老諸箋望卽撥冗書之以屢來索故也又蔚州魏先生
爲其令親李君徵詩一箋再煩一代萬弗效晴峯之乞
隣乃至感也幼華舍弟事明早入署惟留神又祝弟士
正頓

力臣一對聯敬乞老門兄爲弟捉刀刻下卽賜下尤感
餘面頌不盡莫忘稽古力須用讀書人題贈力臣年道

兄弟士正頓首

弟一向忽忽如失濶疎人事令叔先生此來竟未一候
接譚笑昨始記起遺問聞已於初六日歸里矣歉甚無
似有家報幸叱名切致不安爲祝三扇欲付季角明早
南寄者求大筆代書寒天呵凍萬弗厭其瑣瑣也統面
頌不一先生亦老輩之一也何見疑耶一笑期小弟士
正頓首

所事承留神謝謝更望時爲一問示之爲荷陳宋二公
壽詩各一求大筆增重必明日卽得方妙以宋箋來索

立候上屏也容謝期小弟正頓首

楚詞昨附上矣一扇寄汪鈍菴惡詩煩大筆一書容謝
南去人明早必行今日便望擲付爲祝大阮先生叱候
不盡家兄士良其名已入湖北單確否示知期弟士正
頓首

數欲奉訪皆以他故中止昨見升六兄極口吾兄新詩
以爲無字不干鍾百鍊弟急思一讀特此奉借底本不
必俟別抄也旋即璧上不盡外附訊者聞督江撫暨大
司寇三缺有消息否示之弟士正頓首

幼華極感闕切之誼再託致意云急欲奔喪不知可不
候說堂否呈子明早到貴司祈諭主者卽立漢稿至滿
稿亦望鼎言促之其翻清字相公應有常例不可省者
望隨便許之示知以便送上渠不便親筆作字輒此代
達不一小弟士正頓首

昨一聯一扇如已命筆幸付去手如未書其扇上煩爲
寫眉州謁三蘇公祠長歌以渠原索小行楷也容面頌
不一弟士正頓首

晨遣長班至貴署值門兄上堂不知相君事如何議已

上本否幸示之秋暑尙酷多勞筆墨已自非理况以惡
詩屢強塞鼻乎但連日頻煩晴老而綸老又東首忙甚
送許竹隱一扇敢再求法書詩凡五首小行草最佳但
所用佳筆書之統容走頌不一古詩紀或詩乘詩祈借
一查小弟士正頓首

弟日在愁城中竟不知老年伯母久來就養昨與升六
談次始知之深慚疎簡新正當專申登堂之誼也井叔
委一聯元旦欲用敬煩大書不盡李杜汎浩浩韓柳摩
蒼蒼杜樊川句書爲井叔先生期弟士正頓首

綾紙三件再求法書增重但惡詩不可耐昔人以艾塞
鼻然後書之亦一法也何如容謝修來先生功小弟士
正頓首

聞年兄今日入署不知昨事公議云何弟因餞張韞老
未曾入署云云俟明日查報可耳卯墨乃寄家中舍姪
小兒輩者初六晨卽遣人故未附到滿洲同宗倣影一
張幸乘暇爲書之容謝弟正頓首

稿案錄呈必由衍聖公咨乃可敬聞倣格祈留神發下
弟正頓首

昨勞大筆再謝樸庵宗兄三令孫以扇屬書敬再懇老
門翁捉刀容面頌弗一但書號可也弟正頓首

伸荷寫真奉上小詩求法書增重容謝非一弟士正頓

首

昨奉勞筆墨太多深切不安中寄梁曰緝一首欲向老
禪一句欲字本是擬字祈爲改正不盡容面頌功小弟
正頓首

小冊奉求大筆或新篇尤妙或臨帖亦佳但祈速賜今
晨太宰郝公返道山愚山濮陽同一悼惜也不盡小弟

士正頓首

銅鼓詩一首藉法書爲重祈出署時拂冗卽書賜下感
切感切前尊扇已屬大木書之大書夕以至則尊扇朝
以至矣何如何如畫冊二件并書惠教小弟士正頓首
大木已致雅意矣本房門人朱兄乃張悅九年兄內弟
頃曾進謁惟鑒照不盡統容面頌

敬啟者小女病痞欲製膏子急需古墨二兩念先生處
必有珍藏最陳者特丐見惠容面謝非一弟士正頓首
令兄老先生處亦煩一覓又行

久不晤教甚切企念陳長人名奮新者時文有黃陶菴
之風向以教習考居知縣第一與先生亦有及門之誼
昨在部應試以久病止作一篇惟先生憐才心切一留
意焉囑囑

宋尙書犖

長安晤對大慰生平揮麈之餘山川增色不意老年臺
以大禮南歸同人殊爲慘鬱坐無車公蓋不知經幾番
惆悵也弟因叨補秋曹日親讞案國是民命所關心力
交瘁疎候之愆方無以謝故人而殷殷翰教益我慚惶

至於奕世忠孝之風備於傳表且出詔菴阮亭兩公如
椽之筆是人以文顯文以人傳真爲天壤不朽之業當
什襲藏之以昭後禩十子詩略一刻所闕者大作耳事
襄痛定之後又當以文章爲繼述幸速致以慰選壇之
望舍弟以五月初旬回部緣應接之苦未能裁候統此
申意令叔先生及震浮垣三諸公前乞致弟相念之切
嗣容端啓拙詩附呈教正臨楮溯洄不旣

王給諫又旦

向在都聞訃承老年臺先生軒車枉過辱賜誄章且過

蒙照拂愛踰骨肉雲天之誼未敢一刻忘也不孝又旦
七月十三日抵里九月六日乃窆先君於祖兆此時日
守墓田坐對松楸慘澹觸緒傷心不敢備爲知己道也
旦歸家之後已將奔喪始末具呈本縣想應達部倘蒙
仍賜矜矜草木有心將來未有不捐糜圖報者也茲因
便鴻崙謝前誼併候近禧仰邀崇鑒五中如絲不敢他
及十月十四日在疚子又且稽顙再拜

汪主事懋麟

伏覽高文辨駁盡致義理愚所未解而文瀾則壯濶可

喜時賢不能望見當於王方之間求之略商一二字年
兄不以爲妄否弟懋麟頓首

長夏退食定有餘閑前奉求小冊幸卽書賜爲寶容晤
謝弟懋頓首

畫像久滯若不得佳思夜來率題長句未審當台鑒否
昨有小札諒蒙年兄存注不更贅小弟懋頓首

覓得蘭香一盒奉上希照小冊求拂冗賜書外梁世兄
冊葉並求便揮數行卽賜下乃夫子屬也曾晤陳君探
之否弟懋頓首

今日說當若何乞示梁世兄卷子求題數日內欲攜歸
恆山也弟在阮亭夫子處能枉駕否小弟懋頓具

長歌之妙至此乎直駕少陵餘子不及也幸卽書卷以
小行楷爲荷勿用大圖書切切弟懋頓首

昨勞玉爲謝承召自渴欲趨教奈是日有吳五老與竹
巖家兄兩席恐不能細聆塵誨願以出月初何如特謝
小弟懋頓首

適聞舊字之呈貴司已駁出令本人於原籍取印官結
狀月盡方到若果然則十月初方到選司月半後方能

補此昨相晤年兄何未言及耶祈卽命吏人確查見示
屬在知己敢此屢瀆

連候起居未得晤弟咨文復詣尊前又三日矣乞年兄
鼎力卽達選司爲望恐又遲遲落後也屢瀆幸恕容晤
謝不一弟懋頓首

家兄誥命重荷清神選司果有商酌之意正在講論序
題求稍緩俟定後再懇弟事並求年兄速照是感

曹祭酒禾

別時止覺心酸相隔六日已覺心痛過後不知何如弟

在都門止有師友之樂今此樂不可復得想老年兄日
內必與綸老實老相聚必歎息此人之去必計其舟行
所至之程爲之南望咨嗟亦知弟無時無處不北望神
傷想年兄輩聚首時耶邀庇於十七日發潞河十九日
過關今尙需滯津門待同人贖取老親衣飾一二種人
到卽長行矣德水倘值方山當託附候伏希老年兄起
居自愛下慰遠懷臨楮荒忽不盡欲言小弟禾頓首七
月二日舟至桑園京師之人始至此去至德州一日到
彼不及再候連日酷熱大集序尙未草就當俟稍涼成

之蘇詩一本多方檢出奉
上宋詩奉去都全但被惡札
亂塗不堪入大目奈何有南
去使人望以近况示知又
行不一鄭山老趙玉老不及
另致求道意再行

弟奉親北來已逾一載日望
老年兄早來聚首飢渴之
思形於夢想往年留滯有弟
兄之樂而不勝庭闈之念
及此重遊又不勝朋友之懷
天倫樂事難全如此讀手
教知脂轄尙遲老年兄宦情
素澹竟不念我之離羣索
居矣人品雖高其如寡情何
哉弟樗櫟之質年兄素知
使爲韻語實非所長 御試
之日既不肯效人塗脂抹

粉又不能拙速成篇草率畢事而字跡之改竄已多

聖恩汪濊仍見收錄曠世之恩愧無一稱不特俯媿章服亦且仰慙知己矣至於此官原是戲場今與諸君同搬塊塼嬉笑怒罵皆非本色不過供壁上觀一笑耳家兄潦倒異常實緣家難至此非文字之過近亦頗能作達子綸井叔澹亭暨浙中李武曾皆一代之才試而不售時時爲之歎息椒峯竟歸尤爲可惜近作急欲捧誦詢之家兄茫然不知不審今在何處俟見後卽效筆墨之勞弟舊學荒落日下雖無酬應然亦不能作佳語若窮

思著述千古自在耳一笑一笑老親幸粗安并謝草草
附候暑中惟起居節宜爲禱不盡

一別便及三載老年兄忽當大故弟在三千里外不能
隻雞斗酒一哭几筵去夏身至都城始知抱歉無量正
擬覓便奉候興居忽荷枉緘令人媿慙欲死承諭以誄
辭見屬此子弟職也況又荷年兄知愛之深不敢以不
文辭但目下匆匆應制必俟 御試後勉力爲之恐不
能揄揚老年伯之萬一奈何奈何聞年兄已卽吉想不
日可以治裝入都握晤當不遠老年兄近著想益富郵

中望寄數篇以慰馳仰小詩書扇呈笑聊表相思殊不成章也使乎倚待草草不恭并希原諒不贅

頃奉謁日中毒熱不敢求見早晚俟微涼請教弟從未填詞偶學爲之粗鄙可笑敬書以供捧腹不一小弟禾頓首

連日失候渴想渴想椒峯一事殊不可解雨中偶成二律博粲康老遂作古人風流可念令人與殄瘁之歎昨成長歌一章極誕妄可笑已送去糊壁年兄過彼處當見之也不一

前擾謝謝明日邀貴座主一談敢借卓圍二條椅披坐
褥各六用過卽奉上屢瀆自覺可憎然知老年兄不厭
也小詞成之數日憚於手錄頃因作字遂發興書政幸
斧正是荷不一小弟禾頓首

連日不面渴想渴想弟歸計已決欲覓字子老省親呈
稿懇老年兄命貴役一查錄出弟行期不出五月萬望
留意容叩謝不一小弟禾頓首

昨晤家實菴知綸老護惜扇陞以弟所佩爲薦弟最寶
者四枚三歸實庵一爲綸老所竊今存一鼓實不佳奉

去清賞免年兄復作綸老伎倆笑笑具題之稿聞家公
昨已力催幸再向載老一促弟早得歸見老親卽仁人
之賜也不一弟禾頓首

具呈二十餘日題請杳然懇老年兄一促之弟得早見
老親一日皆年兄之賜也此懇小弟禾頓首

葉主事封

老年兄至性過人致哀盡孝憶奉送時悲容深墨相視
含悽不忍作一語別來忽忽遂已歲餘弟于去秋薄遊
江左今春始還道中瞻言鳬繹緬想故人家在其間不

得過從徘徊久之頃接手翰具知孝履平安是慰讀太
老伯先生表傳令人起敬慕其文亦清真古淡非苟作
者年兄思顯其親而必擇其人爲之表章斯誠可以不
朽也弟一誤失足需次無期自知百不如人空爾淹留
逐隊當於秋杪暫歸敝廬無足道者前於阮翁處讀年
兄古詩一卷高蒼沈鬱迴絕時流餘體何竟不見寄同
學翹候已久此似於讀禮無妨也拙刻先成竊慙糠粃
頃賦一篇並呈教正闕里石刻曾裒集否其漢魏六朝
碑碣存者乞便中各揭一紙見惠爲感肅此附復不盡

願言五月二十一日弟封再頓首

十九日接手翰及寄碑刻具感不遠垂注展讀摩挲如
獲拱璧謹謝謹謝流年又易深憶停雲老年兄讀禮之
餘留情筆墨承示佳藁容從實菴兄所取而讀之計尊
服將闋入夏便當赴補倘弟彼時猶滯此間則促郝細
論諒有日也弟本無學問謬竊虛聲邇復苦貧氣盡舊
業益荒蕪不可治且悠悠久待而此中才品糅雜頗有
不自愛重以奔走貽笑大方者將來未知作何結局弟
自揣荒疎迂拙加以福命不齊豈有幸耶遙辱關念徒

增慚汗耳聞貴鄉饑祲貴郡不審何如顧甯老金石集
記年兄向曾見之否甯人博雅精核當無所遺而據其
所開在曲阜孔廟者五代以上不滿廿碑其信然耶今
錄呈備查其未有者隨便補揭未敢得隲更望也今日
赴大嵩敝先生宅陪弔恐使者遄旋草草勒復未盡所
懷正月廿日弟封載頓首

戊午獲奉良書並墨刻具感存注裁復之後鱗鴻遂稀
庚申詹麗朋舍親還自錢塘云得覩眉宇兼辱寄聲中
心藏之時爲馳企此知榮補已久先生清通簡要雅望

攸隆內晉崇階自計日俟之耳憶曩從阮亭先生所借
讀尊著七言古體一卷頓挫深穩極有杜韓之風聞後
在南中已鐫全集乞便中惠寄一冊爲幸弟自己未罷
歸困於薪積頻年奔走無濟饑寒今亦甘老江邊而齒
疏髮變已無足言矣懇者弟在西城之日恭逢十四年
恩詔應得誥命原領執照留楊晴西舍親處於去年
正月內轉付內院供事李贊朝比時李云已寫只候彙
齊請寶送部而舍親匆匆赴開封之任頓成古人不及
領到稽延至今又逾一載幸值先生當事敢求垂照查

明發領付敝同年吳巢薇舍親轉寄存沒之感銜結以之也風便肅候鴻禧並附虔禱伏惟留意憑穎顒瞻近刻一冊寄呈教正不盡八月十二日弟封再頓首

林觀察堯英

十年壇坫夙奉敦槃弟以飯甌細響荷老先生年臺收之藥籠之中思欲執弭追從而予告旋里末由昕夕樞趨座側而琅琅鈞天震聾人耳沐浴誨益固已多矣昨聞玉節北指海內鳳麟仰藉璣衡蒐拔媿弟鹿鹿風塵懷鉛滋懼惟是冰兢自矢所識者皆繩樞之子期於提

命之意稍稍靡負引領台慈頻垂雲芑承示佳賦貳篇
業已遵爲玉尺矣尙容耑勒馳申燕賀肅此奉復臨啓
可任神馳張老先生札俟到汴之日報命附聞

謝郎中重輝

憶昔都門旅邸過從朝夕聚首恍然如前日事而居諸
迅駛不覺兩易寒暑同調兄弟紛飛南北契洽如吾兄
亦不能一楮通候疎慵之罪真擢髮難遁矣使者來京
備悉起居知襄事之餘觸緒悲愴殊爲不堪然人生逆
境勢所不免所望節哀自玉以俟側席之求勿徒過爲

悲傷也至弟七載散曹閒懶成癖一旦誤投網羅抱牘
案頭久成俗吏意欲乞恩東歸謀爲遂初之計而三
兄弟堅不肯放奈何奈何諸家詩已送實兄巢寄拙作
二首就正大方幸筆示爲望使返空函肅候不盡不盡
曹郎中貞吉

自春來三接手教因乏便鴻尙無報章知年兄必能相
諒也小兒回知底事全仗年兄餘光雖出當事之惠猶
解推也且適館授餐有加無已弟甯作石人耶敢不終
身佩之夏斗老騎驢覓科不謂後時匆匆一言不獲再

晤矣輦下詞客自然雲集但崔羅之門從未枉高賢之
駕其有素交者投贈亦復寥寥弟自分迂腐陳人正未
敢沿門投刺若復縱橫其間面皮三寸矣年兄尙何取
於弟耶著作極力掇拾猶不足二十種盡以相寄以爲
引睡之具可以爲噴飯之具亦無不可也佳筵領到但
恐無如許善書者謹留以待時或托人轉求亦可方暑
惟冀保攝爲道自愛使旋順候興居並闔宅福履不旣
盛使來又接手教兼詢近履知闔宅平善爲慰年兄卽
吉在邇想轉眴可晤芝眉矣別諭原屬過慮然已托髯

公諄致差不辱命也月來諸博學皇皇得失佳筭未得
悉徵俟此局小定可以彙寄矣諸容另悉不次不莊
向乏便鴻遂疎音問然此心無日不在左右也人回敬
候年伯母起居並闔宅福履我輩握手之期或在夏秋
但弟貧病之餘筆硯荒廢塵土面目真無以對故人矣
奈何吾鄉災荒之狀不忍深思不敢多言剝膚之患非
杞憂也詩餘一道向因少事借以送日結習所在筆墨
遂多其年錫鬯日督付梓所以未卽災梨者作者林立
羞事雷同一囊無餘貲難修不急二心懶憚於檢校三

草草結構不敢自信四侯年兄入都後再加斧斤方可
出以示人耳云何詩畧亦半年未刷印敝笥中搜得一
冊奉寄俟印出時不妨多帶耳佳筴日爲在心所以遲
遲至今者因入冬宏詞之士方大集歲底始得散完又
最難收日來因考期在卽諸公鍵戶不通人事不忍亂
其文思故交卷不多先寄去十四柄內鉅公詞翰尙未
數數也俟徵完再寄久不晤阮兄尊集尙未得讀俟小
暇當過彼寓細觀耳令弟年兄寓最遠雪後道阻未及
一訪看花在邇領益正有日也意緒草草筆不盡罄

連日未晤渴思如啓者粗紙一幅求年兄小楷一段
將爲模楷懇卽賜爲感前諭已致之舍弟矣容面不旣
弟貞吉頓首

數日來未晤矣舍弟昨有信來云去年讀大作三紙服
其秀絕更欲求全集一觀不知可賜教否又欲購廣平
申鳧盟集一部但弟與隨叔太史無素併煩年兄鼎力
一求何如示之容面道不旣弟貞吉頓首

三年之別計秋高定可握手不謂年兄又以假請也令
人悵悵大集曾自阮兄處攜來一讀高山流水實移我

情但阮兄尙未鉛黃弟亦未僭妄此時尙在阮亭案頭
云已有字寄去矣敝邑二麥不登有如貴郡幸三伏雨
足秋禾似茂但未知將來何如耳同人濟濟深慶連茹
此古昔未有之盛我輩生際昌期目覩盛典爲榮多矣
正不必廁身其間然後愉快也云何云何弟胸次枯槁
閣筆有年間有拈弄亦如秋蛩夏蚓絕不成聲承年兄
見索謹以一帙請教乃吾愚山夫子與李武曾評定者
年兄泚筆抹之便中仍擲下何如扇又得八柄寄上所
餘不多矣此時群公衮衮更難仰求容徐圖之耳老母

藉庇粗安但比來善病令人牽縈年兄何以教之也使
旋敬問年伯母起居並閤宅平善草草不旣欲陳

田侍郎雯

伏暑焮炎渾身是病勉強視事煩苦支離申江告竣遄
赴姑蘇十六七可歸句曲年兄肯同萊老枉駕作快聚
乎物色佳麗當有同心弟所樂觀厥成也蘇茂宏靖家
亦在秦淮爲此舉三公坐而論道誠爲風流佳話又大
可妬也溧水上元謹心識之萊老寂無所遇何以處此
廣文諭訾無狀府詳到時當斟酌寬之餘不具及

南來以得晤年兄爲快而竟不果從此奔馳兩江之間
聚首良難望惠然來句曲度歲三茆峰色未必遜二洞
庭也竚盼竚盼邗上事竣蓋難言之矣盡在尊使口中
柔艣輕鷗又簿書鞅掌草復不多及

回句曲積勞疾作十九日強起赴澄江視事百端棘手
撐搯爲難萬念俱灰退歸何日前所云云不復作幻想
也秦淮風景甚佳暫避炎熇容圖快聚萊老亦留住爲
禱羽使奉候伏枕草草

弟平生要緊關頭在此一舉我兩人雖有姓氏之異不

啻胞乳之同。倘俟諄諄贅語。耶舟次池陽。聞王明老已返棹。真千載一時。不可錯過。從來成大事者。定有素心。熱腸好友。天然湊合。其間不先不後。而遇君正今日之謂矣。一切委曲。幹旋內而撫公外。而臬司許多妙用。大費精神。大費唇舌。匪易也。非細故也。專盼好音。千言萬語。不能盡如明老。不卽抵皖。年兄多住三日。面商禱禱。明老處另有專啓。

十二日抵滁。豐樂亭不知在何所。真同俗吏也。穆倩圖書望時一促之。乃可得耳。年兄見惠一匣。又持去爲舍。

弟鐫刻乞切致爲禱詞林寫大字不比部郎或宜選其
大者年兄斟酌之爲善弟皖道詩一冊批抹完卽付來
役祝祝餘不旣

五日京兆復遇兩上司新任命之不猶又復何言星卜
家皆云官運蹉跎信或有之年近五十鬚髮半白從此
入山唯恐不深但事多梗阻未免周旋照應心血俱枯
苦人苦人使至接手教感激之餘因而泣下平生骨肉
知己年兄外再無人矣大治意出於誠受庇良多今迎
至維揚渠已抵淮上晤後卽返句曲渠受事之日亦卽

弟交代之期也相待若何再當馳聞以慰吾兄懸切耳
前尊使回已有字奉候近聞勝遊歷下見萊老當自言
及小弟也致意爲禱他日卜居湖上老作隣翁不可不
商量留意耳試牘重刊呈閱拙詩亦在付梓另時請教
小物附呈晒照餘不悉及旋里當在五月意欲從濟寧
一路可以圖晤臨時先使人馳聞三月廿四日弟九頓
名恕

花明柳媚春色一新福履增勝惟有時切懷想耳人事
變遷江鄉又一局面值弟離任之日大費周旋苦衷難

言而考核之疏皖城公頓易初念置之二等仕路嶮巖
從此跼伏泉石大合夙願不復再作妄想殊自快也新
撫軍元宵後卽出都南下乃特命趨裝不能少停懸揣
其車轍所經定由泰山一路弟意欲煩吾兄候於道左
爲弟懇懇囑托弟於三月內卽交代閩仙雖爲去任之
官而交前接後頗有關涉非藉吾兄爲大護法又誰職
其責哉撫軍係敝年伯素在教愛之下者若非吾兄鼎
言則聖賢之用心行事固非庸愚所可測識也如何如
何望深思而自得之倘吾兄愛弟之深憐弟之拙且勞

用力一言則受賜多多矣更望早賜回音以慰鄙懷桐
江有信來否錫鬯又駐石城正促其捉筆也夏秋間在
吳門定爲吾兄構一青衣報命餘不悉及北望翹切

數年相依情逾骨肉一旦分袂能無痛思每與二三同
人言及不勝悵結台駕抵里多時唯望節哀加飡至祝
至祝錫鬯送來墓表一道馳寄一覽老年伯行誼表章
難盡以弟愚昧細讀此作文字平平似有未見錫老之
長者年兄閱之以爲何如阮翁年伯亦與弟無異辭也
前留紙書寫倘此文必用則仍返回原稿惟祈酌之燈

下草草餘衷不宣

兩接來教如相晤譚自年兄出都凡有衷情無可告語
始見平日手足之誼與他人不同不如此離索不知也
念甚念甚時在寢食夢寐中大事自應竭力然時事艱
難亦不宜大爲虛文拮据憔悴愛身以承先志又大孝
也誌銘自當沐手一書但稿在何處詢之綸錫亦云未
見其故何也想緘發時又遺忘耶速示之香酒事幸不
辱命已結局矣抄稿呈閱不盡欲言

誌銘稿至立偕孔年兄送虞山先生書就矣台意亦命

弟書第碑版之體非方正穩妥則不堪觀弟何能操筆
耶又不敢重違來諭勉爲一紙并呈尊覽既有虞作可
以勒石則拙筆聊爲副本而已刪去前面多銜亦此意
也頃染暑疾泄瀉不止又值新生小兒出痘草草臨池
益露醜態率復不一

忤老冬烘誤我至此大違本懷年兄知己想亦爲弟捉
鼻耶不遠卽塞責此番公案焚筆碎研作田舍翁本色
再不敢惹事矣水曹照命忽而得補真出意外但以長
安之珠桂吾土之飢荒實有隱憂耳邇來臂腕作痛精

神衰憊大異疇昔唯好靜坐最厭讀書如何如何大作
五古一帙記在林澹亭處容尋獲緘寄海內名士雲集
金門弟實未敢見一人卽阮升諸先生亦僅打照面而
已踽踽涼涼土木形骸俟年兄來就正有道另闢新境
也關注屢屢未及裁答客夏在雒口萊孺家得以備悉
况味坐談夜半恨不三人晤對罄厥寸心今復春色如
許闔宅近履伯母萬福臨啓翹切不宣

老年母北上知一路平安喜賀喜賀盛价東旋又接手
教骨肉關切無刻不置諸懷抱間樂天寄微之云以我

今朝意知君昨夜心今日之謂也底事南音已奏安貼
乾淨可望竿頭進步但從中結構大費思議舍弟晤商
知必有以教之也如何如何廿年來知己老友可語以
身心性命者惟我兄一人尙庸多贅哉日來抱病乃憂
鬱所致呵凍草草紙短意長也十五日辰刻弟百拜

兩接手教又見遽使心甚慰快留之多住數日種種可
商也離任之官景象便不堪世情如此亦無足怪考核
之疏至今未上皖城公意亦轉移四字之評不敢復望
不再強求居易俟命是我輩本來學問也聞各省皆註

上考恐將來必有變局難言之矣撫軍曾晤過否其意
若何望確示以寬懷抱弟別無囑致惟恃我年兄耳桐
江之言似乎游移今已另字寄去俟有回答再報錫嘏
在石城其詩可得裁管家帶回可也青之頗有葛藤臬
君可笑卽此一班亦可以見人情矣餘情續佈草草不
一

名落孫山甚合本意第多此一番租稊良可笑也舍弟
館選頗稱快事吾兄關情如手足意可知矣木天一席
自昔艷之我兩人得之於兄弟之間亦復何憾哉水曹

似水薪米爲艱需次兩年後之學差不啻河清屢思告
休議者多以爲不可安得知已如吾兄而與之決進退
哉家居樂趣不可勝言此味只淡泊寧靜人知之世情
太熱者昧昧也托疾極是而良晤頓慳殊悵悵耳同人
落落閉戶岑寂卽升六輩亦難見面矧論詩耶著作等
身便中惠教爲望弟寓卽吾兄舊居乃黃宅也月例五
金綸錫作成敢乞台鼎向令親家黃大年翁一言爲弟
作保寬其窘乏之時不忘圖報之地或年餘交割短長
不齊俟弟日里移時清算完結在黃年翁素契不薄自肯

肝胆相照而吾兄所以委曲周全乎小弟者此今日第一要事也老伯母康健萬福大年兄入都不遠舍弟後輩全仗提攜一言難盡臨筆翹切大作一冊在阮翁先生處遣人往討云批評未竟不肯發

年五十又生一子聊作眼前之戲不免後日之累甚可愧也宦情消磨都盡但恐坐不定又想出山此與老翁生兒同一醜態惹人嘲笑補法如何前有幾人亦望查示也兒曹廷試欲觀北場又慮迴避于乃叔畢竟以東闡爲安邇來文氣何者爲善惟祈揣摩至當有以教誨

之弟草野之人久不識文字爲何物也晨夕之間望呼
至膝前耳提面命吾子卽君之子也能膜外視之哉前
字已緘再書數行仍不能罄弟再頓首

歲聿云暮福祿倍增企賀企賀弟一病半載衰白日甚
堂堂五十不勝感慨也兒子能文小孫頗不庸俗差快
人意耳但家計漸窘明春作嵩少之遊借以彈鋏望兄
爲我策之然此道甚難不大寂莫便好也如何如何所
謂睡貉者又復告歸飢寒奴僕賤人情世態類此矣更
有書記張姓亦金陵人爲弟抄寫而適用者盜衣而去

聞在都下其人無賴乞留意防之切切卧病村中回首
廿年閱歷如隔世事而骨肉知己朝夕想念者惟公一
人此衷可質鬼神也不謬不謬京朝大官待漏多勞寶
嗇自愛不宜山薑弟震伏枕草

盛使北上數行奉聞想入記室弟有高山之遊正在束
裝亦無聊之意也茲小价偶至都再候起居外李世桀
一僮昔蒙惠用其人亦醇謹無俗氣第應賤役於村野
農夫之家學灌園織蓆似不相宜窺其意若厭薄其主
人者屢言辭歸白下弟不許仍欲送之年兄未識可否

當示我也林下之冷落如此富厚勢位可忽乎哉用是
增太息耳秋爽薄寒珍攝爲望臨筆不勝渴想中秋後
四日弟雯頓首

前有台札見示弟抵里後始接到也得榮補之信喜極
欲狂從此崇階晉秩爲萬物吐氣我輩生色矣弟來家
數日遂有第三子之痛幾至喪明近日脾病泄瀉景况
不堪鬚鬢全白竟不似人形老年兄先生骨肉關切其
何以救之考核一節南中杳無音信大約不妥到時望
照拂始終種種留懷知己之前烏容多贅然筆墨所至

不覺喋喋皆出衷腸也別言在盛使口中眼昏腕痛燈
下草草伏祈慈照爲禱小弟震頓首

家食習靜奉母課兒頗有趣致况鬚白眼花漸成病廢
抑且囊中虛空無以爲出山之資真不可奈何者也專
探吾兄超擢消息便是林下老友揚眉吐氣之日區區
不足道矣西山爽氣秋色照人待漏啓事亦甚勞瘁望
保重自愛以慰鄙懷念念徐公所抱何恙竟至不起而
房中耳東先生亦有怪症不能久延良可歎也盛使到
時已暮且同友人花間小飲燈下草草不及多書附有

劉函山集八冊並小札乞轉送方山

手指痛已五月此生與寫字無緣非嬾也拙詩書於佳
扇醜不可當奈何蛟老詩畫皆通怕人怕人年兄大作
定求一二日卽賜大教斷不可遲乃見相愛之至小弟
雯頓首

弟呈想未投明日決投爲主仍望年兄帶入或擲下弟
送之司務廳歸念已定事在必行不復猶豫也蛟門已
走附聞弟雯頓首

望老敝年伯選文之意甚殷弟亦欲必終其事特我輩

無暇實不能日赴滴翠園同研席也下孟文取來奉年
兄晨窓夕燈爲加丹黃定於初八日告竣李年伯尙欲
於歲前寄到維揚而我輩亦早完此一番公案斷不可
少遲一日也至祝至祝弟雯頓首

交雖多然精選不過三十篇足矣無可分任之者只求
年兄撥冗一閱頃刻竣事爲妙快雪堂已付之工人矣
餘晤悉

舍弟揀選乞留意倘在二十名之內感頌非淺門外一
送峨眉真戀戀不忍言別也家中人至慙下似是訛傳

并聞不一

刻下急過梁園晤話且以文事相商也

季老門兄弟雯
脩老年兄

頓首

弟連日病痢又輪上夜守晚莫可推辭苦極苦極年兄
明早不必進直午後早早進宿何如倘與人更換亦祈
以此意促之感感弟雯頓首

部中自有揭帖送內不聞有掛號之說也俟明日問來
再報弟雯頓首

來諭領悉想不能無費也前孔公者昨問當事云不知

容細查再聞弟雯頓首

唐詩奉上岷老軸已訂之須有以相贈方行也不一弟
雯頓首

程處士邃

吳楚三年義聲在東南久而相化比其旋也王大令擁
楫飄飄然人士莫能載酒祖帳所賴江流一動色云爾
徂歲屬望當如心之懸擬茲獲瑤函仍然燕居耶小技
苟爾餬口之物慙媿一生謬叨先生之品題遂使閉戶
得以馳驟於大人先生耳感荷施開府廣爲徵汲焉得

不萬里歸心日來淮南郭子抑王聖起兩公傳述至愛
嗣容另展未敢自必也別來殘喘幾幾就木季春忽舉
一孫目力腕力頓有少壯之氣四章應聲用命願勿時
於等閒何如何如函詢勝事全銷妄想恆念簡子之于
周舍反覆故人鐫文叔間中道中情豈堪貽笑學者乎
秦淮風景竟爾空谷無聲曠古未曾見此使者自金閭
往還速甚荒函率勒容覓便端布草略不恭教下遂頓
首

三章落款謹上因茅天老行急竝馳呈耳頃歸爲屐齒

傷足負痛明日痛止始能奉陪適得洗藥未必速効也
遜翁先生道宗教下期遜頓首

昨別後偶有五岳方寸之感遂復大醉今日幸勒成章
先以稿呈教此道不能如古人運斤成風覺前賢所
謂慘澹經營用盡一生心差近之先生必以爲然乎刻
下落款竟躬上之不敢塞責負安德兩君子也草草白
教下遜頓首

今晨候遣役不來只得着童子覓姜西老曦所書得之
渠積慕至久其有許多要言急欲與翁先面傾急使人

從扶老處促駕矣如已歸尊寓乞卽同臨我何如茅天
老及周李兩公有興與俱不另約修翁先生道宗期教
下遂頓首

宣鑪所重別真偽美式非所急世之罕物豈能求全然
先生不喜索耳只得發精秘曰橘囊者以贈此通身橘
皮棠紅腹中翡翠兼備不容多注腳矣前一字作緩急
語惟裁示之有一札上學君容繕託不一修翁先生顏
夫子教下遂頓首

石田畫敬付名手裝補而其人已入京師不可待先生

所用裱家聞頗善謹奉上請敕從事何如今日德躬當
安和讌遊必有應酬之煩也念之念之教下邃頓首
擬明日候臨一陳鄙蓄探知未暇乃卜初五矣所約同
觀朱先生及客中二三子來不可却耳上修翁先生顏
夫子教下邃頓首

前日報一遠客冒雨病大劇今日藥後始能趨候耳字
彙首尾二帙奉到此部屢經翻刻者也教下邃頓首

昨歸路冒寒風乃急傾盃中物竟醉極未作報今日凜
冽不能事筆墨久欲獻片語於學者終日覓句未成隻

字也竊願乞名世贈言垂不朽前荷許諾至是重有請
耳惟求先生屬意切切之甚周子先不更啓祈致之教
下邃頓首

前集不知先生竟行也昨聞尊府梁上君相過耳以足
痛不復奉候今日小雨印文曾換字否謹待命之紅字
一律書呈諸先生一笑如有成求一示爲望遜翁先生
顏夫子教下期邃頓首

先生方虛居蕭瑟而四國景從之徒莫非相累殊媿歲
寒促促無以分憂乃辱厚賜且情溢乎詞再三躊躇恐

迂人傑命世至意拜渥之感不安爲甚也草草就謝夜
來開酒戒正蹈小愈加病奈何奈何藥後當趨頌也遜
翁先生顏夫子教下期邃頓首

昨別後脾病轉劇不得時來左右以盡將離之緒今晨
服肉桂佐參求事休息或可振也黃紫垣一字呈覽欲
乞噓牘于何子受權部邃雖有交非先生九鼎安能生
色耶敢爲之請惟裁可否何如草草不一遜翁先生顏
夫子期教下邃頓首

今日趁未凍作匾書因久不事此故稍爲副本不足存

也希先生直加去取或竟付無用以待大手筆何如五
章皆落款馳上刻下欲躬詣而忽然雨作不敢前矣茅
先生一冊卽書乞致鄙意發來塗鴉請教耳附白脩翁
先生顏夫子期教下遂頓首

連雨不能趨侍然乘雨勒得三篆急馳請教焉夜來與
嚴方詒柱史飲談及先生風義于其尊君有知己之篤
非尋常也渠來此謝孝舟泊響水橋下偶一相聞云諸
容面悉遜翁先生顏夫子教下期遂頓首

此中感荷相尋夜來更承提挈不覺沉酣與談言淋漓

交極也領沃嗜研篤好因以所藏最上者進之其德備
美殺墨尤纖不必多下註脚先生藻鑒自精矣田公明
日行否今夜仍命駕於彼否體甚嚴重苟見召則前兩
相樂何如草勒不悉小兒不敢持刺可執鞭也修翁先
生顏夫子教下邃頓首

雨晴未定今日當入舟否耶前承鑒別諸鄙藏弗審尊
意何居不妨商畧何如刻下欲湊成卜居事敬託篤老
求緩急貳拾金乞卽垂手容不日報也修翁先生顏夫
子教下邃頓首

前之舊凍發還時不蒙裁決累日未見談及以爲可止
爰而止矣適間命及所謂知其所好而投之然選石難
遽得未若三獻不錄之物恐竝此又爲人有了漢玉山
乃焦太史家物送來先生觀之卽擲下可也教下遂頓
首

先生尊足應藥銷減否賤目忽爾羞明不獲過從石谷
一字代白昨見其做古妙甚明晨可告成也草草白原
字附上教下遂頓首

昨遽聞歸與有期不勝惆悵所懷百端難自舉耳施石

以爲盈几橫陳必得佳者如式矣今爲日甚迫將奈何
或姑從小者爲之或俟後期惟命之天篆兄先生藻鑑
之下倘果有意渠可竭忠執鞭且受師資克凜讀書之
志年來鍊氣知紛襍多害至誠是力云行止聽尊裁非
細商不可此兄見事多若得儒宗指南琢磨俾理顯於
林府何如何如教下邃頓首

天篆兄適來詢問已備述垂愛至意亦共聞歸裝伊邇
也然際倥傯非留客之時欲攜紫蟹數枚造先生牀下
少談今夕其相許否謹代白之教下邃頓首

壽施排律爲韻長短甘韻內外乞示之業屬吳天篆兄
彼俟先生見客時申謁耳明日方伯會奉訂否文宗爲
其郎君抱病四路延醫故遲遲來也玉石貲望擲與犬
子附白教下遂頓首

文宗五章求致其式先乞教之施公先後石皆平常之
極今石遠出其上索而按之是其驗也宜早定爲望教
下遂再頓首

倪處士會鼎

水陸半日便可瞻謁太翁先生以慰三十年之饑渴承

此大教快不可言宅報謹領達再承何札感甚匆匆夜
歸大什未及捧誦然已望氣知奇矣承台貺不敢概領
而使者將命甚殷謹拜登謝謝弟粗解書不容布鼓雷
門辱委是小巫之見大巫神氣爲殫容詰朝書上適以
貴座師暫留尙有三日之停諸容別佈不一

酒脯論交昔賢所貴辱召固無辭理第尊體違和不宜
久坐且弟行色匆匆塵事龐襍坐方台命惟祈原亮瘡
瘍最忌服烟及豕肉炙燂之類其有所試不可不戒程
單所列祈照察便覽如有心期在其地者敬求寶字數

行明晚候領怙誼瀆陳臨岐爽爽

尊體已平復乎甚念大率初發宜清散瀆後宜補託此
用藥之大法也辱委直是班門掉斧勉報甚赧大筆真
有虎跳天門之概令人心折一筵求飛翰數行得卽揮
幸甚倘台冗詰旦候領諸不一

客夏從文度王世兄附致一函定達青臚履端更始萬
象俱鮮煥發新猷益徵宏曠矣先嚴賜地賴趙公祖而
全後有爭而去者亦已別補雖高下有殊而事無虛設
悉繇高雅永矢勿諉敬謝先嚴遺書未剖曩荷虹襟以

屬恆齋王父母不意旋即解事未克經營今會稽新宰
想已銓除仍祈鼎呂鄭重始終雅願弟閉戶却掃編著
因禮會歸一書以晰文獻衍義之所未精與增所未備
又以半日餘晷守虛湛之天憚與世接惟希爲鈍子運
建先容之俾又籍手遺書亦先君所銘勒也相致之後
仍祈金玉見示卽致王世兄郵下爲禱諸不覩縷徒有
神奉

遺書荷厚雅曲謀刊布感在先人泉壤不止弟子孫世
世也奏牘仍存忌諱自不妨借輝燕許必不可則求弁

引尺牘候武林草示誌大德於不朽耳尺牘分類而復
編年有國事民瘼時事經濟文章駢偶心期泛應上交
汲引持已家函諸目此其概也弟習靜簡出或有剗劖
事須面商於王父母者意欲令小兒運建代爲啓白然
尙未識荆晤時祈世臺并爲先容及此區醜書報殊不
稱渠之望尊札祇候揮擲臨岐再圖趨送並鳴謝弟會
鼎頓首前贊中一字之一宜改隻古風內籍疑誤作藉
不妨屬他手一爲改註遺篆冊容日奉繳小楷逼真二
王如蒙惠篇什望卽以此體書教

獲誦教答有伋雲虹賀監湖邊鄭宏溪曲引領紫氣者
又且數月而此傳華軫更將西適吳會果爾則抵掌之
緣復失於交臂謹此聲問以慰旁皇讀太翁先生傳畧
忠孝同歸爭輝日月董狐輩出自致千秋附將先傳要
惟老世臺昆玉發其熊魂然傳中敘司農事殊簡而先
集諸板多闕失其舊本卒未得致未卽寄覽所已送部
者有奏牘鈔刻諸本及應本講編二種希伯仲參攬其
間也貴通家王父母溫恭豈弟氣誼文心俱稱最上自
爲絳幄游揚野人雖甚心儀要不敢躋堂數溷先集之

未刻者有計樞奏牘及尺牘雜著諸編其已刻之集先
爲健兒投爨斤板無存三十四年間欲以漸謀削竟無
一就帖在高雲倘邀數行與貫通家商此數種傳之通
邑大都此爲壽我先人雖石泐海枯義存無斃自非高
誼薄霄固不敢及此耳統惟鑒原諸不覩縷倘駕尙東
渡翹首以俟另一先傳祈寄令兄世臺未及專啓爲罪
也

鑑湖抵掌以來又數更裘葛檣車逡覽方還啓事芥蒂
山川鳴鏘廊序盪胸浴日交擅其長方諸升林殆復過

之矣時從貴門人王恆齋悉起居粗慰遐鄙恆父母今
之魯山車路已輕忽爾顛躓文法困人坐失琬琰良可
惜也數年交誼視兒輩都如手足所婢畸人莫致百一
弟老至無聞內求性道而未能悉謝人緣焚棄筆墨似
此因循深慙知己風便附候都不覩縷敝郡牧令中有
可爲小兒運建鄒吹地者祈瑤函一二卽郵致王父母
轉示可免石頓之虞禱禱

燕山抵掌一別十年秋葦之感無時去心令間休暢景
卿百爾野人疎陋室於鯉鴻惟是高談在耳舊詠娛心

千里縈紆不覺其遠側聞老世臺稅駕聖湖心眉並飛
會方鍵關習靜不卽褰裳居恆未嘗迷夢尋之路及旣
咫尺乃更河漢抑何悖耶緬惟昔者飲德南返間關鄭
鄉把奉太翁先生款洽累日相與謁聖林登關里瞻姬
公復聖諸廟貌還拜祖太翁前賢於松柏間聯袂行吟
繾綣惜別會幾何時而琴亡梁壞可勝悽惻炙雞旣媿
昔人馭寄亦乖驢責古今之不相及大略如此矣令友
玉昆龍光載煥其爲繼述足以千秋靜功圓日當坐晤
於雙高之下倘鵠首東來懷古越王之域則日占紫氣

引頌望之率爾佈候諸容面罄不悉

未刻上疏先錄其半以奉台覽敢祈并言用昭來禩三
都託元晏乃始益行莫爲之後雖盛莫傳道固然也惟
老世臺不吝珠玉成茲遠萊率懇不恭并祈原宥弟會
鼎載頓首

鳴榔遄遽當繇宛委山靈慧力輕淺不能多邀篇什耳
前懇大序爲先嚴奏牘之輝望卽屬草容泥首以謝頃
一筭附使求臨池數行惟教之冊卷明午繳上先筆一
通奉覽小狔一筭并求揮歸卽令奉謁弟會鼎頓首

吳御史涵

自趨叩函丈後適抱微疴靜攝數日兼以大篇義蘊宏
深非末學晚進所可倉猝卒業反覆展誦始敢管窺遲
遲未報深用歉然但涵實淺陋加以舊學久荒妄有贊
歎亦恐無當高深如何如何尚祈太老夫子進而教之
肅此稟復尊稿并趙上不一涵載頓首

雖館事告終日內彼此拜賀世情雜遝一時不能卽了
長安做官人算此便是正務良可歎也承示大篇久羈
恐悞剗劒昨力疾從燈下展卷快讀恍如蘇滄浪斗酒

披閱漢書其樂無極軟塵袞袞中得時聆此德音少陵
所謂欲覺聞晨鐘令人發深省增長志氣不淺耳謹先
以三首趙上非敢云僭跋得附大集爲箋註之流庶幾
管中窺也但諸臣篇涵意以不付刻爲高陳蔡大夫不
云乎其所以刺譏皆中諸侯王病恐以吾道爲兕虎耳如
何如何餘容續綴并寫拙詩呈正也敝鄉親姚琛新授
崇仁巡檢前已面陳倘荷九鼎如戴生成并祈卽發爲
感端此稟達不一涵載頓首

前奉謁時承問及刊工之精鈔者遍訪得一友向係刻

呂晚村天蓋樓之手其鏤劃端好筆勢飛動所不待言
崙令人送到其人朱姓號若聖惟祈採用必不悞也此
稟涵載頓首

嚴侍郎曾槩

疎違良晤不覺忽近一月此心實依依左右奈半月來
爲瘡瘍所苦且有不可告人之狀以此久疎我世臺先
生也幸到西湖如此之久而弟不獲時時攀教論心自
愧自笑然非澹然忘之此中有難以言喻者卽告之世
臺先生亦未必遂相信耳風日頗佳曾得可意人否日

內因有俗冗畧緩一二日尙圖屈敘也昨未布復端此
奉謝書法之妙真絕頂矣小弟槩頓首上

偶因不得已有一唐突語命小价面稟倘可周一時之
急弟於世翁三衢旋省之日卽行奉趙老世翁來客敝
地弟斷不敢爽約也實緣至急赧面耳亮之制弟槩稽
首

前甚褻尊歎甚歎甚蒙諭之語已日爲留心奈因鄉間
小事暫到山中兩日大約歸在初五便可報命也端此
布聞不一制小弟槩稽首

相別忽忽月餘正思叔度昨承枉過始知台駕到省今
擬趨候奈體中偶爾小劇未得振足悵歉何已承示佳
句古氣遒勁絕不猶人真傑作也敬服敬服所諭翹楚
語意在童子乎抑非然耶明日稍可當趨叩以悉制小
弟渠稽首

董孝廉俞

一春陰雨不得時侍大教用深耿歉辱諭題藤陰讀書
圖偶成二絕書正但可供捧腹耳不備月初要往婁江
以客歲在都川鄭山老以一札屬謁顏州尊至今逡巡

未往聞係貴同宗不知其果好客否山老之札可恃否
不肖恐徒折盤費故未敢去幸老先生示之鄭札呈覽
覽畢乞付來爲禱修翁老先生小弟俞頓首

董進士含

陰雨連旬幾有漏天之憂聞先生扁舟獨遊雙屐所至
題咏必多三泖九峯爲之生色矣讀書圖勉應尊命醜
詩惡札自見欲嘔况大方乎仰求痛削稍霽卽走晤不
旣小弟含頓首

春雨連綿不能走晤頃讀瑤章如觀大國之風吳人辟

易矣舊刻二種呈教小扇倘可選略賜以大作庶可邀惠於不朽矣小弟含頓首

朝承枉重頃卽趨晤駕尙未歸悵然而返知文旌明晨便發聚首兩月依依之情如讀河梁之什矣前趙二火傳諭鄙作實契予心卽改二語今附正先生風雅領袖方今作者雖多知愛我實深敢以拙稿三種計入冊附先生行李倘遇知音或選家爲弟代致一經品題聲價自倍弟蕭然四壁分隔青雲竊欲以此表見海內名公相與者多其未識面者不過數人耳今得先生可以無

憾矣倘明日未行尙當走別躬送臨穎惘然不盡欲語
脩翁老年臺先生大人知已小弟合頓首改讀書圖二
語希爲較正看君意氣隘八溟吐辭厯落詩清冷

昨知當事遨遊九峯敝邑山川想領畧殆盡矣韶九父
子俱滯秣陵往問其家漫無以應此外藏紙者絕少奈
何奈何容廣詢報命也卽走晤不旣小弟含頓首聞友
趙二火想不能無望於先生卧山六益兩公聞已上達
托弟晤時緩致此意并聞

兩日微患目疾不獲走晤念切念切適有小僕顧姓爲

圖蠹詐害頃以一札達魯公祖聞今夕奉屈台駕得爲
鼎言囑其始終照管魯公祖待弟輩極有情分重以先
生一語尤妙幸留神是荷明走謝不既小弟含頓首
往青溪兩日不獲走候弟處惟有廣韻卽附來手明後
日當圖把晤耳脩翁老年臺先生小弟含頓首

張觀察衡

客春拜別倏已再歲遙念兩年兄孝履此中常翼翼耳
正在懸想忽辱瑤函兼詢遽使知先年伯大襄已竣未
得走送墓門躬効執紼負罪莫贖奈何弟於春初請觀

旋里遂有上谷之役歸來匆匆爲兒女俗緣所累日與
五作爲儔伍俗氣撲人不復知筆墨爲何事矣承命書
碑未敢遜辭揮汗勉副拋楮滿地無一合作對大巫而
却步可笑也隕越盛舉罪過不小斷宜另尋名書易之
耳扁四字具見兩年兄自命之嚴承家作聖實在於此
極爲歛衽但欲稍寬報命無訝其稽延爲望耳兩年兄
從吉匪遙榮補在卽弟無一芹之將敢辱大貺藉手奉
璧千祈心原冬抄弟假亦滿例當繳照貴衙門想可聚
首長安也臨楮神馳不具

二冊塗上冗中勉副不能如意也聞法黃老畫已經取
到幸付來手前綾並求揮擲也草草不具小弟衡頓首
連日未得趨教耿耿前煩求法老先生作畫弟亦往拜
一次今可相催乎幸留意不具弟衡頓首

俗緣日絆欲結琴社未能憾甚憾甚一綾煩大書送李
仲淑年兄令姪太學生也乞早教乃感通法寺琴弟伺
其在可同年兄往觀耳弟衡頓首

連日俗冗無有停刻筆下亦帶俗氣不能強也承命書
數紙試筆不堪着眼明日再寫呈教恐終不中用耳卷

須稍爲展限如何如何弟衡頓首

前蒙諭手卷已送康老書訖今又致南兄矣想不至久
滯也昨送貴部人名弟通未留心一看不知弟俸如何
開祈抄示爲感諸晤罄

年兄所付側釐以移寓不知所在另塗二紙奉教不足
以當一噓也外有敝友端石一方托弟求售頗鮮潤發
墨年兄欲得之弟卽取呈法照價亦不甚爭持幸示之
弟衡頓首

黃處士雲

秦漢碑版夢想不得一見乃承傾儲見賜感勒可言謹
謝謹謝小詩一首塗紙附呈求斧政垂和更感大約復
日方得東歸衡老札領到錢塘札容卽草上晚雲再頓
首

尊照如命敬題謹呈上唯改削存之晚有白雲庄廬墓
圖未攜來其略在毛馳黃札中乞贈一詩書宣紙上至
懇紙小幅幸查到史舍親薄程輶褻欲奉攀尙未得如
願耳羅兄母壽併望華袞此亦至誠君子也脩翁老先
生晚雲頓首

趙贊善執信

日者疎聆雅誨心常耿耿每欲奉求法書未敢唐突敝
同年孫子立同有傾企之私今奉使安南欲得贈行數
語倘不吝珠玉初旬幸賜下也尙容面頌不宣上脩翁
先生弟執信再拜

鄧舍人漢儀

梓人周長年技極精敏而爲人更老誠謹以貢之臺下
有所剗劂乞呼至堦前面授之必不辱命耳漫草一序
祇以請教不敢災梨也上修翁先生老年臺小弟儀頓

首

黃編脩士塤

暑甚不能走晤爲悵昨研是一友人從粵中攜出者真
青花水坑也弟與之論價已久因囊空未及購取耳老
年臺如喜之大約非十金以外不能售也茲有敝友馬
叔載兄武林舊家爲人儒雅善琢研若有佳石必須名
手故囑其奉叩幸老年臺進而教之餘晤悉弟黃士塤
頓首

王推官仕雲

顏先生人倫師表私心嚮往良久昨者因病卧有失迎
迂函欲請教負荆日來未見手復心甚懸懸特此再求
明示或竟送席如何穆翁先生我師弟仕雲頓首

天氣雖暑禮不宜遲已戒庖矣確於二十五日治具送
顏先生旅次借重道翁主爵弟日來下體結燥苦不可
言不能陪侍奈何穆翁先生我師弟仕雲頓首

王處士宏撰

自違道範迄今七載緬懷丰采寤寐爲勞每於邸報中
得榮擢之訛爲之喜慰而道阻且長不能時通音問祇

增悵望耳小兒赴國學趨謁台堦仰冀照拂知先生於
故人之誼定不薄也臨楮翹切不盡欲宣

孤陋之人兼以衰病日侵自分邱壑老矣乃逐時賢之
隊溷跡京華不特夜慙枕衾抑亦晝媿天日而翰教遠
來遽以激昂相期豈所望於先生乎惟道阻且長音問
久疎先生儼然衰經之中而弟未能稍申雞絮之儀中
心是疚如何可言諫詞見屬不敢以功賤爲辭但願寬
之異日耳佳稿尙未獲讀容於天生處取之統俟再報
小作附呈唯先生教之病目草草不能作細字後晤無

期但有悵望弟宏撰載頓首

承手札知甯人溫喜慰慰墨刻之惠如得百朋此復並
謝弟宏撰頓首

方欲走候得手札詢之使者知己就道殊爲悵悵耳落
魄腐儒不能盡地主之儀惟知己諒之恕之搦筆黯然
修來先生弟宏撰頓首

辰刻欲趨晤知山遊必倦恐悞美寢是以不至耳舍弟
適來奉拜午刻邀過其齋鳳至亦同往唯早過幸甚修
來先生世弟宏撰頓首

葉處士閣

從會稽客中一別台教不覺五易寒暑歲月遷禪如駒
過隙每當風雨牢落之際未嘗不伏枕懷思吾脩翁先
生之高誼更篋中所藏珠玉時時把讀如對晤言拙選
詩觀二集又補登大篇數章以光不朽閣風塵碌碌浪
迹江湖所心服此道風雅宗主以起衰末如先生當世
有幾人哉茲杭州敝友王樂天來京之便謹修數行奉
候新祉王兄精於岐黃而詩句復大雅可觀藉弟曹邱
得晉謁於龍門便中假之齒頰俾韓康賣藥都市人人

識其姓名爲荷多矣餘情縷切不旣

會處士燦

別後卽有眞州之行留劄寓中候駕遣取乃竟不果何
耶嗣於二月內復攜魏刻至金陵又值仙舟往皖恐有
浮沉復不敢留今屈指數月知先生斷不到蘇矣故敢
將原刻二十冊附上希爲查收魏舍親旅櫬已歸其令
姪從家來云做親母聞舍親之訃絕食十三日而死義
士節婦萃於一門眞奇事也做友兄彭躬庵一書及其
門人梓行集中并爲附覽可以得其大槩已先生以聞

揚幽隱爲已任倘遇名賢廣爲流布亦千古一佳話也
拙選苦不得竣且卷帙日廣愈難發行未審當事肯爲
將伯之助否弟餬口無策溝壑堪憂先生誼篤友生當
必有爲弟地者幸以教我便羽附候不盡神瞻

正欲遣人走訊得接翰教知已返棹刻下卒歲無策小
兒天花未愈竟不能還山明早奉叩履端當親聆塵談
也田文宗諸詩前已發刻但在奇窘中未得取回俟遣
走索報命如駕行急只得再圖後舉矣何如何如尊賻
致魏先生者似宜備一禮單方可賁往弟初四卽往真

州往返在旬日間鄧尉之約萬毋見負爲祝小弟燦頓
首

前月曾郵一緘并魏舍親合傳托周雪客兄轉致至今
未見報章豈竟浮沉耶聞駕尙留金陵千里江山三春
花鳥盡收入少陵彩筆中恨燦阻此帶水不能一誦黃
初佳句使白間生黑絲耳燦潦倒無似溝壑堪憂雖不
得望昌黎之哀號豈不能効唐衢之善哭然終無有起
而拯之者信乎其命之窮也先生文章風雅齒頰皆春
散吹煦而生羽翼者端有望矣近欲重理過日一選現

在鳩工前先生攜去序文凡例皆較售已定別無副本
乞爲簡出交學在兄轉寄俟脩補完日卽當另繕一冊
就政有道可也黃生想已不售其人亦已謝去重煩尊
念啣戢不旣

前月附一槭奉候想呈典籤矣日望台旌之至怒如饑
渴坐守蕭寺匝月有餘又未見遣發紀綱不知何故知
就西泠山水或又別有奇遇故遲遲其行耶今再以數
行奉訂如過此月不至弟將送小兒南歸取道錢唐當
親資魏舍親傳稿及其文集奉覽可也書到望卽見答

勿令久稽爲感本擬遣小力端致因刻下遭一意外之
變奔走經營日不暇給茲值便鴻再函相訂希惟原亮
臨穎主臣

弟本不能作字欲錄近詩就正倩人捉刀故爾遲遲布
鼓雷門徒深惶恐耳外箋一幅求周年翁大筆以爲光
寵望轉致之今日因有公集不暇走候遲晨當就教并
話別也大作已向秋翁處領到矣容面致歸不一小弟
曾燦頓首

西冷邂逅殊出意表但恨未傾筐倒庋飫聆塵談耳還

山卽致家傳於叔子舍親緣以伏枕呻吟參苓藥餌爲
費不訾一切筆墨槩行謝却以先生爲文章宗工景仰
已非一日又令祖老先生大節凜凜爲誼所不容辭故
倚枕構思日內方得脫稿卽欲賫送因向有重陽之約
恐彼此相左徒費往返茲值有便鴻帑械附候倘先生
一時未得解維或遣人到蘇來領或俟大駕親臨一聽
尊指大抵耑函禮幣似不能少先生幸一酌之可也弟
近奇窘異常竟爲浙幕所累小兒到吳半載至不得歸
先生素重交游能爲弟另覓一席否韓昌黎所謂哀號

泥塗不得不望於大有力者極而出之也學在昆仲刻
下卽有真州之役若到吳門幸向申衙前問朱明寺方
丈可得弟踪跡否則遣人至光福亦不遠耳諸容面頌
不旣尊稿爲友人攫去致七律一體竟未登板望速郵
一冊見寄立竢立竢

陳中書玉璫

憶江樓奉教過承高誼如雲迄今銘佩弟於上年三月
抵都卽聞老年伯仙遊之信不勝痛悼束芻絮酒深愧
古人罪歎奚似益都夫子見示尊狀稔知老年伯文章

孝行不朽天壤大筆纏綿委宛曲盡孝思使讀者聲淚俱下溽暑節哀千萬珍重接手翰極荷注存感刻無已但以弟樗材而濫登薦牘方日夕惶懼門兄應有教我乃亦爲不知已之談耶拙刻散亂無以就正容俟白駕赴都之日細求指南耳遽使旋草此布復臨穎翹馳弟行矣儲年兄尙有數日留當更與老年門兄暢晤也底事深感周旋乃君自圖展報悉之玉兄頽間其別商玉兄意欲藉鼎叨惠弟於中亦可分餘潤想老門兄所樂爲者餘皆玉兄面悉瀕行肅勒未一陳玉瑛拜

伊中丞闢

憶違儀範再易葵葛注念之私與日俱積因乏便羽未
得時脩候音耿惻於懷接翰教悉老年翁孝履清佳深
爲慰藉弟日事俗冗逐逐於車塵馬足中通無好懷可
聞知己草此布復附候起居令兄門翁不及專字幸爲
叱致不盡馳切

柯鼎 侯攷

昨台旌俶發未遑祖餞前行以抒款曲耿耿在中至今
不忘旣聞孝履清嚴復不能以時佈候殊深懷抱茲當

服闋引領星躔而惠音肆好不啻面晤發函展讀何深
以厚也弟近狀平平無足粗述把晤非遙姑需來日別
諭使者俱已領悉肅檄佈復可任依溯

翁員外英

前勞枉顧以外出未及倒屣殊深悵耿豚兒荷老年翁
栽培弗敢自弛以負恩施但賦質駑鈍卽日加淬礪之
功未審能仰副惓切否耳月課求嚴加改削倘得藉南
指以不迷所往感刻曷有旣耶表題有時務急擬者并
求賜教所諭河差前任以四月初旬到任但今歲多一

閏月赴任則在來春三月初定例以三個月前題差自
不出臘月初事也倘可稍遲尙圖面傾率此暫復未一
鄧參議秉恆

拜別之後於八月六日至豫是日卽赴宴入闈不敢因
循本省舊習平正並取濃澹兼收惟以不背朱註者爲
尙幸外監諸同事力矯從前之奇苛一切謄錄收受悉
從寬大以故得卷甚多除孤經卷少不得不節取外其
三大經盡拔其尤文風稍變甘名之內似不遜江浙諸
大省也老年長兄自鑒別之惟是所最苦者舊撫守制

謝事新撫履任尙遲場事一畢內簾星散求望顏色而
不得弟輩不得不束裝就道矣然事例又萬不可廢業
已照上次措足倘有一切不及檢點之處望槩爲包容
弟非木石敢忘所報哉弟爲先壠不得不歸家一爲料
理幸卽賜完結遠人得以安心總容至京之日泥首百
叩不旣

郭侍郎蔡

拜別後晝夜兼程屆期抵汴鎖闥視事冰淵戰兢中州
文字素多平弱謬欲矯偏諸美咸錄幸外闡諸公力反

前苛士子各盡所長頗得佳卷老年翁玉尺冰鑑自能
照徹弟等苦衷也獨是孤經寥寥無由拔奇選雋耳次
第之間大意可見撤棘以前慎重檢點似無舛錯但因
郎撫軍督促甚迫當日封卷卽刻起發字句差訛未敢
自信其全無也總恃老年翁愛我憐我慨爲錦覆貴衙
門諸大君子並求切致微有苦者豫州節鉞新舊往來
人情渙散分校者見解卷迅速漫不關切弟兩人事竣
冰冷雖大聲疾呼誰其聽之千里之外深慮愆期不得
不勉力從事弟之素况久在洞鑒中知老年翁自能憐

我愛我也就中緩急肯縈悉惟台命耳元老函中言之甚悉不更覲縷弟不久抵都當泥首崇墀稱謝高厚並布餘悰倉皇草率不盡欲言伏惟照注臨楮禱切

侯郎中杲

前駕駐龍江時小兒輩往來潯上過蒙老年兄猶子之愛優渥過情教誨之餘復損隆惠歸道種種媿感何極弟自去秋罹變熒熒苦塊死無生理遙聞老年兄新履勝常惟有北望額手而已茲以敝邑歲貢士王諱仁灝故粵憲雪軒先生之令嗣也齒少於弟十有五年績學

善屬文敦盤之好推牛耳者幾遍海內今甫逾壯已哀
然爲多士冠入對大廷久仰龍門思欲自進於臺下至
出咨考校諸項俱乞老年兄一一提誨而獎進之弟係
總角交而兼至戚故敢代爲先容若夫文章聲氣之合
知老年兄別有賞鑒固無俟弟言爲諄囑也部中滿公
各求爲弟叱名道相念苦次率勒不備不莊伏希崇照
憑穎瞻切

憶晤別猶昨而花事又一年矣年兄擁江南勝地值此
春華命舛飛觴必多樂事若弟寂寞江村惟日與同事

愁眉相向幾不知爲春到人間也捧讀瑤翰色笑如親
不勝慰藉前小兒來便過龍江叩謁闕役套辭然弟實
不敢謂年兄之薄惟蕪關顧年兄相計錙銖雖舍間攜
一蔬菜必不使沾河潤故彼銅役來亦以直道相報豈
親厚如我年兄而敢有所致疑乎或誤指顧年兄之言
耳承示不敢不自白倘終不能見信差竣時亦惟有如
台諭所云可耳笑笑小兒旋再令叩謁幸進而教之種
種俱俟面悉不旣

王提學如辰

弟自前冬重入都門以爲可昕夕得領良朋指示不意
年兄忽讀禮言旋離羣之感時切寸衷頃接手教方知
老年伯仙脫已返名泉祇以里地阻隔疎節多端罪歎
當何似耶屈指明春台駕自當北上聚晤有期是爲跂
望耳近日孝履清和並闔宅康吉謹此附候不勝瞻切
孫浣思

俟收

高賢賁止得覲紫芝草野後學榮藉何可言喻日來陰
雨未得趨叩絳帳尙擬天時少霽潔治葵藿奉攀騶從
以伸嚮往也思戰伐餘生依人乞食小集實類蛙鳴顧

影自悲形穢謬以大君子不棄不敢自文其醜而不就
政有道日來諒蒙塗就望卽擲下如謂小子可教或可
錫以弁言思且不朽侍獵圖可賜一覽否竚立俟之等
於饑渴先此瑣瀆清嚴再容走晤不一

張太守楷

竹樓豪飲已醉飽明德復承台惠愧感益深所訂己商
之舍親遲一二日卽圖面教茲以便羽附謝雲誼兼有
敝相知吳姓以臬司處細務來省凡可以照拂者希推
分援之感當無旣不盡縷私臨穎馳切

過承渥愛謝謝柬札收到並切雲誼所訂明春弟必預
來面教萬勿他就禱切禱切佳卷新句統此謝教不盡
制楷再勒

何羽士規中

前月二十三日台駕遊放鶴亭山野適東渡越水失迎
爲罪并未知駕發吳門不獲摳衣相送抱歉更何如耶
承賜聯句令人爽目快心懸之山樓垂不朽矣昨在山
陰擾雨水亭主人道及台駕相叙於此有澹影亭三字
失於面求因特囑轉懇大筆山野昔曾面求放鶴亭詩

一二首已蒙俞允侑不吝珠玉伏乞卽賜鐵畫針鈎勒
石孤嶼爲山靈生色猶勝蘇公解帶矣臨楮翹切之至
外附呈拙墨并一扇請正區紙一卷賤名單肅

史提學逸裘

叨附夙雅仰庇雲天浹歲以來無時不溯洞塵下也特
以庸菲守拙肆應無方翹企之懷徒困於心長綆短緇
惟世講之誼雅契淵源益勤仰企敬因報竣之役文牘
之外附陳家刻用寫寸私伏冀鑒存諸藉青睞不一

釋興源

憶雲軒枉過楊柳依依春風融怡今忽白露爲霜矣流光如電念之耿耿每歎貴顯名流華屋深居高自嚴重閉置形骸役役聲容之內賢者或能放情詩酒披閱經史以自陶寫卽一城一邑之事猶未周歷又安能網羅見聞恢廓拘蔽欲爲通人達士亦難矣卽司馬子長以曠世逸才尙窮歷天下名山周行萬里而文始奇崛故其論敘陸離光怪波飛龍躍驚心駭目豈非山水之靈足以發人才思滌人襟抱耶君侯以泗上衣冠聖門華胄乃能驅車南北徧求隱逸五嶽煙霞披尋殆盡而溫

溫和雅不以富貴騎人道性天悠勝岫霞舉但恨交臂
而失懷想爲勞耳華山之游元訂晨登夕返再談世外
因緣不意熊軾西征竟上九華黃海不知深林大澤中
亦有至人逸士可遇而不可求一興猶龍之歎否晤長
干沈君知旌節近駐青涇極爲欣喜小言一章奉懷明
德山野之語不必以工拙計也與三給諫歸楚可曾來
白下否念之念之尊寓鄰近有藏恕菴其僧正信頗多
功行間時散步迴翔翳然林水亦可追濠梁風味矣野
刻山圖附覽敬專侍僧恭候興居臨楮瞻依近作五首

呈教

名顛俟考

前者承年兄見許魚鰓幸付來手爲荷弟顛頓首

王御史九齡

前承老先生年臺軒車枉顧緣僻處荒村離城六十餘
里有失倒屣隨厠名諸同人之末奉邀大駕又不獲趨
陪讌笑彌深耿愧昨捧讀瑤篇格律高渾意者清深直
令盛唐諸名家退避三舍邇來古調不彈虫吟瓦響爭
鳴於世今得老先生手杜文章振起風靡真風雅之極

幸矣服膺何已不攜收顰呈削珠玉化前自覺形穢如
何幸直教之爲荷刻下定輕舟奏謁因賤體冒風而家
君又以年衰憚於遠出東道之誼殊抱歉然外具微物
聊供一箸伏冀笑留家君命筆申候臨穎翹切

張侍郎鵬

都門得奉教言受益良多頻年因鯉鴻未便未能時候
台祉然馳想之私實與日俱積矣年兄讀禮之餘著述
必富方今 聖天子延訪鴻儒振興古學其足應風雅
之選者不當爲年兄首屈一指乎未知服闋何時人春

明何日拭目望之至令兄先生文行俱堪楷模金昆玉
友可方軾轍機雲便中幸爲道意敝通家兩孔兄近日
學業若何高賢在望不當時爲就正乎相晤間亦祈叱
名爲禱率此附候臨穎神依

此題捧讀年兄大篇及令兄先生擬墨使弟有觀止之
歎令兄先生作如登泰岱俯視一切千山盡是培塿年
兄作如游溟渤目空萬里百川皆屬支流矣真稱一代
機雲弟當爲之拜服僭言不能盡佳文萬一望教之教
之弟再拜劃然二北具大閭闢化古文爲時文妙直一

氣卷舒中有無限蘊非沐浴乎大矣沉酣乎先輩未
易臻此卽起文恪諸公於今日讀之亦應頰首弟南溟
擬評

張尙書士甄

久疎塵雅顯企殊殷使至接大翰承注問慙切極佩遠
懷向以至誼攸關自應相照何敢煩齒及耶寄箴書上
深愧塗鴉何日命駕來都得一敘契濶也顯望顯望使
旋肅復并候新禧餘未縷陳臨池瞻切

疎隔塵談兩更裘葛每懷雅範時切顯思茲拜大函承

老年親翁注問殷切莊誦之際殊佩遠懷使旋肅述謝
棕并候孝履餘容嗣布臨穎瞻馳期侍士甄頓首拜具
沈郎中允範

臨行承年兄諄諄提命長途銘刻矢之沒齒矣今籍茆
試事告竣一時公論頗蒙許可僉云夙習頓清爲歷科
未有庶幾少副良友切磋之雅也惟是榜發匆促恐不
無疎忽仍未審足當大方衡鑑否耳近詩三卷祈年兄
逐句分疏一有差悞卽祈郢正或再有未盡之言容弟
入都補作刻下神疲心竭一字難成恐知已定當慈諒

也不盡委曲在麟之代奏百凡祈興之維護赫旋日
泥首以謝率勒不備臨之籲切以諭貴役曾喚數次不
來當事處已細述台旨矣并復

孫侍讀一致

知己不加譴責重以回示謬爲鑒許足見吾兄原天性
敦篤人也乃以水旱輕棄其鄉數年來違手足之恩割
兒女之愛疎親族朋友之好爲東西南北之身縱放意
於山水山水果可樂饑卽肆力於詩文詩文又安可立
命耶君子立身有本末制行有輕重吾兄所云白首他

鄉而不悔也果從其本且重者乎抑從其輕且末者乎
兒女長大婚嫁似當關心田地荒蕪差賦將誰撐持種
種未了難完之局吾兄清夜自思恐不能不一作歸計
也尤宜念者長公寄行踪於旅食次君荒正業而嬉遊
媳不得以夫爲家女安得以伯爲父然則吾兄所云山
水文章夫復何用而白首他鄉者亦獨何心吾竊謂不
可必之功名姑宜少待不必濃之遊興似亦索然矣歸
與之歎其能已耶其能已耶唐之世兄王姓者已北行
矣不肖時懷集木名之懼不敢以名進都也幸知

我愛我鑒之恕之見壽山石頗屬尚敢不登拜其
繭紬一束仍便付令兒爲衣當之不忍也草此謝
復無任激切懸望之至弟致頓首

鄧觀察旭

去春爲送三小兒江北完婚遲留先人舊栖甚久種種
疎節難以言盡復聞老年世臺陞還之信買棹奉候冀
圖一申祖餞之私不料台旌十日前亦已啟行悵惘無
已未幾承高足白仲調年兄見過出老年兄留別珍貺
見貽捧對之下益深感愧茲因羽便特此報謝貴衙門

改授之例雖目下暫停側見 皇上破格用人都非常
情所能窺測以老年臺世家鼎望兼之才隆德厚計不
次之擢當在指日竚賀竚賀但山中病骨未審何日再
奉天上清光念之可勝馳結晤呂錫老乞切切致懷想
之私至洪谷老南綰淮關生以意外牽滯未獲造訪迄
今耿耿都煩叱名道念臨楮不盡依依

撒進士木哈

報命北行叨愛諒容附_此招徠_無術底事正爾關心捧
讀來翰真不啻面頤_孝言卽欲遣人_行第恐亦緩無

濟於事矣蒙諭銅角之說自是事出 敬弟因錢銅買
辦艱難勉將銅板廢銅以足今些運在船以俟開行貴
關所欠無幾惟尊裁酌收完局蚤便起行所云有不容
已之事弟詣省之日當面商可也並祈老親翁心照不
既

田少傅種玉

隆施盛餞稠疊有加每一思之感慚交集十九日自潞
長行仰藉蔭芘一路安驅二旬內已竣兩河試局矣此
後局戶索居毫無事事勞人草草何以消此歲月耶窮


愁岑寂尙未深嘗不敢預陳以厯台慮也率修短楮用
慰遠懷臨穎依馳惟有延佇


顏氏家藏尺牘卷二

顏氏家藏尺牘卷二

終







PL
2451
P29
V.93

顏氏家藏尺牘卷三

劉良 俟攷

得觀台光如挹紫芝坐春臺之上溫醇和厚祖風宛在
大拜有日分榮不小忻羨忻羨仙源三十載未到孔方
訓近日如何同時知交不及細訊束裝東渡溽暑枉顧
無勞軒車遣童叩止蠡城秋爽賜光爲暢相陪看山爲
大快事也貴門人數數相見泛而不切不過常套所言
乞卽惠瑤函向商此事以妥本公自來叩見也區區圖
維敢不黽勉念昔先公先祖教下

哉尊札乞草付來一斷不敢勞遠顙

云

切訂上禱依依不旣劉公頓首不另具單

陳少宰一炳

自年翁之歸也無日不矚望東山當風雨晦明思一時
共事之雅每爲惆悵者久之昔者叔田有無人之歌闔
閭有匪存之咏詩人之旨良不誣也讀孝靖公表傳忠
概孝行爛於日星令人想見復聖之家教平原之遺烈
但恨不及親炙休光聆其餘論猶幸而獲讀表傳悉其
生平真可謂不世出之人矣今聖天子正作興忠孝他

日採風者上之將錫之諡光史冊以永垂不朽甯一鄉
之私諡而已哉聞之陽明先生居喪之日肉食不戒曰
養其身報朝廷以顯其親此乃爲人子之大孝愚亦敢
以此進年翁天氣暑溽讀禮之間望節哀強飯握晤尙
遙臨穎不勝神逝

錢中書芳標

青瑣追趨時聆塵誨醇醪饜飫鄙吝都消自台旆南臨
忽更裘葛屋梁落月吾如如何何以尸饗久媿不獲已
乞假南颿適丁東嶽慈幃之變愁絕亂不可理踈

跼跋涉冬仲始抵戶門先在潞河唄

函托呈清覽因歸心孔道不及行面奉并語懼悵二
水三山惟有神馳不置茲揣奴呈上代候崇禧卽日令
其北轅家兄處報章並祈卽發來手何如呵凍率勒臨
穎不盡瞻遡

數載西清得佩教益迄今寤寐依依弟自里居侍養以
來匿影菰蘆不敢以野人姓氏達輦下故人疎懶成癖
恃知愛之深或勿加譴訶也茲值內叔董蒼水北轅便
附荒槭肅候近祉蒼老爲文敏總憲兩先生文孫舉名

孝廉敝鄉陳李以後文章領袖指爲首屈第廿年來雞
鳴風雨詩酒倡酬之交一人而已今遊長安諒老年臺
神交有素必傾蓋如故商摧風雅披寫胸臆愉快何如
詞刻二紙寄呈斧政阮亭先生近已有一行道潤不及
再瀆同人前均祈一一呼名燈下率勒不盡縷縷

程提學汝璞

別後星馳北發途次山左而病劇矣停舟請告荷允言
旋一路間關側聞新猷恐著行旅之人無不嘖嘖頌之
病卧中欣羨當何以也弟所乘小舫屬虛空又因屢

歷驚濤復買一葉以備不虞毫無所最所老年翁俯念
歸省心切卽賜放行感佩之私容當崙人叩謝舟次草
草可勝神馳

張孔目貞

貞側伏草莽卽聞老先生日坐廟堂進退百官政術而
外則跼蹐藝苑上下千古真爲一世龍門仰止深懷豈
一日之積哉但以敝屣蹙蹙未敢踴進台階乃承老先
生不棄葑菲納之藥籠沐殷子之清風挹山公之雅度
至今夢魂猶在冰壺玉鑑間也見委七印不敢匿醜敬

鐫呈教幸一笑置之草堂一區欲倩法書倘不見拒振
筆一揮增榮益觀當出於尋常萬萬也不揆鄙陋妄意
仰干所恃宏慈統加亮宥耳匆匆草削不盡所懷春明
北上更佈區區晚弟貞載頓首勉厚堂求作行楷十月
下浣當有人去不識可能卽得否貞又拜懇

貞偃蹇支離人間長物方爲時所共棄老先生獨篤念
世誼惓惓有加若忘其骭跛瑣尾也者貞卽頑悍不自
知聞者當何如其榮耶數月以來雖未敢以寒暄無益
之語輕瀆清嚴然下酌恩徇知之一心亦何能自釋於

懷特顯一介代候起言想福履愈會所常日懋爲海內
蒼生所共慶政非僅貞一人之幸耳附懇者敝縣父
母旣以罪行前月廿五日必已得人計其出都當不在
遠仰冀鼎呂以賤名相囑卽體分濶絕無可通之理亦
望託其鄉人喻以尊旨則貞受厦庇已莫可量數矣貞
塞兌杜門甘爲蘄伏得其知貞生平不至過相鄙賤於
願已足無他覲也夏暑方溽惟爲道爲天下自愛不宣
晚弟貞載頓首

朱制軍宏祚

都門別來回署卽有繪圖之檄二十餘日之內奔走二
千餘里僕馬勞費大火正流其苦有非人所堪者定限
迫促不容少展以五六十處之州縣城堡萬餘里之紆
折程途欲其遍厯山川形勢河道源流考究典故繪畫
精詳豈不大難大難相愛如老年臺先生其何以教我
得免於無過耶昨接孫赤老手字已得列正印老年臺
先生篤念夙誼古道如此均感弗盡揣此附謝外具不
腆伏惟垂納

張祭酒永祺

素車東發忱悃未終，隔芝光倏焉三載，翹企之私，無日不神馳左右，知垂注一復相同也。使來接教，深佩注存滿擬，卽日還朝，統均正位爲當。寧之慶不第世誼分榮，乃以尊體調攝北上，稍稍然區區向往之誠，日夕以之至不佞行能固不如人，而官資亦在最後，量移未卜，恐有負知己期許耳。爲之奈何，因便附候闔宅迪吉，不盡願言。

成給諫性

去春闈中同事，亟承教愛，別而南，也不勝尊酒論文之

思弟問水雙江帆影落落如晨星雖拮据萬狀尙不能
充額爲之奈何老年翁貴關想大德福命之所歷必有
遠超於荒權者亦可慰同人之懸切矣接尊翰每晤孔
令親訊及知無有不得當者盛伉旋值弟抱疥癬之疾
呻吟牀褥間草草奉復臨穎曷勝馳慕之至

袁提學時中

昨日不得入直承門兄照拂爲感舍親五十誕辰欲借
光燕許前日弟曾面懇所門兄誼愛勿吝珠玉則弟與
有榮施也顯懇顯懇令親吳心樞紹興人丁酉武榜其

高堂具慶有子三 一在庠爲人甚孝 入有俠氣亦流俗
翹楚也此聞弟時中頓首

茅處士磨

前者樞謁不獲親領教言枉顧又失倒屣自愧無緣殊
深罪歎乃蒙華翰下頒又值抱疴于友人齋頭不及裁
答初二日竭誠奉候此復上顏老先生大人台侍晚生
茅磨頓首

沈明經季友

屢蒙高誼極應奉命但鬱鬱羈蹤留此無益一動歸思

便如走丸矣十五日斷擬早發尙容作歌留謝雅情未
盡修翁老先生大人吾師小姪沈季友頓首

汪處士耀麟

去尊寓遠甚不得時相過從殊懷戀戀俗冗尙未攀教
容集諸同人作竟日談承賜太翁老先生表傳讀之令
人敬佩高風豈近今可得耶先君行述墓志附呈台覽
適送拙刻時未敢附上恐以爲不祥耳豹老紙價卽致
之修翁先生大人晚弟季友頓首

雨中未得走候疎累之罪知不可贖十九日奉攀大教

蚤至是禱送徐健翁詩曾脫稿否同人俱齊崙候佳篇
壓卷來冊一葉乞書其小彙成卽寄京師至望至禱修
翁先生大人晚弟耀麟頓首

顧處士宸

頃見老年翁七言絕句真絕調也已借重六首入拙選
矣更有佳詠幸多多惠教縉紳借一看年家教弟宸頓
首

嘉肴旨酒深費主人之心偶以小疾未能久坐竊自憎
其薄福耳此刻適櫟翁訂晤尙欲一進城不敢再謁謝

昨絕句一冊併大作一紙幸卽發付有貴省名詩惠數冊更感侍教弟宸頓首

令叔金陵諸詠可錄者多尙未細細選定弟此選最嚴毫不徇情面故錄出者絕不示人今遇知音敢以絕句一種呈正尊作亦在內看過卽付還可也令叔可一晤否弟宸頓首

曹中丞申吉

寄舍親一函幸攜至江寧覓便與之渠僅一細民不足煩照拂今奉銀五十兩中分十兩寄就親其餘四十作

置衣幣之用如有不足暫借用可耳幸驗存之遠行不
得祖帳一握手惟長途自愛江甯藏書家如有曹能始
十二代詩選幸覓一部見寄餘不一申吉拜懇

董處士樵

蒙賜鴻篇兒婦借垂不朽感勒無極先此鳴謝容晤叩
不盡修翁先生知我小弟樵頓首

高檢討詠

卧病經旬初十日始得小愈老師台委緣貴長班送至
趙老先生長班宅內沉閣許久前晚始送到卽已力疾

爲之但未及脫稿不敢呈覽至於筆墨疎謬姿質駑劣
殊媿不堪鞭策統冀慈原可也門生高詠頓首啓

歲月遷延久疎函丈緣貧病交侵日坐愁城苦海故也
三詩脫稿恭呈台覽應酬填委殊媿不工乞老夫子加
之魯墨運以郢斤可耳王阮亭公祖前面徐老師甚相
督過云有見顧不答之罪蓋王公祖榮補時詠曾以紅
全謁賀三日後方蒙寵答此後別無見顧之事矣賤貧
之子願交鉅公足跡屢之門而閤人辭焉則有之矣豈
有長者車騎光臨乃反悍然自外者此可以理度者也

或比時未面司閹忘登掌記耳晤間乞爲叱致感甚幸
甚門生高詠啓

汪編修琬

今又製乳金印色少許可賜一盒分用妙極可以用天
下印油乃十竹齋者不盡佳容自製好油奉鑒金扇二
柄借用嗣容償弟可也弟琬頓首

別後卽將註過諸章送山子趙親翁云得面商字之陰
陽款致方妙弟卽令親叩晤教希善待之此公忠厚人
也勿吝見是禱弟琬頓首

路博士鶴徵

日來屢叩寓齋值老先生探梅山中未得把晤談心悵
悵殊甚拙刻已遵台旨借重尊評特印就呈覽妻弟超
念韋夙仰老先生風雅主盟渴欲奉教左右奈彼此往
還不獲謀面殊深緣慳茲又迫於掃墓偕晚鄉行渠所
送文集思得玄晏大敘以光梨棗特囑晚轉懇不識可
慨然俞允否扇三柄并求椽筆一揮統俟返舍時走謁
面悉不盡晚生鶴徵頓首

昨偶過湖上知老先生自昭慶移寓渴欲趨謁朝來竟

爲雨阻悵快殊極來扇求椽筆寫小行書容少霽面謝
不旣修翁老先生大人晚生鶴徵頓首

王處士暉

渴欲一登龍門面領教益不謂久病未痊遂遲晉謁辱
承不吝彩毫兼賜尊刻何啻百朋之錫耶尊照領到容
俟精神稍旺當草數語請政也率復不一晚生暉再頓
首

李巡按植

別來猶得借庇以叨主人之惠但日望返駕終以不得

常侍左右爲歎也屈翁老原約一二日間同赴雲間一
晤不謂商議間忽覩來諭開視捧讀如親警欬但制晚
何能而克當此慙慙垂念耶州中事已經子老書內說
明亦無容再陳至劄付一事曾屢託羅致全無行之者
奈何奈何春色撩人愈增客况伏惟珍重是所願也上
復並候老爺萬安制晚生李植叩具

周經歷在浚

昨家兄手摺承留意至惑至感明日大收家兄亦逐隊
而往總乞必當知先生定不膜視也再瀆不一修翁先

生晚在浚頓首

昨暑中褻尊罪罪稍涼當圖再聚也大刻拜領謝謝神
識碑小說書目適正馳上使來藉奉諸容晤悉晚浚頓
首

聞台駕有真州及勾曲之行故未敢走候此時想已歸
矣天氣漸爽稍遲尙期作郊外之遊也惡姻緣小說前
呈五冊想已閱畢幸付來价因吳門近已梓完來借一
對欲寄往耳諸容面教不一修翁老先生晚在浚頓首
陽和初屆瑞雪芳霏想老先生擁鑪吟咏坐中佳士共

爲欣賞也若蕭條野人徒多戰慄耳承委拙筆呵凍爲之未能如願仰求諒恕容圖躬叩不悉上修翁老先生閣席晚阮頓首二紙小印并完上

昨奉叩承老先生教誨飲食謝謝二章完上媿以雕蟲刻鵠之技仰承龍翔鳳翥之文敬附圖書藉光不朽知茯苓芝之遇合洵可千古也不揣疎拙於尊銜內妄增一字以配其文不識有當台意否泥湓不獲躬致請益草此代面不宜上修翁老先生閣下晚生阮頓首

李方伯之粹

巴里之音塗鴉之筆皆足爲大方絕倒但以願教之殷
不暇自匿其醜惟老年臺不吝郢政足似雲誼容晤未
旣弟粹頓首

龍司馬光

辱年翁骨肉之誼故亦不敢自外但謝去筆墨已久所
見未必是幸諒之弟在此尚有十數日便道幸常見訪
也兩詩統璧上修來年社盟翁侍史弟光頓首

鄭處士淮

昨藉吳老先生獲登龍門深慰鄙懷更蒙垂青不棄隆

誼殷殷真沐我於春風中也謝何可言拙染一冊恭呈
大教幸莞存之案頭必賴青雲游揚私喜葑菲之幸但
媿末技不堪爲說項之資耳不盡欲言顏老先生大詞
伯晚生鄭淮頓首

宋學博實穎

聞先生歸寓未及過候爲耿歲除無以娛客小物二種
聊供清翫幸莞存之春聯祈右軍一揮感荷感荷餘面
戩小弟穎頓首修翁老先生

汪處士徵遠

歸讀老先生翰教卽與周梓人說明山志暫停數日先
囑從事大集今日因送吳山大師龕子過真州不獲面
復歸時容趨教不盡修翁老先生制晚徵遠稽首

曹處士重

春雨不絕阻我良晤念可知也昨聞老先生庚韻詩已
成祈卽惠教付刻夜來觀堂分咏錄供噴飯幸斧削荷
荷尊筴畫完附繳敝扇定已揮就并望發歸餘俟趨對
以悉修翁老先生年臺大人晚生重頓首

孫燕 俟考

適得拜覩儀型後學獲有矜式大快生平奉懇藩臺一
札求先生鼎力卽爲轉致倘獲寸進皆屬栽培之力不
獨燕與諸生永矢弗諼卽家君亦爲心勒更乞索一的
示愈沾作養宏恩矣恃愛悚仄伏冀原宥修翁老先生
大人晚生孫燕頓首

耿編修願魯

連羈俗冗致疎走晤深用悵然茲啓者江南新援例監
生沈光竣目今文在貴衙門未得到監敢求老年翁留
神俾旦晚送監佩德不僅弟已也諸容晤悉不一弟願

魯頓首

沈泌 俟考

屢混興居殊增悚仄岱宗之不遺培塿於此見一斑矣
恭聞田大文宗於今日起馬回本衙門所懇二呈詞能
卽趁今日鼎致批發尤爲直截了當而舍妹夫梅生之
激感高誼甯待言耶率稟不莊皇恐皇恐年家晚生沈
泌頓首

黃進士之鼎

拙卷呈政所言傭書者乞代爲一問容謝不盡啓修翁

老年臺卽太史弟之鼎頓首

柳孝廉燾

雅集定期候年兄酌示以便遵行是日邀大年兄弟當
具柬再同年兄共帖并請王鶴汀年翁一敘也主客單
附覽分金五兩奉到嗣容補送不盡弟燾頓首

魏太守麟徵

昨承鼎呂允賜解推翹切無似今爲時已迫諸凡未能
就緒敢求老年兄爲弟多方設處以濟然眉弟至究時
必持送潭府也崙此瑣瀆不一弟麟徵頓首

惠明府周惕

比日多病畏熱有失侍教馳企不可言新製已付刻未
急欲諷詠不能侍刻工之竣得以付寫後藁見賜所至
禱也連日擬錄客中文字先呈一二義幸卽改抹付下
詩說上卷亦求擲還下卷錄未竟也晚惕再頓首

刻樣極佳連圈似不可少但不須滿幅前輩選本但連
圈佳處餘俱不用圈點評語載後應署姓名且去其無
意義者若大人先生不便書名可以不錄其評蓋論次
文章原屬後學之事如李漢之序昌黎子瞻之敘歐陽

是也今雖制義亦宜略倣其體附此奉商不審先生以爲何如惕再拜刻價幾許一百便乞示知

刻工令其詣府自言可用與否亦唯尊裁示之詩說及制義幸卽付來舊刻一紙并附請正令弟先生近藝肯一賜讀否念始廷試卷已不刻二有札曾及此段也刻下將養痾蕭寺恐疎問難達旦晚容趨侍且聞一言自廣不宜晚惕頓首

前日承翰教卽便奉詣直尊從出門不敢請見若今日得暇當卽相造且端策一問詹尹否則異日趨教可也

特此晚惕頓首

每思趨侍輒復嬾廢仰止之懷無時不依依也婁讀新
製賞心不已私心追慕此種文筆恨學力不迫而有司
尺度又復束其心手局趣若騂之隨斬可發一歎也偶
錄三義就正有道幸輟忙塗抹卽付禱禱扇一枋求書
近作餘語另布晚惕頓首頓首

翰來正直出門故信歸不及取畚尊意卽語廣平公渠
再四辭讓卽託致謝且請徧告貴衙門諸先生奇韻暫
附上另日尙欲借鈔也晚惕頓首

日來甚無事出外犇走拉友朋清談而已頃叩謁直駕
將出不便請見特屬鈴下致語漪亭先生定已得選恐
彼尙未知曾有書達之否聞兩日正在通州然否示之
晚惕頓首

祖氏園乃在東柵南湖此刻卽行不及奉別端望後日
嗣音筆賈陸孔庭兄爲人誠實可交其筆在吳中諸工
之上進而試之何如以後若有書問孔庭可託也特此
晚惕頓首

日來小冗性不能堪致脾氣作惡明早卽同從游者養

疴祖氏園旬五之期乃得還也近作一首附正幸輟忙
塗抹立付或晚間奉別時走領尊刻若印過亟求賜讀
主臣主臣晚惕頓首

兩閱月不獲趨侍企懷何可言尊刻計已告竣幸一一
賜教八月初入城當覓快對也敝門生宋基業廣平相
公猶子前曾在貴衙門考過州佐刻下復就科試令彼
造謁門下教之不一晚惕頓首

埜人性嬾病與之會遂爾廢棄人事雖仰止如老先生
亦不能時時趨候他可知矣讀來教深感雅誼旋聞之

孟夫子明日旁午當來叩謝且欲望見顏色幸假片時
之暇略一接席晤對頃當知其人之長厚也新製送還
詩說及雜文望卽賜下時文若未批抹明日來領刻工
卽日令其呈樣也令弟先生久未得晤極念極念希致
語晚惕頓首

久未入城聞尊體不快極懸懸嗣奉手示始知病瘥此
亦未足爲困經云夏傷於暑秋成痄瘥略服消暑湯劑
調節飲食指日可愈也南人慣有此症絕不經懷北方
頗不爾大都一寒一熱不能少忍反增病於快意中耳

然否然否萬望寶齋自愛尊刻來卽賜讀近來亦有經義幾首然無足觀外間議論痛惡典雅奈何奈何附此發一笑令弟先生統此致候晚惕頓首

尊酒論文平生快事但過費枰食差爲不安敬謝敬謝大著領到容屏除塵俗悉心細讀也賤子持論常謂古文時文不從六經而出總無是處漢唐人作注疏卽一字一句必考證出處貫穿諸經柳子厚所謂洩釋融洽與道大適者今人未曾夢見安得懸尊文於國門使俚俚無見者皆知青天白日之清明耶欣賞之極發爲狂

言知執事不以爲罪耳鄙著尙有可請教者惟時文最
少然旣命之敢不錄正旦晚趨侍以悉不宜晚惕頓首
制義若得盡讀豈非快事入京來未有所獲但得侍教
先生爲平生一樂以賤子鄙見時文終非傳世之業以
此種心思手筆爲六經作箋解不更快乎歸熙甫先生
言語妙天下輒自鄙其時文不足爲此非無見也愚人
狂論未知有當高明萬一否詩說乃是常語何以得蒙
欣賞慙媿慙媿刻下幸暫付還另日再錄詩攷及他經
解一并呈正也舉世碌碌知音者希非執事無以發其

狂言勿罪勿罪主臣主臣晚惕頓首

吳侍講元龍

夜來見我兄形容少減心竊憂之西風獵獵正宜鍵關
靜攝以俟復元况病加小愈尤當慎重平弟凌晨早發
更無遲回但離愁萬狀欲去不忍晚刻當偷閑再叩以
悉別悰也名鑪甚精何當割愛台命諄切誼不敢辭第
家藏一二儘堪撫玩仍留長兄案頭如弟日侍左右可
耳若以他物見貽弟自不敢璧也可發大噱莞籥乃衛
生之寶再拜珍藏此中所以尙容爾求提命束裝匆匆

先此慙復鳴謝不既小弟元龍頓首

知己分攜倏焉三月懷想之私形諸夢寐恍然若日侍
左右離愁千萬實非毫楮所能罄述也潤州返棹以老
親多病晨夕焦勞每從吳門訪醫輒探老年長兄返旆
之信寂無確音懸念不可言適遽使至審悉台社平安
踴躍無量拜讀瑤翰懃懃懇懇愛我憐我之誼溢于紙
背中心藏之何日忘之銀簪檢入尙奉爲枕中鴻秘不
敢輕以示人倘前津得渡決不忘老師傳心之力口簪
似有微驗第因作輟任意未能呼吸入神手教勉以力

行從此益加奮勵念茲在茲不敢辜大恩也感謝感謝
墨妙甚精懸之座右如對芝宇永永勿諼矣硯兄前四
月間有信來囑詢起居望駕北行甚切俟月杪便鴻至
彼當再囑潭府種種不止台諭所云失案一事也年兄
安心消暑不必內顧縈懷時當炎溽百凡爲我道珍重
金壇新樣雲葛二端官扇一握聊誌區區餘候文輶過
吳閶時買舟細倒濶縷不一小弟龍再頓首謝
兩日正擬出門以文旆山遊未返用是欲行且止登臨
所至定多佳咏少頃當趨讀并悉縷縷也二冊裝演告

成崙伴奉覽其工值弟已給之不必重營清慮二套明
後亦可得先此代叩不盡史處竟爾寂然必祈竣局乃
妙并懇

極欲叩晤以事機尙未有成緒用是逡巡然行止亦只
在旦晚也前小价事當事未見施行豈爲奸滑沉擱耶
乞年兄速命尊管再往力催否則小人道長我輩氣沮
矣奈何奈何初十日候駕蚤光并禱不盡

瑣事重荷鼎呂得以雪忿感且不朽聞羣小正在禱求
用是避嫌未敢趨叩駕行尙宜少紓其期祝祝台冊題

就呈政操斧般門殊不自知其醜矣冗次草草不盡
年兄有意西來否弟在寓鵠候幸惠然是禱前懇亦出
不得已望年兄留神再囑必於薄面有光乃妙朱雪田
風流名士也皈依甚切聞駕今年有當事之席或以此
情節致之不審可否惟台裁之其來札附呈清覽不一
同作天涯之客承年兄臺種種渥愛入人肺腑感激殊
恩夢寐以之弟自二十日叩別後扶病遶行至二十六
晚刻始抵里門一路跋涉而瞢間所患陡然奇瘡其痛
楚不可當至吳門卽覓醫診視云此係濕痰流注非藥

石可能奏功必用針治乃望返全目下計無所出遣人
赴浙中延醫吉凶利鈍俱未可卜或叨長兄福庇不致
長謝人間得他年再瞻色笑深有願耳所事其父母兄
弟俱心悅誠服奈閨秀八月中染患脾症久痢之後元
氣未復至今猶支離芙蓉繡褥間一時萬萬不能迫其
遠道弟恐此中或有他飾特令小婢親往驗看一一不
爽何佳人福薄而才子緣慳一至此耶序逼歲寒恐征
輶不能久待或俟春和氣暖台旌到都之後卽命使乎
來迎或以山川阻修往返費重爲嫌另尋別章行止俱

候妙裁非弟所敢出也萊兄至今未到不知留滯何處
前件大費苦心竟爲愚弄觀其動靜仍耽耽於舊習奈
何奈何容俟萊兄來時再與熟商或令有所歸着則可
否則棄之不甘也菲物肆種奉佐長兄清玩亦千里鶯
毛之意祈叱存之舟車漸寒途中萬惟珍重保養倘遇
南鴻之便不時惠我德音至禱至禱病中倉卒作書不
盡萬一仰祈崇鑒臨風馳戀之至年小弟名心肅

晨起正擬趨叩奈酬應無少歇而腰閒發腫作熱深悔
不聽長兄之言以受此奇苦明日遂杜門謝客延此殘

喘接教知有同心我兩人當力圖靜攝以俟復元可也
長兄精神雖旺然外實內虛亦爲可患節勞保重至祝
至祝旅邸同病之憐感銘肺腑敬謝不盡小弟元龍頓
首頃江甯郡守賜顧譚及曹澹翁先生爲逆所害一門
盡節其言甚確末路誠可蓋愆也并聞

夜來酣擾幾忘旅况非年長兄愛弟之深不至此感切
感切晨起瘡勢略緩尙未能酬應故不敢出門想荷慈
鑒午刻覓得一花望年兄拉萊翁早過快敘作竟日之
歡幸勿他拒至禱至禱萊翁處乞卽訂之切切在公家

兄弟已走札約之矣并聞小弟元龍頓首頓首

頃承教因對客失復爲罪賤痾疼楚如故不發不消醫
生束手今惟靜以聽之更無他法台體服藥後可得平
復否舌爲心之苗心火盛則見諸腫熱黃連乃勝藥也
不審方中及之否旅病交營歸心如箭明後當叩悉縷
縷大駕萬勿出門祝祝小弟龍頓首

痛楚場中想及長兄咫尺消息時通煩悶亦去八九矣
方生平平頃江甯郡伯送一醫來頗有道理看晚間動
靜再當馳報左右以慰諄注尊恙似外感居多萬祈靜

攝以節勞清心爲第一勝劑弟歸思甚切接教又不敢
遽返容面商之小弟龍伏枕頓首

台恙聞已平復尙祈益加珍攝慎用飲食爲上勿過啖
也昨內科劉兄診視弟脉氣血兩虛氣盛則血行服藥
後病勢已去其半矣倘今日過尊亭幸再致其來晚刻
賤體略可展舒當趨叩九頓也附謝不盡小弟龍頓首
敝相知鄭桐原兄高士也長於宋元名繪昔在王孝翁
幕中弟深服其學行望年兄進而試之前臨別時曾爲
特薦卽此兄也留神汲引切切小弟龍頓首

頃劉兄來知尊體已全愈不勝慰悅刻下宜大補元氣
不宜再用尅伐之劑揀參少許前敝房師從都門郵寄
者其味精厚乃真土木也敬以奉用幸照入賤恙將痊
明後或可出門卽圖趨叩不盡

早承手示以高卧失復罪罪賤恙瘡勢少退尙未能頓
消因日來服破血藥太甚元氣尅削脾經遂致困倦卽
欲不伏枕不能也台體初安萬祈保重昔人云養身莫
若寡慾誠爲良藥諒長兄必不以鄙言爲狂瞽也祝祝
德州到省不遠再圖快敘正未可卜耳小弟龍頓首山

陰雖執法然未能大快人心昨已發府再勘矣客晤悉之并聞

李太守鴻霖

江湖散人忽來京洛正借因依良友消遣歲年乃老年兄及子綸兄相繼言歸望望停雲不啻失左右手每欲寄候苦無便羽讀來翰慰契濶矣弟以不才潦倒兩年來居然教讀老生此中况味局外人未許問津源源新例襍沓而來財無卜式遇則馮唐積薪之歎將不知何所究竟袁杜少贈句有云白首爲郎猶絳帳那得不令

人感慨去年秋例得分校自謂清正之操可沽名於士夫而孰意反因以得罪雖我輩中人無一不諒其無他而讒忌之口亦難盡泯既不圖利又不得名甚非自命之初心矣此中委曲子綸兄能悉知之因年兄骨肉之交故并及之大年翁不專函孔年兄許并祈致聲臨池依依不盡

別離愈久懷想愈切自入春來屈指老年兄抵都有日謂可朝夕談心接來翰始知行旌暫稽溯洞殊深各曹壅滯多端獨貴衙門升轉甚速年兄宜乘朝氣扶搖直

上勿徒久戀東山也吾鄉大槩無雨倣縣尤甚深慮人情不靜不但一家衣食之計頃聞貴郡秋禾頗盛乃亦枯旱至此耶丁巳之役可謂公慎無他而讒者之口猶有煩言浙中真屬弊藪幸借同事諸君子廓清殆盡而好事者又皆歸功於區區前所謂求全之毀後所謂不虞之譽也獨是散曹末品當此人情世事上下交困之時於花花世界中猶然冷落以歸此固人所不信卽弟亦初不自信耳便道里門侍家君膝下者月餘又健壯善飯尙能步行二十里差慰於懷弟連年爲典籍所累

形神疲憊竟與詩書無緣偶爾涉獵都不濟事近中博學鴻詞兼之年家子弟選館多人極盡一時之盛對此同學依然故我不能不有馮唐之慨五月間第五小孫生則弟落寞塲中佳事耳題名并全卷呈覽餘容令兄先生到時再寄不宣

服官以來稔知至性篤情脈脈彼此相關者年兄而外指不數屈故自建節以往不禁離羣之感久欲一畱通候而不得便惟有時向忤兄問訊前知有西清故人之句乘車戴笠之誼何以異是新任江甯令海嶠年兄束

裝匆遽未及一字帶致台端江甯張守亦未修候海兄
爲念年知交幸推分及之翰到不啻面談喜極欲狂詢
知近履佳勝慰懸切矣關署雖清而詩酒江山佳興勝
緣收攬殆盡大是人生樂境閉戶可以讀書開門可以
積德持身報國俯仰所樂我輩胸懷當不徒溫飽着脚
何如何如弟於明年之冬後年之春夏計當升而且內
但念父母年高急欲圖歸侍養已告暫假二十餘日所
以未卽遞呈者因此時衙門仍復舊制當年曾有三年
咨部候陞之例如果得妥則明年正月初七弟卽滿期

大約衙門內無一善況恐此事亦成畫餅但既有此機
不得不稍候數日以定行止耳任仲玉年兄現住尊宅
行卽詢之單年兄行時曾以年兄椅數把條卓一張寄
弟處弟如家行當轉寄伊翁老許獨美人屏弟欲攜之
而去聊作金屋真嬌年兄遊名勝地眼界大濶之後視
此畫或土苴矣一笑澹兄處行致台意中情縷縷不能
盡及且有不便形之紙筆者統惟照鑒神往不宜弟霍
頓寄

北埜子綸兩門兄下棋得錢數百作東道吃了登高今

子綸已傳進署而玉乘子山左珣又復爽約不至弟與
北兄兩人如何吃得許多且登高未免太寥寥幸速過
爲妙弟霍頓首

敬啓者王冰壺夫子連生兩孫又值其次公子進學弟
以及門被同人以詩裱屏爲賀如此大題目又衆耳衆
目所在自非名手如吾兄不可爲光明知年兄不輕操
刀而又正當公務繁多之際弟深體此情故自入都以
來從不敢以此等相干事迫於不得不然于祈年兄走
筆一揮且初十上屏望於明日賜下斷勿見拒爲感如

不見允弟當親至奉懇矣不盡弟霍頓首

榮行的於何日耶舊年以五言杜詩一套求選不識已
看完否暫祈檢付弟霍頓首

日作教讀事不得與知己故舊朝夕縱談苦情多端憑
誰訴語初四阮亭處陪弔是日同事否弟九年覃恩一
軸已到部矣當時弟卽假歸未領執照無憑往領封軸
昨承慨允代領幸留神容謝不一修翁老年兄弟鴻霍
頓首

周處士碩

去人持手示旋開讀如晤極知大費曲折更見老先生
不以疎遠而忘故人也感甚感甚承諭都中一遊足徵
始終摯愛第以家累縈懷且值此粟如珠之歲目下雖
欲往而未能以待來年躬叩大教何如尙冀留盈尺地
容野鶴側立於階前爲幸或者捉筆賣手借大人之德
可附不朽定可知也臨池北望依依晚碩頓首

鍾參議朗

客歲小僕南旋荷老年臺深情過愛種種使人刻骨徹
役到都時適值差回到部凡所傳命俱已銘之心版夫

何新正留神訪問絕無至者心壹怪之及至巡試商洛
時晤令親孔涵老備道顛末竟因機緣相左垂橐而返
弟聞之汗淋浹背不知所託何人乃荒唐至此使我何
以自贖也孔涵老竭盡心力止得二百章報命其家報
中想能詳悉耳弟試事粗完循例解卷崙令敝役叩謝
并致歉仄老年臺文章道義久爲吾道宗盟今幸主持
或可邀庇百凡上下左右還祈加意照拂非筆舌所能
盡者小僕晉叩外致箋芹非敢謂已盡區區更望茹鑒
秋冬間圖報不旣晚朗頓首

承委駢語適賤冗蝟集未得擲管值路湘舞舍親到都
因爲乞憐振筆立就泉湧露垂頗稱工敏湘舞聲華才
望敝鄉推爲祭酒不第十倍晚朗已也不以實告則是
藏人之善而且以欺吾知已矣敢以原稿呈覽湘老係
葉芥舟受業素慕老先生風雅想芥老必爲先容則是
稿亦屬士見大夫之贄矣徵詩引亦卽草呈諸容晤悉
不一前所商已繕一稿俟查確面悉請正也

獻春叩賀後曾再過問奇俱值公出不得一奉清揚悵
惋無似辱委壽言逡巡再四先生騷壇哲匠何忽問道

於盲不敢方命強爲屬草然一見大巫神氣盡奪鮑家
累句觸緒紛來先生見之必當掩口盧胡也媿絕媿絕
暇卽走訪面旣不一德翁先生年臺晚弟朗頓首

秋來因賤體委頓息影內城僧舍承老先生賜顧有失
樞迎且未得報謝殊抱歉仄太老先生雙壽勉成俚句
自媿拙劣尙容躬祝以展鄙忱敝省試事正未有期前
說當姑止之便中并及不盡晚朗頓首

接教極荷留神謝謝朗少困賤更因工握算況清江權
稅爲數五萬有奇項款無多易於料理心計之餘正堪

追陪嘯咏幸先生鼎力吹噓感戢無旣草復德翁老先生
晚弟朗頓首

連日賤冗不獲趨領大教殊深歉仄近工部咨過貴衙
門監生慕國璿係敝鄉藩臺慕公乃郎托沈繹堂老師
爲之照管日來未見轉咨送監屬晚轉懇老先生得卽
咨送深感照拂未審日內能卽移文否晚本圖面叩緣
內城有事不能如願特此布瀆希台原之冗次草率不
盡晚朗頓首

蔡太守兆豐

別後走澄江與賡明竭力方得達尊札於當事不意竟
成畫餅卽不佞亦有所求仍未見允束手而還垂頭喪
氣作客之難如此目下解維北去囊中止餘十金故分
家累之半回南望門下少資助一臂不過數金已足再
乞示知何如不佞擬孟夏中旬至白下邀門下一面并
有所求方能返都但不知簡年兄曾考否有王誠者二
峯周夫子薦於不佞在關一年亦無甚提挈茲以不佞
差滿特轉送門下揣懇酌用容面晤另布何如是瀆
介子抵淮知門下已從中路到任矣此中况味不佞領

畧已盡但門下才福過人自與不佞蹇劣者不可同日
語矣會試得人不佞竟不知姓名爲誰幸一一遣一的
役送過蕪關俾其無阻則仰仍高誼豈啻百朋哉小詩
已刻就謹呈覽至毘陵時賡明已代不佞災木故阮亭
之敘門下之跋俱未壽梓入都時卽應借光也餘不一
白下返棹復寥落於吳門謙老之札又辜高誼所以項
客之金竟負門下而北至今中心猶髣髴不安也入都
應酬一切不能少而索逋者盈門銅觔參罰叠見必不
能依限完公停陞待罪竟成廢錮將來不知何以結此

局也去歲長家兄渡江時多承雲誼并及小力開罪門下之處諸凡皆不佞過也竊台駕抵都時當泥首以謝不遑耳關上風景何如知門下才福兼至之人自必有佳況也鄧元昭夫子乞念及淵源時時照拂不佞廿年索莫負知己者不可名狀方將無以自立於天地間門下肯代不佞稍進教焉與有感佩矣仲調年兄此際想聚首何樂如之賡明會一過從否此君好義而貧淵明瓶粟不致相累乎此今瓜期已及計晤對時或在初秋南方溽暑萬祈珍攝來教領悉容謝不一

張明府錫懌

二十餘年道義骨肉之情遙望音徽如在天上昨晤魯
公知文旌適臨敝郡把臂在邇喜不能寐緣敝居淺隘
蓬蒿之徑不足容高賢之駕有艾舍甥居稍覺軒爽已
令懸榻以俟正擬遣价奉迓先辱手教極荷注存端此
布謝卽日面傾積悃諸不及贅臨楮翹切小兒囑候老
世臺先生賤名單具

春初舍親王克成入都會以一行奉候想達記室矣每
詢南歸人知門下近履安和聲望日著朝野俱傾注公

輔之擢故人雖卧滄江分東壁之光欣慰又何如也茲因舍姪澤復應試之便復此附候舍姪爲先叔學憲子美公冢孫敝同門繹翁先生玉潤才品頗佳想高軒在敝郡時曾已識韓茲來晉謁祈門下青盼對之曲爲揄揚卽感推愛餘非有所干請也另有裏言托賓門舍姪轉達幸垂照不盡

別來數載知已骨肉之念時切於心而南北阻修末由把晤昔在稜陵俦使叩候荷蒙雅愛惓惓不勝感佩足下膺特達之知處郎官之重盈門桃李聲望日隆不肖

叨在故交與有榮施矣兩年來爲老父抱疴日事湯藥
今已幸就痊可止以親老家貧連遭荒歉不免北門之
歎倘有出仕做地者祈足下留神專囑夏初偶過禾中
秀令李君相待甚薄又以公正發憤爲舊令屠伯所辱
況味尤屬不堪此人革任而鞭棍橫及多人飛詐遍乎
闔邑奇貪異酷述之大堪髮指同邑秦兄僕筆硯交也
其人英爽真摯大可結納特有裏言囑之奉商幸足下
進而教之救民塗炭爲我輩種德事不止一邑造福耳
餘情種種非筆墨可盡如有便羽希惠好音

已亥之春與門下握別城隅屈指已九易裘葛矣每念
雅誼感不去心六益兄歸具悉近況知更肆力於詩古
文詞喜慰特甚嗣從舍弟處得接手訊聞捷秋闈踴躍
可知更望來春大魁高輟爲故人光寵也賢橋梓叔姪
孝友風雅瑞鍾一門而不佞得以一日之知叨附孔李之
契暮雲春樹百倍恆情未審快對當在何時也不佞罪
放以來南畝半荒困阨已極所幸高堂無恙稚子在庭
而登臨詩酒之興尙復不淺但苦塵冗紛然不能力學
著書成一家言以副知己之望異時相敘譚衷滋深抱

愧耳偶刻二種附呈粲政恐中有忌諱切勿示人也同
人中如謝兄賓馬兄璵李兄憲程兄佩呂兄律不及另
啓俱望一一道念使知故人好在足矣旅次偶逢舍弟
入都草草附候諸未盡悉生錫懌頓首

前勞尊使至舍慢去爲歉日來時望台旌賁臨懸榻以
俟者久矣想因尊冗未卽惠然耶不肖時欲赴郡一候
行臺而俗冗糾紛刻下又以掃墓往鄉未能如願望前
二日家兄壽誕鼓棹茸城奉迎台從過舍也先此布候
臨楮神馳

憶自亥春把晤叨擾德門承足下情文倍摯曲盡款接
之禮握別依依十年來如一日也嗣聞賢書高輟隨捷
禮闈又以聖天子臨雍盛典超擢儀曹粉署含香盈門
桃李在足下可謂極遭際之隆雖故人搖落與有榮施
可勝欣慰別來連得手訊深荷不遺近知駐節秣陵去
敝鄉止數百里而遙每欲鼓棹一候而以家君年屆古
稀適抱危疾周旋湯藥者四月有餘難以痊可此心耿
耿未遑如願特此先勒數行奉候足下同京之期當在
何時幸惠德音以慰懸注戊榜貴門下諸兄乞示姓氏

一單晤間希爲齒及以見水木之雅尤佩高誼鼎爵董
書二種出自鄙悃不敢具套并祈鑒入臨楮不盡瞻溯
金明府燬

燕越阻脩良晤維艱馳慕之私想同之也丑之冬舍妹
丈自京門旋歸荷兄翁所致一函具檢至誼不意所事
不果可勝惆悵前函尙存俟另日乘便綴記室耳啓者
敝鄉平子遠先生越中名宿天下全才也都門縉紳碩
輔靡不重爲斗山其文章歌詩氣誼經濟度邁倫伍實
有不可一世之概以故聲望滿長安交遊徧字內且與

不佞素稱莫逆風雨同心晨夕晤言非一日矣茲者訪
友金臺企兄翁之雅進而樞覲凡有可以爲子遠先生
地者祈不吝多方揚美曲爲玉成心銘臆誌豈僅子老
一人已哉顧在兄翁慎勿以不佞爲曹邱之請也亦曰
以素所相契者達之足下以天下所共推交重者聞之
足下知兄翁定當心鑒也太翁暨秩宗令兄希爲叱致
不及另柬臨風瞻溯餘悰縷縷願言不宣

別后倏彌月矣盈盈一水不啻相隔萬重跼懷日夕在
抱貴銀鹿至脩詢年兄近履康勝曾有茗上之行目今

尙在鴛湖渴欲一到嘉禾以看烟雨偕足下再爲談心
奈緣俗務所糾未獲如願悵也何如蒙云稅契一事已
經印出荷年兄志學之數臆誌心銘至帖雖一次更正
皆雅誼所致而未能常若如此亦惟有付之度外而已
不佞數載家食仰屋興嗟從未以窘狀相對諒年兄必
知之悉倘便中郵寄衡齋王父母函內希加意道及不
佞蕭蕭近况每事注眷卽如躬賴垂照也明春意欲前
赴京門有懷欲吐想定勿我遐棄耳臨風瞻溯不盡所
云

戴府丞京會

青門惠餞感昆玉雅誼不置反里少圖養病不意卽有
鄰警飲食夢魂總無甯晷而貧落更不待言時念都門
周旋尙不寥索見邸抄知借金天官清通簡要斯地與
斯人正相當喜甚喜甚令兄又留玉堂直令人羨健而
故交如僕懽慰更異尋常也武定張容菴入都之便草
勒附候容菴氣誼過人才情亦超軼貴鄉待罪時甲午
拔士也其臭味當與門下有針芥之投幸垂手接引之
諸張公能口述不具悉令兄同此致候不另柬

劉中丞芳躅

年來潦倒無聊資生乏策往來燕山易水間自顧可慚
亦可笑也計拙無衣食途窮仗友生殆今日咏乎頃在
奇峰學舍挂藜刈麥接得從子手稟應考職之試總之
此時壅滯難以得官不如得少優於頂帶者爲榮身計
之爲當也從子爲先伯兄第三兒自幼在僕左右敢邀
世好代爲禱祈幸吹屋烏列於州同爲望文雖久疎字
亦尙堪作養也僕於望後亦擬策蹇來京補夏至祀墓
之禮當面雅誼曩屢拜注存皆以陳廢步未出門頗多

失答疎節之罪定荷知己亮之附及未一

僕抱病連年展轉山舍不返里門者兩閱歲矣曩聞尊
先人乘箕而去凡仰芳型者罔不雪涕矧僕親炙輝光
者乎唯是不能力趨執紼特從同人後一申雞絮至今
歉仄耳惟門下以禮自持爲國珍玉良用遠慰使旋附
候孝思啓事匪遙諸容面悉

道兄居白下之勝區賦黃初之麗製驚人之句定滿篋
中矣不孝自遭大故萬緒荒迷於六月初旬草草扶喪
北返中元前二日已達潞河值葆飭弟南還話別津次

念其襖被阮途深切懸注特以菽水事遠瀆知己幸道
兄推愛格外潤之俾邀仁人之粟以歸奉高堂卽不孝
數千里外藉慰孔懷雖在聖廬中不異身佩渥賜已臨
楮禱切

張都轉應瑞

曩者帆檣失濟幾沒廣陵之濤雖貽戚自人乎亦數奇
偶相值耳廢棄以來邱壑是甘綠野午橋固未敢希蹤
昔賢萬一然而時命自遣頗達盈虛每臨風一嘯覺怨
尤都捐而身世枯榮猶未能累我方寸也門下富衰經

傷心之際乃承不忘夙昔疊相注慰加以蒞勵厥情渥
矣惟是驚弓之翮無意高飛又況時勢殊昔更非蹇足
頓蹄思起之日正未知豐草茂林何時釋我尙能再礪
鉛刀以副知己之望否邊陲未靖中外需賢統冀順時
節哀善徯寢興爲蒼生自愛所謂移孝作忠者生且拭
目望之矣因鴻佈復心與楮遙令兄年翁不及另函希
致意爲感名具單

張提學鴻猷

睽違道範轉盼三年每憶芝宇惟仰看屋梁月耳邇者

春光滿眼景物增輝老年臺福履與時並茂榮補在卽
會晤想亦不遙弟向日校士恐致迷目之謂今雖量移
大有蚊負之懼何當遠念敬謝敬謝承諭事弟卽特懇
家孟已慨允留神勿煩清慮謹此奉復兼候新祉臨池
依依

曹太守首望

不晤道範夢寤爲勞老年臺典禮南宮思皇多士以視
弟之伴食河濱者真雲泥隔矣茲有敝業師諱朱清豐
者豐庠寒士也半生螢雪甫就廣文一席萬懇老年臺

拔之前矛庶幾河清可俟也卽達之堂翁無不可者伏

候崇禧臨穎馳溯

謝御史兆昌

憶夏間分袂裘葛倏更瞻企之私與日俱積老年翁剔
釐多方商民咸戴因知大經濟人事業迥越尋常萬萬
也欣慰欣慰弟碌碌寡緣素殮自媿不敢擅附魚函有
溷清思惟抱疎濶之譽而已茲啓家表兄孝廉范諱克
初者近以就塾宛城匆匆南下與弟卅角問業同體關
情幸其道由駐節敬修尺素令謁崇堦祈老年翁推國

士之愛弗靳春風而和煦之銘佩不特家表兄已耳臨
楮倦切不盡依依

高觀察恆豫

久睽芝範企慕良深第俗緒勞勞弗獲趨聆塵誨殊爲
悵惘耳承諭自當仰遵奈昨已定議不能復更非敢故
方台命也草此奉復幸惟鑒原不一

王尙書日藻

星迴律轉歲序將更東閣一枝早逗陽和景色想老年
世臺經術旁昭於啓事詩才仰繼乎臨沂履泰運以宣

猷對芳辰而屬句景禧滋至孚契彌深企羨之私奚可
言喻秋初辱賜瑤函并貽瓊玖屬以順郵裁報未罄縷
忱茲草蕪律四十韻藉用椒觴北望五雲濡毫莫罄

桑參議開運

老年臺瑚璉重器望高山斗遙想仁風悠悠我思自憶
都門聚首常聆塵誨霏霏玉屑迄今猶在耳件間也春
序融韶老年臺福祉駢臻無容遠卜弟迂拙散材濫竽
珂里正愧螳臂當車所幸指南有藉辱承腴貺俾弟益
增惶悚而老年臺千里隆情不敢堅卻謹登錦庖餘儀

就倅附壁一切雲誼嗣容面謝匆匆草復臨池曷勝悚
仄之至

于進士璉

日望老長官早到爲衙門主持且侍得藉以息肩歸省
不如別項告假之屬託詞也昨見暫以恙請之疏殊失
鄙意仍祈速出東山侍當作湖海散人以慶榮遷耳雅
望原自出羣而諸堂臺揄揚更切足稱兩得已將台意
致之矣大年兄執照未到他人俱駁以老長官故止以
再議了案其繳之遲速無定限卽遣人與親身皆可也

各長官俱道台意并復不一覆稿呈上侍名另具

張太傅英

日來未得奉晤小兒卷聞已在部中幸年兄入署時查
示萬萬弟英頓首

地輿圖爲芳傳家兄持去竟不見還奈何無以奉覽幸
亮之弟英頓首

孫處士焯

老年臺以聖系而膺帝眷久爲當代所景仰小兒在豐
得托門牆永締世誼誠三生之有幸也弟時擬鼓金陵

之棹親承芝字以慰鄙懷奈去夏竭蹶于報費秋卽有
遣兒婦往北之役三冬飛雪積旬今又緣文衡在倣郡
坐是有懷輒阻而中心之神馳無已茲者令叔老先生
賁臨捧讀瑤函恍如提命但弟僻居鄉曲不能常隨侍
令叔老先生之側至所委又不得當負疚益深台旌指
日北上小兒在署伏望多方栽植不啻再造之恩也荒
函率復不盡縷縷

燕臺別後數載企思幸遇台旌南指小兒獲聆教言且
悉福履萬安忻慰忻慰夏初暫詣會城忽患河魚之疾

卽鼓歸櫂聞尊駕將至敝郡凖擬望風晉謁一聲積忱
前讀翰誨諄諄感同骨肉知蒙賜顧昭慶若行尙待稍
涼弟又爲暑雨經旬蒿目巨浸未及至省稽此良晤衰
年種種疎懶罪歉殊深茲值小兒趨侍左右率此奉復
惟冀老師臺先生以時珍攝爲國自重遙情縷縷臨穎
瞻溯

王學士尹方

夏斗巖至都得悉老年伯近履後接台教如覲紫芝欣
忭欣欣前所委事姪明知難行故欲假手觀玉以圖得

當不意渠漫不經意至臨時始將原札發出致彼此兩
誤至今舍弟輩尙不敢與此童覲面皆觀老之過也原
札去歲臨行時不知收歸何處今於書笥中翻尋數次
絕不可得俟檢出時寄去何如姪自浙省回後終日病
鄉氣息懨懨漸無生理而他省之主試者反揚眉吐氣
奮發精神此事殊屬不解意者文運漸衰黃金勢盛白
雪無光好之所爲亦自取逆天之咎耶今已貧病交作
勉強支持正不識究竟何似耳因便附候再呈拙刻三
種新稿一部統希教定諸祈慈諒臨啓曷勝依切

劉郎中始恢

冬仲拜別倏易葛裘時序易遷懷思彌切都門聚首三
月極荷老先生世臺骨肉之愛古道古心至情至誼每
一念及感勒久之當波靡之中有此大賢真中流砥柱
侍實爲之心折非敢諛也先叔謬叨一日之知承老先
生世臺諄諄念及真令人感人肺腑侍於展墓時默陳
古誼想先叔亦啣結於九原也侍閉戶守拙一切聞見
甚短凡有可相關者務望留意家兄就試中翰現寓都
門倘有大札卽轉付郵寄可耳倣地如有新任公祖出

都統祈齒芬俾家居不致岑寂其感佩曷有既耶大世
翁不及另啓統此致候餘衷縷縷不盡侍名正勒

張少保鵬翮

人春以來兩讀手教深荷垂注計事得邀照暎感不去
懷東郡一章出自公心惜乎爲例所格乃老年兄亦加
扼腕緇衣之好實有同心矣復聖門坊傾圮弟旣居此
邦自當力任其事不待諄囑至書院顛末藩司覲旋之
日已聞大畧今台諭復及之容令司道郡邑熟籌以報
也辱在契厚諸凡幸爲留意不吝指南是所禱切澌源

倡和詩小清河議二刻奉塵清覽老年兄爲海內宗工
乃自忘其陋舞斧於大匠之門真不滿一喙也弟名箋
具

密夏重承教愛頗行復荷寵餞飽德銘心曷有紀極履
任來簿書鞅掌心勞政拙久稽謝悃時切悚惶承諭貴
鄉所行事宜翮雖賦質駑鈍敢不竭蹶遵奉幸藉餘波
東魯時和年豐民生樂業貴桑梓亦無不拜老先生之
賜矣去秋得瞻復聖廟貌益切景行仰止之思近閱邸
抄知有榮遷之喜由此端揆節鉞指日以族殊爲欣忻

專力肅賀崇禧不腆侑函伏惟鑒茹臨啓馳溯

吳尙書一輩

都門叩別復屈登龍令節矣斗山在望無任神馳敝治
係塞外彈丸荒涼萬狀且又當往來要衝迎送之勞供
應之苦不可言喻近復調入內簾襍費不貲將來考成
之事殊切憂心外吏艱窘之狀有不堪爲知己道者承
老年兄厚情未遑圖報令人愧赧無地耳聞中分閱易
經與沁源馬邑兩公同事其中倘有簡默不到處萬望
老年兄曲爲照拂感佩高厚靡有已也草勒荒緘恭候

興居統祈原宥臨穎翹切

夏處士州梁

漂泊西南天地已越冬春調饑顏色返覺仙源是故鄉
矣今東君北上弟亦東歸前肅械兩次奉候曾達記室
否公郎學業想已大進豚兒在京屢沐青照感懷何已
歲月飄沉關河濶絕瞻晤不審在何時也聊寄土物二
色萬里鷺毛薄將遠懷伏惟叱茹拙稿數篇呈教臨池
曷任依注

于參議覺世

老伯大事未能執紼臨壙以伸猶子之誼五中慙然迄今未已有自貴縣來者爭傳年兄哀毀之中祭葬一如禮以此知年兄孝思固度越倫等而經緯榦濟更自非常也弟久病之後懷想教愛夢寐維勞捧誦翰教如久別故人思獲快晤不覺霍然當茲溽暑炎歊惟冀年兄節哀自玉恢鴻大業以顯前人則又孝之大者矣來管遄發強病率復不盡百一

魯通政超

輶軒前賁雲間得以晨夕侍聆教益奚啻黃叔度消人

鄙吝心也違晤雖無多日而瞻戀縈懷却似三秋之久
何令人之思慕一至於此武林佳麗之地得老先生大
人行旌至止品題歌詠湖山草木倍開生面矣遙望紫
雲殊深洞溯頃接尊諭捧讀之下仰見高雲周詳篤摯
感佩何極當備勒心版也大駕臨松在卽接膝非遙統
俟面罄先此謝復臨池翹切

祖府尹允圖

臘底一別彈指春深迴望璇霄彌隔塵埃弟待罪珂鄉
繁劇萬狀前承瑤函遠及未遑修候起居歉仄殊甚老

年臺先生領袖人倫澄敘羣品遙瞻紫氣已映台躔矣
茲有啓者曹邑監生趙從大父子濟惡贓款纍纍撫軍
震怒必欲訪拿以除一方之蠹今伊子趙嶠潛入京都
未審作何勾當忝叨肺腑之誼率此奉聞幸爲留神敬
候回示匆勿不莊統希鑒宥不宣

王君詔

俟考

客歲握別至充隨謁太翁溫恭閒雅冠冕東國方知老
年翁本源有所自來奈緣行間碌碌不獲時親笑語後
又奉命移荆并老年翁興居亦未遑候至今歉仄錢生

重蒙作養弟實銘刻但以後照拂望老年翁終始以之
也至弟一身從役百事邅迍兀坐江濱未知稅駕老年
翁鴻猷碩畫胸中定有成筭不識能一指示否春華燦
發淑氣迎人福祉諒多駢集德門草草泐候欲言未罄
張中書鑱

前者大駕賁臨獲領教益契濶之懷於茲稍慰極欲謀
一尊邀敘而台旌遄發未遑少盡地主歉何可言尙擬
再過敝邑一罄積悃不意遊屐久羈日深翹企昨從家
孟處讀手札知仙舟已抵吳門渴欲趨候攜濁醪數杯

同醉生公石畔而歲前多冗未得如願悵快無似老先
生以命世偉人處得爲之地將來勲業正未可量不才
如弟淪落自甘優游終老所恃雲霄知己垂意剪拂公
祖田文宗父母大令俱乞不吝鼎言一爲諄托俾田公
念及寒暑追隨史公俯推烏屋草野鄙人榮施無旣皆
荷老先生噓植甯有涯涘哉荒槭附候臨楮神馳

臧御史眉錫

都門侍教以來倏已三匝月矣過荷雲誼諄諄有逾同
懷鏤刻五內曷其有旣願候青鎖黃扉以慰鄙懷然屈

指亦指日間矣弟因狼狽出都自覓費之艱稽遲至於
閏五月到任一入魯境滿目荆榛百無一熟人民寥寥
絕無市集然固窮之教分所宜受猶幸者僻耳簡耳僻
則無兵馬之苦簡則少供應之累豈料初三到任卽有
皖兵移駐之文百孔千瘡左支右吾至於從前雜差之
弊凋殘之病筆不能道以千百僅存之孑遺半爲差徭
所驅逐有鬼無人有土無屋竟不成邑言之於邑聞之
駭絕者老門臺愛我將何以教我乎鄭俠之圖豈足繪
其一二耶李管精明幹才不必言矣亦因困苦之狀日

日告退弟勉留之亦五日京兆耳適有便羽先此附候
入秋尙容差人走叩馮夫子一札千祈面致并道弟地
獄之苦狀生我成我或援而救之乎他若掣肘之處貽
累之事巧婦無米之炊功令苛求之類尤不敢述之左
右者回想丁未連驪之日今春聚首之時其可得乎惠
子知我幸起之枯鮒爲禱諸同人處不及遍啓千祈叱
名鱗鴻不遠荒函之罪統祈慈宥臨穎主臣晚弟眉錫
頓首

前者敬脩小札郵寄塵覽想老門臺新禧倍佳指日梧

垣竹埤使風塵下吏得荷栽培感何可言都門過荷雲
天銘刻無旣不意菲樗如弟筮此瘠土幸簡僻庶可藏
拙詎知兵馬之旁午天災之暴厲荒疲之狀筆不能盡
尤有甚者向因安插之未當致軍民之多故張弛之際
寬猛之間有大費籌畫者老門臺愛我將何以教我乎
至於糊口無策冰暑蕭然此吾輩分內事不敢訴之知
已者前有一札呈馮夫子想已致之梁夫子處亦祈緩
頰但兩月內大兵迭至不擾一民大雨滂沱虔禱卽霽
流移之民歸者日多屯營之悍危者復安弟之告無罪

於知己以告無罪於朝廷者此耳至於多方提攜尤恃二天之在望耳便羽附侯臨穎主臣李使榦才惜窮邑困頓屬稟候萬安同人前乞叱名郵報上乞示一札至禱小弟名另肅

獲附驥尾已快平生乃復蒙雲誼殷殷真如就日飲醇不知其煖弟匆匆策蹇歸里遂遑笑言每憶芝眉疑在天表不識比來道履何似想年兄讀書中秘化日舒長樂可知也弟自返里中一味杜門不知戶外何事但奉七旬老母日夕盡膝下之歡卽蔬食菜羹自覺甘美不

參氏家藏川別錄三
五
厭弟未審稅駕何日出宰何年脩職業以報知己未免
搖搖耳肅此附候愧乏侑緘伏望鑒原臨穎悚仄紀年
兄不及奉柬祈叱致弟名單肅

施方伯天裔

接發初六八日兩次台函具見真切婉轉之至感激感
激令兄价回賚到尊札卽當如教祇遵而行一氣之說
洵爲直截諸惟老親臺張主酌定爲之弟自是竭蹶勉
圖以應前所言銅原是無多皆數在各商陸續於臨關
賣去今顏親翁須銅必須另行覓購但地方缺乏銅觔

浙藩袁輔老差人東來採買臨清關又以缺銅徧覓一時銅價騰踊且買銅托人甚爲難之銀入其手卽爲已物弟十分拮据追呼尙餘千金未清之價茲爲老親臺許顏親翁踐信之故弟當力任採買之事此處多方覓購亦得八分五厘一觔或可覓三萬觔之數卽賠償數百金以報台命仰承老親臺踐宿諾之意也其銀留用諸惟知己心照可耳臨穎可勝翹企之至不盡不盡弟天裔頓首

任明府楓

蘇氏家範

三

曩承雅誼銘感之忱與濶別俱長茲復承注問天上仙
班猶念泥塗中有故人此德此情具有心胸能不耿耿
耶奈弟時命不猶墜落衝途百苦俱集真如坐地獄中
受諸惡趣將來但求生還故里便是厚幸敢復作功名
想哉以此負年臺提攜之意誠足浩歎耳其襟肘之狀
筆不能悉遽使當一一口之也敬托八行藉手起居薄
儀伴函仰祈莞恕倘天念苦人不卽淪沒尙容圖報於
異日也年伯壽啓聊抒猶子華祝之誠然自媿布鼓矣
區區之衷惟冀鑒原不盡

李侍郎迴

都門數年共晨夕，脩荷提誨，顧良晤無幾年。兄遽歸，讀禮聚首之感，時塵寤寐。客冬老年伯卜葬之吉，不獲與聞。旣未能遠，將雞絮躬奠，靈右又不遑遣子姪輩代効執紼。猶子之誼，闕然能勿歉仄。滋深。耶乃年兄旣不過督更辱垂注，感慚交集，竊憶服闋在邇，惟台旌早發，以慰蒼生霖雨之望。翹切翹切，謹此布復，臨楮依依不盡。郭給諫昌

自違台範，已屆深秋。洞溯之私，與日俱積。弟以匪才，謬

典晉闡公慎之懷天日可矢但入闈未及一旬而監臨以大兵卽至欲親自料理敦趣放榜至於再四弟以軍機所係不獲已於十八日竣事其爲匆遽實從前所未有兼之山右人材劣於他省時日旣迫僅取充額至若諸當事交際之間况味索莫更甚於往時凡此諒皆在老年臺洞鑒中者今諸卷俱已至大部校閱之時皆式遵功令其間字句或有未安此係謄錄之誤皆已細細抹出惟懇老年臺特爲照拂并祈鼎致同事諸公稍爲寬假俾弟得免衡鑒不精之戾皆出老年臺之鴻造矣

專函奉懇更托沈余兩敝年伯轉致鄙私惟冀崇照臨
楮可勝主臣

方中丞大猷

展叩瑤階老年台握手道故青眼相視優渥極矣弟囊
空如洗沿門持鉢竟無定寓暇當過訪不敢勞尊駕也
張公處昨許賜鼎函伏祈留神最汗顏者弟旋里不得
欲求老年台轉貸三五金未審肯作此瑣事否也恃愛
唐突自顧內慚惟老年台古道自處想不鄙此舊交也
旅中文房未便草草宥諒制年弟大猷頓首

張參議永茂

習習新涼秋衣殊爽彷彿披塵訓於清襟前也欣接翰
言深慰饑渴然永茂謬承糧儲實切蚊負之懼惟藉知
愛如老年臺先生奚啻芘之以幬而滋之以露乎辱荷
雅貺另容圖報餘教書紳臨風可勝心醉此復銜名另
肅

鄭提學僑生

握別來經年積緒咫尺未通實深悵歉年兄福履諒在
佳暢弟叨職已期一無善政加民何當優譽之過及也

令親孔年翁過署緣荒邑窮員不能厚有所及何以謝
命茲順羽便還率附荒函祇候清居伏惟崇照不宣
許給諫承宣

幸託淵源方以獲承音旨慰十餘年渴饑不意復爾遐
阻徒令我厖東山之望也遽使至得拜手函稍慰翹切
老師叔騷壇宿望當此鍵戶讀禮時正可放懷嘯咏想
琬琰盈笥以之應 聖天子風雅之選自有神契可不
蔡而知也晚目下有纂修之役欲得尊府陋巷志以資
考證已於夫子稟函中致懇并希注神速惠臨穎不盡

依依

王尚書隲

計與老年翁違離十數餘載矣其間吾鄉之卓越飛騰者多有而文章聲望則君家兄弟真不可當弟里居遙存佩服切至時以隔遠疎候爲歉入都又復相左季春賁表時得聞起居於桐江處回閱邸報見老年翁旣補而旋陞不勝雀躍弟揮出荒蜀命軍前拮据年餘備極勞悴所事粗就比之古人不敢當較之今人無多讓也然所費者稱貸之錢所辦者耘田之事一畝勤苦卒同

逝風豈非拙者之效乎山川險阻隔在異域恨不能向
知己一傾吐也茲借胡貞巖先生入覲的便肅此敬候
台履新禧萬安附呈詠懷十二韻雖不成詩然亦撚鬚
數斷而得也幸勿以短歌擯之爲感臨穎馳依弗旣

徐中丞相國

別來又幾一載矣每憶知己握乎談心時不可多得也
春初入省雖不能留益地方然硜硜守拙無愧乃心差
足自安耳適接翰教知老親翁秋初發駕深以爲喜情
多關切不待諄諄口吻間也佳惠遠頒不敢固辭謹登

款爵用誌高雅一芹伴函殊慚輶褻草裁附復并候近
禧臨楮可勝瞻溯弟名另具大老師在安順想萬福萬
安弟於五月間晤丁制臺已諄囑之矣并此附聞又拜
魏觀察學渠

酉冬都門言別辱老年臺雅誼稠疊感勒心腑嗣聞校
士南宮而得人爲盛司筦江左而惠政遙傳徒以音驛
疎濶未獲申賀爲歉耳頃白年翁入楚得接瑤翰兼讀
闡書如侍色笑深荷垂念所云鄒子蚤已遵命矣若弟
與仲老原係同學宿契其令兄遠來值弟煢煢在疚兼

謝事已久雖黽勉周旋而于中尙抱耿也舟過金陵以
不祥姓名未敢入謁聊佈芹私并復前教統祈慈鑒臨
楮神馳歸舟并祈台庇制弟名嵩肅

趙太守開雍

曩者承乏東魯年翁不鄙棄俗吏琬琰鴻章虛懷問字
追憶舊游依依如昨日事也彈指十載年翁翔步雲霄
蜚聲文苑不佞以衰病郡守予告歸田亦曾念及蘭譜
中尙有此老人乎頃訪舊石城去臺端咫尺特遣小力
泥首台階不腆之儀聊申積忱小刻積有十餘種皆零

星散去矣謹將存諸行笈者先呈教正江上布帆若未
卽發仍圖面布區區也開雍再頓首

衰頽病叟荷老年翁篤念故人不遠二十之遙高軒枉
顧古誼哉今人所未有也賤體纏綿又在逆旅觸事增
人懷抱刻下力疾登舟頭涔涔作痛不能躬詣臺端惟
老年翁原鑒所懇轉書俟當事按臨有期令胞弟開禧
親來面瀆也臨啓不盡開雍再頓首

朱處士綵

昨於句曲聊寄數行奉復想入台覽矣弟今已抵京口

晤涵老盤桓竟夜擬於望後次日長行此後晤期未卜
中心依依之私實晝夜不能去懷也年兄人都遲速吾
三人所見畧同綸兄已先作字田二年兄大約言年兄
自能念同鄉之雅而樂道甘貧在桐老亦自應有實際
之處弟之家函亦復爾爾想不日卽有回音斷乎不致
落空耳連日清恙當已全愈打鐘固不必言復有餘興
鑄銅否并望示知山東試錄涵老處亦未曾到統此布
聞不盡馳依

地間咫尺渺如天際每憶曩春趨叩台堦時蒙兩年兄

過愛飲食教誨之德迄今宛然在意念間也茲接手翰
捧讀恍晤有道丰範兼荷垂注殷殷五中感勒曷有涯
哉時序迭更脩已節屆履霜兩年翁先生孝思興感無
已幸惟抑情自玉以慰鄙懷拳結羽便肅候近履統希
丙鑒不盡馳切

朱學博紱

寒門不幸忽罹先伯父變故過蒙雲天高義沒存并爲
銜結弟乞假歸里日經營喪葬未遑脩尺一伸候孝履
正深歉仄忽接手翰慰藉慙慙雅愛隆情益深銘勒別

諭已悉家兄函中不敢多贅羽便率復并候近祉臨楮
翹切不旣依依

沈修撰廷文

去冬傳年兄歸里接手翰深荷垂注感何可言年長兄
晉陟清晏雍容翔步入座可期而且琴瑟克諧賞心悅
目大福澤人固宜有此耳僊蹇如弟家居困頓不知何
日得補一官與吾兄弟歡然道故也室中吼聲稍息附
聞以當一笑茲以小侄探親入都代叩大年兄年兄闔
府萬福倣縣新父母王公諱天壽者爲旗下筆帖式不

久到任敢乞台駕親往一晤鼎呂道意或開一單云候
補某名更感茲接官衙役數人忠厚守法或可便中一
言特令叩首台端並酌之臨筆依依不盡事例全停否
卽用先用確數乞一一示下祝祝

許員外聖朝

別來八閱月傾慕無時去念前於清和得拜德音骨肉
之語溢於墨楮弟感媿交集矣夏仲聞新旨有中翰之
選卽爲吾兄屬望者久之及覽邸抄已知巍然高列歡
喜欲狂綸扉要地以俊才居之深爲朝廷得人慶不

特吾兄弟分輝已也謏劣如弟昂首何時惟望年兄錫
之教言砭我屯蒙并惠佳篇以爲楷式幸甚矣年伯年
伯母納福可知曾迎養都門否年嫂在京抑在家耶乞
一一示之爲慰今以家兄入都敬候新禧諸凡更懇指
南維持足伋至愛茲具不腆少伸賀私萬惟叱存扇頭
俚句可供一噓並希削正臨穎馳戀不盡欲吐吾鄉年
友及別省諸公殊卷并惠數冊望望新詩賜一讀更感
弟名另具

去歲夏間大年兄道經敝郡曾剪燈爲竟夜之談一洗

兩載渴塵也。瀕行附數字候年兄起居。自久入掌記矣。今閱邸抄知大兄榮補。邇聞台駕有江南之遊。想亦當早晚入春明也。偃蹇如弟無足比數。滿望年兄爲一疏通之法。便造福無窮耳。茲宗姪許祺慕闕里之勝。兼訪沈漢老此子。繪事頗工。如年兄處有燈屏等類。可命効勞。非尋常畫士營營逐逐者比。羽便專候近祉。憑穎馳切之至。

數年契濶。梁月之思。時勞夢寐。向知年兄久遊江左。桃葉賞心。令人健羨。但不識河東先生。見之猶憐否。榮補

入署清通望重從此雍容翔步晉陟崇階在指顧聞耳
弟困頓無賴家居數載苦無佳况不審何時得入長安
共知已快聚也乞留神查示弟上邊共有幾人目前無
別項事例源源而來者乎南遊吟咏必多佳刻幸賜教
茲以傳年兄北上敬候近祉無緣言面臨穎但有神馳
大年兄道意容再報

咫尺龍門心密形疎誠恐年臺事冗未敢時煩起居弟
以冗坐衙齋又不便常爲出人耳忽聞報命在邇不禁
悚然榮行定於何日如有暇晷弟當馳走階前一別以

見數千里外故人相遇存此戀戀之私可也專仵敬請
幸惠好音前紙求書賜下弟名另具

顧處士雲臣

謬承老先生台愛委寫待漏調琴圖二幅塗鴉之伎殊
不堪入大方之目歲朝復蒙降重諄諄話別敢不以病
軀力疾勉握管城祇以撫軍命晚雲寫照方苦辭咎不
能故爾稍爲延緩今如命附呈惟祈臺宥不工之罪隆
貺遠頒謝非筆罄不識旆帆北發可能再渡吳門使鄧
尉梅花生色倘可噓植處萬望老先生多方留意令親

社翁統惟叱致臨楮曷任翹切

李處士漁

昆季聯翩而起又同仕廟堂不分內外者自崑山三太
史而外指不數屈澹圖修來兩先生其匹休者也野老
入都聞此等盛事不可無一語紀之謹撰一聯以疥尊
壁未審有當否也前以賀書鄙事奉托想荷留神行期
日迫一日幸早圖之附聞不一

前以賀書瑣事瀆聞想爲留意茲行期已屆乞示德音
卽購者寥寥亦求自用一二十部輕我行裝爲惠多矣

立候回示不盡晚弟李漁頓首修翁老年臺大人

來單一紙卽求專役代傳其求售之故及價值多寡悉在其中可省一拵揮翰之勞但擇可與言者幾何人悉發尊刺煩貴役面索所用書單則此事半日可了至查各書分送亦易爲力多去一部少受一部之累早去一日少擔一日之憂皆知已之賜也貴役自當勞之卽日遣行是禱

漁行裝已束刻日南歸所餘拙刻尙多道路難行不能攜載請以質之同人或自閱或贈人無所不可價較書

肆更廉不論每部幾何但以本計每本只取紋價五分
有套者每套又加壹錢南方書本最厚較之坊間所售
者一本可抵二 three 本卽裝釘之材料工拙亦絕不相同
也不用則已用則別示一單以便分送書到之時卽授
以值不悞行期至感至感漁具

王中書士驥

公集以後匆匆旋里造謝不及負咎良多弟於時意欲
南行以爲白下仍可相晤不謂資斧不給終於不果憶
老年門臺簫鼓樓船峭帆金焦之下壯遊高咏正堪羨

耳茲家兄士表代候近祉特懇推愛教之俾其行李得
達粵東則愚兄弟均戴高雅矣臨楮南望不盡欲言

顧芳菁

侯考

弟被放南歸未遑趨賀左右客冬因坊人有拙選源雅
之約更承敝郡宋旣老蔡九老章鶴老諸同人見托祈
老年翁卽惠瑤章以便彙選臨楮無任翹切瑤章乞寄
西河沿豹變齋書坊名單具

成侍衛德

成德謹稟太夫子臺下前接手諭因悉起居佳勝翹首

南天益增悵望悠悠夢想願飛無翼種種并忘之矣使
旋布候不宣成德頓首

史詹事夢

日來館課碌碌未獲聆教爲歉茲啓家表叔陳諱宗石
向曾以領誥命事奉懇適有彼處衙役明日回縣老年
伯如已爲彼領出乞卽發下幸甚幸甚餘容面謝不一
顏老年伯大人年姪史夔頓首

捧讀老年伯大篇理熟程朱學兼左史起大雅於近今
振絕響於初古正希陶菴差足比肩餘不足道也抄本

此篇在別卷三

五篇完上幸檢入家叔嚮慕已久渴欲請教兩日內卽
擬造謁闈墨當自攜到也呵凍草復顏老年伯大人年
姪史夔頓首

楊處士不顯

別後歸來又造一在字橐籥并華山仙方之原文并錄
乃丹房法器甯可備不用不可用而不備果識水沉金
浮實爲延年一助再備之濟人乃是補虛癆瘵之第一
件事可不知乎今日秋分金水平平人氣在下人神在
腎正當靜坐調我真呼吸識得外呼內吸出實所以入

入則實所以出古云君休輕此一聲呼八脈週流似輓
轡次第地中雷隱隱遍施甘雨潤屠蘇正在此中靜默
又不知台駕榮旋還到眞州否耶再得白水豆腐說方
外餘言以作快談早示一信恐其他往以便候教近聞
糧憲陸道臺風波台臺早已一口道破眞大儒之明理
明道之識見成先覺者台臺也我惟爲陸公好人眞可
惜也不知連日有甚新聞耶陸公尙可保全耶若有眞
信示我以聞何如再台駕南回實何日可定耶外慨許
閩台前囑之更望留神是荷犬兒不敢另稟神馳不盡

楊丕顯頓首

余處士國楨

耳芳名者久矣徒懷山斗之仰莫遂識韓之願昨得傾
蓋龍門相見恨晚乃蒙老年臺雅愛有加溝中之獸有
汚顏色矣復承寵召誼何敢辭以歲聿云暮卽擬北渡
然隆情至意已心版鏤之矣謝謝江浦徐年翁係舍弟
舊屬曾附門墻昨冬舍弟北上時存一檄屬弟往謁以
家兄之故恐不敢徑晤懇老年臺俯賜一札先於所往
弟卽日北行郇伯膏雨可資阮途幸惟慨然至家兄事

札內可不必及之東裝匆匆不及再候把臂聚晤當在
來歲夏仲燕臺復命時也臨穎可勝依戀

張給諫惟赤

蒲月舟次一晤別後曾幾何時忽又霜楓如醉矣昨從
張幼青舍親處得接手教深慰鄙懷銅斤爲權闕第一
義得如額便可報最矣門下玉笋聯班寅清望重與會
之饒自可想見不佞自歸田以後癖杜甚堅視戶外一
切絕不與聞然三徑雖幽而二豎時侵近狀不足爲知
已道也適因徐舍親之便率勒附言舍親名唐元者慕

六館之中英遊羣集有志觀光恂恂少年初入都門百
凡望推分照拂感不獨舍親也匆匆布勒不盡神跋

范處士

瑋

滋陽縣范珮范瑋謹稟切珮曾祖諱淑泰字木漸生於
壬寅年二月二十三日中丁卯科舉人戊辰進士初任
行人二任工科三任吏科四任兵科右五任吏科左給
事壬午年典試浙江又轉兵科都給事場中以暑勞太
過感患瘧疾迴途病甚十一月中旬到家卽遭大變殉
難年僅四十一歲蒙總河黃具題准贈太僕司少卿蔭

一子入監讀書遺男三人長男名懷仁字子人係府庠廩生年二十四歲於順治元年六月傷寒病卒次男培仁字知人康熙元年出貢三十七歲病卒遺一男二女男宗鎮十八歲夭折有負諸恩師培植二女將近成人尙未出嫁季男宏仁年八歲甲申年被擄懷仁遺男景麟父母俱亡祖母撫養順治十四年麟十七歲蒙恩師丁諱彭莊諱遴二大人念昔先人扶持讀書爲滋陽縣庠生不幸於康熙十二年三十三歲又卒遺孤珮璋二人是木漸先曾祖一線血脈止珮璋兄弟珮今年十八

歲身中面白無鬚璋年十六歲身中面白微麻無鬚俱
業儒母孀子幼茕茕無倚謹詳陳具稟伏乞憐憫先曾
祖亦感恩地下矣

紀給諫愈

孫北海先生著書統借一閱爲望容謝未旣阮亭詩集
亦希惠觀弟愈頓首

敝省放榜日期舊例京兆具題今日曾見有疏否適未
之及也希示之弟愈頓首

又聞黜奉倩年伯與朱穎老序次而行則年兄與穎老

爲是也當日車乃長班所僱 聖駕起行此項最多容
遣人覓之另報衙門卑隸儘可不用領馬等事俱不必
親往此復昨奉訪不遇午間再當趨晤外具薄分八星
南郊竟日之談足堪絕倒兼之名園淥水豁我煩襟迄
今清涼猶在望也趙椽收標効用之事有定議否希詳
示爲荷令兄年臺門牆殊卷賜教是感

梁進士聯馨

前承年兄體念知我之感耿耿銘心矣尙容踵謝也容
監當在何日幸示弟知以便復彼耳切切小弟聯馨頓

首

李進士彥瑁

前所商者既蒙年兄諾發有緊要舍親此間尙餘瑣事
未結不久亦將西歸幸年兄速就外面封固交付敝鄉
梁峒樵年翁處萬無一差弟亦丈夫者流慎勿以區區
小件作狐疑也臨行不及走別悵悵孤弟彥瑁稽顙

王司馬穀振

蔡夫子遷居吾輩當設一公席煖房張長來言云是夫
子之意弟思此舉亦斷不可少昨已與謝門兄商之云

兼以祝壽實一舉兩便乞年門兄裁之不盡來翁年兄
賜覽小弟王穀振頓首

郭明府昂

郭昂謹稟昂自卧病以來賤體虧損元氣尙未平復祇
因家計單寒帶病出遊不意舟車又復勞頓痔瘡痛楚
日夜呻吟氣息懨懨醫藥無效本擬初九日叩辭蒙老
夫子注留殷殷不敢造次至初十日午後大便時忽然
下血不啻碗餘昏卧榻上衣被盡赤浸淫半夜不止奇
痛剜心莫知所措昂竊自惴恐非佳兆想本薄福之人

不應過叨知遇昂之命蹇何一至此乎因念離家之日
兒女棉絮不周妻子饘粥莫繼留於家者僅支半月充
行橐者未滿十金內外關心貧病交集於此時也卽欲
大度排遣有不可得者矣昂非不諒老夫子權使苦差
兼多賠費然而窮兒女有苦莫訴苟不向慈父母痛哭
陳之則將誰告耶在慈父母之心雖或憎其絮聒亦必
轉而憐念也倘得藉此調養病痛霍然而愈生我成我
圖報當必有日卽或不能邀天之幸終以貧病而廢陶
淵明所謂冥報以相貽亦自有不爽者昂今急欲返舍

旦夕必行若明日瘡痛稍止尤必勉叩階前以謝明德
否則忍痛登舟取便而返惟有稽首翹謝而已先此布
告臨行再爲上聞附有懇者昂有一弟繼嗣寒族家貧
不偶讀書未成聞老夫子處有贊禮劄付倘蒙見惠一
紙俾得了其終身是亦附於門墻之末也不盡欲言臨
楮翹切

郭昂謹稟老夫子台臺昂一介寒流蒙老夫子知遇之
恩千載一時餐花結草自矢生平而福命舛薄得此奇
窮極苦之缺去秋藉庇方得出都抵任以來士傲民頑

靡所措手額糧二萬有奇每歲逋欠十分之一存款全
裁一毫無可通融而又迫於功令不得不借墊起解公
私逋負如水益深兼之材短勢孤汨沒苦海中未知稅
駕也門墻之下久疎問候側聞特簡銓曹私心忻忭而
賀忱莫展轉貸逾時亦尙缺焉未報負罪如山靡敢卽
安乃蒙慈鑒遠辱手筆恕之教之高天厚地非尋常師
弟之誼所可方其萬一者昂惟有感泣而已孟邑僻在
深山不通孔道耑使則力所未能便鴻又不易有適崔
門人從此入都敬候函丈一棧蕪詞稍見依戀之素至

於晉中上臺驛憲相待頗優外此不無危疑之慮有可
以爲昂地者乞老夫子留意焉種種積忱容俟深秋再
圖報稱伏冀鑒原昂臨稟可勝悚切之至

孫侍郎在豐

自春明拜送絳帳南行依戀之私旌旆同馳雖仰斗瞻
雲未足寫其勞績也恭惟老夫子榮任以來道履清勝
諸事多福慰藉慰藉在豐以散材而逢匠石斧琢所加
欲使成器在夫子聲名自遠出韓歐二公之上小子何
人亦同李翱蘇軾之遇其叨榮非分真異於尋常萬萬

矣寸草春暉何由報答惟是力行困學期於無負官牆
而基薄牆高汲深綆短常恐不克負荷如何如何在豐
於季夏之八日進館入則有受書問字之勞出則有賃
春索米之苦獨居顧影形神俱瘁兼之函丈遙天指南
無自茫茫塵海深以隕越爲憂必得老夫子錫以桀誨
示之周行或不致迷罔無從耳伏冀俯念樗材無忘葑
菲倘遇便鴻時賜郵寄天上嗣音不啻親承風旨矣秋
高露白時家君尙容晉謁龍門頓謝生成大德以申御
李之懷先於郵報中肅函稟候臨啓不勝翹依之至孫

在豐載頓首

奉違函丈自春徂秋翹首程門時切溯洄仰止之想日
承老夫子手示得悉近祉清和私心忻忭但以饒顓一
帶旱魃爲憂龍江課額致厘清思捧讀一過不勝依結
所可慰藉者恃老夫子鴻福所庇自然秋濤乍至可藉
天休以裨國計幸勿以一時課額焦勞也豐自數月以
來夙興夜寐期於無負生成自分庸流鈍質才短學疎
謬廁清班撫躬惶悚每思古人讀書立業輒期努力自
愛但恐愚昧無知不克進步蒙老夫子不棄樗材賜之

教誨真字字金石頓然開拓心胸敢不書紳佩服朝夕
勿諉長安習俗移人深可戒省況在冷署冰寒之地惟
有甘淡泊耐勤苦力行困學庶幾勿憂隕越若稍有縱
逸不第喪名亦且伐性自當奉夫子之訓必不敢出此
也葭蒼露白極目南雲惟望天上嗣音時時郵寄不啻
親承提命矣夢巢嵩烈三門生處當肅將意旨來人行
促不盡縷私臨稟曷勝瞻依之至孫在豐載頓首

老夫子駕駐武林門人誼應陪侍函丈乃以俗冗暫時
返棹心甚不安綠暗紅稀春光漸老茗雪間風景猶可

及時覽勝望前嵒候老夫子命駕門人謹掃徑鵲竅也
此稟未盡門人在豐頓首

絳帳南來湖山生色獨是門人治裝匆遽種種疎節未
得時時隨侍負罪悚惶惟恃老夫子大人慈照曲賜垂
宥也清秋爽氣師駕臨茗家嚴於郡城敝廬掃徑以候
門人初八日長行矣舟過任城當圖趨至闕里叩候太
師母大人師母大人萬安也舟次留稟不盡願言門人
名正肅

昨歲仲冬之望敬接老夫子手示知絳帷暫駐維揚卽

臨虎阜隨於朞月之朔先端人在蘇候信俟師駕一到
吳門卽拉全馮門人前驅負弩候至望間未得確音至
除夕信來始知騶從過蘇於婁東署中度歲獻歲卽欲
鼓棹叩謁因月內每有萬不得已之應酬須至月初乃
得出門昨托徐彥和先爲致稟惟期老夫子慈照二月
上旬門人遄赴蘇臺趨至婁東晉叩函丈未審尊馭尙
駐婁東抑至金閶晤當事也肅此稟候萬福食物不腆
奉之從者并乞慈鑒晒存臨稟悚息門人名正肅
命使遠臨叩讀老夫子手示具詢太師母大人起居萬

安老夫子孝履清和師母世兄益獲安吉深慰依依去
秋苦次荒迷不能匍匐前赴太夫子靈几僅遣价馳奠
北望搏顙中心負疚如何可言繼蒙老夫子回示知於
仲冬舉襄事其時亦爲先慈營窆不得趨事執紼又無
羽便未由寄將寸衷罪戾至今夢寐靡寧也先慈於正
月元旦歸窀諸事荒率動不如禮併不敢以具聞真抱
無涯之憾也伏承隆奠賜以鴻章謹對使百叩敬薦几
筵家嚴仰藉福庇幸健飯如常晨昏子舍聊奉菽水歡
回思世途塵網不覺冷若寒灰第君恩師誼高厚未酬

恐亦不堪鞭策尙望老夫子示以桀誨也明歲專候絳
帳南來隨侍左右罄寫悵誠門人廬次無狀杜門掃跡
久已不出戶庭近於小祥後至吳門謝弔寓邸捧接台
函旅次荒涼褻使者附帛貳種伏惟照存別諭趙姓卽
諄囑當事照拂肅泐復謝臨稟惶悚感切之至制孫在
豐稽首

余進士雲祚

余雲祚謹稟老夫子臺座前雲祚自庚戌之秋睽違函
丈倏爾十度星霜遙瞻夫子純嘏天錫道德日崇可勝

忭慶癸丑舍弟公車回獲捧琅玕如親提命嗣後鄉園
氛擾里道悠阻久疎音問迨戊午初春祚抵都門始悉
老夫子讀禮珂里未遑躬候抱歉殊深茲以聽選留滯
燕邸萬里萍浮蕭然囊橐尙未知所稅駕惟冀夫子超
晉崇階爲之指南耳邇聞仲澍張門兄道及老夫子指
日榮補不次之擢拭目可俟頃因張子赴任入楚順道
歸里特肅荒函上候萬福臨稟曷任瞻馳雲祚再頓首
稟

顧二榮

俟考

恭謁老師座下辛亥迄今倏逾三載客歲曾布手奏一
緘附致同學袁向若先生轉達函丈以少申謝悃諒蒙
電照不敢再贅嗣欲緝候又自揣一介故吾無以上答
高厚畏瀆清嚴輒爲中止然而嚮往之私誠結於中不
能自己敢自外乎伏念風會維新帖括一道駸駸乎日
趨於古皆繇庚戌南宮師臺力任起衰諸鉅公又從而
應之一時闡牘煥然復古遂爲三十年中之所僅見是
以子丑兩科相繼迭盛不可謂非斯文之大幸也以愚
揆之今日者猶有文行本末之說所當亟爲講究者爾

夫六經四子之書所以明道也道明於上則教化興道
明於下則人心正教化興人心正而太和在宇宙間矣
迨道德流爲文字其間風氣之升降有難以悉舉者而
惟好古學道之士必欲起而維持之何也其所言者皆
其所行者也不然史漢之風神八家之論說苟以材智
自擅者莫不發憤爲雄窮年矻矻以求快夫胸臆而究
其所至亦足以自名一家第攷諸踐履寡當焉蓋徒務
乎其末而本之不立故也至若廓清功利之私滌蕩虛
浮之習一切邪說小慧與訓詁記誦之陋俱不足以溺

之而奮然振拔於流俗之中惟以躬行心得者發明聖
賢之蘊此其志非猶夫人之志其業非猶夫人之業可
知也求之當世不知誠有其人焉否歟使有之則其修
辭立誠敦本積行所關於風教者爲何如乎愚知師臺
興起大化扶進人倫未有不樂得其人以與之朝夕者
也二榮蓋竊有志於此而恐恐乎愧所學之不克逮焉
雖漸摩攸及亦厯有年所而龍江一謁未罄心期乃荷
師臺一旦收而登之門墻之列稱隆遇矣夫豈易邁者
哉矧非有夙昔之雅信諸生平則其爲人之賢不肖固

未之知也而二榮又不欲急急自鳴其志之所存而師
臺拂拭勤懇加於等倫者意謂其人之可以有造以庶
幾適道之一日耶抑二榮之所遇者猶在形迹之間而
師臺之所鑑者已在意言之表乎榮每於平昔反求之
際自念功利之私何以廓清之必盡虛浮之習何以蕩
滌之無餘邪說之不敢遽聞小慧之未能悉忘訓詁記
誦之結習未易旦夕之畢化則躬行心得者未可以自
信而自安也是非躬承聖緒者提命於前無繇達矣今
者幸遇師臺宏克復之世學明博約之心傳進小子而

裁之以底於明道之歸此自昭代所希有而先聖人以
後二千餘年振興絕學之一日也因不揣固陋敬布愚
衷伏懇師臺賜以明訓飾以條章二榮雖昧劣敢不殫
力奮志冀無負於師臺之厚期也茲有神鋒近選上呈
法鑒其中甘苦所歷已於評語稍一露之不審有當與
否祈公餘之暇間賜斧削俾小子知所從事爲禱近聞
內院熊先生昌明斯道振起末學必與師臺夙有宮商
之應其語言文字流播左右者并祈賜觀一二以慰想
慕以襄志學何如臨楮可勝悚惶翹切之至璧翁孔先

生季翁老先生祈此名一候不敢另啓并懇門人顧二
榮百拜

張贊善烈

門生迂疎之質謬蒙 聖恩出於意外實皆吾夫子餘
庇也史事重大學識難周深望夫子時時指示之俾勿
貽譏千古則至幸也河間大節乞夫子備錄顛末見示
試卷并彭年兄卷呈覽題難而出於倉卒門生僅能切
題殊乏藻麗恐未可令人見也詩文向無刻集今似必
不可少謹畧抄數首敬求夫子刪正倘有可存乞夫子

卽賜弁言爲重如不足問世亦候夫子直教不復敢災
梨棗矣願望教音不勝翹切伏候太師母師母世兄闔
宅全福未罄欲言

拜別函丈脩己年餘太夫子窀穸之事莫克躬親負土
罪戾已多又不能一介專馳代叩階下依依南望徒渺
寤思邇白門生相要正擬藉鴻恭候乃忽蒙師諭遙頒
慇懃垂問拜讀之際感媿交并因詳請老師台履太師
母師母世兄闔府全祉私慰下懷非言辭所能盡也門
生拙滯如故絕望通顯今七月十八日服闋計驗到之

日居前者不啻百餘人萬無補理雖禁錮盛世不能無
慨於中然竊念古者爲己之學缺陷良多應無暇較計
榮枯也春間荷任楊兩先生疏薦出之意外揣分難當
今部催甚迫門生尙在制內不能恭與盛典卽使考在
制外詩賦素非所長今方舍田芸田全無揣摹萬不能
得當門生年五十七矣非復馳逐康莊之時念服除後
惟有編蓬環堵彈琴而咏先王之風此不禁人自爲之
者勿爲不肖以遺宮牆羞卽所以仰報造就恩者尙望
夫子指示教戒之也恪具不腆藉手拜獻無足齒及伏

祝老師孝履清勝未一

世妹遽罹此變慘切之極卽欲趨庭恭慰阻雨遲遲罪
也暑中尙望老夫子寬解自重是祝捧諭祭用綾帳稱
皇清待贈孺人李冢婦亡女之靈此兩項似無可易至
主祭書名似止宜老夫子率世兄而祖母暨母哀意具
於文內不必列稱於前京俗有內眷另爲一帳列書某
氏雜懸衆帳之內非縉紳禮也若師伯可列老夫子之
前而祭文仍夫子自語固無碍也草畧無當惟裁確請
益門生薄奠亦在二三日內附此稟知烈再頓首

正月內四師叔惠顧敝齋捧讀賜札知老夫子闔宅納
祉不勝欣慰門生試事尙未有期春來病眩蓋積勞所
致今少愈尙弱求能畢事足矣不敢有他望也小兒偶
倖鄉闈荷夫子骨肉至愛喜溢於詞雖烈私心亦亟望
焉但恐德薄福淺未知能仰副至意否耳不腆一庖遙
祝岳降輶褻之罪實歉於心殊卷六冊敬呈夫子教示
並呈師伯師叔世兄教小兒受知於孫貞子父母甚切
胥麓庵有力焉合房則陳椒峯行人也并附以聞臨池
曷勝翹企烈再頓首

伏惟老夫子不以烈爲不足教示以著書俾之參閱烈
反覆尋繹聞所未聞精詳愼重異乎世之汎爲著述者
雄邁邁逸不惟遠過近代文人而未篇攻闢異端究極
原委卽歐公本論有不能及然夫子非爲文也爲明道
也道在詩書患在不著不察守訓詁以沒聰明讀斯編
者如震聾發蒙使之瞿然而顧庶幾新智日生於聖道
有所省入乎其以嘉惠後學甚厚顧其中最大節目惟
格物二字而烈之愚闇尙有未能遽愜於心者誠以程
朱立說皆沉涵出入躬行心得數十年而後灼見無疑

者其言平實精確如布帛菽粟之不可易蓋聖學攸關
非徒爭文義也自宋元以下學者智深勇沉無跂及近
似二夫子者夫學力不及什一而一旦欲易其說是以
心悸而不敢出也先惟精後惟一先擇善後固執萬古
聖學止此定本倘謂窮理之先又在去私克己似仍是
誠意之事而所謂虛能生明鑑物不爽又似心正以後
時矣至於上增窮字下增理字陽明曾有是言夫釋經
之法上增一字下增一字者多多矣可勝譏乎卽曰格
去物累不上增一去字下增一累字乎然此猶就文義

論也實就聖學體之則聞見擇識學問思辨卽孔門最先從入之功未可謂窮理之先又有扞去物累一節也烈之愚滯不化如此惟夫子有以教之其他字句訓釋異同似無關大道竊意前人非不見及特擇而不用耳而烈更有隱憂焉明代前百五十年天下無敢非議朱註者其時繩矩嚴而士心樸天下賴以治平及陽明發難浸淫五六十年至萬歷之世人人操戈以向朱子刺剝無完膚今迴觀其時人心世道何如哉天下淪胥以亡由學術裂而人心壞也我朝乙未戊戌以後天下始

復崇朱註如濃霧撤而朗日開羣遊乎蕩平正直之途也奈學者不能深識力行而特務和合朱陸以資口談或兩是之或兩非之正學之不能赫赫中天也殆未知所終當是時發明表章之不暇而又從而指摘之愚心竊怵惕焉恐不善讀者失夫子虛衷訂證之意而競以菲薄前人爲事將議論紛紛復如向日之所爲如之何其可歟且萬歷以來學者姑恕一孔子而於孟子切切動齒唇焉竊歎孟子救世大指如夫子所論首章功不在禹下者學者胡弗表章發明服膺而施行之至一二

疑端不以辭害意姑闕之可也伏讀伐齊桃應二論深
識遠見孟子無以應矣而愚心又惻惻然以爲父母語
意未周子且反覆而辯詰焉使父默然無以應恐子未
可以稱快而反有大不安於心也夫子幸惠教弟子何
敢妄言抑夫子欲明道也虛懷再四以能問於不能故
敢布其所疑附事師無隱之義望夫子詳教之門人烈
再頓首

烈鄙妄無似老夫子不卽棄其愚而諄諄申誨之諷誦
再三真如坐春風中始覺聖道之廣大而專已守殘者

之不足以語學也從此從容紬繹倘因夫子之至教以
畧有所窺凡有可請益於夫子者仍望始終開示之生
平佩服無既矣先此申謝伏冀俯垂鑒悉不宣門人烈
再頓首

馮中書遵祖

馮遵祖謹稟夫子大人台臺自離左右又兩月有奇矣
閱小抄知夫子駕臨三衢未知何日台旌東返也遵祖
貧病杜門雅志希顏簞瓢陋巷殆將終身不敢學昌黎
頻上執政之書意欲師虞卿稍作白蟬之蠹倘天假之

緣若得集成亦可稍報夫子知遇於萬一但厯遭荒旱
又值軍興亟賦之時間讀劉炫王孝籍諸君子立大隋
之朝文章名譽焯焯一代猶未敢忘輸稅之苦況於么
微乎但蝸舍悲涼問猪肝之無日駒鞭迅疾歎鳳沼於
何年生當盛世 聖天子每飯不忘班馬布衣皆賜金
魚遵祖獨爲崔亭伯之不辰馮敬通之無命此所以顧
瞻形影而悲從中來者也嘗聞窮則呼天病則呼父夫
子遵之天與父也能不怒焉而呼也自庚戌及門中思
之孫子馳驟於天衢白子得人於閩海張子遲步於玉

堂其他屠李諸子分符於花縣其間不幸湓逝者二人
矣遵祖上不能備清華顧問之選下不得民社簿書之
榮雖尙視息與死何殊乎而近且數十口之米鹽四五
載之逋負對此空衙能不落淚惟夫子之前遵祖迺敢
述其苦境他人之側不言非不能言言之無益非唯無
益恐亦如柳子厚之言告冠者詫其爲與我無與也嘉
禾陸年兄諱冀英向宦粵東今赴京候補景仰夫子囑
遵先容以贅龍門惟夫子剪拂使其長鳴遵祖沾榮矣
外詩兩章附上筆已得佳者月初崙上遵祖稟

馮遵祖稟夫子大人台臺遵祖兩附稟函想塵尊前矣
十一月初有潯中紀友傳台命促遵入都深荷天地父
母之恩但遵訟平之後資斧無出不得已上會稽又垂
橐而返今在萬分拮据但茗中景況夫子所悉一二親
友皆於加納時相累今難再啓齒此種苦情前二稟所
未及也茲因于勝翁先生之便再致稟候于公治茗十
七載善政難罄卽如寅卯之間躬擐甲冑掃滅萑苻以
活窮巖茗中萬戶口碑如一今來代覲必謁夫子伏唯
多方噓植并吾鄉大老亦望夫子便晤時及之遵爲千

萬戶起見非阿私也又歸安何紫翁父母治邑十載瀝
血飲水湊當藩亂催字兼勞其才其守夫子在茗固所
目擊况歸安自天朝定鼎以來從無陞遷一人何公
之賢良公道不泯已報最內轉乃以奸胥侵移以因公
之過計典波累雖公論在人尤望夫子主持終始俾廉
吏可爲循賢不枉亦非一官起見也外附拙稿兩冊先
呈台削因未竣事魚豕多訛集成再奉師席遵祖論史
自遷固至五代歐鈔已成二千餘論目下正論趙宋
朝廷敦重史館若論上下百代亦堪一助惜蟠木朽枝

無先容者此卞和所以抱玉而泣也夫子其莞爾一笑
否入春拮据就道以展立雪臨稟激切之至遵祖載稟
馮遵祖敬稟夫子大人恩臺遵祖於前冬荷夫子使命
之至愧恨欲絕其苦情知使者悉之台左矣昨冬聞駕
抵吳中卽擬走謁至新正三日孫門生手札云夫子維
揚度歲頃二十日遣兒到蘇奉迎未得確耗小僕走崑
山徐彥翁年兄處偵詢方知夫子行館在雲間又云夫
子不日到敝郡之敝省三竺六橋之間拱候仙舟又恐
夫子久逗茸城先遣小僕止叩左右若夫子果至武林

遵飛棹立雪惟夫子諭以的期感感荒芹不腆登之別
楮十年家食種種悲涼雖夫子亮之然中心如焚也遵
祖臨稟激切遵祖拜稟

張明府爲煥

舟行後風甚烈深切懸念舟子歸知於申刻到茸慰慰
續接老夫子手諭知旌旆將指上洋聞主人頗多情且
有張太夫子在彼遊道定佳可預卜也吳門之行似不
宜遲但聞撫軍已公出姑俟回署日過往可耳老夫子
恩重如山每承肝鬲教言等於骨肉私心感激寤寐以

之日者更荷垂念北行多方區畫天高地厚有非言詞
所能鳴謝萬一者此間倘有可圖當飛信奉聞祇恐機
緣難定耳花期想在月杪顚候老夫子蒞婁當掃徑以
待也劉公札已送紫翁閱過併繳到謹此附稟統惟慈
鑒不宣

小价歸拜讀老夫子手諭勤勤懇懇不啻耳提而面命
之謹鏤心版夙夜佩服更承曲賜軫念於大夫子處特
囑照庇真所謂大德難酬罔知所報者也爲煥於十一
日北發匆匆戒塗弗獲恭候老夫子旋旆面申叩別中


心戀慕惶仄無已李周兩先生在荒園種種疎簡負罪
良多或恃老夫子涵亮不深督過耳爲煥自蒙恩知遇
以後敬守祖父家訓兢兢修飭砥礪廉隅餽粥守貧固
其常分往者竊不自揣竭蹶捐納囊空如洗此番治行
百計告貸十無一應草草拮据內顧徬徨有所未暇計
也老夫子生成厚恩如天如地仰承明訓永矢勿諉將
來倘得稅駕之地自當勉策駑鈍益自被濯以副老夫
子屬望盛心或亦仰報知顧之一端也老夫子赴都諒
亦不遠爾時尙可隨侍函丈親承音旨邀沐厦覆正自


無窮百凡統惟存注禱切禱切吳門諸當事果亭舍親
已曾致過此遊亦未宜遲也舟次附稟不盡瞻依

單使至知老夫子問渡虎林柳洲亭畔天竺峰頭佳景
無限盡入奚囊矣爲煥深慚鹿鹿弗獲追隨杖屨然時
時瞻念輒爲神往不置也荒園紫藤正放敬候老夫子
飛棹見過少供清賞竚切竚切近者接得敝同年一札
知改授已有成說爲煥卜於次月初二北行本擬躬叩
龍門拜別就道而治裝匆遽未遂瞻依懸懸此心可勝
戀結倘老夫子卽返婁江恭聆提命固所深願如或

冗未暇惟望老夫子曲賜指南凡可爲之地者仰祈殫
心籌畫多惠數函俾得邀鴻覆始終皆生成之賜矣聞
郭子齊河一缺頗爲不佳前蒙老夫子面商轉移之計
恐未必有濟也如何如何王子旋里將及數天知咫尺
台旌瞻仰殊切刻下經營就任想爾時當圖晉謁耳肅
此稟候特遣小价泥首伏祈迅惠德音翹禱翹禱臨風
遙企曷任依依

顏氏家藏尺牘卷三終





PL
2451
P29
V94

顏氏家藏尺牘卷四

白處士夢鼎

昨奉塵教聞所未聞敬謝敬謝古文詩歌海內侈談大
抵勝於才者屈於學勝於學者屈於才兩者交譏惟我
老師臺以高明峻偉之才敦溫厚和平之學北地濟南
兼而有之近今未有也不肖窮愁失志間嘗涉獵於此
然無才無學又以遭逢不偶抱愧良深頃獲近大君子
之教自幸得師而入春以來貧病交作困頓無狀欲執
經朝夕未能也頃不得已欲造吳下向一二故人乞米

自念賤士誰可告語敢藉老師臺大亟一二或不致途
窮之歎如北關長興想可多方接引耳至於三吳選家
近奉龍門十八人爲模楷自當布之國門傳之百世惟
祈大老師行卷多賜數篇以爲風氣倡也束裝匆匆尚
候台丞明蚤發舟江山有懷臨楮瞻切江寧郡志板藏
府庫中幸向太尊索之并爲舍弟上致兒姪輩小試伏
惟照拂不宣浙江新學使者懇賜一函荷德不淺門下
晚生夢鼎再頓首

夢鼎頓首頓首再拜老師臺閣下自龍江拜別走江漢

今七年矣未敢修尺素通慇懃上候左右緣愚賤之士
不得志於時甘心窮餓無敢復言天下之事億當世之
知然知己感恩時時仰望風采諷誦訓誨無刻不依依
老師臺左右也舍姪冒鄉試回敬聞垂問不肖何人行
能無所表見於世猶蒙大君子不棄葑菲存之夾帑中
感念天高地厚與山俱高與江俱永也私念章句之學
尙可邀遇有司卽執鞭冀北登堂稽首一吐積素不謂
困頓至此茫茫海宇旣賤且貧且將老矣誰可告語耶
已而思之與其呼於不知已之前自取悔辱無寧訴於

知己之前以求救解耶展轉再四益深景仰老師臺當
代之人傑吾黨之楷模也翱翔金馬傳播金石振起古
人興動來學今者負用人之權具知人之鑑天下人才
進退無不持衡得當以爲當世之用卽一能一技俱在
網羅布置之中不肖鄙菲下士骨性猶存素蒙大君子
訓教許以氣誼接以文章一旦棄之泥途聽其窮餓以
老與草木同腐朽豈老師臺十年培植之意耶韓子曰
未嘗求之不可謂上無其人况父母師保之前何妨披
瀝甘苦求救水火也茲時三十日待命於窮窶之子又

母妻之喪未葬兒女之婚未完人情至此其何以堪舍
弟鼎又以加納入都百端拮据自顧不暇遂竟窮餓以
死實所不能甘心焉敢求老師臺拔之泥沙之中置之
衽席之上千里內外或館或幕引以一席文字之學尤
所熟嘗學使諸公如山左兩浙中州皆不肖有舊者懇
仰憑高之呼得荷筆爲役自食其力以餘給家自此借
以讀書尙可鞭策末路耳臨稟曷勝惶恐悚仄待命之
至

前奉塵訓始知會墨房書京本原有禁約歸過三山見

懸之國門者兩月餘矣坊間諸選亂真無如江寧選本
之甚適年兄程諱化龍之弟見過言同許子位年翁奉
宗伯公命來南刊房書全本者也前部示并封面俱此
兄攜來且家喻戶曉而賈人射利竟視公令如弁髦所
選庸惡不堪兼之錯僞亂真所關風教不小也老師臺
職掌邦教當此起衰振敝之時天下望風者衆南國首
善之地不遵部禁長此安窮此斯文之轉樞世道人心
之係屬也伏乞老師臺均票收取坊間僞本出示禁約
或行府縣申明部堂來諭庶幾斯文有厚幸焉若同門

會墨之盛無過老師臺本房此天下有耳有目者共聞
共見奈何諸本寥寥如此耶昨查吳門盛符升持論徐
彥和文起俱遵部頒所選甚盛若此間計甫草之法虞
道巖之同書諸本俱係坊賈僞本非出其手其中文字
以僞亂真不一而足若不一爲研究恐不可底也老師
臺起八代之衰砥中流之柱名山國門先哲後學均賴
模楷伏望留意幸甚選目一二呈覽全本必祈票行收
取一覽可知又啓者上元覆試案發寒家子姪無一與
者前蒙台諭允爲轉致補入覆試借光良多矣并謝

白木理夢巢

受業門生白夢巢百頓首謹上老夫子座下夫子家居
讀禮盡誠盡孝穀升火改倏忽三年巢門墻小子誼當
執經襄事緣匏繫區區京華旅食東望亭雲惟有翹企
頃捧讀手教猶如耳提面命自愧頑劣何以仰承德意
耶讀太夫子傳與墓表忠孝節烈至性耿耿生平視死
生猶旦暮則考終之日自能以談笑空死生况夫子與
諸夫子人品文章卓越當代堦前膝下盡屬璠璣作者
述者傳爲盛事在太師母與夫子傷泰山之旣頽痛洪

流之不返而在太夫子降陟在天之靈自顧瞻俯仰而無憾也尤喜誦菴阮亭文字典質朴老能不爲世俗之文二君能自爲不磨亦附太夫子以不磨矣時事瀾翻日甚一日夢兼自返趙趙囁嚅旣無其具樽彝鼎彝又無其資惟闔門株守料理僕賃騶米不遑寢處何問其他又所管江南一省撫軍二人督漕河三人揭帖每日二三尺滿堂以平日拙於逢迎多方指摘每揭一筆未點則叱爲異事以此日夜從事黥鬼簿書名畫押惟刑部書吏之命是聽夫子所謂無不悉聞者想亦聞此耶

卽如薦舉一端朝廷肯右文自是盛舉而少司農謬以
其名聞雖甚不肖亦當奮力無負茲舉無奈入春以來
會審起奏看稿日無停晷加以熱審清獄伺候大官奔
走苦憊精力俱枯竟不知筆墨爲何事矣人命之薄善
事皆爲惡因所阻奈何奈何大江之南陰雨連月舉家
數十口嗷嗷無措又催科之急如雷如火兒輩乳臭安
能枝撐每家報到遂不敢開亦不敢想終日忽忽如醉
如夢頃聞近京一帶旱魃蘊隆蝗亦聞起告官告吏到
處皆然瞻烏爰止此其漸矣夫子墓廬中亦念及此耶

太師母道履大安師母道履大安世兄道履大安求叱
名道及天氣亢而不舒陽愆陰伏萬惟夫子珍重臨稟
悚仄外薄具一絲不敢言禮仰祈茹存白夢蘊再頓首
夢蘊百頓首恭候老夫子閣下萬福萬安七月家報到
得悉興居住佳勝師母福履世兄福履百祥駢集蘊數千
里外爲舉手遙祝又家兄與眉兒輩時蒙提誨推恩及
烏感切心骨頃李長班到傳聞買銅一項大費清心前
余太夫子所云修船抵兌之說想成畫餅長安諸當事
前稟與余太夫子極言龍江之苦大抵必須督撫題明

部覆方有着落恐亦難事想記室自有主裁不待贅也
七月之杪羅浮張太夫子到京一見卽訊夫子近狀
已脩陳此差有名無實非徒無益也江甯彫敝異常山
川如故自春阻秋閱歷時變竄緣京華久滯未克常侍
軒車俯今懷古然中心搖搖無時不馳座右屈指歸期
當在菊放耳拙稿發坊選刻諸座師如魏龔兩夫子俱
有弁言王田兩夫子草而未就耑望老夫子於公冗之
暇俯賜大序俾瓦釜亦可效黃鐘之鳴制義倘與漢唐
詩賦並傳竄亦庶幾附青雲以不朽矣冒瀆冒懇家鄉

水荒數畝薄產俱已漂沒眉兒乳臭不敢啓齒有可照
拂求老師多方噓植之感荷鴻慈總非筆墨所罄也臨
稟悚仄竊百頓首

前使者傳夫子台旨夢稟卽往余太夫子面訂一切俱
載前稟想塵電鑒後又使者賁夫子手教復往太夫子
處云今歲原無等第諸凡不煩清心想使者先有稟帖
到矣稟去歲奉命典試八閩未出京閩撫有疏因海氛
未靖特請改期但奉旨在前不敢不行方到貴鄉齊河
卽聞撤回改期之信緣部文未到住齊河五日大雨如

注寸步不能出門方晴而部檄已到卽日就道回京一切行李俱係借貸至今債索盈門命之不猶好事變成惡事邸報中俱有夫子想未見全抄耶十月到京又奉命同考武闈與王阮老韓元老同事幸而各矢清白不致決裂武場近添部科磨勘此亦奇事頃部科疏將上幸叨庇庶幾無事目今京察在卽又候御試夢鼐自授廷評以後江南一省揭帖如山又會審起奏日無暇晷不知筆墨爲何事以此草率應考不問知爲孫山矣緣使者之便附稟不次統祈鑒宥臨稟悚仄夢鼐百頓首

疊承老夫子手教知讀禮之後留心子史風雅文章當
歸曲阜矣門生夢巢久在門墻時親提訓拜別以後一
切荒疎一緣衙門雜冗精力消耗一緣饑寒迫身居者
行者內外無措救死不贍何言文事哉惟望老夫子軒
車蚤到一日庶幾泰岱在前崑嶠得有仰止爾頃聞於
桐老頗有思歸侍從堂上之意懸缺尙多一到可補此
時出遊地方荒歉恐非所宜總不如乘時有爲之爲第
一義也顓切顓切京察大典想詳使者口中不敢贅銓
曹見在漢官一等不過幾人若家居而得上考惟內陞

一兩人其餘俱平平也夫子望重諸公推戴故列一等之次爾少司馬禮部科骨肉關切可感也太師母師母前未修稟啓端候台安臨稟悚切夢寐百頓首

端陽後一日從令親孔老先生處接夫子手教知孝履清吉又聞太師母安康如常師母與世兄俱和平清泰甚爲欣慰雖太老師終天之慘苦塊然自不能已然先王立教不以死傷生况太老師來時去順生榮死哀在易謂之原始要終在書謂之考終命德望邁於陳荀子弟過於王謝又何憾乎惟願夫子以禮節哀上慰慈

親併帥家衆則太夫子於昭在天之靈自爲含笑九京
矣念切念切前素旌載道拜送路傍緣匏繫一官未克
遠送後聞一路平坦水陸俱順正擬脩候而台翰自天
如躬侍函丈面聆清風也適見來諭郭門生云云此亦
異常大變隨走敝同年大鴻臚公託其家報中轉致當
事又向吳北老細述其詳渠亦於邸抄中有字致撫提
兩公矣地方公道久而自彰晴霾覩雪豈能久乎觀縣
錢年兄今之古人較之范縣真霄壤殊也郭門生又因
盜案掛誤命也如何緣孔使匆匆草附數行上呈記室

大先生前不及崙候求叱名道意臨稟悚仄夢巢百頓
首

巢抵邗上旬日矣回首江南遙瞻夫子公署如朱霞天
半可望不可卽也交代伊邇百端齊集夫子慎終如始
自無毫髮遺憾但巢自慙遠出未克稍效區區耳目前
第一人仍願夫子留意滿庭同事不同情所由來矣鹽
臺徐敬老巢鄉試同譜極蒙枉顧者再但此地鹹味化
爲淡味卽貴鄉舊撫軍劉石水先生在此多日亦屬泛
泛况其他者遊道之難生命之薄偏於巢一人兼之素

性枯槁從與阿賄爲讎但舉家數十口嗷嗷無以爲生
索逋者戶外屨滿而出門持鉢復爾遭屯此等苦情惟
我夫子前迺敢告之其他富貴人不與之言言亦無益
也張太夫子告病辭歸曹少宰夫子尙未出京此撫軍
劉先生之語邗上去金陵衣帶水片帆可到如有見諭
或呼兒眉囑之朝發夕至也臨稟馳切夢巢百頓首

仰體夫子公務殷繁不敢過溷座右兼以陰雨積旬咫尺
戟門如在天上前者面陳卽欲渡江又以家累過多
居者行者無以爲資遂至今日迺登舟望蕪城矣雲關

交代想在四月望之前後稟當歸趨畫鵠侍聆誨教也
經筵初開益都太夫子首講大學聖經高念老沈繹老
俱賦詩上頌聖人事事右文而稟以藜藿之身不克致
青雲之路所望輦上諸君子力爲薦揚古人急於效用
而恥於自媒夫子回京時一言九鼎倘得側名小臣之
末生成之恩皆出宏造太夫子與海豐夫子俱祈鼎致
合肥夫子衙門時時共事又不待懇矣螺浮大夫子與
蘄桴鼓之契非一日且薦賢愛才出自太夫子夙心孫
祚翁之接引後學其手援蘄總在夫子懇致區區耳理

學詩賦一時鴻文大開凡一長一技俱可效進漢唐故
事可考也夫子其有以教我冒昧草陳惟祈密之勿使
他人見也登舟伏舷不次臨稟悚仄夢稟百頓首

蕪城之去金陵一葦可航而稟以糊口四方遂至睽違
函丈如許其久視古人立雪賁鏡千里負笈者真雲泥
之不相及也頃聞夫子還朝伊邇從茲山川綿邈道範
遙深擬當日侍座右兼祖餞道旁尙不克子弟服依之
誼不意肺病陡發不敢御風輾轉旅次進退爲艱遙望
節麾惟有神溯倘青翰尙不卽解纜稟從陸道馳歸拜

送江千若追隨不及惟於邗江水湄趨承誨訓也臨稟
不勝悚仄貴鄉舊撫軍劉子延先生曹少宰中表兄弟
太常孫胖老同門密友偶爲廣陵之游囑稟致聲夫子
前兼問江宜吳父母便中夫子齒及之子老聲望夙著
想吳父母所必照應者也夢稟百叩

初三日冒熱向上谷做乞兒人生至此誠可悲歎然回
首楚豫一帶烽火無家此又天上矣數日後便可追陪
函丈見孫門生求以前所留粗樣家伙暫借開單將來
一一繳還其京師所用小轎自然留下併囑之亦暫借

一月七八月糧船到自己一輜附載而來亦併繳還部
中大抵無他倘有必到之事夫子諭寺中守房人自可
星夜趕至保郡矣臨稟依切夢彙百叩

彙從火窟中方下蹇驢不克摳衣侍側函丈部中何日
截缺求詳示路上中暑此刻正在尋醫服藥喘息稍定
卽走候宮牆面聆一切王輔臣投誠果否傳聞紛紛併
求示薄命之人因窮冒熱因熱生病究竟毫無救於窮
只可向夫子言不敢爲他人道也夢彙百頓首

今早踵謁值公出昨承命燈下卽草成稿但題目平常

自序處不敢多多則於文體不大合末後引蘇軾數語
其中恐有訛謬須將蘇文進陸贄劄子中對之因書卷
久發回寺中無一卷故也孔年兄謹慎老成須芟削過
惟夫子大筆圖之彙百頓首

晉候夫子函丈後僵卧山寺迷悶不知所措此時惟有
新推閩中督撫可以空銜題薦而四顧岑寂無有手援
者不知夫子能爲拯溺否或與屺瞻商之可乎途窮之
呼語不擇音惟夫子酌量之前讀此瞻碑文其序事宏
亮典重與孟堅齊驅其頌高視濶步英偉不常韓蘇之

亞不意其古學進步至此夫子見之當爲不寐也少宰
推岷瞻之意甚爲殷切或煩岷瞻再以此詆之何如日
來聞滇渠病死果爾則蕩平有日但無如此生淹蹇無
能側身士大夫之林奈何奈何冒昧妄稟不勝悚仄受
業門人百叩

白處士眉

昨承教誨如在暗地忽見大光明也歸來檢得史記抄
迺鹿門先生手評頗堪玩索孫山人一冊亦隱士上乘
詩句兩種愧未裝飾蓋因台命急需故耳家伯確於明

日登舟蒙太老師慨允北新一札求椽筆卽揮隨付來
价高厚豈僅家伯頂戴耶容面謝不一門下晚學生白
眉百頓首

京侯考

所寫牌扁想卽舜老及年翁寫者將來牌扁正多今以
年翁在內賢勞又專委弟協同幫寫故不得復入內直
發本當必更置一人也特此敬復尙容面謝小弟京頓
首

弟奉堂諭亦撥寫牌扁躋離內直諸惟年翁賢勞少遲

當再追隨年翁也特此馳佈容晤謝不一京弟頓首

寓齋雨阻過擾行厨敬謝承惠大集歸來盡兩燭始能
卒業真如見泰山滄海覺前民之陂塘島嶼皆不足名
山水矣拜服拜服小照呈覽倘荷不棄錫之數言用壓
歸囊可免羞澁也家乘二種附上諸容晤悉不一肅啓
顏老先生年臺晚弟貞九頓

均 侯考

十三日弟至婁中奉賀新禧不得相見悵甚悵甚二十
五至崑山二十六七可達雲間快讀近作矣敬此先聞

上樂圃先生吾師弟均頓首

昨諸公苦拉留在青老寓中且有平山堂之游故不果
趨教飲酒不顧尙書期狂奴故態諒先生不罪也夜來
感冒風寒身酸脚軟今日將息一日明日乃就教快讀
大作也暫此復聞多碑刻幸每種留一本見惠感感外
尊家訓二本奉復教小弟均頓首

家累牽人不得相從於金焦北固之間殊爲悵悵臨流
高詠徒想謝將軍風致耳承命至金陵卽促汝老書之
初旬持至吳門也雨雪增寒萬惟珍重扶老囑筆致謝

小弟均頓首

國猶 俟考

昨蒙高軒枉顧以有事學宮未獲旬候負戾良多亟欲
叩首雲階聞前旌將發轉滋瀆冒謹列賤名走役代爲
九頓萬惟慈宥附小刻塵覽亦以拙工小技得荷斧繩
於當代宗工甚欣慕耳臨楮神悚小弟國猶拜手

阮處士濬

家有危病之人雖萬一可救亦不能無醫藥之費不識
先生可以少那俟月杪或有所遇隨卽奉報不一是懇

是懇修翁先生大人學弟濬頓首

別後連日苦甚以家有病人而客囊如洗也用是欲卒業不刊之書而亦匆匆不克如願雖妄識數則略無當於高深也承命題返文中子心醉六經終有日耳初八日不得已一字附上倘蒙矜念乎不敢強也修翁先生弟濬頓首

有侯考

新正未及面頌承招極欲領教奈明午有內城之席萬不能辭恐往返不及隆情已心醉矣謝謝同郡范年兄

諱繼施以小恙尙未過堂前曾荷留神不識檔子上已
註到否抑另日補到也乞卽詳示爲感修老年道兄大
人小弟洵頓首

前飮擾未及踵謝爲歉楚中王山長諱岱係老名宿也
因就廣文卽于任所起文赴銓部移咨貴部未經過堂
昨聞湖廣藩司冊內無名恐未便入場乞年兄鼎力主
持卽致曹老先生務令進試倘須同鄉印結不妨示下
以圖萬全也顙候回音切懇弟洵頓首

程處士林

拙稿汚案已久供噴飯多矣千乞卽擲來手尙容面悉
種種遜翁老年翁大人小弟雲來頓首

口祖謨

侯考

椽筆已光蓬舍愛敬之誠未能已已謹再呈上二紙乞
卽將瓶齋二字并尊銜酌量佳款短長賜下感何如之
修翁老年先生小弟祖謨頓首

余相國佺廬

長夏獲捧瑤華深荷垂注同心之雅夢想時勞乃未得
崑馳尺素寄問音塵案牘紛繁勞勞少暇知能諒其冗

劇也銓曹敘遷較復無稽遲之歎得教知卽當榮轉殊
以爲慰至若世人自異徐公自常但凜以夙夜之心矢
之靖共之節正不必問之時勢生之在此不獨得失去
留置之度外雖是非毀譽總不以之經懷旣以此自厲
卽以此爲左右告想勿逕庭其言也萊陽已入啓事甚
是可喜此地因之得以脫然善之報耳貴門人尙未至
閩中烽煙初定易爲恩澤當事頗多故人當爲先容在
執事門牆自應一體關切矣種種不盡更容續佈西塞
頓首

今日已與法君言之彼云正來會審不及往看已改沙
耿二君又囑其并催二君果定何人卽日往看彼已唯
唯矣此聞

昨有字奉報未卜入覽否王師古立候詩綾致祝王夫
子想已就緒望卽揮擲爲禱不一

昨勞顧未得迎晤爲悵敝鄉舊學使魏子存不佞骨肉
交此台兄所悉在頃以生負充役之案恐其相累因向
宗伯先生及朱黃高諸年兄求其稍爲駁查便可爲將
來地前因尊駕尙不入署故未得奉聞今駁稿已定幸

婉爲曲成如不佞受賜也如面不盡

頃承台教卽諄致之載老據其回札云云似未可必然
尊駕不妨明早入署以候行止可耳札附覽不一

連日以衙門會議出署最遲戎載老又未得晤不知尊
事已定爲否何日引見幸示以慰懸念不一

南北迢遞間好疎濶亦以冷署蕭寂之狀如同僧舍不
能走一介於長安以至關切如年兄亦未及時有往復
也悵悵何如諸事俱荷留意古誼真摯惟有感佩萊陽
卓舉誠爲可喜但得留爲後來之地庶不負此日苦心

耳臬君邀恩格外此種遭逢古罕其比無非台鹿之所
及也頃因郵筒聊附報言未盡百一外有小單并州故
鄉未能忘念幸賜照拂容圖續佈如面依依古香手泐
生倦翮趣飛味同蠟嚼所不安夙夜者君恩深重未敢
負耳然而江蘇繁難殊出意表兼以鶴老謝事署篆片
紙不行四月積案應批詳文四千七百餘件又值秋審
奏銷諸大案俱集一時刻不容緩即使手批口答之劉
穆之當此亦當斂手而退況生之碌碌乎勉強清理三
月來寢食俱廢救過未遑至於飲冰在中卽勺水無值

不敢入口不過自盡此心未能仰答宸衷於萬一又安
有不虞之譽凡所以爲知己告者大半畧瑕取瑜也新
秋競爽閭闔風高乘機而往應不後時長安倚重生實
泰巖在望凡屬時政統祈郵示不必論與生之相關與
否耳子陵之裔心許瓦全不期制府首詢其踪跡而舉
國譁張斷難終止不得不就輕便一路內有貴同宗事
實多端若非見其姓名相近竟不免於虎口矣藉使肅
復依依曷極古香頓首

日來兩接手教深感注存楊玉老之波渣非不知例容

題原可並行以主老須題爲得體故姑從之有費清思
計典之局停止已久雖從前暫行一次原止管明一冊
諸體未備今則加意求詳雖不敢畧恐不免掛漏之偶
涉幸爲留意倘得全邀包荒皆屬台庇有應畧見之儀
文者不妨與姚岱老商及耳崔兄已經吳門入閩業付
興泉數行矣江表遠人勺水爲戒無可將念輦鹽之餘
聊見此中况味諒不我督也凱旋之師雲集匆匆率報
不盡百一容圖續佈臨池依切古香手勒

簣谷主人

侯考

昨承垂顧未獲把晤爲耿季友年兄事其中委曲門下
諒知之甚悉但退翁處尙未有人關會僕雖年誼關切
而病劇不能親叩祈門下明蚤入署切致之僕病稍愈
容當面謝只求稍遲二日足矣伏枕再叩

聞年兄乳燕詩極佳望卽賜弟快讀之拙作在子綸處
者知年兄已見尙容親晤請正不盡翹俟翹俟

孔太保毓圻

春杪握別忽已深秋翹首雲霄懷思何能已也時從宅
報聞詢知近履嘉勝爲慰前者安慶所選禮生原藉鼎

呂而行至於荷愛弗諉但念諸生往來供事全冀當事
優恤作養并免雜徭若與齊民等視未免多欲求退然
此一段用情出自當事盛心又難以筆舌請也必得老
親臺委婉一札力致撫軍諭令所屬加意恤之卽此相
成至意實爲俎豆之榮而老親臺明德所垂感佩宜有
既乎崙此附懇萬望留神臨穎禱切

復亨剛長道泰履祥遙聯龍光曷勝雀躍每從北來者
奉詢起居知近祉增盛竊爲欣慰茲有圓清二人頗善
承應特令其匍叩台端幸不惜堦前盈尺之地進而試

之也臨穎不旣

孔太守貞來

自去歲十一月念六日到任海濱荒殘衙署冷落商困
民貧私販充斥以百孔千瘡之身萬里投間不知將來
作何結局所幸上台頗見矜恕或可優游歲月乃見二
月十七日邸報陳太平炎盜一案駁行江南總督勢必
由臬提取口供若旌節尙未北返同城相與料成莫逆
仰祈留神一爲照拂其爲感泐何可勝言天南天北動
踰數月都門一切統望垂意寸芹侑函伏惟笑存楚中

已有人促催矣餘不能脩臨穎禱切

趙年翁出闡方接手教並見使者省老爲尊札僅三二之數俱係潮色且每封短銀一兩前鄭提塘帶去一字王府賚奏者又去一字俱請示下久候不至於七月終旬買去金三錠由家抵都不知都中金子不行也福寧州黃知州還知其銀亦錠金知其仍差人赴閩繳還原金方知都門之金無價至此也旋有人歸家者亦諭以此金存之俟鄒舜臣進京仍湊銀交上又慮及生都中無人照管親臺乃朝中柱石泰山之靠正在今日渭滄

將至舜臣又往俱賴指南閩中人文不振久矣獨我趙
年翁治此科將入閩人才收盡不特爲閩中生色更爲
吾鄉望重真不虛也事事煩爲留意思不待來之諄諄
者今督撫兩臺推重之極生自是盡力周旋斷不敢有
負台命也便中附候不盡所言

孔明府貞瑄

弟爲飢所驅謀此升斗之祿今得食近地苜蓿皆餘蔭
之所及也弟意歲前受事則可預支俸薪爲北行之資
聞向來憑限多有稽遲祈鼎力一爲催取或有便人或

令聖府的當人賁下勿由地舖弟自使人赴藩司掛號
若有楮筆之費自當敬復希存清慮握晤在邇餘不具
悉

抵都卽爲煤烟所中幾致狼狽幸而獲全其不得售宜
也所惜吾邑十人廢然俱返爲可嗟歎耳接手教雅意
惓惓最以自遣敢不韋弦佩之哉泰山拙作被好事者
攜去江南刻之字句尙多訛落未改正版留太平未寄
聊呈紀咏各一冊求正惟教其刺謬爲望關中劉年翁
過岱次日卽有益都之行尙未登山匆匆去俟還日

當申地主之誼耳親家釋服從吉路遠不獲觀禮兼伸
鄙敬爲歉唯亮之餘不脩

孔處士貞燦

樂圃數夕荷風鳴蟬和吳歌致足樂也幾度日月頓成
往事懷想何勝回憶何勝茲以藩侯王親家之便八行
候平安外海大翁託事唯望俯從王親家乃五犬子丈
人峰也篤實君子生保無虞可存此爲信耳不盡欲言
挑燈莫聲

前函寄候在藩侯王親家入覲之時不覺又數閱月潤

懷一耳非面布無由悉也奈何茲單縣庫吏劉之粹於
二十年考過吏目職今入都候選倘缺出應選不爲捷
足者先得卽親家無疆之惠也且此人於親家單庄事
每每極力周方想已達台聞矣更求推愛叨寵無量不
贅

燦頓首曩者素亭中無日不有上客高人至劇談放飲
每相期爲第一流自客歲春三月親臺入秦凡九閱月
諸友人素亭爲樂不過再三親密已漸疎濶矣及歸來
則整裝北進又喜名登天府屈指間前後二載如分今

古良可歎惜最恨者生以無能下就俗事羈身凡昔所
劇談放飲者而今裹足絕跡矣寂寥之況自怨自悔思
慕之情惟親臺是篤未知親臺政事之暇亦念及否茲
貴眷入都敬脩八行上候外俚言一律以表不忘受業
云耳并呈教想像平明近紫微班聯序鷺曉霜稀孤標
有待參梧掖靖節何難列栢扉秘署薰香秋日冷客窓
迷路故人違西園凍蕊將搖落不見新詩淚滿衣

都門盛愛種種風雨送行知惜別之意厚也歸來花事
未闌海岱春光頗恣遨遊用慰知己茲有濟南李舜華

諱英考定職銜赴部謁選有援例之想因相與甚久丐
言爲容希諸凡指示玉成均感高誼臨池神往不旣
事非不忠經手過從無多是以未全有者公餘遲時日
木槿如命此復教燦具

出通在春分之前所有大枝皆爲他家尋去小槎數莖
聊以報命耳希諒教燦頓首復

孔員外尙任

潭府拜別後閉關兀坐奄至歲暮無人肯與弟言弟又
不肯與人言咄咄書空卽筆墨之緣亦斷矣親家大經

濟人乘時利用自有樞軸區區假道學話何與今事卽
文壇騷雅之言亦屬閒情獨是鄒魯聖賢之鄉孔顏詩
書之主必於此處大有幹旋大有整頓方不負今日蒼
生之望親家蓋世才德卽此是事業國家萬年基業卽
此是命脈綱目大書特書皆於此留意萬不得以一鄉
一家之細事目之也弟放廢人留心四大妙理頗能證
五行之雜前親家教我云奈天有五星人有五臟何弟
細心體會亦頗能爲駁語暇當繕錄並律呂管見一並
呈教拙刻數種已另人寄去絕句百首丐敘久矣何吝

之甚也魯諺尙未成集雖小道必有可觀且當六月酷暑之夕紅炬兩行洒汗如雨親家赤體秉筆弟揮扇充副座漏下三更採風於臧獲僕役之人亦闕里之勝事也寄語長安冷炕寒士亦可當萬間厦底矣昨北門風雪中送先兄歸幽宅連日神傷欲言者皆不及言所言者皆所不必言者也劉世兄諱光天適與歲試過里云不日赴都故有此寄劉兄單邑人年誼故知也其尊翁諱之粹吾輩中大有作用人考授從九品吏目深感親家之愛祈親家刮目視之餘不贅敬候老伯母大親家

並闔眷福履

春樹暮雲脩極懸切前聞買花楊州今知結夏西湖到
處有逢迎省却腰纏之累令人望跨下鶴亦生健羨矣
吾里滄桑雖更劫灰未淨何不及早束裝來看蟻鬪弟
一室深山雖不及扁舟漁父棋傍爛柯人庶幾似之比
聞六橋烟月盡沒風沙得名士一洗滌如夷光重歸少
伯悲喜交集有不可勝語者靈隱峰頭蒼苔應已題徧
倘命小吏錄寄千里故人庶了然於雲深之處矣弟近
况支離可笑盡典負郭田納一國子生倒行逆施不足

爲外人道然亦無可告語者瑣瑣塞紙遙博開緘一胡
盧耳臨池不勝神越

孔主事尙鉉

恭遇翠華臨祀闕里弟輩得與講筵遂蒙顧盼渥恩殊
寵真逾涯分而又特除清華之班俾得雍容討論肆力
古學皇恩高厚匪可言述况有親家提攜汲引師表當
前弟之前途不大有生色乎昨讀華翰悉親家福履代
弟欣喜之意溢於紙背且惓惓以進取爲鼓勵愛弟之
深誼比雲天矣弟卽承教乞宗主一咨投禮部祈親家

照拂指教雖驚駘下攄能不望伯樂而思奮哉感德佩
教容俟面佈不宣

昨自都門別後於十一日抵家諸事借庇感非一端又
何必喋喋多贅作門外人語耶但恨茅塞已久秋試無
緣有負知己雅愛是所深愧耳楊氏之藥大有效驗尙
有別懇已載家父函中祈爲致意臨楮依依無任神切
外胡二兄近狀料應寂寥相煩致聲可奮志秋闈不必
作遊子顏彈恓惶淚也笑笑

孔學博允陞

別後滿擬榮擢內府不意大失所望生爲快快者久之
想人生遇合有時不必以此介意蒸年兄事卽欲做宗
主諄切言之不能如意見時代爲致聲非不盡心也特
當事者不憇邇故耳元忠李年兄處致意不盡生允陞
頓首

去歲夏月一別倏及一載矣節屆新正想親臺道隨時
和福履倍增喜可知也弟邇來家計艱難蹉跎日甚不
知親臺當何以教我乎今令舅子赴都便候興居有懇
者代弟買涼帽一頂並纓足仍高誼矣臨楮切切不盡

依依

前接來諭眞骨肉之言已勒心版矣恭候親家膺不次之擢令叔恩榮令兄高捷一門喜溢吾邑從來未有之奇此必積德所致也生忝在姻屬不勝欣躍生邇來命運蹇劣遭家不造去歲先父大變艱難萬狀難以脩述今又有小女出閨之事諸事無脩又不必言矣高明如親家當何以教我乎茲因元老在家時曾言有相助之雅今有一字煩送奉懇不知元老還記憶否乞親家便中以言挑之如有所賜更妙如一時手中空乏亦不必

強也伏乞留神乘便附候新禧并闔宅清吉臨楮切切
不盡欲言制眷教生允陞九頓

孔觀察衍樾

弟中途卧病昨已投呈於府縣想且晚申報祈老年翁
如遇地方諸公希爲緩頰倘遂首邱永佩明德昨盥讀
大集高華幽細擅歷下竟陵之長名下無虛極爲心服
弟客秋入都蒙令兄年翁同耿又老攜入詩社積有拙
作俱荷批評特在教愛之下謹以原稿呈政弟原屬率
筆遣興絕無法度望賜南車不忘嘉惠臨穎無任翹企

孔觀察興詔

比者數械上候老親家福祉諒荷垂照茲崙馳懇者閱
邸抄見總憲陳公爲捐納米草一案將王撫臺指摘在
陳公但就米草總數計算以爲旣留存如許而價值又
復迥異自必駭然致疑因有此舉不知王撫臺向來在
任事無鉅細無不兢兢惕慮爲國裕儲此弟素所知悉
今亦姑不敢枚舉卽就現在而論此案事例開自二十
年大兵雲集之時其年已隨到隨支至二十一年春間
值大兵凱旋因部議原有大兵撤日停止之文是以於

三月內具題停止其時所收甚少而尙有馬將軍留滇
大兵歲耑頗多故理餉佛學士等題撥協餉召買支給
及是年臘月復開事例之時而二十二年之餉已遵例
預請有款矣及至嗣後急公者多撫臺每於季報疏內
入告請撥祇爲謹守成例未准部文不敢擅動及准咨
之後遂卽支給後適馬將軍等忽爾旋師遂致支撥不
完存留倉廩至於米草價值因時貴賤非能預料果係
實情並無別弊若夫具疏折扣係在省大小各官公議
僉同卽弟亦在其內原非撫臺一人之意今獨論及於

撫臺各官俱屬不安弟亦更徬徨因撫臺乃長厚平恕
之人近來每進謁時言及於此卽自引咎不遑想回奏
疏內必深自刻責但弟與在省司道談論之際覺此事
實非撫臺之過用是弟輩深切不安在各位大人同老
親家主持公道自有公照特佈下忱伏冀崇矚所有上
余夫子董老先生兩稟祈爲相機轉達其王少司農處
夙未因緣不敢冒昧知屬大親家年誼耑求老親家鼎
呂婉白統籍宏庇前候余夫子董老先生二啓曾否投
到倘有同音並希查示臨穎禱切

孔太常允鉅

頃以曹舍親事會馳寄函託汪舍親轉達記室想塵清
電矣興燥舍姪自都旋里知贛州舍姪暨諸姪事均蒙
親臺推分照特卽此樾蔭旁及益仍垂注雅意有加無
已銘感容可言罄哉謝謝昨因撫臺謁廟弟赴闕里曾
詣尊府面晤老伯及四老伯道體康強敬此報聞併候
近履附有啓者舍七弟援例入監茲偕舍親輩一兩人
同赴都門其李子大來乃朋來胞兄與弟爲至親厚知
而郭兄慶遠亦弟之兒女姻家也抵都之後皆欲投刺

臺墀求觀雲度弟敢以片楮先容俟含弟輩有所商確
統望推所以愛弟者教之何啻身沐優惠哉又昨袁氏
札至言前物已全完矣未知果否併問臨池翹注不悉
孔學博興誘

去歲聞臺駕南旋入都時有遊東之意余不勝忻慰恨
不一望見顏色也及子來說遂生歸養余心喜甚但際
遇多艱無資進言至今延延未決因遐思吾與尊大人
彈琴論道與爾昆弟執卷螢窗時不覺三十餘載今爾
昆弟當壯行登樞要余沉下僚年逾邁百感交集雖然

吾兩家先聖賢之後讀先祖聖賢書便當體先祖聖賢
心爲吾子者慎勿以勢利自封而以道德爲念庶無愧
祖先大行之說可耳又思古人有以一官自矢一得自
効者而吾雖棄置終身心竊嚮往焉乃以所修琴譜成
是尊大人所較閱余生平所積致然而誠正格致脩齊
治平之道具載焉非但末藝已也今託子修表上聞惟
祈留意焉是余一得自効之一端也外具琴譜一部筆
疇二集一部奉覽椿紉一端將意更有數鄙事俾小兒
面陳統惟留意臨穎神馳不盡依依

顏博士鼎受

不侍尊前者又數日矣想台體日強服食當如常也前承命撰祭文退而構思以爲有韻之文終不能入情恐非家門所宜用故憑臆草就一稿因地濕不能趨面專此呈上或可用則用之格字訓解細查五經已無遺矣并附報太公大人前宗孫鼎受百拜上

日來少問台安想平復矣此時天氣燥濕不常正須調養珍攝爲望適以冗次未得躬侍起居尚此走訊俟一二日後面悉欲言也前商三有一乞言轉達并綾一幅

其弟一扇求書俱乞留神太公大人尊前宗孫鼎受百拜上

伏讀緒言字字切實竊謂凡爲子姓皆宜手一編爲傳家至訓至於手筆蒼古又語錄中之文章殊非小子所能窺測謹卒業呈上但受必欲得一本攜歸昨已面請蒙許以副本見賜萬幸萬幸徐子明日將行乞書其冊頁付下并節孝詩亦望見予太公大人尊前宗孫鼎受百拜上

台體日來何似想已漸平復矣昨承命節母詩已草一

章呈上但恐不能肖大人手筆耳竊三望之已久萬望
裁削書綾擲下孫前日所懇題詞亦乞榮賜數語感切
感切太公大人尊前宗孫鼎受百拜上

顏刺史堯撈

在婁寺中以李年翁欲卽往雲間作小槭附致嗣聞仙
舟從雲間往武林有旬日之留方返棹上海口撫臺已
旋糧道臺亦抵虞山敝相知戶垣車與老從金陵來月
杪卽到吳門矣若武林事竣望先到吳門可與車與老
共商最爲切要糧道臺前書中云欲請台駕至虞署亦

可不虛其盛意從吳門到虞山方往雲間上海至便也
特遣人馳懇知必不靳金玉其音顒候顒候刻抄參疏
內有查各案雖係因公有無收完尙未審明實據等語
望旨意未必有革職則似可無摘印之舉卽內部尙未
知摘印也時家表姪學士李厚菴二十七入亦到蘇能
得一團晤商尤便臨楮瞻切揆頓首

曾厯三任亦經踰躑然解組之時浩然自得自履婁以
來俗惡民刁賠累不貲蚤知難以脫離但不知如是之
驟也平日兢兢矢慎只爲去年十月間奉派疊疊賠墊

莫支各州縣會同派於里下誠恐刁民以私派爲言吳
門咫尺豈是掩耳偷鈴故出一勸捐告示爲勸捐事日
來軍需孔亟各上憲極愛恤民瘼亦出於不得已行派
州縣登提捐銀林立堂上者鎖拿經承者本州歷經三
任一貧如洗僅領爾婁江一杯水安有多金可以賠墊
勸爾百姓體念愛恤至意量行捐助此乃剖白無私誰
知州中奸人拆去長安撫憲聞知卽行題參明知因公
受過出於不得已耳來牌內云藉公科歛累民之語查
例因公科歛其罪亦輕況在赦前告示雖勸捐其實捐

卷之四

者十無四五依然賠墊之累功名之事原是鏡花水月
但中有難清之件不知如何得了且婁民刀橫從所未
見老兄臺古道照人必垂念家未深爲悵惋望白駕一
到將心腹事可以相告而署事金山衛王公初一日到
任可藉鼎力相托此亦千載一時知必不靳一行弟雖
無可報答卽見者聞者無不仰頌高誼矣收淚泐檄馳
達萬乞留神迅發懇望魯郡尊爲各憲最喜并托
之見各憲時求其從寬刁民誣告暨不准行稍稍維持
亦要着也縷縷難盡揆頓首

歲底遊虎阜時滿訂燈節前後相與進艇遊上方洞庭
諸名勝不意開正二日遽爾仙舟揚帆遂使三十里梅
花無賞音者然計遊踪勾曲則有茅山入金陵則有秦
淮雨花栖霞牛首上皖由秋浦則可登九華九華之勝
荆山如几所讓其奇秀者昔作牧須江時當從皖城往
返江上不及登眺華山至今爲恨事知素有高興且有
濟勝之具必不虛所遊也三月時一函差小廝問候起
居聞猶在皖城五月小廝來蘇尙未得近况深爲懸望
錢糧事前將郵墊各項造列細冊致上藩司業批本府

查報維署府趙捕廳的爲因公卹解具詳司批覆審幸
遇新任陳府尊爲人盛德兼之同鄉鎮江大守高紫老
爲陳其受累之苦日已覆審各經承口供詳司矣司有
詳院例亦須一駁方得具題總不能離卹移一局以看
後來耳昨稟見陳府尊道台駕會臨吳門問今還在否
甚欣然有欲晤之意則相愛可知也錢糧大案旣經審
詳求台翰切囑之諸凡照應培植提攜我自家兄弟比
他書自不同也至懇至懇幸付來廝領下楊岱老三
月初方巡泉聞泉郡鄉紳同年不論顯晦只以一百二十

金送爲部費無不用情以納例僅百金改此平易近人
也小豚家信尙未到但有同鄉人來道泉州額已滿語
爲遞書者傳云可往漳州去覓不知的否不日家報到
便知若濟自當完上不敢稽也瘴暑異常作字甚艱不
能多佈尙容嗣候臨楮翹注小詩二首錄教堯揆再頓
首

奔馳河干六日始回署勞頓稍息而上檄提錢糧提捐
助者差舍林立勞形苦神難以筆盡雲間勝地聲氣畢
集把酒賦詩婁吏仰視真如在十洲蓬島也到婁想在

望後南郊大梅正放可同賞爲快近覓有二事但不能多似有學易之數周年翁必道及也冗中草草不脩

乍合乍離中心如刺至於感激雲情何可言喻自見昆陵回函有可効勞處無不相顧之語足見鼎力千觔也計賑飢事竣方得與撫臺同回有的信方馳請全藉周全之力三五日旨意可得雖未見全抄內有應捐二字輕可知已署事殊不用情且有行不得之事強而相加令人氣短無奈何聽之而已此兩日士民頗有舊官之思矣可歎可歎周李二年翁到婁一點未能爲情菲意

將芹媿恧殊甚計能亮我此時也外附古墨二片純毫
湖筆四枝又青石細石二方此時亦難覓者雲間有名
手可鐫希叱人以供翰墨之用餘縷縷嗣佈揆頓首

昨日虎邱半塘之遊不可無詩以紀之若有佳吟見示
當步和也前白門回帶有蘭花茶一錫如無惠泉亦宜
河水方不辱佳彝耳明日琴川的行否不及躬晤所托
於劉道尊鼎言知必留心不待再贅臨穎如面揆頓首
顏方伯敏

昨七月間偶得痰症危篤之甚今得調攝如初實屬厚

幸耳茲叨注存殊切心感都中一切凡有可爲相照者
望留意焉想一本相關之誼自不俟贅言也瀛洲之事
俱已力爲清楚於九月望後領客歸里矣其廟工之資
前後共付去貳千捌百肆拾金仍復別爲之計或可不
日告成也並聞餘不盡

前兩閱邸抄知老賢姪榮補隨卽榮陞喜甚喜甚不佞
入粵以來衰病日甚屢詳乞休未蒙入告九月望前病
勢漸深復經力詳幸蒙撫軍具題矣不意二十五日忽
痰壅昏迷不省人事二十六日午後已溘然欲逝至夜

半復甦撫軍躬臨榻前面驗不可復起隨將司篆委右
江道簡謙老代署不佞杜門服藥奄奄一息忽醒忽迷
半月有餘展轉牀褥倘稍延殘喘生還里門得與老賢
姪昆握手歛歛於願足矣功名富貴於人何有哉伯
虎於十月望前抵粵幸舉室有托竊慮部覆以艱期已
迫不允告病爲詞端囑文豹拜懇老賢姪於當道前不
靳緩頰仍藉鼎力料理萬惟覆准放歸況入覲已有臬
司偕道員代之矣至切至切把筆黯然澹園太史均覽
不及另致

五月初接家報知已到任彼時但知爲織造差人帶信
初未知爲孫老先生之役也別來三月度日如歲幼子
幼女相隔廿日俱以痘殤暮年晚景其何以堪買銅一
事都門甚難此時都門之價每觔九分五厘且苦無處
措辦岳甥之言盡爲子虛公烏有先生矣若論此完局
必然候事前長班去時僕已言之矣停鑄之議詢之當
事云雖無此議然銅觔久乏已停多時分造漕船事隸
水司當事亦云造船係漕督委地方官管理非內部題
差其報部止有請造之文並無差官職名云云俟查確

另復揚關鄭淡老差滿至京見在措銅看彼作何設處
再報可也六老一天高興處處索然此亦自作之孽但
連累許書辦爲可憐耳若未往江右止之爲上彼中諸
公大費唇舌近且俱離地方有何益也溽暑勞人加餐
爲祝餘不及宗敏頓首

客歲除夕前三日紀綱至粵得接好音兼承佳貺骨肉
之愛遠倍尋常也細詢道履知數載於茲老賢姪以清
階雅望遨遊於吳山越水之間名園載酒畫舫徵歌吏
部詩篇當汗牛充棟矣第四海蒼生屬望安石幸早入

春明翱翔揆席爲宗族寵光如何如何鬱林象郡爲古
來安置罪臣之區不肖賦命不猶適承其乏矧當大亂
之後軍供浩繁一切不經之費皆取足於方伯其賠累
之苦不可告人勉遵來命爲令郎代捐謹將咨文監劄
庫收印結賫上在老賢姪必有以諒我也使旋布復冗
次未罄欲言愚叔敏頓首

顏太守敬

別來兩月積思日深銅斤京師甚難購而包攬者堅不
肯令見現銅恐屬設騙是以未能相聞但聞各省鼓鑄

既停南中購買或較昔時少易耳餘不多及

顏處士光南

匆促一別未得傾倒衷曲只緣俗務勞人實於此衷不安二十三日更餘方至署即將手札已致主人矣渠極感戴之至欲親往候目今新餉開比刻不能離特遣使耑叩行臺并申謝悃外具不腆之儀聊申一芹之獻屬在至誼亦不必見外希存之候犒郵者二十七日主人誕辰候祝過的於初一日准至維揚偕往家下作數日之歡何如的於何日起行幸示知爲望大姪至寓匆匆

未話聞欲回家希留二三日卽來面晤也周李二位年
翁不敢另啓廿五日次海陵愚南頓首

客冬拜別後承約吳門再晤及歲杪抵胥水而彩鷁已
先發太倉矣黷然返棹離索縈懷不謂家嚴卽於新春
抱恙調侍五閱月未見霍然每勉強掖坐間猶翻閱佳
句不忍釋手至蒲月二十一日永訣時尙怏怏以不能
重挹丰儀作呻吟也至今言之徒有慟悼因未知行旌
向往不敢遣使訃聞亦恐旅次聞之不免傷情耳頃接
手函脩悉近祉西湖風月領畧經年悅性怡情之歌詠

又不知如何盈筭盈几矣惟俟歸來當於米家船上索
李杜遺音也文宗按臨冰心鐵面僚屬多士凜若秋霜
卽至愛風交不遠千里來者俱不得復兼謝厚賜如明
春定晤文紹兒仍望鼎言一薦倘再得邀寸進皆賴大
力扶持藉庇於無窮矣至囑至禱主人每以未晤爲念
戴紀綱自能細道詳細也家慈暨內人姪兒統候台安
因來者匆促未具一絲申意統容駕臨再申鄙念不盡
欲言不孝光南稽首

嘉平在家雖然草率無脩正好握手暢談朔風猛烈時

又匆匆放舟吳門別時深爲惆悵至次日愚亦往海陵
矣途次又遇主人往蘇卽拉偕往二十日始邸閭門隨
命小使往徐園遍訪竟無一音又至繆年兄處問始知
行臺尙駐太倉空有懸懸未盡之言不得一晤至歲二
十七日啓纜二十九日方邸幕中度歲至正月燈宵方
能回家又值老父病甚刻不敢離親理參苓者一月有
餘托大庇此時將有起色日來望切總無一音於三月
初一日姑蘇人至詢及始知尙滯於茲不知何日可邸
真江再得話別一大快事家父母暨兒輩亦望甚切今

有姑蘇陳茂甫老于優伎恐在茲欲覓優童此人亦可
吸引不致悞事楊丕老亦有回字在家覆矣所托李江
都事亦屬子虛院臺以久進都矣嚴益老亦時時念及
不得一晤奈何奈何如便中有人至乞示一字以慰遠
念至囑今陳茂甫親至太倉附候新禧安福學臺尙未
臨考再問李年翁周年翁不復另啓乞叱名致聲三月
初三日次海陵光南頓首

前過省滿擬一卮祖餞話別長干不謂毒癘作楚清晨
渡江未及面別而行俟州中回再當同來相晤但別後

復起大毒痛苦呻吟晝夜弗寧不知歸期的於何日陸
路舟行可有定議種種關切望一示知奈何不得偕兒
輩握衣道左一話衷曲而別望祈宥恕江南所製數物
聊表一念恕我不恭外具套一帶一祈轉寄大哥勿以
菲褻見罪也幸道意嚴益老極感前議之物如數繳上
所慕鹿結伽南以如意送來但此物非可輕得尊翁粵
東十年方覓此物希珍之呵呵今不孝家住真江伶仃
孤孑或相知之中不惜齒芬稍爲噓引或留一二字與
省中當事稍爲照拂則沾慈履無旣矣伏枕不恭統祈

台電不孝光南稽首

顏處士光表

戴使旋曾有一字寄去諒入覽矣戴使所說事不但不知并不聞其姓名彼到杭次早卽渡江矣遲四日而同云方知本人天水姓細訪之其人頗有身家非無賴輩但係江東人素無知識老弟還當寫字與朱書調安不然竟受人騙豈甘心耶歲底有一字寄至吳門不意老弟解維矣歲暮百凡叢集甚難解紛幸愚老相爲少助度歲之資只是想念吾弟不能時時聚首爲悵悵耳目

下欲往江東諒王明府自是遵老弟之體面耳容日後
再報不知老弟到金陵光景如何吳門嘉禾想來有限
又不知何日到安慶何日旋里何日進都殊爲記念屠
兄被論只當又去一庄矣放鶴亭何道士寄來扇一柄
畫一幅云姜定老要求一扁三字式樣寄來便中附候
來人係施二麟之乃郎也彼岳丈係南京人特來訪親
如來時乞與一晤并望寄我回音以慰千里之懸懸耳
鄭寅賓新安札便中或與彼寄來百凡更望珍重李周
二親翁不及另柬乞致意兒祚并候老弟福履不盡欲

言俟容再佈二月朔日兄表拜寄

十月間方晤蜚南悉知老弟近况惟有懷想而已薄具
壽山石盃一對新興大洋綾一端特此寄上爲老太太
千秋幸查收之聖臣事老弟自是多方爲之此兄年來
相與不像忘本之人彼自有相報耳再分司張諱令甲
者進都時兄在抱病時不會相會不知曾來謁見否淞
學使者考試有體弟何不託海寧親家覓一二人與聖
臣亦可得此一宗老弟之意如何杭太守因李德兄孫
樹老相薦相與甚善乞老弟便中一札及之再淞中進

京諸公與老弟相好者乞賜一言爲望有李德老年兄
一札乞遣人送去前彼曾寄一報并毫筆二封諒已入
覽矣餘不盡兄表頓首

前朱年翁進都會有一字寄覽不知老弟曾入目否愚
兄近況前札已悉從四月間忽得臂痛之症大抵是血
衰冒風之故服藥至今尚未全愈聖臣處承託已盡心
開陳幸彼亦見諒頗從一二凡有見委皆竭力報之目
下政聲頗可聽也彼推弟分念兄久病以參苓之費爲
艱來邀數次愚兄非敢養重但因病今歲竟未出門又

見人情凌薄所以進止畏縮八月間聖老因公事來省
過寓相邀云山陰道上可以却病因而同渡江東但當
事不日到任自當謹飭相知者更當體諒數日間卽旋
省矣茲有屠子發年翁乃尹和之雁序爲人老誠持重
令郎諱復隆者少年英發已拔貢矣與兄相與甚善今
有事進京倘造謁時望吾弟俯賜垂睠通家世誼諒不
俟諄諄也兒肇祚幸肯讀書係仁和諸生老弟可留意
焉目今在菜市橋又開一居皆謝子爰之幫助也餘言
不盡兄表頓首

多年逢飄得與骨肉十月聚首而且意氣投合忽焉分袂悵黯情緒實不堪當劣兄向以豪爽自負信其與老弟必再續舊好此日在河干候老弟舟開不見不覺骨肉情長而豪爽氣短矣想老年人乃如此耶歸來淚洒滿襟數日飲食頓減兒亦知解勸自亦能排遣戴僕到日甚爲喜慰讀來札又感諄諄愛我非有胸無心者終天恨之人歸里之念候其機緣而已田蜚南自宜波旋省路經越城會晤王明府道及劣兄只云到省當圖一晤別無他說伏望老弟再寫真切一字得彼此有益足

仍至誼不然人情如紙恐費往返高明自有裁示吳門
白下都中便時幸常寄信更感更感鄭寅賓到省候送
又討新安札前老弟云亦已寫就便中寄回兒援納事
經手人云數日內必有確音亦聽其自然自當別圖戴
僕來事雖非經手未免氣悶我們所行在前夫復何說
老弟從今人來浼者先度其事之可行不可行再訪其
人之可託不可託要緊要緊又不損德又不費神惟老
弟留意有懷如縷不盡欲吐兄表頓首
久不見弟信九月二十八日得接手書不勝忻喜可知

向日想念之切矣捧讀之餘殊爲感激非骨肉何以及此也前屠生來云老弟身體一時違和未免中心懸懸王九功兄舊歲冬底親來要書不得不寫今知不會寄到問彼云係報中寄去內不過彼求老弟逢人吹噓兄亦非粗浮之人捉筆自是斟酌不寄到亦不妨彼此時亦謝事也至於屠姓無要緊者所以寫字介紹魯姓原與聖臣交始相合而後不相得從中調妥故許寫一字實不曾寫來所以在屠札中止提一言以完其前許耳非義背理之事從來不知行亦不肯輕于瀆於人近見

人情凌薄愈加慎重老弟當放心放心祚兒頗肯讀書
文亦通徹酒興如舊然有許多老景都門之往極欲與
老弟把臂但恐途中辛苦來歲再看機緣聖臣無意中
忽遭此累甚爲扼腕不知將來結局如何耳彼云曾有
三次字寄來未見一回音桐江在湖中作令時相待甚
隆聞信不勝傷痛季霖兄曾有字到湖再囑者百凡珍
重諒不俟多贅餘不盡兄表頓首

顏處士伯璟

連次家報來知爾已強健照常不覺色喜但慮事繁心

勞尙當加意休養也四叔前月念日已至却帶沉痾雖無大慮亦須數月方可東復所求皆未就緒病不能早歸殊覺狼狽幸涵萬親家諸凡照料未完之事悉託彼處又差轎馬遠送至家令人難安耳便中宜一寄謝澤州王世兄亦相待甚好字亦留彼不日還欲差人去取信也召恩欽車子前月初七日行想月底可到唐轎夫二人并郭姓同日到家皆攬長夫因二人準假他同支定銀勢不能獨留故竟南來不是儘有情亦可原容日或追欠銀或再遣還另作區處也廷試出監等事來家

都向我云深感照料我亦不知果否府主亦不以爲無
當而曲賜原諒果有力可効自當奔走恐後也家中此
時修漏屋諸僕無暇爾母生日亦不及再遣人去待念
外車人迴信至再報詳細大小平安四叔恙亦勿以爲
慮惟體虛須養耳時五月初二日書

顏司馬伯珣

自四月選庶常之後日望吾姪南歸亦不謂甫釋野服
遂登朝班誠有如今之可慰者向曾寄詩有身近仙臺
之句彼時不知何見但覺非尋常贈送套語而今果復

驗矣且吾姪通籍之日正值天子親政之時此中際會
實不偶然吾姪又何幸也索米清貧他人或以爲苦吾
姪志在淡薄世俗之見又何足云但我輩讀書不易必
如今日方爲有成且又官樞要近天顏身實聖賢之裔
必爲天子大臣之所崇重同寅僚友之所觀望吾固知
子必非漫無處此者而猥如流俗人之所言也今子聲
望已在人間但願子常念何如不媿科名是所勉已從
子去歲遊秦而予便爾無侶亦不願接見外人今復倍
寂寥矣言之淚墮昔人有言人生不相見動如參與商

甯不悲哉竊思數年來我所與卽子與也三五人所
志絕不能同今已局面大異而我猶故吾其不相入子所
知也是又謂對面難逢矣閉門無聊獨與六姪爲友渠
幼無知而又多致時能啓余誦書當歌把青荷葉濯足
沼中亦足樂也三姪作文爽透有筆致四姪亦已成篇
汝妹夫近且變化非舊矣兄弟篝燈不輟甚可喜蠲賑
二雛學語如鶯兒小七前志頗不發作差可慰耳西鄉
觀音殿落成久矣今塑像社翁溪女競爲善事鐘磬之
音繚繞於泗水間是又不啻一花界也城中園桃今漸

成圍每至熟時恨不得與子共食所接三株其甘如蔗
桃花下種梅一畦今長尺許不久卽花晤子無期殆將
憑寄驛使耳五六月間有二蹴踘者來留連浹旬此藝
較前稍進無由質子其人明春或當見子都門昨子書
來勸以留心舉業極爲懇款自維學淺才薄終無可望
然而讀書之志初未嘗墮吾與子弱歲受父兄之訓經
今二十年朝夕相謂竊願學今時所號爲迂濶其人者
至於功名成否又無論也吾姪平日篤信愛人孝恭自
矢吾雖不能常自勉強倣子今子果食此報奮翮天衢

以光我先德使我雖終身蓬蒿又何憾焉獨是吾與子
兩歲濶處無可爲懷祇勉強不作愧心事以報子是我
所自盡也餘情縷縷欲寄恐亂遠人之思吾姪仁人斷
能隔膜知我也臨楮怒如筆不能悉顧甯老旣同寓不
另作札煩吾姪一爲致意可也七月望後三日叔季玉
寫

二月十八日至湖州山佳已先到五六天矣青士與孫
封翁意甚慤厚但云渡口來遲問津者已寥寥也私心
尙欲移棹攜李待之不意其又有漸迴餘杭且渡錢塘

而入東陽之議東陽則先有金氏在彼且持久曠日或
反相左故不能無感于逐鹿之喻也因擇而採之已命
憲脩通言矣雖云兒美喉清但僅各誦毛詩而已揆諸
所託之意實多恨耳間中一棹西湖專爲顧子之約已
作一字并前緘致之宜波六橋花柳非復曩所傳聞僧
館蕭然徒勞歸思耳從到湖州雨無閒日不知上江估
客來勝前否關務及諸費完結否家中銅事可有迴音
歸裝可粗治否諸僕無可託者汝又無暇親及瑣事搬
移人雜殊宜察防也倪良棟覓利如蠅毫不放寬又不

知大體切勿使之買物並內外及諸往來將命也前兩
皮箱未有封鎖臨時須親封固之餘櫥內散置諸物總
封鎖在前買大皮箱內可也切切湖事不知何時完結
月盡定可至關不則四月初旬準到萬有耽延須繫舟
稍待或數日不至不妨先行我後乘小船向楊州趕去
此亦設然之慮料不至是也前定做螺甸碗繡衣筭盤
手卷數件如未取來急令李僧孺索之不可使倪良棟
蓋迴駢從前其欺騙種種深可恨深宜防也餘不悉
二三月間准擬棹小舟入都不料弗果其所以不果者

不得言非爲途次艱難也然不果又竟省便蓋女室家
來我實不能置懷且嫁女瑣細又不願獨貽勞女高堂
也一接北來人頓慰數年離思却又念女索米爲勞骨
肉離側恨不卽得馳千里驥一把女手撫女膺耳愚山
冠蓋滿堂之句近漸閱歷始知其言之悲且恨矣春來
每一憶女零泪幾不自持靡日靡月惟憂用老惟我知
女女知吾耳女囑已悉勿用懸切客况寂寥善自愛爲
可

自得齊河信後至初一日有報人到知已補駮封司俗

士代爲怏怏不足道耳家中一切平安諸事就理無可
縈懷但不知秋後可能令數眷先行否前郭吳兩處已
俱致之郭意漠然吳最感切而亦未有嗣音東使並亦
未來張德一項亦趨令速脩矣衡山於七月十六日東
行其主人又有一函意哀詞懇不知能爲之地否夏斗
老尚未行常爲凝輝立方但其病勢旣大又任性不受
人調理殊可慮耳笠翁史畧雲門索之屢矣但有便留
神查寄忠烈傳成並須急寄爲慰也不顯使者匆發遂
不及詳八月四日書是日卯刻大雨雹逾時大如雞卵

或如拳積地四五寸秋禾如捲被其害者守隴而泣也
並聞之

前有數次家信不知俱到否聞哥哥急欲南旋計此札
到必就途矣歲晚務閒正可借此保息何太匆匆也殊
深縈念張德所述已盡謀之在乾無不允諾恐所難特
其令兄耳拖泥帶水總覺不快正不如始終之爲妙也
入冬以來手口並作竟三月矣爲兒女作馬牛固所不
耐而寂寥無可與謀尤不能無感耳元鬢星星不知他
日何以對女也翔九入都候選須一照管彼用情吾家

過厚正未可泛泛也餘緒如絲冗不能及

春來諸冗蝟集有懷如結并運不常徒兀坐空園終日
書空耳梁國棟來悉知吾姪近況及遣來意特事不從
心於其返也但目送之而已彼至或能畧道之也石城
二兄赴都廷試素爲社友且至戚或有所教應順應之
臨發欲我一言因順寄計他不能及也燈下匆匆不勝
悵惘

初一日有一字付魯老使不意仍遲至同行想待此信
亦不甚急別來遂爾浹月炎暑無事離緒頓縈北園荷

花日放數十頭都恨前洗盞挾錫時未得如斯爛熳也
七夕江右人來形余兩度不覺失笑明日三師傅亦至
歸裝蕭條殊不似在金陵景色所帶我家物亦皆非正
身矣因又諄託前日承恩寺和尚事我以無據爲辭三
師又復切切之約但求有濟薄命人不復覬覦矣因副
去二紙要相機圖之至親委不得辭却如必不獲俟他
日另商可也或冬間脩候徐老師只發一函承髡代脩
其儀簡末一及之令其有據易易矣雍孫輩抵都或憶
家否途中能耐奇熱否並問別緒草草未悉三師古董

二件附稍求便售之七月望前三日書

七月望後已整裝約次寬西向因前書來遂復耽遲今更無所待矣大約兼程已不能如期朋後之語將來十八九耳潞漢旣迫想應分行爲妙十一兄便往殊省周張新寄數札倍壯行色若晉中已明註之卽繳還亦與十萬當但存而不用可耳且此鴻泛泛未應卽付也三師南來一月矣所共至今葛藤難與爲仁此其明驗承恩和尙絕無憑據蚤晚發迴原物可也匆匆不悉

七月二十九日孫太二人來知銅觔已貯局將交得當

卷之八

三

甚慰獨西行羈滯隨役不定行李諸事遂皆耽閣未就
擬二十旬始發日晚一日奈何奈何十一哥此時應已
先着鞭矣昨汝濱行有俞心親家相託監事匆匆未及
矣昆仲蚤晚入都在家屢來懇說求吾姪一爲周旋總
之欲速欲省到時須加意爲其委折務使遂願蓋以俞
老至戚且知物人又屢受其囑實非泛應也其北上未
知何時以我有遠行先書此字餘無所及都中近况何
如小大悉平安也能周二公方伯恩奶奶各致問八月
七日書

四月二十日始自商州抵家居外八月強半爲病牽纏
今幸漸平無患矣澤事歲肯已付子贊其人自足肝膽
今卽欲取消息也惟客長安最久其人食言又不得一
面質之李華西雖多方婉致反多不情之辭後擬至商
一決不意病劇不能待因又留之含萬此其大概也後
或得當亦未可知然豈能有真面目耶計余爲此行者
三矣而皆不效自惟智拙慮疎而所遇又皆若輩蓋不
能無憾矣自正月以來每夢必與吾姪聚晤且盡愁容
冷語絕非曩昔如此殆無虛日覺來耿耿以爲病中常

狀耳不料抵家之夕便聞吾姪亦病彌月不痊家事紛
擾至今未定吾姪曠懷人也一墜此網爲累不小乃知
前夢關情殆非妄耳極知傳言失真但桃蟲拚飛實不
可測有不得不爲深長慮者家報中已切言之無庸叔
贅唯願吾姪體認力行之自獲安妥脫使不能則家報
中勿狃小節一語誠旋乾轉坤之最捷最易之一着也
憶昔房嵎梅曾論我二人云是二人者誠厚有餘而剛
果不足今惟于吾不足者留意可耳丁未夏叔家信中
曾有吾二人骨肉而朋友一語吾姪每爲感憶惟其如

此因又有斯言也自去年元洛口別庵又週歲而今叔
姪興味皆墮苦趣揆厥所由實惟自召迴憶洗耳清江
賦詩竹樓不恍如天上哉一歲離緒兼又所遭如此焉
得抵膝一握談爲快耶病餘未能多及惟吾姪自愛自
重是所望耳未遑函候安嫂嫂唯吾姪轉達聞雍孫
聰慧倍增甚喜紗衣遠致並謝李華西字附

顏學博伯秀

使旋接誦手答骨肉情深感刻無旣謝謝愚性鹵僻世
味無緣兼之樂俗薄險故思稍一更面耳如功令嚴切

必期十年之限則將無望矣苟可通融乃乞鼎力玉成
討付一字以決進退瑣瀆幸恕并候新福神馳不盡愚
伯秀再拜

海角散吏鷓鴣栖儒林既鮮建樹之業復乏潤身之策雖
肋蠅頭殊堪興歎幸叨門內冒竊榮光久未修候汗赧
實深歉甚歉甚今有懇者樂俗風薄人事日非六載楚
囚何堪久戀思欲別更面目以結暮年之況不有依托
何能振舉鴻飛哉特遣奚奴走懇指教或縣諭或州正
一爲謀之不知所費幾何卽不然仍以本職別調一縣

亦可但因途路艱阻未敢攜囊如三二十金之費求鼎力轉貸濟用年內外卽送去不敢少有所負也其地方求於西不求東以老年人故鄉心切耳若無見缺可圖推而候之不識可否再不然州倅縣佐之屬亦可商畧而舉之倘有所就得以離此危地感德沒齒矣特在骨肉諒不我拒故敢吐此肝膈也寒齋無可將意聊具繭紬一端少抒衷私惟祈莞內是荷臨池依依無任神馳顏太守光是

解本邑黑鉛赴部率此候安知二哥懸念關切遂不禁

言之覩縷也捕官北直人頗能辦事此宗黑鉛新野原額八十餘觔去歲部增至七千餘觔地方素不產鉛辦解之費歲至三千有奇開銷正項止二百餘兩二年之中官民交困屢次哀籲題免竟未允許尙欲竭力圖維卸此重累未知能行與否二哥謂我計將安出耶文宗尙未按臨其書臨時自當就緒都門倘有便羽幸以近祉附示稍慰遠懷把筆不盡欲言愚弟光是頓首

顏都轉光猷

天不厭我家世而使吾弟捷南宮授內秩此雖才大使

然實吾祖父盛德所鍾也吾弟當何如丕承哉詩云夙
夜匪懈以事一人書云同寅協恭和衷哉噫盡之矣吾
弟天性純粹學問充足余何容贅雖然名盛則居以謙
志大則斂以靜君子立身往往如是但余叔姪三人自
總角聯床風雨晦明未嘗少離去歲以弟客秦中相憶
半載今又連鑣飛去吾叔與余獨鬱處此命也不齊亦
何足怪近者吾叔勵志方下董生之帷余以才薄意懶
雖事筆硯無益也聊勉從之第余與吾弟手足情重又
將數年不見耿耿此心惟夢可知計自今吾弟在京都

日親長者詩文琴書日盛一日又豈余之所敢望今以
僕歸頗寄數言千里談心惟其炤之以外庶事另具別
紙焉兄光猷拜書

吾弟姪去已半載矣數月以來慈母懸念特甚如秋後
稍能寬裕幸接慈母一往天祿榮親吾弟性分內事也
慚愧慚愧昨來札以字文相諄諄足見雅意但余才庸
未免悠忽過之今有近藝數篇使人帶去非謂可質大
方實欲就正有道吾弟使不厭冗俗當爲一一抹出余
雖素性傲劣文章之事甚勿徇此情面也如再不暇長

安先達聯車吾弟亦肯轉致否外索米維艱家中實難
辦置東西南北未始不可廣爲求也凡事止要速成不
宜空叨議論關鹵之行足可鑒之矣臨書易勝跂望兄
光猷拜寄

過歲無事頗覺清嘉余亦漸健但未能勞苦出門耳孃
在都履福不知幾時可作歸計也因屢承爹命着致書
請孃回家不敢默故再言苗孔大妹前恙亦覺大愈無
煩掛念也外蔚光孔年兄言老弟有會試經書擬題乞
便中致之餘不宜時務表題亦要緊再並致之何如兄

光猷二月二十一日草發

顏都轉光猷
考功光敏

自罹大故諸凡仰荷照拂歿存均勒抵里以來屢蒙枉
弔使草土餘息得藉生全未審何以仰酬高厚耳昨懇
與白公所云實出至誠目前之局刻不容待家叔明蚤
擬親至彼面商仍望老師一函爲之儐介庶可相信盡
言也倚廬草勒不悉不孝光猷稽首

顏考功光敏

宿荷雲天迄今銘刻比聞榮擢卽持三寸不律相天下

士在我公不自以爲榮而泥中人望之如在天上矣不
孝倦遊落魄茲抵關門本應趣候大教因先人諱日在
二十一星夜遄歸故不遑圖晤年餘托鉢輕裝如葉倘
有應輸納者老先生卽會滿公示下立給鈞批俾得飛
渡拜德何盡先集拙吟並求政定芹私并勿麾爲望臨
池依切

令甥南去已道衷曲諸凡珍重所不待言今懇張夫子
寄去兩札甚爲的當賞去者卽張夫子紀綱可具一稟
復之又汪蛟門年兄云平山堂祠原崙爲歐陽公設今

顏濫祀時賢欲爲廓清已言之撫軍托不佞向年兄一言共成此舉故并及之餘懷不悉

昨見中州王年伯云修老先生甚不滿于尹和已爲寬解至再恐終不能釋然而尹和竟未相聞何也年兄關切尙宜蚤爲之地大約得重望者切言之乃獲有濟未審與年兄有舊否江都事曾囑馬年兄否并希留意統容面悉

居長安終日匆匆而言別甚悵惘承惠注增愧何似昨晚與周量曰緝子端灌湘言當與老年親翁把臂入

林也弟行期若定再走別以謝外聞昌時爲老年親翁
效力之人頗有不甘屢屢向爲忠告幸留意自玉投啓
規矩容請教更望作一詩贈行榮甚

都門聚首時命酒當歌宛然未散真不圖年兄再聚長
安而弟反獨作離人也自遭大故匍匐南還苦廬却掃
不敢與聞外事東瞻紫氣音問闕如今且計日促裝匆
匆北指其去年兄台端彌益遼絕茲遣小价敬候崇禱
遠道荒穢并希原鑒戎父母前已爲年兄道及矣我同
人偃蹇甚多比來望眼欲穿好音不至奈何奈何臨啓

黯然

匆匆榮發祖餞闕然延望南雲載深離緒前接家君手
札深幸得接高賢但爲塵冗碌碌未能常依未光實用
悵惘耳昨晤銀臺諸公始知老年翁有上書之舉訐謨
碩畫固陋雖未獲聞然奉教日久知忠愛悱惻本乎天
性萬代瞻仰在此一舉矣遠頒華翰彌荷注存因值便
鴻敬附數行致謝荆南暑濕順時自愛有便仍望時惠
好音臨啟翹切

都門所懇購書數種特託崔令呈覽幸爲留神不悉

閱邸抄始聞近况私心懸懸有如焚溺卽欲策馬南行
一奉起居奈遭先君之變方爲襄事經營不敢遠出特
令小价往候台安秋氣漸深伏望順時自愛餘棕統容
去价口稟苦次荒迷不莊不備

清和序屆知年兄凝祥集慶川至方新不孝罪孽萬端
遽罹荼毒匍匐歸里無望生全想至誼關切如年兄聞
之未有不惻然動念者也目下已卜宅兆襄事必在秋
間而都門拮据之後遂至屢空苦由熒熒不能別爲措
置所望故人高義不啻調饑乞年兄暫貸一二百金付

之去价使得稍盡子情略贖不孝之罪稍待從容卽圖
趙上我輩手足之誼平生緩急更無大於此者知年兄
定不膜視至異日相與有成亦或別有圖報之地然在
年兄前亦不敢預爲嘵嘵也行述并呈台覽臨楮荒迷
不莊不備

前接德音卽附來鴻致候尙有未盡之言揣此嗣布幸
爲留神

尊使旋時曾寄數行奉慰知仁孝情深定復不能自抑
比聞六年兄之變有淚如泉凡我同人靡不痛心疾首

不審友于如年兄又何以爲情也海內論文屈指有幾
龔先生旣悲梁木荔兄至都遽赴玉樓周老澹翁亦復
委棄絕域莫知稅駕彼蒼爲虐一至於此惟吾兄重自
收之桑榆耳聞尊目微恙今已復初頗慰順時自玉勉
抑哀衷仰慰老年伯劬勞之愛知年兄必念及此而不
禁言之嘵嘵者亦區區寸衷所不能已也臨穎曷勝馳
切蜀中詩及六兄年譜并祈惠教
每接鄉人頗悉大孝近履時時懸切比聞六年兄之變

泣涕霑襟哲人之妻人有同悲在門兄雁行中斷痛心
又當何如即使至脩聞近况悵惘殊深所諭當卽切致
邇來情事大異疇昔言之可發一歎尊便自能道其詳
也命途多舛自古難期惟門兄強自裁以陟屺陟岡之
悲轉爲愛日承歡之計是弟所深望也冗次草勒不盡
欲言家兄稿一冊附呈大教

顏檢討光燾

恭惟先公祖老先生熙朝雅望昭代文星聲高北極祥
雲化洽東山時雨教思所被固將鳴千秋之盛豈但起

八代之衰已哉頒到試牘篇篇珠玉哲匠至而五都呈
材初日升而百物耀彩每一展卷可勝伏膺前有小函
遠承裁答嵩津之誼久泐心銘再附里言敢恃渥愛惟
祈始終玉成則感佩明德更踰尋常萬萬也臨啓無任
翹企之至

別來數月時切停雲今春滿擬一晤以敘濶悰里人至
知不果來殊爲耿耿小宅事深荷雲誼何反勞齒及也
里門諸凡托庇舍姪字中備道關切感不去口弟匏繫
長安家中悉憑舍姪料理儻有相商唯推誠教之至感

至感附候近履匆匆不盡百一

顏行人肇雍

老親家榮膺主眷典守名邦福星霖雨宗黨與有寵光
矣新秋薦爽台旌南指里門一伸賀悃并悉濶懷也佇
竚佇俟京宅向屢奉瀆今子權在京聞心友又近締姻
此時易爲清楚乞主持解紛一言九鼎或不厭瑣瑣也
新例省捷舍弟入都但爲貧而仕不能不仰助於世好
蜀之灌縣會理州家先叔所拔欲懇藩司力爲懇懇務
期有濟拜誌明德矣家郵中乞爲轉懇倘蒙慨允尙須

端人走謝不宣

正月發來役迴叔况味略載家書但不知何時達爾奉爾高堂在官定省甘旨頤耄何筭且清名播於江南遠近競傳爲前代三百年所未有以此榮親賢於勢位富厚尤不遠哉吾家世篤忠孝益憂繼繼爲難爾少年努力如此余老眼親見更快耳歲試幾時告竣今科試亦無多暇矣水邊君有言相致實非所樂聞顧意在報李又不容辭特遣商之江南學臺公正亦振動江淮羣情大快顧崇尚實學之義缺然不無遺憾以偉望雅操爲

朝廷所器重恩遇如此似不宜徒循故事求材於聲華
文字之末况獎勵行優之典俱廢乎江南材藪其飽德
實學之儒郡不乏人卽如壽州有鄭斐者竟不得循例
開薦德行之列久矣今併其例亡之而但盡心竭才於
文字之間恐非所以砥末流樹宏業於無窮也鄭斐躬
德行且擅文章講學勸俗所處皆化有此人不可爲朝廷
用已可惜又不得循舊典嘉異之以風一鄉不更可歎
哉湮沒於尋常固宜獨不宜於張公一代龍門雅望耳
吾姪與張公同氣可能一致此意否卽不便亦願留意

於澍爲急務也小物數件寄意諸一切詳緒來人口述
臨遣悵然悵然

顏學博懋僑

戊夏銷暑泰壇得與危言快論覺松陰幢影間疎疎長
鬣炯炯雙眸其人斯在也而風流雲散不可復尋渺渺
子懷思也如何春日同博山趙慶金鄉劉桂圃再至陶
然亭有句云陶然亭子墨龍潭我與牛郎幾次探看取
諸君作京兆爲栽楊柳似江南日夕狂歌下古臺陂陀
西上寺門開酒旗插向誰家墓壙畔桃花客自來近頻

與蘇邨樂園謙牧諸先輩相往復又得海陽芍翁移居
比隣酒酣論詩夜闌步月頗爲解嘲每至辨馬談龍輒
共念足下不置也頃承注問啓迪良多秦州古地必有
人焉來書諄諄以朋友之樂相勗勉文墨之疎相告誡
近代吏治中不聞此風論久矣弟尙何敢以小夫瑣語
爲足下稱道耶弟六月與試內廷識宛平葛孝廉卜元
淹中之儒古文詩格罕有其匹雖未及髯將軍超軼絕
倫要亦固是奇物他日丐其著作共欣賞之吾邑孔秀
才興揮近游京師詩甚清婉惜其未交足下一游匠門

然其精氣則不可掩已秋冬間讀書淨業湖上有長歌
數首自謂可因文見志顧此間真賞甚尠未敢舉似他
人向後另寫一帙寄呈求足下點竄印可耳依依不宣
老伯前并叱名請安弟懋僑頓首

顏明府懋倫

倫志行不篤嬉於問學養志未逮已背終天徒以居近
賢豪道存汲引仰干銘阡之文遂蒙表幽之製盥沐捧
誦可久可傳母氏懿則與昭來裔兼之惠書鄭重詞旨
往復足下之於倫可謂厚矣方其營葬瞿瞿在迷一書

未報甘蹈慢略亦恃大君子下哀有喪不相督過耳今
者封樹始畢練祥遂逾乃欲濡毫伸紙一謝明恩而聞
足下有事去官方當就理驚愕走訊竟非妄傳旣而索
之彈奏益見子虛足下之於遇可謂寃矣以足下之詩
之厚而際所遇之寃處荒寥無告之境爲遲久不答之
書此中之蘊結悲憤蓋可知矣然厯觀古今名卿志士
屯邅留落十人而九信而見疑鄒陽所痛足下又其一
耳况賢者不以榮辱易心聖朝不以疑似棄才月以翳
而益明樹得雨而見潔王臨川尙云其難合也祇以見

正也又何足足下累之耶伯父伯母體氣何如顧愛旣
深中或芥蒂是足下所委曲者計此時當已釋然矣謹
此上候并祈轉達鄙意志文二幅未及裝潢附呈訂正
行狀一本統希鑒入舍姪得託門牆氣質可變凡此皆
足下之大造吾家者書之志感令彼閱之知黽勉耳姚
奴至以途費瀆聞小人徇利不復顧其主非足下孰爲
諒之而羞顏亦不免也讀孟堅賓戲差自解耳臨書悵
惘不宣木齋學兄先生師席曲阜姻小弟在制顏懋倫
稽首

諸兄弟都已去獨遊無偶亦慮妨戒行耳拙詩暫發還
當總錄一冊呈正竊欲得足下一序也雙鯉致之千里
如面佐以蒸餅爲足下含飴之樂幸鑒此意不宜階平
大兄師席弟顏懋倫頓首白

何日自曹至單日來晴暖想無道塗之苦耶初五日由
州來信遂復探問乃初六日孫氏復專人至程村求親
昨又知程村遣震宇往州面相頃聞北宅言大槩如意
此事既經兩年又屢有許諾今忽中變此在情理之外
未可固執矣單涉兩處有可成就似宜定議爲是專此

達知餘俟面悉從兄倫拜手白

二哥

萬安四月杪接手信并達近篇久別相思見此如

晤但地隔三千里業殊志異區區筆墨未盡所懷弟年
長學非愆失日積飲可敗德言足招尤輒思止酒銘背
而既往不可追悠悠人世何時可已庚寅之間日與吾
兄閉關東閣危言極辯指過摘尤以共相警惕今日憶
之杳不可得比聞吾兄在浙亦不無後議求全之毀自
古爲然以訛轉謗誰夫能免但橫議肆出雖復唇乾舌
敝暴白吾志而人不信之世網中人之深以至於此可

大歎也好我唯兄寡過之道尙其教之訪文丈詩已持
示頗以不見全本爲憾也四弟寄筆極佳其家事弟婦
善理之可無念耳五月十一日晨刻弟倫頓首啓於瓦
研山房

作吏真源再辱手書而稽遲不畲其拙鈍之質宦成者
笑之當爲我兄所與也五年三見水沴精神困敝視筆
墨如野馬又何敢泛寄兄書耶然吾兄一舉諫官再遷
望縣儒術之效慶同在已固不區區一惡札相通也今
弟以老母懷鄉乞疾侍養苟全微名以舒親憂乃我兄

加以遠舉高蹈之譽意良至矣如內愧何平菴去崆峒
不遠疑是漢酒泉諸郡地趙充國霍去病之所控制也
吾兄學問器識可企古人而濟之以通變守之以堅貞
其所樹立未可量矣別來九載隔數千里能無離羣之
歎遙瞻太白惠我邊什亦可以游目意足已先祖神道
碑文久懷大君子手筆用光泉壤爲政之暇錫類下及
感仰無極老伯伯母頤養安和希爲上候尊嫂賢郎并
祝綏福弟已有一男二女子可娛高堂知我兄亦爲心
慰也筆墨之屬四種聊將嚮往不置一笑耳曲阜學小

弟顏懋倫頓首啓上階平大兄師席

顏學博懋价

姪价百拜恭請伯父伯母台安姪負累因循偶往濟上
因人展轉遂至鍾離以是去鄉之日並未及一過稟辭
至今耿耿靡日能釋樹姪偶感時疫何以竟至不起他
鄉聞此不禁淚隨手墮驚愴欲絕伯父尊年復抱此痛
又兩弟俱出觸感如何弟輩果於何日歸里伯父閱世
既深洞知物理當不至以新哀之情過累神明但妻孥
失倚稚弱關懷言念今昔未免深人蘊結耳姪初抵淮

南適觀察六舅攝篆於此以奏記乏人相留蹇止輒復
萍依惟是此地已令蘇松傳觀察調補蘇松又經內推
陶士儻補放或淮徐海道簡調有人則所遺之缺有分
矣頃復聞桐城姚八先生考終河庫使署是又一缺也
新任交替或至閏秋俟有定局便圖過反里便附候杖
履并請伯母近安諸幼悉好有哭樹姪五絕附呈不足
以喻遠懷也餘情依切不次姪總价再拜寄自鳳陽使
署

自安邑歸得仲冬二十一日信小除復接嘉平十三日

書並寄詩循環諷誦悱惻纏綿自愧之餘復愴然增感
來書愷切諄摯知非吾弟不能言亦非吾弟不肯言也
顧僕之處此亦甚難矣家居拮据既不能奉庭幃之歡
徵逐蹉跎竟何益於身心之事日就荒廢安望顯揚是
以自去春以來卽決志離家稍思習靜而依違因循冬
初始得出門此別亦良不易矣及抵太原獲聞庶邑之
信柔腸萬轉實竟夜無眠商之臨汾從父更無異議乃
定去留實非敢汗然也都中機緣固無足輕重暫歸之
計亦未嘗不籌之顧歸卽不能復出出亦豈能無待日

月未幾徒行道路何堪蹉跎若云家居鍵戶此又逆知其必不能者蓋酬應之繁縱或杜絕室家之累豈能悉相非不知人言可畏但此中辛苦意唯自知之非筆墨所可宣並非知我所能諒也所用一以失觸處無所難讀之氣短殊不去懷耳古之良朋託寄妻子其於兄弟必非漠然兄出遊宦家累益深此後願以老母相託但使稍分勞力省氣息心以安起居則遠人拜賜終身弗忘矣晉省並無相例陝西驀遠又不如都中省便此必傳語誤也毡衣會爲切致俟絳州有便自當致復伯母

近體萬安諸嫂暨九弟姪輩想各平善二姊曾否來家
並爲道問上庠之選原不足爲弟致惜所望努力秋風
共決遠到附寄四詩不足酬答明朔秋清當圖快晤耳
意不能悉臨發惆悵兄价自平陽拜寄

七弟平安輕身遠出歸期正遙未有客遊之樂徒重家
園之念別後幸無雨雪而風沙嚴寒情懷已不可堪學
使按視計在月初選貢之期固應不遠吾家雋才績學
當無出吾弟之右然鄙意亦須潛心靜坐利器待時更
爲萬全在吾弟志存遠大或不以此斤斤而遠人翹聽

好音實無日不軸轡於懷也望之望之伯母堂上萬安
二嫂四嫂暨家中諸幼各各平善京中近有信否四兄
歲內得歸否人歸意亂觸緒不知所云兄价拜手寄自
平陽

去臘見寄書於前月二十日始覓得循環捧讀遂至捧
腹同人見者無不絕倒新歲三接手札並晤怡亭得悉
家居近况便如會面讀曲阜城頭之歌俛仰增慨千里
羈人更當何以爲情耶鄙事糾纏不謂隔歲同事訛傳
致貽堂上之憂寸心如結靡日而寗旣知分發之例確

已停止雖未定將來簡用如何或無大誤前者小構疾
疾今已霍然並望吾弟善言寬慰以釋慈懷也暮春之
初若無入覲的音則會榜後可望聚首矣聞單方新已
南下四兄果否同行春綢半已分售尙未得值故無從
稍寄亦未及專札統望轉致此意附問近好伯母尊前
祈爲請候諸嫂夫人暨諸姪姪女輩並此達念不盡兄
价自京拜寄

真谷大兄足下平安仲春一書諒久入覽頃聞足下高
尙不出爲鄉先生授子弟力田奉親此固可樂益覺熱

塵中人違心干進不可須臾也天津選詩之役所望於
名賢蒐采爲多謹奉徵詩啓十本足下談經之暇出其
餘緒共成斯舉亦不朽之盛事也金石圖能否賜搨亦
望迴示附請老伯伯母兩大人近安諸郎佳善進明獲
雋可喜可謂不體諒岳翁矣附及不盡真谷大兄師席
弟功价頓首

价再拜本齋先生執事別來九年所矣雖脩候缺如而
每遇東使無不訛我故人風聲所樹不殊覲面耳向聞
將爲陽城大夫比又聞移治平菴所期執事爲古賢良

不欲以無益寒暄妄煩左右也。价自遘憫以來，諸事都廢，無復平生而家兄以本生家母久病引疾，幸無覆餗。卽日可抵里，或執事所願聞也。舍姪就婚，得奉郤公清誨，當可有成。癡叔輩實有刮目之待矣。胷中久不用古，今澆灌匆促，寄此敬問平安。言罔攸擇，惟執事鑒之。不宣。价謹再拜。

俟考

昨讀年兄大篇，皆有關世道人心之言，不當作時藝觀。至筆力之高，古文情之厯落，直駕唐宋諸公之上，又不

當作近日古文觀也但機調圓轉實爲舉業之上乘竊
爲年兄怪之乃知見地高涵養到變化從心無往不可
不得不爲年兄服膺也仍求兩冊寄舍弟諷讀幸勿吝
珠玉爲禱周雅老極感闕切求年兄早爲具題或可免
其說堂委曲周全更佩高厚知年兄自有妙用不俟弟
之諄懇也此等好事我輩皆欲爲之又年兄之素心耳
敝通家感激圖報自不敢忘弟之戴德藉光又無窮矣
容晤頌不盡

俟考

不晤芝宇倏將匝歲雲樹之思想易地有同然也去秋過珂里晉叩年伯大人深承優飫始知年兄有榮擢之喜緣先慈病劇未遑趨賀爲滋耿革耳不孝弟痛遭凶變展轉藁塊五內崩摧卜是歲之冬將祔葬先大人兆次誌文已懇之宗伯梁夫子矣書丹篆蓋欲得繆歌起董默菴兩年兄尊銜爲重然無因至前恐致唐突敢求年兄推錫類之仁不惜唾餘向兩年翁前爲不孝弟先容倘不峻拒當語小价令持刺往也薄具一芹聊將積愆惟冀莞存外先慈行狀並拙卷各一冊呈覽并希照

及之餘情縷縷容嗣佈不盡

俟考

舍弟回脩道年兄福履殊深忻慰先世史傳荷蒙至誼
關切慨致當事肺腑感刻更難以言悉矣伏承合傳之
論甚正先後附見自是史家體格但令生平大節顯於
天下後世正不必各爲一傳也想年兄已代爲求得大
篇訂正詳確矣茲拜遣一力叩領副藁又聞列傳之多
已逾萬餘竊恐篇章過繁或不免更有一番刪定統祈
年兄推不匱之仁始終留意必無遺落則歿存均感宜

有旣耶家藏墨蹟一卷乃敝年祖真筆先大人所親求得者附以晶瓶一座獻之左右不敢另簡懼近於套冀鑒存之以誌永世之好精白之心萬勿以常儀見卻幸甚附有一函致謝貴門孫萬老年翁不腆侑臧并求命貴長班引小价持上卽代致鄙意必求笑納雖作者不屑而弟輩非少申謝意無以自安也臨楮北望曷勝悚切之至

俟考

連未奉顏教此中如饑如渴老先生以李杜之才擅鍾

王之筆真可獨步一時冊子一帙敢求鴻章惟望早賜
便感高誼不淺矣龐役過叨高厚附謝不一

先君恩卹諸典漸已就緒踰南返應在指日矣切思
夙叨老世臺教愛兼隆沁深心骨此番分袂不知何日
可以再接儀型言念及此有不勝其黯然魂消者焉茲
偶檢寓存小物數件敢獻老世臺應用深愧輶褻幸勿
賜擯擲耳臨行再當叩別不一

俟考

前踵門叩謝衰經不敢登堂感荷之懷容圖面頌不孝

爲先嚴慈建齋翠微山初秋始得返舍聞目下將試譯
館諸生有吳宗顏者乃舍姪內兄世習其業頗稱精熟
敢以通之左右不孝草土餘生因情誼關切而一及之
固知知己念我必不按劍耳諸未一一

兩日曾有確論否聞北海君作難如故將以何術救正
之倘得穆常二韻稱題卽以此題二十四韻改贈亦未
爲不可望年兄酌示下倘須面言弟亦不辭沐雨來晤
也時已旁午須早定權輿千祈詳示

俟考

昨承手教重荷關切感不可言弟拮据數日尙未就緒
適聞楊簡老明晚可到弟已遣人飛騎促之一切俟簡
老面訂極妙不過兩日耳或諸公能少待耳仍求老年
臺鼎言致及至感至幸特此再瀆統容踵謝不悉

俟考

前者重擾至今醉德瓦缶之音過蒙獎賞每欲繕寫一
本仰祈教削蹉跎未就承命先書三幅呈政惟俯賜提
誨爲禱前丁沈二人旣蒙垂炤幸並從其請祝祝諸不

一

侯考

前從貴役附復遂隔音而將及改歲清暑雖司權之重
然按圖可稽無甚疑難台兄安恬靜鎮不勞而理體中
固自休暢也惟買銅一事新例甚嚴須早爲料理付託
得人不獨考成攸關且陞轉相牽坐銷歲月亦屬無味
愚見若紀綱中有可任使者竟不必蹈襲前例專委胥
役之手蓋廣陵與金陵咫尺廣陵鹽商與敝省漢上鹽
商朝夕關會若允貲廣陵買銅漢上豈不便捷高明以
爲然否不佞一官浮沉等於間廢食指維繁珠桂爲苦

然性甘拘守行慚仰面適有不得已之實情不容不相
聞者有舍親沒於邸舍孀妻幼子無所依托移家北上
約費得二百金特託舍親王清臣諱道源同小价就便
奉懇亦知台兄茹蘖清風咄嗟難辦然非情相關切亦
未便以難事相強須求委曲周全俾毋遲滯雖台兄道
義之愛埒於肉骨至性未必責報旦夕但不佞具有心
胸斷不盡拜高誼耳不腆伴函寬茹是荷臨楮馳切
俟考

高麗人開館貿易弟與同人輩欲買參數觔聞係貴衙

門職掌敬懇老年翁端人代覓不審便否頃特走候不
遇率勒布瀆希示復不一

俟考

昨造次瀆懇遽荷年兄慨然一諾近日譜誼交情實爲
僅有倘藉此得進寸竿皆出年兄一手提挈銘載固非
楮墨所能狀也旦晚相需甚殷專望過賜不能如願尙
冀得其七八恃有至愛敢爾諒知己更弗以爲妄也尊
章呵手鐫刻久留篋中意在稍摹古人其如究成無就
何春和畧堪捉刀當圖補過昨晤姜定老家表兄已備

致台意云令兄年兄出樂陵李君之門又多一重世誼
托先聲意想面間能悉之耳率勒再瀆不勝翹切

俟考

台旌往太末城中萬馬春齊千山日靜足以助人佳思
但瘡痍滿目鋒鏑驚心不無愴然疇昔耳弟枯坐斗室
一病顛顛所謂三年瘧疾一鬼銷亡者庶幾近之筆退
蠹乾何能爲役來諭所不能仰答也如高唱已成當使
一讀或愈頭風是所望耳尊寓定仍舊耶屢欲過從而
又自愧身係地主不能聊爲展待杜陵云貧賤人事略

雖高賢或不棄然實無以酬對有默然遙歎而已暑雨
稍霽漸能強步當趨教以悉

俟考

憶自龍江奉教之後卽已望隔雲霄晝漏追趨依稀昨
夢此中之悵結甯可言喻也比客都亭日聞清譽向會
報一賤名未知曾達典籤否久緣懶慢不及再溷興居
疎節之愆伏祈垂諒啓者南中一友雅擅筆墨見賞於
德勝世兄下榻高齋相與晨夕茲有所求屬弟代爲希
懇惟老先生鑒而許之感賜奚止一人己也拙刻附求

郢風臨池曷禁瞻企

俟考

景仰高風已非一日猶憶戊子秋深曾與斗涵令兄俠
飲連宵今雖歲華衰落而狂奴故態略似曩時昨接清
輝頓起飛觴之興小酌奉候適值台冗未得快所欲言
抱歉負愧抑復何言茲有賤冗急須歸去薄具微物數
種聊表寸懷稍俟秋深風飄金粟當具斗酒雙柑向蒼
山碧水間一話濶襟也臨穎可任瞻溯

俟考

歲內曾以數行候嘉勝魏草樹雲山而外無可持贈至
今濶棕猶縈寤寐也僕伏處深山中僑寓故鄉兩無恆
產惟日待里門舊居椽瓦卸變以濟饔飧卽欲作達觀
無如交謫之不已坐是困頓病勢日深所恃二三知己
加意今昔者在今日矣朱明之試可爲田間人謀斗酒
資否舍弟與小阮敬致此意望之望之別情莫殫何日
得一握手耶諸未旣

俟考

改銜大呈已說堂彙稿矣得滿州番清卽可移送龍江

前件查於定例甚相防礙覓復不既

俟考

龍江事於從前監督無與也適承問未及詳盡恐擾台
意故此再贅

俟考

聞尊體違和久失趨候爲快頃已往晤舍弟假呈且緩
旬日矣率復容走晤悉

俟考

入夏以來時時善病數日前湯水不沾者幾晝夜近始

稍稍強起而口舌間尙自作楚略一思索則火動不止
故應酬都廢而筆墨之債更蕪惟積衰致種種生人之
趣頓盡無論文酒流連無復意致并節序如流幾忘葵
榴之照眼矣大稿序終當踐諾不敢煩苞茅之討但不
免小告寬限耳綺老亦云未晤想復別有戀戀耶雨然
先生今之機雲也得此賢主人風雅真不孤矣諸容面
罄

俟考

昨奉叩未晤悵然榮行的在何時弟欲浼友抄錄佳詠

冀稍寬時日爲幸也各項賜書乞照前單先發來手免致臨時匆匆爲捷足者所奪望之望之餘不盡

俟考

日來寒風蕭槭几案間塵積寸許未能濡毫作書佳扇故尙置篋中也容另致上詩稿三本奉繳奇麗蒼深故非耳目近玩謝教謝教中丞公處當圖面致庶得詳布推重之意使知倒屣耳率復不一栖託之遲速雖非尊意所急而鄙中耿耿每中夕不寐也正爲深念之圖再報耳

侯考

積雨不止葡萄旣毀房垣半傾夜來移榻中庭復苦蚊
蠅爲祟竟夕未嘗安枕朝來復衝泥入內渾身上下如
注歸則體染微熱又以應酬文字所苦不能偃息種種
勞瘁道兄何由知之耶幸接瑤篇啓我神智爲之狂喜
尙圖搜枯和正晚涼並望過我不一

侯考

初來草草一晤殊未暢所懷豐暇肯一顧我蕭署中荷
花正發亦堪一醉附有至懇弟自過江之日卽已垂橐

不持一文目前日費竟不給敢求故人移貸資斧以濟
急需稍便卽完璧以上弟非不情者此間非知已不可
與道耳手絢一紙奉上驗留不盡

題詞

錢侍郎載

此當題曰未信堂故人尺牘而其下署曾孫顏某藏蓋
未信堂者考功先生之堂也尺牘之投皆其故人而附
裝者自別存焉今題曰顏氏家藏尺牘則誰之尺牘乎
運生孝廉屬題語卽以是商之爲孝廉題不書後學也

乙未四月四日秀水錢

叔

翁學士方綱

先生作堂曰未信聖門取法法膝雕又仿匡謬正俗意

訓蒙家訓垂昭昭由來博文自下學所得師友非一朝

石門昔序樂園集緒論首以張公標

石門吳匪庵先生出吾邑張武承先

生之門武承出考功之門

當聞格致剖大義再三往復凡幾條每誦

此序我心感而況手札精神超一月成束終安用三歲

不滅誰久要昔人所重勗行已彼外見者徒以囂厥孫

裝潢持示客盤筵累月氣不驕丈夫觀人或於小眈然

在後非執瓢

運生孝廉所藏尺牘數十冊甲午冬日桂明經持來
求跋時集小齋同觀者秀水錢閣學吾邑朱學使也
閣學爲題數字於前而學使題語未就孝廉卽將出
都矣古味惓惓若不忍別者復以所藏古銅印七枚
彝器款識一紙及吾邑武承張先生墨迹稿三冊見
贈如見前輩典型他日當別爲題跋裝成卷軸仍請
錢朱二公同題以補未盡之意仰希前哲贈處相勗
曷勝慙然乙未四月一日大興翁方綱

陸費輝

顏考功脩來先生爲文章鉅公一時相與往來酬答者
皆偉人碩士所積尺牘自益都公而下凡數百家詞旨
娓娓如與晤對不獨文翰之美也其曾孫運生孝廉稟
承世德尺幅寸箋寶愛弗失蓋亦知所尙矣昔宋曾宏
父集諸名人與其先人翰札刻爲鳳墅帖藝林稱之此
冊如入石余願供氈墨之役矣孝廉屬其友桂未谷明
經監裝於京師時余嘗盡覽焉尺素外往往別以小紙
列所餉遺物如日魚一尾橘十枚之類物薄意重前輩

風範於斯可想今冊中並不存余嘗以詰未谷未谷亦
深悔之云攜李後學陸費墀題

朱筠

曲阜顏君崇榘裒藏其先世常所往來諸公尺牘裝之
爲三十五冊因余同縣前輩翁先生來門序謹案文選
甲乙自上書而外有牋有啓有奏記而自敝以下通問
之言曰書若晉宋諸賢兼以書法著者曰帖宋元而後
曰刀筆曰尺牘尺牘者蓋書之支流而帖之跡也顏氏
自康熙中脩來學山兩先生以文章聞海內及從國初

諸老輩遊世濟其美逮至正間所往來盡三朝之賢豪
長者今冊中所載宰輔則有臨朐馮溥合肥龔鼎孳大
冶余國柱真定梁清標平原董訥海甯陳元龍武烈則
有武言李之芳名流則崑山葉方藹長洲徐乾學江夏
吳正治常熟翁叔元餘杭嚴阮厯城孫光祀歸安嚴我
斯嘉興高士奇滿洲成德海田雯石門吳涵新城李鴻
霍德清孫在豐遺碩則有餘姚黃宗羲長洲顧炎武甯
都魏禧耆舊則有秀水曹溶大興孫承澤篤學則秀水
朱彝尊咸甯李因篤吳潘耒錢唐毛先舒大興張烈慈

谿羗宸英稱詩則有祥符周亮工三原孫枝蔚黃岡杜
濬蕭山毛奇齡萊陽宋琬宣城施閏章新城王士祿士
祐士正商邱宋犖益都趙執信華陰王宏撰錢唐查嗣
韓文藝則有上元劉思敬吳繆彤仁和史逸表大興張
永祺元和惠周惕建德鍾朗宛平劉芳躅長洲汪份德
孫勳江浦劉巖翰墨則有青浦沈荃膠法若真婁江王
翬莆田鄭簠太倉王原祁金壇王澍長洲蔣衡方外則
有興源往往略見於此矣余嘗太息文字之守必在世
家之能賢者好而聚之其聚也久則必散竊喜顏氏

居近聖人之居或可以不散也青人思托諸金石以期
久遠然金剝而石泐千百不什一存惟曲阜之碑自漢
唐以來林立如昨近者雍正三年畊者掘地尙得孔褒
碑乃知金石必賴地而存又喜此冊之旣得地也余每
恨九經傳註文字訛失欲與同志者依據許君說文解
字是正其體畫寫石刻之若成當陷諸曲阜學宮之壁
爲無窮之計冀邀福於聖人之靈而益喜此冊在顏氏
可以無窮也嗟乎孔子沒弟子述其問答之詞相與傳
之爲魯論齊論及再世鮒作孔叢子亦次記其家遊歷

贈處之言爲多以今視之亦古之尺牘類也惜哉漢唐
孔氏世有達人其平生所與往來無有裒其言而藏之
以附孔叢子之後者而此冊以顏氏之子孫次第而適
存余益爲顏氏遠想慨然而歎崇榘之賢不可及也乾
隆四十一年秋七月二十二日大興朱筠謹序於京師
南城日南坊之椒華吟舫

潘呈雅

兀坐山堂中星斗夜將半咄咄森逼人尺牘紛滿案常
時往來札四方皆名彥深山大澤中高人逸士遍滄海

無涯淚迴瀾吞河漢曠レ費レ讀慨忼起彈劍二十年
參商無暇說聚散散步冰天月惻懷數聲雁誰云古人
書如見古人面跋燭向寒窓冷然風送香後學潘呈雅
拜題

桂學博馥

副啓肇於前明古未有也張氏鳳翼云正啓多莊語或有

機密則具副啓謝氏淵肇云上而奏疏下而簡牘俱用毛

邊紙其製折簡夾刺鈐以私印封題格式如金科玉律
王觀國學林言足下坐下几下席下閣下不宜不具不

備不次頓首稽首叩首其義本同而世有尊卑吉凶之
別然則拘俗不踰在昔然矣古人尺牘不入本集李漢
編昌黎集劉禹錫編河東集俱無之自歐蘇黃呂以及
方秋厓盧抑南趙清曠始有專本攷其踪跡可以證史
傳之得失而名流筆墨藏弄爲榮周益公所謂尺牘傳
世者三德爵藝也吾邑顏考功藏故人書數百紙皆毛
邊副啓曾孫運生孝廉屬余監裝於京師昔王大令作
佳書與謝傳冀其存錄建炎中人求張在丞尺牘不可
得今顏氏所藏德爵藝六在吾既嘉考功之取友又幸

前輩筆札得人以傳且運之能承其先澤也書而歸之甲午冬末桂馥作於宜武坊儼舍

是役托始庚寅之秋裝得八九冊運生兩上公車攜來補入者三倍於初故漫無倫次始余翦刺字鈴帖尾旣而悔之劉潛夫辨閭帖云昔人裝褙之際甯使每版行數或多或寡而不肯剪截湊合者欲存舊帖之真面目也旨哉言乎書以志吾過嘉平旣望馥又

記

曲阜顏子運生集其先世所得諸名人手札裝潢爲三十餘冊余得見者乃第九卷並顧甯人李天生書因悉卽墨姜元衡訐告其主黃培始末牽引者三百餘人幾成大獄卒得昭雪聖朝寬大之恩及當事治獄之平允千古未有若如故明洪永之時不知若何羅織矣己亥秋秀水盛百二書

沈心醇

衡齋贈我先人集更示家藏尺牘篇前輩文章皆灋帖國初耆舊半名賢遙思（護）曾三歲欣羨流傳到百年

珍重古歡期世守慎交我亦當然沈心醇

孔廉訪昭虔

康熙中吾邑三顏名望重一時而考功前來先生爲最
交遊盡天下士往來筆札甚夥皆名蹟也至其曾孫運
生先生裝成三十四冊而同時題跋別爲一冊附焉運
生先生於余爲學校師兼結忘年交冊中有先高祖恭
愨公尺牘二幅出以相示敬瞻手澤藉得涉獵其餘今
展轉得歸吾友鳧鄉太守紅豆樹館旣深爲此冊幸而
又不無樂圃今昔之感矣甲午長至後二日荃谿孔昭

虔識

阮相國元

曲阜陋巷三顏元用明史載四氏入儒林之例修孔顏
曾孟傳入國史儒林傳元以督漕出京後來者不知何
故皆刪之顏考功在國初一時名公皆與往來尺牘積
至數百家考功曾孫崇桀藏之屬桂未谷馥裝於京師
昔元乾隆間督學山左顏運生桂未谷自爲教官有品
學元皆以明吏治薦之後運生遷吾鄉興化縣有政聲
又頗收羅鐘鼎書畫及之而後人并此尺牘之冊亦不

能守今歸鳧鄉年丈處二十冊無恙戊戌春見於京師
題識冊端阮元書時年七十有五

何尙書凌漢

藏名人尺牘者多矣若夫名公鉅儒時人逸老瑤情藻
論宛在一堂未有若是編之精且富者也顏氏子孫以
貧故不復能守遂歸於鳧鄉太守祥雲護持可謂得所
聞魯公名印近亦不復在樂圃物理無常但得爲識者
收皮固亦無憾耳戊戌春分前一日何凌漢

羅觀察天池


顏光敏字遜甫更字脩來別字樂圃康熙二年舉鄉試
六年成進士除國史院中書舍人遷禮部儀制清吏司
尋調吏部稽勲清吏司主事補驗封清吏司主事歷本
司員外郎遷郎中封奉政大夫考功司郎中王阮亭贈
句云顏生陋巷裔學古鄙章句餘事以六書韋蔡競先
驚考本傳少聰穎博極羣書千言立試行楷書酷似趙
吳興爲人孝友重氣節汲引後進如恐不及海內之士
無不樂從其游云


是冊所論當時事實六國史互相發明不特文翰之


美也泐之貞珉固佳。則今詩史抄錄成帙付之梨棗當與蘇黃尺牘並行道光辛丑夏四月三日觀於鳧薌觀察齋中羅天池並識


顏氏家藏尺牘卷四

終









PC
2451
P-9
v.95
顏氏家藏尺牘姓氏考

馮溥字孔博號易齋山東臨朐人遷益都順治四年進士歷官大學士加太子太傅諡文毅有圭山堂集山東通志溥生八歲授左氏春秋暨秦漢以下古文卽能貫串根柢稍長窮極經史凡天文圖緯及兵書地志罔不博綜陞吏部侍郎時尙書孫廷銓病口右侍郎石申亦以事注籍凡一切推補溥獨主之一垂至公無所曲庇康熙初年四大臣秉政議各省遣六臣二人巡察督撫溥力爭以爲不可乃止上左御史有自最職任暨省

刑薄稅諸疏拜大學士上薦和象樞成性久有發帑備
荒疏在閣二載開誠布公表裏洞達既不詭隨又不矯
激商略大政或僉謀可用卽庶僚不遣若義所不可卽
貴近交口而溥必力爭改正總求有益於國而中無成
心王士正漁洋詩話馮氏自閩山先生起家進士以詩
名海岱間四子惟健惟重惟敏惟訥皆有詩名兼工詞
曲惟訥纂古詩紀風雅廣逸諸書有功藝苑惟重之孫
文敏公琦也文毅則惟訥之元孫云

龔鼎孳字孝升號芝麓安徽合肥人明崇禎七年進士

官兵科給事中 國朝歷官禮部尙書諡端毅有定山
集名家詩鈔小傳芝麓官蘄水令以殊尤徵爲御史坐
言事下獄甫論釋而明社屋人 本朝用大臣薦以原
官起用屢起屢仆卒以才名受 世祖之知嘗謂左右
龔某下筆千言如兔起鶻落真當今才子也湖廣通志
鼎孳令蘄水值流寇猖獗籌畫方略調度兵餉修城池
登陴防禦不少休王士正感舊集補傳生時庭產紫芝
因自號芝麓

曹溶字潔躬號秋岳自號金魚 老圃浙工於水人明崇

禎十年進士官御史 丁朝臣官戶部侍郎終山西陽
和道康熙十八年舉博學鴻詞以疾不赴有續徵錄劉
豫事蹟崇禎五十年宰相傳學海類編金石表靜惕堂
詩文集沈季友構李詩繫溶天性耿直爲御史劾輔臣
謝陞削籍熊開元密參周延儒廷杖密疏白其冤甲申
爲流賊所執拷掠三晝夜委厠中得不死後任副憲時
遇熱審多平反居塞上五年歲饑力請拯救生平肆力
於文章諸體雄駿而尺牘尤多長牋小副人爭寶之其
詩源本少陵蒼老之氣一洗嫵調與合肥龔鼎孳齊名

世稱龔曹晚年自號鉏耒翁築室范蠡湖顏曰倦圃蒔
花種竹置酒唱和無虛日愛才若渴四方之士倚爲雅
宗者四十年

葉方藹字子吉號訢庵江蘇崑山人順治十六年進士
第三人及第歷官禮部侍郎 特加禮部尙書諡文敏
有讀書齋偶存稿 四庫全書總目方藹初著有觚齋
集後自棄其稿此集皆入仕以至歸田之作其詩導源
蘇陸不及王士正秀骨天成而和雅看容颯颯乎治世
之音也蘇州府志方藹講讀學士屢被顧問 賜宴

瀛臺撰入箴以進 聖訓善之 授太極圖說 賜貂裘

文綺

高辛允一名辛傳陝西韓城人明崇禎十六年進士官
大理評事 國朝歷官工部侍郎陝西通志辛傳提調
順天鄉試會中使送兩生入闈辛傳斥之 世祖廉得
其事 召對乾清宮嘉其風節屢加超擢韓故小邑土
狹民稠資食於延綏各路亂後盜賊出沒辛傳疏請設
兵神道嶺防守有資邑距潼關三百里輓運維難再疏
請免

劉思敬字純之江蘇上元人順治四年進士歷官參議有徹賸八編江南通志思敬十歲能文任刑部郎中執法無所避分校禮闈得士最盛尋擢參議乞終養修江南省志

劉體仁字公弼河南潁川衛人順治十二年進士歷官吏部考功司郎中有蒲菴集七頌堂隹識小錄河南通志體仁生而英異目重瞳五歲父於滕上授大學中庸及就傳經史一覽成誦居郎署三年輦下諸名士爭欲識之體仁尤好獎借寒畯載書二萬餘卷告歸後日

手一編不問戶外事詩第一中人士競傳誦之居家孝
友睦嫻恂恂可接王士止池北偶談公馘慷慨任俠意
氣自許嘗遊睢陽睢陽守贈遺頗厚歸經人家墓田徘徊
久之曰此地自佳惜葬不合法不急遷且有奇禍因
迂道訪其家爲主人道之曰公誠長者顧力不能遷奈
何劉曰是易耳盡解橐中裝與之而去此與漢書原涉
事頗相類又云公馘在鳳陽與其友蘇懋游銘孝廉往
龍興寺與某禪師扣擊竟日晚歸遂化去是夜蘇夢公
馘來微笑頌詩曰六十年來一夢醒飄然四大御風輕

與君昨日龍興寺猶是拖泥帶水行 馮仙湜圖繪寶鑑續纂公馭性嗜六法蕭疎曠遠思筆高妙乘興寓意亦自天然

沈荃字貞蕤號繹堂又號位莽又號充齋江蘇青浦籍華亭人順治九年進士第三人及第官詹事加禮部侍郎諡文恪有充齋集南帆詠江南通志荃父紹曾有至行聚徒授業荃爲河南大梁道有政績游歷詹事學行醇潔名重館閣書法尤雅獨步爲 聖祖所賞士以一長來謁者輒爲噓植子不敬 工書畫仕至四譯館卿

松江府志荃爲大梁道司使盜首董天祿牛充大等
餘黨解散以他事望誤卽降同知 召見復四品仍入
翰林充齋者爲大梁道時孫夏峯爲謹充實之爲美數
句有省遂以目號在詹事新例當流者徙烏喇極北荃
謂烏喇距蒙古三四千里地不毛極寒人畜輒凍死罪
不至死不應驅之死地 召令畫一堅持前議 聖祖
改容納之又言山海關海洲差員宜撤湖口關宜仍徙
九江有司盜案處分過嚴反滋諱盜不果行

繆彤字歌起號念齋江蘇吳縣人康熙六年進士第一

人及第歷官侍講江南通志彤以艱歸淡於宦情遂專以課後學爲事巡撫湯斌內召奏吳中縉紳以道義自持者彤爲首先是彤爲庚戌同考官所拔如許自俊郭琇輩皆知名於世

徐乾學字原一號健菴江蘇崑山人康熙九年進士第三人及第歷官刑部尙書有讀禮通考資治通鑑後編檐園集四庫全書總目乾學家富圖籍所著皆閎通淹貫確有可傳集中考辨議說之類亦多與傳注相發明蓋乾學爲顧炎武之功而明若璩等亦多客其家師

友淵源其有所自故學問頗有根據蘇州府志乾學八
歲能文爲顧錫疇所知十三通五經主試順天苦心披
閱拔韓莼於遺卷中明年莼遂大魁天下文體爲之一
變轉禮部侍郎一切禮制酌古準今多所釐正轉刑部
尙書甫就職會湖南巡撫張汧以罪被逮誣乾學通賄
事白上疏乞歸上不聽令解部務仍領各館總裁明
年復爲副都御史許三禮所劾再疏乞歸命攜一統
志宋元通鑑卽家編輯乾學慷慨有大志生平敦兄弟
之好急朋友之難尤勤於獎進人物海內之士輻湊其

門名旣高而又與有力者不相下故卒爲所逐

郝惟訥字敏公直隸霸州人順治四年進士歷官吏部
尙書諡恭定祀鄉賢有恭定集畿輔通志惟訥性謹愼
操持廉潔初登進士與父傑同朝士大夫多爲欣羨而
惟訥恂恂守儒素風累官吏部尙書杜絕請託奸胥不
敢有所上下銓政以清王士正居易錄霸州郝氏自戶
侍公傑以學吃虧三字揭堂額其子恭定公世守之恭
定弟惟謙丙戌舉人監祭御史惟譔江西布政司參議
惟謙子士鈞戊辰進士翰林院庶吉士弟士錞舉人戶

侍公弟位舉人子惟訓工辰進士廬州府推官惟謨癸丑進士內閣中書舍人都人以爲盛德之報聞 駕至霸州幸其第親見之云

吳元萊江蘇興化人明國姓子貢生歷官禮部侍郎

孫承澤字北海號退谷山東益都人順天上林苑監籍

明崇禎四年進士官兵科給事中李自成僭位受僞職爲四川防禦使 國朝歷官吏部侍郎有尙書集解九州山水考詩經朱傳翼春秋程傳補五經翼畿輔人物志益智錄元朝典故編年考天府廣記河紀學典春明

夢餘錄已亥存稿庚子銷夏記閒志軒帖考 四庫全

書總目承澤初附東林繼降闖賊終乃入於 國朝自

知爲當代所輕故末年講學惟假借朱子以爲重畿輔
通志承澤築退谷於西山耄而好學疊疊不倦於吏事
多所論述而有明一代典故尤瞭如指掌至於博古精
鑒一時圖書之富比之宋田氏云承澤退谷小志京西
之山爲太行第八陁自西南蜿蜒而來近列爲香山諸
峯乃層層東北轉至水源頭一澗甚深退谷在焉復有
高嶺障之而卧佛寺及黑門諸刹環蔽其間岡阜迴會

竹樹深蔚幽人之宮也

法若真字漢儒號黃石山東膠州人順治二年以五經特賜中式授中書舍人次年成進士改國史院編修歷官安徽布政使康熙十八年薦試舉博學鴻詞有黃山詩留四庫全書總目若真詩古文詞少宗李賀晚乃歸心少陵不屑櫛比字句依倚門戶意所欲爲不古不今自成一格張謙宜法徵君傳徵君父孝廉翁中年無子李夫人有身夢法真而生故名若真與弟若貞同登進士盧見曾山左詩鈔黃石先生以高第人翰林再

遷秘書院侍讀與洪安南承疇陳溧陳名夏兩相國不
協外調浙江觀察轉補福建禦鄭寇有功遷浙臬平反
王式誣告等案浙人詫爲神明轉安藩丁內艱歸以詩
畫自娛卒年八十四張庚畫徵錄若眞善山水筆有奇
趣

李之芳字鄴園山東惠民人順治四年進士歷官大學
士謚文襄山東通志之芳授金華推官燭奸理枉讞決
如神在臺十有四年忠謀讜議皆關大計彈劾不避權
要總督浙江軍務耿逆煽動以衢州係全浙上游且爲

江淮屏障卽日移駐有異議者弗聽及耿逆重兵壓境以甘言來誘立斬使焚書誓師出戰賊勢大挫方戰時親冒矢石或勸其持重勿蹈不測答曰我若貪生誰不惜死以此人皆奮力効用卒之大軍入閩長驅三關賊指日面縛而全浙無恙皆之芳親捍三衢力也身行在行間歷九年乃凱旋去浙之日士民號呼如失父母浙江通志之芳任金華推官浙省向苦解茶蠟請兌折色又輯賦役全書縷晰條分瞭如指掌迄今奉爲準則以巡鹽御史莅浙洞悉鹽政利弊凡不便於民者悉除之出

督浙閩閩逆告變之芳檄諸路分守要害遣副將黃廷
梅力堵仙霞關自趨衢州賊衆數萬攻衢之芳進擊於
杭西礮聲震地流矢如雨左右請少避之芳曰今日以
兵勝敗爲吾死生可稍怯耶諸將鼓勇直入賊遂却賊
黨猶熾以計招降僞將生擒賊首建言進取之路不在
溫處而在三衢此賊一破則諸賊駭亂迸散江山常山
間有間道可襲我軍進擊使賊首尾受敵河西安能獨
完進克大溪灘復江山縣急據關口賊將逆降大兵遂
入閩賊平之後疏請豁金衢五郡以前額賦貧民陷賊

來歸者悉爲區畫衣廩又設糜通衢賑往來飢民百二十萬有奇流移者盡復故土

余國柱字石臣號佺廬湖北大冶人順治九年進士歷官大學士

杜恆燦字杜若號蒼舒陝西三原人順治五年副貢生注銓通判未仕卒有春樹草堂集 四庫全書總目恆燦卒寧都魏禧表其墓關中李因篤爲作傳皆悼惜其才春樹草堂集凡詩二卷文四卷塗乙縱橫猶當時原稿中多代人之作蓋恆燦爲郎廷極賈漢復梁化鳳諸

人客畢生出入幕府中所作富贍有餘而多不修飾殆亦由於取辦倉猝也陝西通志恆燦八歲能文值寇亂家中落嘗走四方負米養親鄉試中副車遂入大學念老親家居食貧因策蹇南游時得巨公詩文及珍玩錦綺歸壽其親親大悅恆燦居京師與中翰吳煒交相得同訂觀文大社以振興古文爲志及煒使關中過焦穫復廣其社於邑中學古書院煒去恆燦主盟學者多宗之長安梁化鳳鎮崇明遣迎恆燦旣至化鳳以堤成出獵恆燦陪副乘卽事作平洋沙十章化鳳立命譜入饒

歌持千金起爲壽歡溢軍中尋遊楚滇復入吳久之歸
性好客所居濱白渠南冠蓋車騎輻輳每酒酣耳熱潑
墨揮毫無不厭所欲而去一夕盡焚所著書弟煥急起
收之得詩文如千篇今所傳春樹草堂集也

孫枝蔚字豹人陝西三原人明諸生康熙十八年 召

試博學鴻詞特授中書舍人有溉堂前後續集 四庫

全書總目枝蔚於甲申闖賊亂時曾結里中少年殺賊
失足墮坎中幸不死後至廣陵學賈三置千金旣而僦
舍董相祠扃戶讀書在當時名甚重然詩本秦聲多激

壯之詞大抵如昔人評蘇軾詞銅將軍鐵棹板唱大江
東去也陝西通志枝蔚性豪宕敦氣節博學工詩南遊
吳下流寓邦關以詩酒自娛徧交吳越諸名宿筆床硯
匣倡和無虛日爲詩沈雄奇古興至卽書不事雕飾而
意致灑如其自命在韓杜蘇陸之間餘子不屑也名家
詩鈔小傳豹人身長八尺龐眉廣額衣冠甚偉與尤晦
菴初未識面一日晦菴集某公處豹人甫入門望見趨
赴曰此孫先生耶吾固識之相與大笑流寓邗水築室
數楹題曰漑園烹魚釜鬻隱然寓西歸之志嘗遊焦山

遇大風鼉作鯨吞獨從容扣船歌曰風起中流浪打舷
秦人失色海雲邊也知賦命原窮薄尙欲西歸太華眠
時人服其雅量居易錄豹人僑居揚州高不見之節予
訪之先之以詩云焦穫奇人孫豹人新詩雅健出風塵
王宏不見陶潛跡端木寧知原憲貧遂爲莫逆交乙巳
余入都豹人詩云欲問忘情老何名共命禽

應搗謙字嗣寅又字潛齋浙江錢塘人諸生康熙十八
年薦舉博學鴻詞辭不赴有潛齋文集 四庫全書總
目古樂書上卷論律呂本原大旨本蔡氏新書而參以

朱子及注疏之說下卷論樂器制度則本陳祥道禮書
及李之藻泮宮禮樂疏者爲多雖未精博尙爲簡核浙
江通志摛謙殫心理學窮極底蘊家甚貧環堵蕭然而
弟子日益進立教惟以躬行實踐爲主以不自欺爲持
身涉世之本於六經多所發明尤精於易嘗病世儒言
易失之穿鑿歿後河陽巡撫趙士璧刻其性理儀封張
伯行刻其潛齋文集行於世李集鶴徵錄先生之生有
文在其手曰八卦左重耳右重瞳夕偕同志爲獨社取
有所不爲也有欲試其所守藏妓館舍夜醉先生而歸

之先生雖誦達旦卒不動同里姜御史圖南致饋不受
一日遇途中方盛暑衣木棉衣投以越葛二端竟還之
弟子甚多因以樓上樓下爲差如馬融例池北偶談徵
士性至孝母病數年侍疾晝夜不懈母強爲娶婦終不
入私室母卒逾祥禪始行合祔禮坐卧不下樓人罕接
梯者有周易應氏集解易學圖說書經蔡注拾遺詩傳
翼禮學彙編春秋集解古樂書古今孝經辯論編註古
本大學中庸本義語孟朱註大全拾遺較定文公家禮
自傳無悶先生傳畧云學不適時不好禪不喜王陸家

言爲文章不詭合自怡悅而已密友多窮交終年不見
與日見無異足跡不出百里而泰華溟渤皆於書冊見
之生不逢古人而羲農堯舜若接響聲也著書千萬言
人來觀者亦不吝云云

應禮璧度璧俱攜謙子杭州府志禮璧禮琮從遊於陸
隴其克承其所學

吳懋謙字六益號苧菴江蘇華亭人有華萃豫章虔州
苧菴諸集 四庫全書總目懋謙早從陳子龍李雯諸
人遊故力追七子之派稱詩多以漢魏盛唐爲宗然時

有蹶張之失江南通志懋謙詩文與同里吳麒齊名有
雲間二吳之目生平多貴游所至名公鉅卿皆與結詩
社人以明七子中謝榛比之朱彝尊靜志居詩話六益
雋上之才託跡林臯荒茅層篠泥水自蔽雅多慷慨振
刷穠纖譎詭之習濟於和平之音與天寶大厯鴻烈兢
爽姜兆紳松江詩鈔懋謙名醫中秀子中秀家淨土橋
與董宗伯陳眉公遊乙酉被難懋謙負尸趨北郭洗血
葬之廬墓三載康熙間海內底定壇坫事興乃挾冊放
遊自荆豫齊晉嶺南薊北晚歸老郡城築別墅東門外

與白燕菴鄰比稱獨樹園年七十三卒門人私謚曰貞碩

吳農祥字慶百一字星叟浙江仁和人明中允太沖子諸生康熙十八年薦舉博學鴻詞有輿圖隸史彙考嘯臺讀史綠窻讀史錢邑志林梧園雜志唐詩辨疑詞苑古文詞就正稿宣齋南歸雲鴻流鑑嘯臺等集詩餘浙江通志農祥少異敏一覽成誦家有賜書鍵戶伏讀茹經涵史馳騁百家詩不下萬餘首爲文淹貫五經尤精於易與蕭山毛奇齡友善然質疑問難不肯苟同方婺

如吳徵君傅徵君十許歲製芙蓉露下落賦其落句云
一輩少年爭跋扈明公從此願躬耕旣長構樓於別業
之梧園與弟農復登樓而去其梯戒不聞世上語盡發
藏書讀之徵君之至京師也大學士馮公溥客之代舍
時稱佳山堂六子六子者陳維崧毛奇齡吳任臣王嗣
槐徐林鴻及徵君也徵君鳶肩揭鼻鶴頸指爪長三寸
鬚鬣鬣頽然淵放得錢輒付酒家而識微見遠吳下人
沿復社故態角爲尊奢而浙西讀書秋聲登樓乎社及
慎交諸社爭立名字應之各欲引徵君徵君曰是載禍

見餉也諸君子忘東京鉤黨事乎不答書亦不發視其
後 天子果切齒諸爲社事者盡搜所刊錄摧燒之著
爲令常一應李文襄公之芳聘爲草露布且飲且口占
授書吏一座盡傾久之辭去爲畫便宜數事文襄再拜
曰戢君良箴吾曩日知君不盡乃以爲文士也袁枚隨
園詩話先生乳哺時啞啞私語皆建文遜國之事年過
十歲始不復言、

席居中字允口遼東錦州人有昭代詩存卧石山房稿
林 璐字鹿菴浙江錢塘人有歲寒堂存稿 四庫全

書總目璐安溪懷古序信建文出亡爲真殊爲未考所
記顏允紹郭少尹等事皆足補史之闕特敘述稍冗耳
蔣炯河間嚴太守家傳跋 國初西冷諸子古文以鹿
菴先生爲最所著歲寒堂存稿或譏刻畫太過時近小
說家然其縱橫奇肆寫一人一事精神奕奕突出紙上
純得子長之神自勺庭青門外未見耦也

杜 濬字于皇晚號茶村老人初名詔先湖廣黃岡人
明國子助教祝進子副貢生甲申後流寓金陵有變雅
堂集江南通志濬僑居白下以詩名自景陵鍾氏譚氏

矯王李規摹漢魏之習流而入於淺薄獨澹不染楚風
時有莆田余懷字澹心子賓碩鴻客居金陵皆以詞翰
知名名家詩鈔小傳茶村以明經貢入太學與余澹心
白仲調齊名南雍角藝兩司成品題甲乙無出三人右
者一時有魚肚白之目乃金陵市語染房中名色也居
易錄于皇客揚州人日大雪無事巾車造之論詩竟日
樵蘇不爨茶話而已乙巳七夕予赴京師于皇詩云記
逢人日雪造我吟窮愁

吳綺字園次江蘇江都人選貢生薦授秘書院中書舍

人歷官湖州府知府有林蕙堂集亭臯集記紅集宋金
元詩永嶺南風物記 四庫全書總目 國初以四六
名者推綺及陳維崧二人均原出徐庾維崧泛濫於初
唐四傑以雄博見長綺則出入於樊南諸集以秀逸擅
勝章藻功與友人論四六書吳園次班香宋艷接僅短
兵陳其年陸海潘江末猶強弩其論頗公然異曲同工
未易定其甲乙輒以花木爲潤筆因名其圃曰種字林
與名士爲春江花月社名家詩鈔小傳綺奉 詔譜楊
椒山樂府大加稱賞遷武選司員外蓋卽以椒山原官

官之寵異至矣已由工部郎出知湖州府多惠政不畏
彊禦湖州人德之號爲三風太守謂多風力尙風節饒
風雅也所作填詞小令兒童婦女皆能習之有昆陵女
子曰誦其把酒問東風種出雙紅豆以爲秦七黃九復
出故又號紅豆詞人云王暉今世說園次官湖州守爲
治簡靜放衙散帙蕭然唯誦繩床斐几燈火青熒吏人
從屏戶窺之不辨其爲二千石也喜與賓客遊四方名
士過從無虛日卒以此罷官陳維崧三芝集序園次之
守湖州也擒治豪猾不受請託要人不喜也因其招接

名流遊讌日多以是中之既罷官僦居吳門刻其詩又
詮次其三子之詩曰三芝集

姜梗字鐵夫又字桐柏浙江會稽人有曹山草堂飯犢
居等集陶元藻鳧亭詩話青山吟謝眺紅燭寫莊騷予
鄉姜鐵夫句漁洋極賞之然猶著色不如其美人五湖
去夕陽鳥飛還之句淡而彌旨阮元兩浙輶軒錄飯犢
居樂府五古直溯上游五七律雄渾中時見流麗落照
云片帆投浦疾獨鳥背城飛曹山云樵徑漸移殘照外
人家多在石溪邊耐人吟誦

盧元昌字文子自號半林居士江蘇華亭人諸生有杜
詩闡唐宋八家文選思美廬半林稿鼓離稿江南通志
元昌著述有盛名詩學杜陵操選政數十年以壽終姜
兆狔漱芳齋詩話半林初在彭燕又社中與王伊人顧
見山等俱爲詩中翹楚嘗自言少時夢至一所高絕雲
表有榜曰離塵樓因吟曰草花喧晝夢螢火暗秋燈醒
而恐瀟落之識至後果然

紀映鍾字伯紫一字蘗子號慇叟自稱鍾山野老江蘇
上元人明諸生有真冷堂詩名家詩鈔小傳伯紫少與

顏氏所朋如耳者

廬江龔宗伯友善宗伯既貴招至京華下榻焉歲且十稔此外未嘗輕謁一人輕投一刺如天半朱霞可望而不可卽池北偶談金陵紀青字竺遠能詩少爲諸生棄去入天台國清寺爲僧久之復舍去其子映鍾女映淮徐鉉續本事詩伯紫與方文林古度齊名白髮當歌紅牙聽曲說天台舊事娓娓不倦

丁 澎字飛濤號藥園浙江仁和人順治十二年進士歷官禮部郎中有扶荔堂詩浙江通志澎罷歸不問戶外事而自娛於文工爲詩頓挫清壯有沈鬱之思康熙

癸亥葺浙江通志實董其事云林瑤丁藥園外傳藥園
工詩賦及古文詞自少年未達時卽名播江左其後仲
弟景鴻季弟潞皆以詩名世目之曰三丁兩浙輶軒錄
云 冊立西宮念無嫺典禮者調入東省兼主客貢使
至驛廉知丁持紫貂銀鼠美玉象犀從吏人易其詩歸
國少有白鳳樓詩吳下女士爭相採撫以畫衫袖後以
事牽累謫塞上者五載卜居東岡躬自飯牛暇卽乘牛
車手周易吟誦自若所作諸詩語多忠愛無怨悱之意
則其所養又可知矣感舊集補傳吳錦雯百朋與柴虎

臣紹炳陳際叔廷會張宇台洽張祖望綱孫沈去矜謙
毛稚黃先舒丁飛濤澎虞景明黃昊陸麗京圻諸人齊
名當時稱之爲西冷十子云

張彥之一名慤字洮侯又字峭巖江蘇華亭人明詩綜
洮侯爲人寬博無同異其詩莽蒼不事繩尺質本景純
而臻於嗣宗松江詩鈔洮侯幼與弟漢度几荀有三張
之目初王屋讀書山在細林與陳徵君白石山莊相望
後洮侯盡斥其田宅卽細林別業亦讓其弟漢度而隱
於窮巷茅舍取遺書讀之托於酒狂以自廢

范鄱鼎字彪西山西洪洞人康熙六年進士十八年薦
舉博學鴻詞辭不赴有理學備考五經堂文集語錄續
垂棘篇 四庫全書總目各體雜文本名草草草文格
酷摹尙書雖本之夏侯元昆弟誥然未免太近游戲語
錄乃其子翻搜輯諸刻書中鄱鼎評識之語又鄱鼎父
芸茂嘗選輯山西之文二十卷題曰晉國垂棘鄱鼎復
取其鄉近人之文依例彙輯謂之續垂棘篇前後四集
居易錄彪西養親不仕隱居師曠故里講洛閩之學河
汾間人多從授經以博學鴻詞薦不出人益仰重之

王曰高字鑒茲又字登孺號北山山東茌平人順治十五年進士歷官給事中有槐軒詩文集山東通志曰高幼有神童之譽在諫垣十有七年多所建白癸卯典江南試得兩鼎甲五尙書三大學士可稱得人之盛

史鶴齡字子脩號菊裳江蘇溧陽人康熙六年進士官編修池北偶談翰林官直講 禁中先在 宏德殿後移於 乾清宮大抵掌院學士一員翰林官一員惟戊午陳廷敬葉方藹日講而 上幸南海子葉偶病以張英代之後葉病愈入直遂三員同直講史鶴齡以編修歸

歿於家特 賜祭奠其恩禮非外庭所敢望

吳正治字當世號賡菴安徽休寧人湖北漢陽籍順治六年進士歷官大學士加太子太傅謚文僖江南通志正治以直講出補江西參政轉陝西按察使所至以清廉執法著內擢工部侍郎轉刑部諸所條議赦令宜急行文量宜停止禁狀外指板嚴婦女私嫁免逃人十家連坐及收旗丁月錢皆著爲令晉禮部尙書武英殿大學士守成法持大體以病致仕

屠粹忠字純甫號芝巖浙江定海人順治十五年進士

歷官兵部尙書有采芝堂詩兩浙輶軒錄粹忠謁選得
封邱知縣遭河患城垣廬舍傾圯前率令艤舟河干蒞
事粹忠誅茅立官署置草舍棲流亡修築城垣不兩月
諸務畢舉以最遷給事中江南巡撫議題州縣外補粹
忠言爵賞宜從中出余金熙朝新語粹忠垂髫時讀
書里中董氏大書戊戌成名四字於壁間後果中順治
戊戌進士聖祖以粹忠老年矍鑠御書脩齡堂扁
額賜之又賜御臨趙孟頫行書曰白鹿城頭百萬兵
碧油幢下一書生如今始識爲儒貴卧聽元戎報五更

李日景字方山山東厯城人有訂醉筆堂三十六卷今世說方山客南昌有傳宋荔裳死者特爲詩弔之與宋初未識也後至武林聞宋尙無恙喜甚借友人馬疾馳相視且出詩讀之兩人相與泣下沾襟已命酒狂飲極歡策馬而去

趙崙字閩仙號叔公山東萊陽人順治十五年進士厯官太常寺少卿以事謫瀋陽卒戍所有因樹屋集松江詩鈔松自奏銷罣悞後裁減科舉及童子額類皆有勢力者得之公屏絕苞苴禁止竿牘歲科得士類皆孤寒

郡士作爲詩歌以揚休姜某彙爲一冊付之梓人

鄭 簠字汝器號谷口福建莆田人宋琬贈鄭汝器歌
註曰莆田宋珏善八分鄭之師也田雯詩山蘊書屋四
大字一字直可價千緡朱彝尊詩邇來孟津數王鐸流
傳恨少無人披太原傳山最奇崛魚頑鷹時勢不羈臨
清周之恆委曲也得宜勾吳顧苓粵譚漢暨歛程燧名
相持未若簠也下筆兼經奇緜烟雲飛欲去屹如柱礎
立不移或如鳥驚墮羽翮或如龍怒撐之而箕張昂萃
各異狀屏幃大小隨所施

翁叔元字寶林又字靜卿號鐵菴直隸永平籍江蘇常熟人康熙十五年進士第三人及第歷官刑部尚書有鐵菴文稿梵園詩集韓葵有懷堂文集叔元母夫人娠夢神人授以旃檀初名旃字寶林甫離襁褓執父喪如成人就傳卽自力於學未第時文章滿海內館試第一尋主山東試拔舉世持等皆名選也所居官必舉其職才無不可皆以實心達之性和平寬厚而義理所在亦屹不可奪在史館每奏一篇上皆稱善國子生徒例有贄公到卽謝絕具疏請復積分之法令諸生習禮肅

觀聽嚴懲不率頗採施行而積分之議竟寢尋定朔望
釋菜禮六館之士咸彬彬焉銓曹弊藪釐革晬然嘗試
州同知以下請以掣籤爲等差工部歲發柴炭值八萬
金多侵耗每豫採支時方二十七年所司具稿將給二
十九年之半公計所虛耗約十萬每歲少給二萬至五
年其數悉償部例每興一工先計其值上之名曰料估
工完多冒破所司慮任怨不敢以聞有十年不銷算者
大工至四十三案公請六部舉司官各二人分董其役
甫半載積案一清往在工部者視爲畏途如傳舍惟望

連轉調貽禍後人公在部裁一年不滯一案曰莫非王
事不敢告勞也在刑部聞銀鐙叫號聲輒慘戚嘗語棗
州縣奏當之成吾固知多冤然率周內不可破概駁徒
致株連久繫容更有瘦死者可奈何急於報德不匿怨
在翰林爲某院長排擊後某董下河之役赴部銷算畏
公啖以利公却之不苟覈也某御史徧劾京朝官且及
其子公微言於衆曰仁人所弗忍也御史呼公名辱詈
之將并劾公無何坐規避事當送刑部公獨不署名曰
罪止革耳無可加遂免

高層雲字二鮑又字謖苑號菰村江蘇華亭人明檢討承祚孫康熙十五年進士十八年薦舉博學鴻詞厯官太常寺少卿有改蟲齋詩略詞略徐乾學高公神道碑君爲給事時 文皇后上賓 詔集議喪禮諸親王郡

王環坐閣臣向前白其議長跪移時武定李公年老起卽陪仆君抗章謂集議國政異時無弗列坐者今議國喪非大臣致敬之地亦非諸王踞受之時閣臣固當自重諸王亦不可倨慢失藩臣守謙之義書奏皆爲頸縮而 天子用君言令後凡見諸王不得引身長跪著爲

令又江淮間議行屯田事民大擾君請急停以甦民困
上嘉納之高士奇韻竹軒侍值詩畫橋西望水中亭疑
有魚龍出北溟領略瀛洲舊蹤跡十年墨瀋在雲屏自
註歲戊辰層雲兄奉勅畫屏風四幅今尙在澹寧居
御座側

梁清標字玉立號蒼巖又號蕉林直隸正定人明崇禎
十六年進士國朝厯官大學士祀鄉賢有蕉林詩集
畿輔通志畿輔告賑清標巡厯保陽諸州縣殫心察覈
人沾實惠上謂侍臣曰梁尙書不愧大臣矩度有武

林斥生誣首逆案叩闥意在婪詐株連甚衆清標訊得其情立置諸法保全無算康熙九年撤南國諸藩清標奉命之廣東移尚可喜家口兵衆洶湧民多竄匿清標鎮靜以安人心得無變會朝命止可喜行清標復

命之日上深嘉歡二十一年夏大旱上問諸臣

弭災之方清標以省刑對上嘉納之居易錄公精賞

鑒蒐羅金石文字書畫鼎彝之屬甲於海內領袖詞林數十年風流宏獎巍然爲鉅人長德家世翔貴甲河朔曾祖夢龍明吏部尙書諡貞敏兄清寬吏部侍郎從三

清遠吏部侍郎公亦以吏部侍郎拜兵部尙書祖孫兄弟四人入吏部前後相望縉紳榮之

嚴 沆字子餐號顯亭浙江餘杭人順治十二年進士
歷官戶部侍郎有古秋堂燕臺顯亭等集浙江通志沆
典試山東故事 聖裔無舉者四氏子不得獨雋疏請
歲舉二人著爲令擢給事中請解有司被參之任杜督
撫委卸之端職官之選不得在籍候憑任倉場侍郎軍
興孔棘通羸絀剔侵漁進不輒衆退不廢公歲省金錢
二萬餘碧溪詩話顯亭先生爲訥公諱武順之子築室

武林東城以奉母謂之臯園中有清較樓藏書萬卷又有丁公池先賢故址也諸子分居省城康熙中同日被火先生文集遂無孑遺又曰顥亭詩選與丁飛濤合編者久已刊行其北行日紀一冊乃手稿未傳於世查羲選佛詩傳先生能詩善畫嘗爲稽留山作留山堂圖五越月始成

勞之辨字書升號介巖浙江石門人康熙三年進士歷官副都御史有靜觀堂詩兩浙輶軒錄介巖官副都時竭誠獻替知無不言歲戊子江浙米價騰踊疏請嚴海

禁價得漸平又各省截漕照太倉額缺議以半銀半米
給兵糧京師億萬戶賴兵餘米以養疏請照舊給發兵
民賴之

董 訥字茲重號默菴山東平原人康熙六年進士第
三人及第歷官兵部尙書有督漕疏草柳村詩集山東
通志訥督學順天士風整肅遷左都御史論議持大體
清理庶獄多所平反總督兩江兵民安輯新屯蠹政奏
罷之復督漕運設易知小單剔奸釐弊備極其法政務
肅清爲人峭直沈雄不以難易回屈及歸田後立族社

設祭田一遵家法平原縣志康熙四十一年 聖祖南
巡駐蹕柳村之南樓 御書眷念舊勞四字命懸墓上
又詢其詩集子吏部思凝繕呈留覽其始終顧遇如此
王士正古夫子亭雜錄默庵以御史大夫改江南江西
總督有某御史造之甫就坐大哭不已董爲改動舉座
訝之某出造大治余佮廬相國入門揖起卽大笑余驚
問之對曰董某去矣拔去眼中釘也

喬 萊字子靜號石林江蘇寶應人康熙六年進士官
主事十八年 召試博學鴻詞改編修厯官侍讀有喬

氏易侯寶應志使粵南歸詩文等集 四庫全書總目

易侯前列諸圖不取陳搏之說於卦變亦不取虞翻諸家之說而取來知德之反對其解經多推求人事證以史文蓋李光楊萬里之支流也江南通志奏濬海口瀉積水總河御史上言疏海口則引潮內侵大不便請於邵伯高郵間置牯洩水復築長堤抵海口以東所洩之水使水勢高於海口則趨潮自迅適萊入直 召問力陳不可議遂寢未幾中蜚語罷復 召卒於官

何 觀山東荷澤人康熙六年進士官內閣中書祀鄉

賢山東通志觀至性純孝年十二以父殉兵難欲解帶
自縊門客李采賓勸以宗嗣大義且父柩在千里外理
宜歸葬乃號泣扶櫬奉母歸雖干戈搶攘中卒得保全
無恙居母喪哀毀骨立情禮兼盡分校順天己卯鄉試
矢公矢慎加意搜羅所得皆一時名宿

孫光祀字溯玉號忤庭山東平陰人順治十二年進士
厯官兵部侍郎祀鄉賢有膽餘軒集山東通志光祀好
讀書尙氣節在諫垣疏凡二十餘所陳皆切要其不下
部議而逕行者亦有之歸田歲大祲出粟五百石以賑

全活無算至如睦族黨周貧乏設義學建橋梁懿行班
班又其餘事魏希徵序先生爲孝廉時邁鄉里之難銜
父兄大讐志氣精誠貫日月而泣鬼神卒申大義於天
下孫司馬小傳順治丁酉典湖廣試得士一百六人捷
南宮者六十四稱爲盛事

陸祚蕃榜名印蕃字子振號武園浙江平湖人康熙十
二年進士歷官貴州貴東道有粵西偶記 四庫全書
總目偶記多述其督學廣西時道路險阻之苦及爲守
土有司所不禮事大抵瑣屑細碎不足記錄

周襄緒浙江山陰人貢生官禮部朱彝尊有雪霽同周儀部襄緒對酒康山詩

陸棻字次友號義山原名世枋浙江平湖人以國學生試高等官至宏文院典籍康熙六年進士十八年召試博學鴻詞改編修厯官內閣學士兼禮部侍郎有雅坪集厯朝賦格四庫全書總目棻彙選厯代賦分爲三格曰文賦騷賦駢賦三格中又分五類曰天文地理人事帝治物類每格前各有小引浙江通志棻倅直南書房出五臺金蓮花限韻賦詩立奏試以豐澤園賦

理學真偽論 上親閱卷取第一 熙朝新語彙九歲

時值鼎革其父爲馬將軍所獲彙伏草中躍出求代父
死將軍愛其文秀以扇示之曰兒能讀扇上詩卽赦汝
父彙朗誦曰收兵四解降王縛教子三登上將臺此宋
人贈曹武惠王詩也將軍不殺人卽今武惠王矣將軍
大喜釋其父乞爲己子彙哭別其父後將軍死得脫歸
譚吉璉字舟石號潔園自稱小譚大夫浙江嘉興人明
太僕卿昌言孫以監生試第一授宏文院中書舍人薦
舉博學鴻詞歷官登州知府有延綏志肅松錄爾雅綱

目歷代武舉考嘉樹堂集鴛鴦湖擢歌浙江通志吉璉
由內閣中書遷榆林同知會滇蜀用兵上官檄轉餉入
蜀至寧羌州遇亂撫軍徹餉還棧道路絕吉璉間道從
黑水峪七晝夜達蟄屋定邊副將朱龍叛直逼波羅堡
榆林道高光祉問計安出吉璉具畫利害狀光祉是之
聚士民誓神死守編什伍明號令製幡書陴而守吉璉
間出私財以饗士而自宿城上衆賴以安綏德周繼明
聚衆數千人入神木與叛將孫崇雅合迎陷延安榆兵
迎戰不利城中偶語藉藉多欲出降光祉夜呼吉璉曰

事急矣鎮兵疲不足仗奈何吉璫奮髯大呼曰死譚吉
璫分也出諭士民曰忠臣我與高公爲之豈責若輩死
然賊一入城子女玉帛皆賊有且若輩今日降明日大
軍至無噍類矣衆泣拜曰公言是光祉出千金吉璫益
數百金間道渡河買粟於保德河曲以兵突圍衛之人
心始堅榆林旣解嚴響水清平鎮羅諸堡猶爲賊保聚
吉璫單騎諭降之馳至神木檄崇雅繼明曉以禍福崇
雅繼明亦以衆降陝西通志康熙十四年朱龍叛璫與
副使高光祉總兵許占魁進剿制府上其功 賜忠蓋

可嘉額以榮之榆林古上郡地明代因寇患始爲重鎮
良將勁旅星羅碁布而鎮志未立一切方畧制度但錯
見陝志中限於尺幅不能詳也璉苦心搜訪逐類編輯
東西千八百里凡一名一物無不訂正是非敘述本末
志乘之精詳未有如延綏鎮者朱彝尊小譚大夫墓志
南京不守大夫從父母轉徙道遇寇父被傷力以身蔽
寇拔刃傷之不動鎗擊其首寇曰孝子也舍之父病歿
家人三十口留亂軍中斗米三千錢卒全活扶父匱還
櫬李詩繫吉璉除登州守之任一年以哭子卒璉好撰

述惜其無後

李楷字叔則號岸翁陝西朝邑人明天啓甲子舉人

國朝官寶應知縣有河濱全書陝西通志楷少聰慧嗜
古學讀書朝萊山遇異人馬顛仙謂當以文章名世嘗
築樓高數丈許屏居其上命書估日送圖史手自評隲
學殖日富居易錄朝邑李瓚以其父岸翁遺墨求跋岸
翁爲寶應縣高才凌物爲忌者所中罷官關中名士予
生平交善者如三原孫枝蔚韓詩華陰王宏撰富平李
因篤邵陽王又旦富平曹玉珂皆一時人豪要以岸翁

爲冠 國初知寶應縣縣改隸淮郡楷力請歸揚得罷
解草米各項歲省民財萬計政暇則訪古選勝題詠殆
遍解官後流寓廣陵與江西李明睿著二李珏書久之
歸里值制府修志延至會城郊迎之長揖上座縱飲揮
毫當時咸屬目尤工書畫及釋典道藏

李嗣真字愿中號樸庵山東新城人康熙六年進士有
嶰堂草

呂繇 俟考

譚吉瑄字左羽登州太守吉璉弟康熙乙酉舉人歷官

給事中朱彝尊五經進士譚先生墓表先生諱貞良字
元孩南京不守浮舟於泖達會稽由臨海抵福州以戊
子卒於漳州之琯溪庚寅子吉璉扶櫬歸里甲辰次子
瑄等始卜兆府城西北二生墟戴璐藤陰雜記竹垞已
未同徐檢討鉉移寓虎坊橋輯瀛洲道古錄查他山別
譚都諫瑄詩宜武門東舊宅虎坊橋畔憑欄可惜手栽
紅杏花開又讓人看

黃垆字子厚號徵庵又號白鶴峪處士山東卽墨人康
熙二年舉人有夕霏亭詩李象先夕霏亭集徵庵舉於

鄉一時同榜皆談制義短長離合徵庵獨默坐沉思衆
訊所以答曰此地有水鄉亭北渚亭李北海晁太常讌
賞地又辛稼軒李滄溟家焉吾方憶兩公踞青雀舫湖
光蕩漾文思競發爲詩爲詞足可寄託不暇他及也

黃敬璣字在之號屺雲山東濟寧人曲阜籍順治四年
進士歷官雲南道御史濟寧州志敬璣授安慶推官廣
置學田贍士山賊竊發單騎撫降之行取御史州有應
解臨清德州二倉米往往派之里下民以爲苦敬璣請
留州支放至今便之典試江南名士袁孟義薛坦賈曾

陸壽名顧鼎新等皆出其門旋以終養歸與黃維祺立
敬社集譽髦分題校藝其時科名蟬聯皆藉造就之功
也

東野雲鵬字九萬山東曲阜人世襲廩生魯公伯禽季
子公子魚之七十三世孫以子沛然官五經博士勅
封修職郎東野家譜順治七年 祖廟摧殘請於邑侯
重脩之居恆和睦族姓勤儉持家晚年優游自娛五世
同堂遞見曾元孔尙任出山異數記康熙甲子東巡東
野沛然掖其父扶杖跪道左手捧奏疏乞爲世官奉先

祀如四氏例

上曰周公姬姓爾姓東野何也沛然奏

曰昔伯禽季子名魚食采於東野因以爲氏 上問周

公廟何在沛然指奏曰東望高阜松柏鬱然者卽魯公

世廟也 上爲引領又顧扶杖者曰此老者何人沛然

奏曰臣父東野雲鵬年七十有五又問爾族衆幾何奏

曰丁不滿百 上覽疏訖付侍衛交部卽議

魏煜如字孟宣山東曲阜人歲貢生歷官金縣知縣曲

阜縣志煜如由武城訓導累遷金縣令剔奸弊杜侵漁

斷獄平允人吏畏服

顧炎武一名絳字甯人號亭林江蘇崑山人明諸生薦
兵部司務再薦職方主事皆不就天下郡國利病書
日知錄音論詩本音易音唐韻正古音表吳才老韻補
正左傳杜解補正九經誤字石經考金石文字記文集
詩集昌平山水記肇域記二十一史年表歷代宅京記
等書蘇州府志炎武生稟異質自幼篤志古學九經諸
史皆能背誦見時多故遂屏去山中備求經世之學明
亡絕意仕進壯游齊魯燕趙西入關中所至交其賢豪
長者考其山川風俗古今治亂之迹證以金石碑碣自

是聞見益廣凡所論述皆上下古今貫穿精覈當代推爲通儒性耿介絕俗少與同邑歸莊齊名有歸奇顧怪之目學者稱亭林先生

李因篤字子德又字天生陝西富平籍山西洪洞人明諸生康熙十八年召試博學鴻詞官檢討有受祺堂文集詩集廣韻正漢詩評四庫全書總目顧炎武作音學五書特載與因篤一札蓋頗重之闡若璩作潛邱劄記則云杜造故事莫過李天生然所謂杜造者今不可考則姑存其說矣因篤詩意氣蒼莽才力富贍而亢

厲之氣一往無前失於粗豪者時時有之殆所謂利鈍
五陳者歟陝西通志因篤年十一爲邑諸生丁明季之
亂謝去肆力爲古文辭長於詩歌嘗遊長安倣少陵作
秋興詩八首見者多擊節時往來秦晉間過從悉知名
士授檢討未滿月卽乞終養疏凡三十七上始允歸抵
家後寢食湯藥每事躬親越五年母歿遂不復仕性敏
絕博極羣書又好汲引後學問字者無虛日或有過必
婉詞規勉未嘗以聲色加人顧炎武嘗集杜句題贈云
文章來國士忠厚與鄉人蓋實錄也池北偶談天生年

三十棄諸生博學彊記十三經注疏尤極貫穿長律得少陵家法

宋琬字玉叔號荔裳山東萊陽人順治四年進士歷官四川按察使有安雅堂集山東通志琬授戶部主事監督江南蕪湖關潔已恤商歲額轉逾於舊遷吏部在司兩月選人無滯抑之歎出爲隴西道值地震後修築城垣瘞屍賑粥生全者無數隨督隴西學政清慎公明號稱得士歷永平兵備及甯紹台道軍民感戴其德尋陞四川按察使其居家尤敦孝友虛懷下士樂爲薦揚詩

古文辭盛名滿於天下名家詩鈔小傳王叔少負異才
風格道上十八九時卽以詩古文辭屈其曹偶壯歲成
進士晉兩浙憲長族不逞子以夙憾飛章告密逮入對
簿一門咸就繫羈西曹久之事得白自傷非常奇禍起
於骨肉之間躡險騎危僅而獲免遂流寓吳越居無何
天子察其冤抑起補蜀臬池北偶談荔裳浙江後詩
頗擬放翁五言歌行時闖李杜之奧壬子春予定其詩
筆爲三十卷明年宋以臬使入 覲蜀亂妻孥皆寄成
都宋鬱鬱歿於京邸此集不知流落何地矣

施閨章字尙白一字岷雲號愚山晚號矩齋安徽宣城人順治六年進士歷官江西道參議康熙十八年召試博學鴻詞改侍講轉侍讀祀名宦有學餘堂文集詩集外集 四庫全書總目閨章嘗謂王士正詩如華嚴樓閣彈指卽見而已詩如瓴甃木石從平地築起然其深穩亦在此其文具歐曾法魏禧爲作集序以爲文勝於詩則過也江南通志閨章博綜羣籍善詩古文詞爲刑部員外讞決明敏督學山左有冰鑑之譽轉湖西道參議湖西故荒瘡多盜閨章撫綏有方袁臨間稱爲

施佛子性仁孝廣置義田以贍宗戚篤窮交厲後學人咸奉爲楷模山左通志閨章任提學僉事以名教自任開講明湖之上其校文研精理法擷華采實各當其可而淳淳提命者惟以孝弟廉恥爲防閑東省士風歸醇反樸者閨章陶淑激勸之力也名家詩鈔小傳向白分守湖西所轄吉臨袁三州兵馬蹂躪之餘邑多逋賦追呼急輒相聚爲盜作勸民急公歌垂泣諭之作彈子嶺竹源坑諸篇以告長吏讀者感泣比諸元道州之春淩行而民亦相勸輸賦毋敢後又數平反冤獄案牘益簡

每高春一視事築愚亭官廨之旁暇則與過客觴詠其中無何以裁缺歸臨江故有江清可以鑒句民曰是江如使君清因名使君江至是民送之江上不能別復送至湖會湖漲所乘舟爲御史贈物輕不能渡民爭買石膏填之已渡乏食賣其舟而歸池北偶談愚山少孤事叔譽至孝一日值叔誕辰大集親戚而叔以小故忤意堅卧不起愚山跪榻前移晷辛亥客都門每憶叔輒涕泗事叔如此古人所希有也

朱彝尊字錫鬯號竹垞晚號小長蘆釣客魚師又號金

風亭長浙江秀水人明太傅文恪公國祚曾孫康熙十八年召試博學鴻詞官檢討有經義考曝書亭集日下舊聞明詩綜詞綜鹽菴志四庫全書總目王士正工詩而疎於文汪琬工文而疎於詩閻若璩毛奇齡工於考證而詩文皆次乘獨彝尊事事皆工雖未必凌跨諸人而兼有諸人之勝核其著作實不愧一代之詞宗浙江通志彝尊少聰慧絕人書過眼覆誦不遺一字客遊南北必橐載十三經廿一史以自隨歸里後數年駕巡河上賜御書四字曰研經博物名家詩鈔小傳

竹垞少工舉業下筆千言崇正十年浙東西大飢朱氏
自文恪公以宰輔歸里無中人產至是絕粒歎曰河北
盜賊中朝朋黨亂將作矣何以時文爲不如舍之乃肆
力於三禮左氏內外傳楚詞文選丹元子步天歌人皆
笑以爲狂年十七作贅壻於嘉興馮氏馮公有客王鹿
柴者華亭名宿也一見大奇之曰此必以詩名世梅里
詩輯先生居節廉橋時值歲凶比隣王氏有老僕訝其
日午無炊烟而書聲琅琅不輟因叩門餽以豆粥先生
以奉安度先生而忍飢讀書自若盛百二柚堂筆談先

生集里中王翊周質繆泳沈進李繩良年符爲詩課時
貧甚餘一布袍繩良兄弟祇一偏提每會則付質庫兩
家內閭各紡績出之後會復然南踰五嶺北去雲朔東
泛滄海登之朶凡叢石荒塚金石斷缺之文莫不搜剔
考證與史傳參互同異其爲文章益奇嘗謂孔門弟子
申黨薛邦後人不當以疑似妄爲廢斥鄭康成功存箋
疏不當因程敏政一言遽罷從祀王守仁事功人品炳
烈千古不得指爲異學皆有關名教之大者 熙朝新
語彝尊典江南省試拜 命之日卽不見客將渡江誓

於神試畢入京載書滿簞而已盜劫其居得錢二千白金不及一鏹已靡覆不發矣後以吏議當落職特宥之僅左遷焉性嗜酒嘗與高念祖同入都日暮泊舟輒失朱所在迹之已闌入酒肆玉山頽矣

潘耒字次耕號稼堂江蘇吳江人康熙十八年召試博學鴻詞官檢討有類音遂初堂集四庫全書總目耒性好游名山足迹甚廣其詩不事雕飾直抒所見古文蹊徑較平稍遜魏禧諸人而氣體渾厚空所依傍則又耒所獨得也少受業於顧炎武頗得其傳蘇州府

志未纂脩明史以史事重大上四議總裁然其說令專
撰食貨志兼訂定他紀傳後二年甄別議起忌者坐以
浮躁降調四十二年上南巡復未官大學士陳廷敬
欲薦起之力辭而止名家詩鈔小傳未兄檀章字力田
負奇才鼎革後銳意欲以史事自任破產購有明一代
實錄復旁搜名家文集奏疏數千卷懷紙吮墨矻矻窮
年書未成而遭潯溪之難坐極刑死稼堂以孱童遇慘
酷幾無生理惟奮志讀書元宗名世己未公卿論薦鴻
博以布衣進左遷拂衣歸所編詩以游草名自少游近

游以及海岱台蕩黃廬閩豫楚粵等編外而玉堂之作則曰夢游晚歲林居諸什則曰退游

毛先舒原名騷以字行又字雅黃亦字馳黃浙江仁和人
有鍼心慎鈔唐韻四聲表詞韻南曲韻毛馳黃集詩
辨坻南唐拾遺記 四庫全書總目先舒有聲韻叢說

又有誤書八卷頗多攷證之文而不能皆有根據其議
禮尤多臆斷論韻諸書用力較深亦未究其本原如謂
音當分古今不分南北則是謂古三聲不通用則非又
有思古堂集四卷自以晚年定本用爲弁冕然所見與

早年等也又有東苑文鈔二卷附會穿鑿詩鈔一卷音
調瀏亮猶有七子餘風又有小匡文鈔四卷自序曰文
皆小有所匡又謂求契於天心懷其意久而後落筆今
觀所錄之文大抵以口舌相辨難不足爲訓又有藥雲
集一卷皆所作豔體取古織錦詞藥亂雲盤相間深此
意欲傳傳不得語也晚唱一卷摹李商隱李賀溫庭筠
韓偓四家以別於初盛之格浙江通志先舒六歲能辨
四聲八歲能著白榆堂詩與陸圻張綱孫諸人唱和稱
西冷十子山陰劉宗周講學戢山遂往執贄問性命之

學事父母色養備至遇有疾告廟請代于從父昆弟及族里皆厚遇之嘗輯宋儒語有裨實行者題曰鍼心慎鈔用以自砭兩浙輶軒錄先生少出陳卧子之門廣羅羣籍無不周覽與西河鶴舫齊名時人爲之語曰浙中三毛文中三豪非虛譽也

余懷字無懷號澹心福建閩縣人有曼翁文集秋雪詞研山草堂詩板橋雜記 四庫全書總目明太祖設官伎於南京相沿謂之舊院此外又有珠市亦名倡所居明季士氣儼薄雖兵戈日警而歌舞彌增懷此書追述

見聞上卷爲雅游中卷爲麗品下卷爲軼事文章悽縉
足以導欲增悲亦唐人北里志之類

王士祿字子底號西樵山東新城人順治九年進士歷
官吏部員外有讀史蒙拾表餘堂十笏草堂辛甲上浮
諸集炊聞卮語詞施閨章王君墓碑君典河南解試故
事有司繩尺取熟輟穩順不敢涉古人一字謂之中式
公獨摘簡一變其卑弱又以不通所司貴人人或惡之
撫拾下吏具三木賴叔弟士祐殫力橐餽得不死卽家
居會朝議還主司罣誤者官復起補攷功員外郎而

季氏入爲禮部遷戶部接邸聯騎文采照耀天下目之
新城二王朱彝尊考功集序子底以考功郎被謫喜溢
顏面將歸養而母夫人逝蹕踴而哭水漿不入口三日
旣歸血漬於繆幕之上衣不解帶蟣蝨盡生未練而卒
鄉人謚曰節孝先生

王士祐字叔子一字子側號東亭士祿弟康熙九年進
士有古鉢集計東廣說鈴予同年王子側居西樵阮亭
間才堪頡頏予與鄧孝威宗鶴問偕子側遊茗雪子側
詩援筆立成多見警拔同人每相太息曰濟南二王才

固奇亦以早貴聲譽先布子側才何嘗肯作蜂腰哉

王士正字貽上號阮亭別號漁洋山人士祿季弟順治十三年進士歷官刑部尙書有帶經堂集山東通志士正初任揚州司理讞海寇重案全活甚衆以才名內擢旋由部曹改翰林屢遷至兵部督補侍郎旋改戶部持中會計屏絕膏潤及轉右都御史則抑奔趨崇恬退深得風憲大臣之體詩文氣誼冠冕士林六十年海內奉爲宗匠所著述甚富家刻共三十二種歿後揚州人奉祀於平山堂與歐陽修蘇軾共稱三賢云

宋瑩字牧仲號漫堂河南商邱人大學士文康公權子
以大臣子入宿衛歷官吏部尙書有滄浪小志綿津山
人詩集楓香詞西陂類藁河南通志瑩十四從 章皇
帝度桑乾水水濶數丈躍馬以過 帝見大喜賜雕翎
箭五踰年分第諸在衛者瑩試第一當改文員父權以
年少力辭父沒服除選黃州府通判尋權贛關陞刑部
郎中明於律例通倉有獄在官百五十人負米萬石詞
連本管瑩爭之強卒至衆償負而官亦奪俸時論韙之
選山東按察使擢江蘇布政察出前司庫空闕銀三十

六萬兩揭報清刷 聖祖奇其才未踰年擢都察院右副都御史巡撫江西舟抵江寧聞夏逆之亂時賊連破蘄黃二十餘城避兵者蔽江下犂偵知會城遣撫標兩校出師託言無餉不發意叵測立檄稅庫銀千兩委道員往諭之有言裁軍李美玉袁大相密謀應賊者犂佯不省而陰授方畧夜縛二人至立斬之懸其首餘悉不問衆乃大定會夏逆亦殄犂條陳病民者十數事黜貪吏之甚者宿賊巨猾皆召捕正法江西遂安調撫江蘇江南承平久士民愛尙文雅犂遂弛威嚴以清靜無爲

爲治在職十有四年歲豐人和獄盜衰息屢奉 聖祖

南幸溫語褒獎陞吏部尙書犖少侍父於京邸熟練故
事無敢亂銓法者歸田後治家整肅建先祠置祭田悉
倣古名臣遺制山東通志犖甫下車卽開釋疑獄禁絕
誣枉保全望悞一時吏民皆畏威懷德自稱無冤東省
命案率多輕生駕害及至昭雪而中人之產已破犖命
州縣驗實立案必究唆訟之人盡法繩之及歲歉運家
粟助賑自商及濟布置庄佃接踵移運無輸餽之勞東
人至今德之畫徵錄牧仲博學嗜古精賞鑒嘗自言脂

中摸索可辨真贋一時以畫名家者悉羅致於家出所藏屬樵副本耳濡目染遂得畫法嘗寫水墨竹小幅疎逸絕倫非丹青家所能窺也

王又旦字幼華號黃湄陝西郃陽人順治十六年進士歷官戶科給事中有黃湄集朱彝尊給事王君墓誌幼華博通六經賜進士授推官未除改知安陸潛江縣以治行徵詣闕下除給事中聞父喪歸服除補吏科轉戶科掌印典廣東鄉試花山接峒人壤土寇結連出沒劫商旅君疏建縣治設官吏廣州四縣交賴以安陝

西通志又旦授潛江令潛賦役偏重摘發隱漏逃亡返業潛地居襄樊下流漢水厯安陸下大別每夏秋水漲爲患又旦勸民趣視長堤屹然滇逆告變大軍駐荆襄潛當孔道羽騎絡繹徭役芟芻應時立辦

汪懋麟字季舟號蛟門江蘇江都人康熙六年進士十八年舉博學鴻詞以憂不赴厯官刑部主事有百尺梧桐閣集王士正汪比部傳蛟門幼穎異與兄耀麟同授經長安王巖爲中書舍人公事畢輒鉛槧雜誦或行吟殿樅間由是益有名需次部主事崑山徐公以君名薦

入史館充纂修尋補刑部仍直史館南城武某販米於
南化園宿董之貴家董利其資殺之武父得屍於道得
車馬於劉氏之門謂劉殺其子君微行南門外縱其馬
馬至之貴門輒跳躍悲鳴衝戶以入君令收之訊實置
於法都人爲作馬訟圖王某兄弟與海戶鬥自殺其病
弟而訟海戶於官君微行至王某門籠鷺羣鳴延頸如
有所訴立逮弟妻訊之具以告某遂自伏初君爲中書
舍人楚人朱方旦挾其術游公卿間君獨作論道篇詆
之爲妖妄孝感熊公見其文造廬而定交焉

曹禾字頌嘉號我眉江蘇江陰人康熙三年官中書
十八年召試博學鴻詞改編修厯官國子監祭酒有
峩眉集江南通志禾詩古文皆有名有文集行世方象
瑛松牕筆乘我眉疏請封禪予在皖城聞倪闇公共謀
其奏予曰鍾伯敬評封禪頌謂長卿豈真有所求直是
胷中有一篇好文字不肯埋沒耳闇公笑而然之

葉封字晉叔又字晉原號慕廬本王氏後父嗣於中
表葉翁始氏葉湖北黃陂人順治十六年進士厯官兵
馬司指揮候補主事康熙十八年薦舉博學鴻詞有嵩

遊集嵩山志嵩陽石刻集記 四庫全書總目嵩陽石

刻集記葉封官登封知縣時作登封在嵩山南故其所錄碑刻以嵩陽爲名此書錄取碑文便於參考王士正稱其辨證精博比之劉原父薛尚功王士正葉公墓誌銘父長青由黃州衛經歷攝黃陂令殉節死陂人德公留占籍焉成進士除延平府推官有巨猾善持官府短長吏不敢問君按誅其魁餘皆屏息靖南王駐閩旗丁肆虐八郡君繩以法不少貸漳河有大姓同室鬥訟終不已君決以片言訓以友恭遂相持泣下爲兄弟如初

未幾裁理官改知登封縣嵩山下有虎患君齋戒三日
移牒於神引咎自責由是患絕選兵馬司指揮歸里往
來杯湖退谷之間自號退翁及部授工部主事已前歿
居易錄井叔由登封令人爲兵馬司指揮予取其嵩山
詩五六十篇爲嵩遊集又選其己未庚申詩合刻之列
於十子中井叔精爾雅說文學有根抵

林堯英字蜚伯號澹亭福建莆田人順治十八年進士
康熙十八年薦舉博學鴻詞歷官刑部郎中河南提學
道祀名宦有澹亭略福建通志堯英知饒陽縣戶部主

事晉員外轉刑部郎中出督河南學政以古學導士人
文丕振尋卒於官平生孜孜好學手不停披著有克復
講章工詩歌燕臺有十子詩畧名重一時堯英與焉河
南通志堯英任提學道杜絕請託務拔單寒置嵩陽學
田肄業者賴之

謝重輝字千仞號方山山東德州人太學士清義公子
廕中書舍人厯官刑部郎中有杏村詩集山左詩錄公
守清義公家訓居官不名一錢監崇文門稅至於缺額
清節旣著復以直諒多聞爲漁洋推重

曹貞吉字迪清一字升六號實庵山東安邱人康熙三年進士歷官禮部郎中有珂雪堂總集 四庫全書總目貞吉詩格迺鍊其黃山諸作極爲宋濂所推在京師和其文姬歸漢圖等長歌極有筆力今檢集中不載又王士正感舊集所選登望海樓吳山晚眺金山諸詩亦不見則全稿之散失者多矣又貞吉詩集詞集皆以雪珂爲名而其字寄託遙深風華掩映實遠過其詩蓋才性有偏至也張貞珂雪堂詞譜題辭實庵詩文妙天下間倚其聲作詞遂奪宋人之席吳藺次名家詞選以爲

歷卷流傳江左推爲絕唱

田雯字子綸一字綸霞號漪亭別號山薑子山東德州人順治十六年進士康熙十八年薦舉博學鴻詞歷官戶部侍郎有山薑詩選古懽堂文集黔書長河志籍考四庫全書總目王士正負海內重名自趙執信以外無不借其聲譽惟雯與任邱龐燾不相攻擊亦不相攀附塏詩格律謹嚴而才地稍弱雯則天姿超邁記誦賅博欲以雄偉奇麗別闢門庭其名雖不及士正然偏師馳突亦士正之勍敵也山東通志雯任戶部員外時

滇楚用兵軍書旁午請以白糧附漕艘帶運費不煩而
民力省至今爲例提督江南學政文氣骹靡力崇古學
所取皆雄駿通偉之士風氣爲之一振出撫江蘇秋雨
積陰米色多變百姓艱於輸納疏請隨時交兌又以運
河至京口一帶地勢崇高鑿山成河易於埤卸冬日風
雪千夫荷鋪泥淖中艱苦萬狀請動司庫大加挑濬一
勞永逸其他如減湖田之增稅免蘆課之辦銅俱次第
允行調撫貴州時苗狃獮粵省方議會勦戔移書制
府謂制苗之法犯則制之否則防之而已若興師動衆

勞民傷財於事無益大征之議遂寢雲於史學最深爲
文渾涵雄健成一家言周彝田公神道碑公巡撫貴州
招接土番蠻王世爵土總兵龍天祐誅川蠻阿所率談
笑指揮採取如囊中物暇則葺學舍購書籍以教黔之
士子名家詩錄小傳雲在黔自署蒙齋猶之元次山官
道州呼漫郎客樊上稱聱叟也由進士署秘書院中書
舍人中書號丞相掾在昔以資供職至是有御史言機
務重地宜用進士參是選始闢此徑

程 燧字穆倩自號垢道人安徽新安人後家揚州江

南通志燧爲人高古博學思奇詩文書畫皆工鐫篆尤
得絕藝周亮工讀畫錄楊孟載評黃子久畫如老將用
兵不列隊伍而頤指氣使無不如意近人惟道人能之
道人詩字圖畫頭頭第一獨於畫深自斂晦惟予
其妙道人亦自喜爲予作畫徵錄穆倩自號江石石在
山水純用枯筆寫巨然法別具義味品行端
節從漳浦黃公道周清江楊公廷麟遊名公多折節
交之喜別古書畫及銅玉之器家藏亦夥
倪會鼎字無功又字子新浙江上虞入明禮部

貞公元璐之子有因禮會歸集浙江通志會鼎嘗議廣
麻溪壩霍洞爲旱潦蓄洩之計又董築西江塘極其堅
固山會蕭三邑賴之家貧鍵戶著書有山陰令持兼金
百兩以資膏火三至三返之商盤越風子新先生名德
碩望推重一鄉其弟恆園先生名會選亦持身高潔工
隸書傳玉露撰傳略曰會鼎入侍文貞於京邸偶憇樹
下有中貴數人望見卅角儒雅遣使請接席會鼎念方
奏撤宦官亟行去時纔十四齡耳黃道周謫官至越從
受業周旋患難析性命之學文貞殉國祖母旣大耋母

又屢欲殉死遂杜門奉養頃刻不離康熙十年 詔舉
山林隱逸有爲推轂者力辭之

吳 涵字容大號匪庵浙江石門人康熙二十一年進
士第二人及第歷官左都御史浙江通志涵理寶泉局
時以鼓鑄故採買廢銅銅商趨利吏得爲奸設籤聽商
自掣商人稱便轉刑部審察蒲臺命案粵東提鎮失機
皆稱 旨進吏侍遇銓選一月前預列應選應補姓名
次序揭於通衢吏不得上下其手又念舉人揀選或終
身不得一官疏請單月銓選著爲令

嚴曾渠字方貽又字殘庵號桂峯浙江餘杭人倉場侍郎沆子康熙三年進士歷官兵部侍郎有聚德堂集西湖先覺堂祠志曾渠歷臺諫二十四年不苟不吐多所建白平生汲引人材推獎後進惟恐不及故俸祿所入多不給數典朝服會親友桑盆瓦器飲酒賦詩意豁如也

董俞字蒼水號樗亭江南華亭人明吏部侍郎遂初孫順治十七年舉人康熙十八年薦舉博學鴻詞有樗亭浮湘度嶺等集松江詩錄俞在童時喜讀古人詩略

上口卽能爲聲偶之言與弟含齊名坐事歸卜築南邨
方塘小榭竹翠花深灌園鋤藥歌嘯自如嘗遊楚過洞
庭遭風浪有投詩湖泊晚歲自定詩一冊客山東遇盜
與爭篋爲及臂奪之去惟存楚遊草後其壻曹映曾檢
拾殘牘付梓宋荔裳爲之序說鈴孝廉最善賦學如鏡
賦燕賦採桑賦皆輕婉流麗可與吳興曹綺顏顏又有
送客入都詩云蕭條易水遊驅馬向空臺岸柳春前折
江鴻雪後來極澹雅有自然之致

董 含字間石號榕庵俞弟順治十八年進士有藝葵

詩集三國志畧尊鄉贅筆 四庫全書總目含詩名不
及其兄而詩格高雅過其兄蒼涼幽咽有騷人哀怨之
遺而愔恍其辭知其意有所寓而莫名其寓意之所在
焉漱芳齋詩話 國初甲午時詩社復興閻石與其兄
蒼水掉鞅詞壇聲振吳越其初詩宗盛唐晚年有漸近
范陸者

張衡字友石又字羲文號晴峯直隸景州人順治十
八年進士應官浙江提學道藤陰雜記晴峯官水曹貧
不能舉火一日貸錢過慈仁寺見書卽買歸展讀怡然

忘饑今世說晴峯官浙江學使嘗曰節費以奉親省事
以卻旁忍氣以養和讀聖賢書近直諒友以無忝所生
聞者嘉歎其言喜彈琴後得雷氏古琴脩而銘之紀以
長歌一時名士屬和者數百

黃雲字仙裳又字舊樵江蘇泰州人有悠然堂桐引
樓諸集今世說仙裳長身玉立能詩文善談論文氣慷
慨逢俗人稍不合意輒嫚罵之人多目以爲狂不敢近
鄧漢儀字孝感江蘇泰州人康熙十八年 召試博學鴻
詞特賜中書舍人有詩觀全集過嶺集 四庫全書

總目詩觀十四卷皆選輯 國初諸人之作別集則閨閣詩也王士正分甘餘話孝感同龔端毅使粵過梅嶺有句云人馬盤空細煙嵐返照濃寫景逼真

趙執信字申符號秋谷晚號飴山老人山東益都人康熙十八年進士歷官贊善有因園集飴山詩集 四庫

全書總目執信娶王士正甥女而論詩與士正相詆至作談龍錄以攻士正迄今述二家之說者祖分左右實則王以神韻縹緲爲宗趙以思路鑱刻爲主王規模濶於趙而流弊傷於膚靡趙才力銳於王而末派病於纖

仄兩家并存其得失適足相救也名家詩錄小傳秋谷
年十八舉鄉試第二次年成進士與館選鴻博之士皆
以績學雄文負海內重望虎視蛟騰傲睨一世秋谷以
綺紈之年旗鼓相當非肯作三舍避竹垞家陵西河諸
君子胥引爲忘年交久之遷宮贊典晉闡試以國恤
徵歌縱酒坐削藉年未三十踰大耋始卒藤陰雜記秋
谷去官查他山被議人皆知於國忌日同觀新鎮長生
殿近於吏科見黃六鴻原奏尙有侍讀朱典侍講李澄
中台灣知府翁世庸同宴洪寓而無查不知何以牽及

又傳黃以知縣行取以詩稿土宜送趙趙答刺土宜拜
登大稿璧謝因之挾嫌訐奏

黃士塤字伯和號羸山浙江石門人康熙十二年進士
官編修

王仕雲字望如江蘇江甯人順治九年進士官泉州府
推官有格言僅錄周櫟園先生年譜乙未福建總管佟
代疏泰公在閩事赴閩質審事皆莫須有於是泉州司
李王仕雲延平司李吳淇滋建甯司李孫開先福州司
李田緝馨江甯司李盧圖龍會審上之按察使程之璿

事乃大白時聞大旱牘具雨大傾注民爲作歌曰束卷
雨

王宏撰字無異又字文脩號山史陝西華陰人康熙十
六年薦舉博學鴻詞以病未就試有周易筮述正學隅
見述砥齋集 四庫全書總目周易筮述以朱子謂易
本卜筮之書因作此編以明其義凡十五篇雖尙爲樸
著而作然闢焦京之小術述羲文周孔之宏旨立論悉
本經義與方技家所說迥別又曰正學隅見述以朱子
無極之辨陸九淵攻之於前格物之說王守仁軋之於

後諸儒各爭門戶垂數百年宏撰謂無極之說當以陸
九淵爲是格物之說當以朱子爲是因作此書以持其
平居易錄山史博物君子也所著十七帖述并著極雋
而核嘗刻華州郭宗昌金石史家藏漢唐以來金石文
字甚富古文詞亦嫻雅以博學宏詞徵至京師居城西
昊天寺不謁貴游以老病辭不入試罷歸在關中蓋張
芸叟一流人

曾燦原名傅燦字青藜江西寧都州人應遴子有止山
集江西通志傅燦與兄並工詞章喜然諾方國事多故

思以功業自見折節下士一洗貴介才華之習士論翕
然歸附乙酉楊廷麟聚兵保吉贛應遴計閩寇閩王總
有衆十萬俾往撫之會 大清兵已克贛乃解散去燦
後薙髮爲僧奔走閩浙廣之東西龔太常鼎孳應遴舊
同榜愛其兄弟甚勸燦出就舉弗應大母陳母溫念燦
成疾乃始歸家謁省以大母命受室築六松草堂躬畊
不出者數年燦自幼有詩名選海內名家詩二十卷號
過日集僑居吳下二十餘年著西崦草堂詩後客游燕
市卒

陳玉璣字賡明號椒峯江蘇武進人康熙六年進士官
中書十八年薦舉博學鴻詞有學文堂集 四庫全書
總目玉璣說經之文及辨議諸作亦頗有源委不同勦
說然大致透迤平衍學宋格而未成王暉今世說稱玉
璣每讀書至夜分兩眸欲合如綫輒用艾灼臂久之成
痂蓋亦苦學之士又稱其所爲詩文旬日之間動至盈
尺見者遜其儁才則貪多務博可知

伊闢字翁菴又字盧源山東新城人順治十二年進士
歷官雲南巡撫王士正伊公墓誌公以康熙庚申巡撫

雲南歷五谿毒滯之地。上霧下潦，不遑啓處。及抵昆明，諸道官兵以萬計，所需屣糧糗芻茭之屬，稱是咄嗟而辦。及歿於軍中，遺橐祇十餘金。在臺二載，屢有章疏，率多削藁。喜摹晉人帖，合處入能品池。北偶談山東解元在明時仕多不達。至順治戊子，翁菴以乙未改翰林。至節鉞甲午，大嵩趙庶常浮山以己未。丙午，鄆城魏侍讀子相以丙辰。壬子，濱州王檢討甲先以癸丑。乙卯，德州李編脩紫瀾以丙辰。丁巳，諸城王編修沛思以己未。辛酉，德州孫檢討子未以乙丑。丁卯，陽穀劉受常琰以

辛未凡厯十五科而入翰林者八人

柯鼎

侯攷

翁英考江南通志英會以工部員外郎擢淮安鈔關

鄧秉恆字元固號忍菴山東東昌衛人順治六年進士
厯官湖廣道參議有瀧江詩文集江西通志秉恆任永
豐知縣奸蠹遁迹摘發如神山寇盤踞率鄉勇蕩平之
建思江橋民稱便吉郡食廣鹽鼎革後鹽不行而課存
秉恆內召疏免廣課闔郡德之

郭榮字芝仙號快圃直隸清苑人順治九年進士厯官

彥均加別如良才

內閣學士兼禮部侍郎有快圃詩鈔 四庫全書總目

蔡文頗華瞻惟應酬之作太多未免失於刪汰曾修畿輔志及保定府志今集內所載星野沿革等說皆志中之文蓋用鄂州小集新安志序之例也畿輔通志蔡博學工文曾著 皇畿大一統賦系數萬言士林傳誦

侯杲江蘇無錫人順治六年進士曾官刑部郎中

王如辰號北埜山東膠州人順治十二年進士歷官廣西提學道僉事山東通志如辰初授山西交城令治多山縣延百里積寇盤踞時時攻刦爲害之任七日設計

擒渠魁歸京師正法邑多虎患爲文檄之虎逸去擢戶部歷郎中出督學廣西時值兵燹九府學宮大半鞠爲茂草乃倡捐建復於桂林建華掌書院擇諸郡名士讀書其中所造士甚衆風氣爲之一開

孫浣思

侯攷

張楷江蘇江都人康熙六年進士官知府

何規中浙江仁和放鶴亭羽士

史逸褰字雲次江蘇金壇人浙江仁和籍順治十二年進士歷官山東兗州沂曹道有五經集論廿一史約江

南通志逸表歷兵部職方掌軍政昭雪叛案無辜者幾
千人督學河南時初復入股之舊益以起衰爲已任陞
少參分巡東兗歲饑首建停徵之議以艱歸卒

釋興源字楚雲湖南長沙人有梅檀閣稿居易錄楚雲
禪師者天界浪杖人之孫竺菴成公法嗣也康熙癸酉
曾訪予於京師庚辰復來過訪云將歸南嶽且云居士
大名今日歐蘇也吾住江西三年又嘗往閩中博山東
苑二祖庭掃塔凡深山窮谷漁樵耕牧之徒無不知居
士名者

王九齡字子武又字薛澱江蘇華亭人御史廣心子康熙二十一年進士歷官左都御史有松谿蓴香艾約山房秦山草堂諸集 四庫全書總目九齡挹何李之流波而才思富豔加以纖穠如金陵雜感云十里青樓原上草六朝金粉路萼花殆純以情韻勝矣居易錄乙丑會試王戶待鴻緒儼齋爲總裁其母兄編修九齡爲同考試官尤爲僅見松江詩鈔都憲於三昆中最晚達旣入史館猶手不釋卷故其詩深沈適鍊是從苦心孤詣得來

張鵬字南溟江蘇丹徒人順治十八年進士歷官刑部侍郎池北偶談歷城王萃字秋史少年能詩清拔絕俗余偶以書寄張中丞言萃之才中丞特召見引之客座且贈金焉萃之才中丞之誼皆塵中所少也

張士甄字繡紫順天通州人順治六年進士歷官吏部尙書畿輔通志士甄官刑部尙書持法平允務寬大改禮部又轉吏部掌銓三載謝請託疏壅滯公愼自矢朝論歸之常奉使祭恆霍諸山途遇山西裁兵憫其無依爲設地屯處河東鹽課積逋屢疏請豁免

沈允範字康臣又字肯齋浙江山陰人康熙六年進士
歷官刑部郎中有采山堂集紹興府志允範在襁褓有
異徵祖父皆器之稍長究心經史以詩文雄視海內名
流樂與之交戶外屢常滿也歷官刑曹每有矜疑終夜
不寐獄是以不寃越郡詩選康臣樂府以唐調雜古音
頗近元辭其詩近體尤工然一夕而嘔血數回雖曰苦
思抑亦神忌之矣

孫一致字惟一江蘇鹽城人順治十五年進士第二人
及第歷官侍讀學士有世耕堂集江南通志一致父助

以孝友稱鄉里一致少有異才以拔貢赴廷試當赴
推官不就恬澹嗜學以母憂歸遂不復出糲食藜羹展
卷吟哦詩宗杜甫兼出入王維孟浩然閒

鄧旭字元昭江蘇壽州人順治四年進士歷官甘肅
洮岷道副使有林屋詩集吳偉業贈檢討鄧公墓志其
未舉子也遍禱於山川夢日而生故名之曰旭字元昭
檄木哈滿洲正黃旗人順治十二年進士

田種玉字公琢號遜菴順天宛平人順治四年進士歷
官文淵閣學士工部尚書兼太子少傅

劉良 俟考

陳一炳字虎文曾官吏部侍郎池北偶談 本朝用人
器使有不拘文武資格者吏部侍郎陳一炳戶部倉場
侍郎周卜世前總督浙閩兵部侍郎劉兆麒俱改都督
同知僉事等銜充山西山東直隸等處援勦提督總兵
官

錢芳標字葆汾江西華亭人刑部侍郎士貴子康熙五
年舉人官中書十八年薦舉博學鴻詞以憂不赴有東
溟草金門藁詞輓池北偶談松江錢少司寇艱於嗣與

夫人往天童祈子大師爲集衆僧問誰願往皆不答一
飯頭老矣自言願往旣而錢果得子名鼎瑞字寶汾後
易名芳標字葆飭辭華麗藻有名東南官中書旣而假
歸一日方與客坐齋有僧至門持一楨書云自天童來
舍人啓視之殊不駭訝但云倉卒奈何明日晨起徧召
賓客與訣索筆書一偈云來自白雲來去自白雲去笑
指天童山是我舊游處微笑而逝

程汝璞安徽合肥人順治四年進士官浙江提學道魏
象樞糾參疏畧汝璞聽蠹書祈茂之等創立社師名色

不論優隸賤役卽與批呈仰學入冊准作社生以訪拿
有過生員爲名行牌各學嚇銀餽入免拿濫准詞狀動
輒親提指事勒索考案未發預使書役分頭播揚擇殷
飛噬勒索教官贄見陋規不餽者口罵奴才嚇放下等
以示凌辱生員遺才科舉每名勒銀二十四兩後減爲
十二兩山僻地方無人賄買其童生入學故缺額數將
別縣文武童生撥補嘉善儒童魏燾首名入泮因未餽
獻行牌除名詐銀四十兩復行銷牌考試私帶姬妾忽
以七相公乳母爲名忽以閩文相公爲名用轎臺入試館

張貞字起元號杞園山東安邱人康熙十一年拔貢
官翰林院孔目十八年薦舉博學鴻詞以憂不赴祀鄉
賢有杞田集山東通志貞刻苦好學博覽羣書遨遊四
方時與海內名流揚今摧古一時稱文章巨手事母孝
尤敦內行母以節著貞克承母志以光父業史館缺員
以待詔用亦不就退居杞城日以著述爲事李質庵杞
園先生墓表先生所著有家乘族譜杞紀鄉賢傳牛部
稿或語潛州集耳夢錄行世新城王司寇與先生爲莫
逆垂老猶求先生定其文亦手定先生文論者至欲於

虞山堯峯間展一席地先生之文可知也

朱宏祚字徽蔭山東高唐州人順治五年舉人歷官浙
閩總督有清忠堂奏疏山東通志宏祚選授盱眙令以
廉勤自飭值歲歉申請蠲賑復自假貸二千餘金糶糜
餉之隣封就食者常數萬人訖無流殍以卓異補刑部
郎發奸摘伏冤獄多所開釋出守直隸亦著聲績遂撫
兩粵抵南雄首革庾嶺役夫先是粵東軍興芻蕘屨
之需徵至百萬餘金反浮正供宏祚亟爲裁革臨高澄
邁吳川諸邑殘於兵變村舍爲墟疏請蠲賦以招之流

亡悉復故業尋改總督浙閩飭營伍覈餉械嚴扣剋東
南壁壘一時改觀復奉修南河卒於工所

張永祺字爾成順天大興籍江蘇宜興人順治九年進
士第二人及第歷官國子監祭酒

成性字我存安徽和州人順治六年進士歷官工科

給事中池北偶談益都馮公薦起魏光祿象樞於田間
并及成主事性於是魏授御史成授給事中成卽魏已
丑門生也會以中書舍人假御史巡按福建有清直聲
在京師卻埽絕交遊亦廉介之士然其自述有云不用

磁器以木代之亦矯矣在省中無他建白惟請遣官清丈蜀省田增加賦稅會有兵事不行

袁時中字來菴浙江鄞縣人康熙六年進士歷官提學副使

茅慶字天石浙江歸安人兩浙輶軒錄天石工畫山水人物而於詩亦佳

沈季友字客子又字南疑浙江平湖人康熙二十六年副貢生有學古堂集南疑集迴紅集輯賦格柘上遺詩橋李詩繫四庫全書總目季友爲陸棻之壻與汪琬

毛奇齡以詩相唱和奇齡爲作詩序以才子目之然抑揚皆在是矣又曰詩繫所錄嘉興一郡之詩由漢晉以至國朝每人各爲小傳詩中山川古蹟民風物產亦多所考證兩浙輶軒錄客子爲西平知縣棻之子少聰穎精制藝及古文詞年二十六刊南疑集行世一時紙貴名動江左

汪耀麟字叔定江蘇江都人中書舍人懋麟兄有抱耒堂集

顧宸字修遠江蘇無錫人明崇禎十二年舉人有宋

文選杜律註解江南通志宸有文名蓄書尤富

曹申吉字澹餘號逸菴山東安邱人順治十二年進士
歷官貴州巡撫殉吳三桂之難有黔行黔寄二集山東
通志申吉分守湖廣鄖陽治政循卓而尤長聽斷淳歷
禮兵二部侍郎酌復舊章多所建白出撫黔中改衛所
歸併州邑以一事權招撫生苗編隸版圖迫以文教不
三年而吳逆叛舉家被害張貞曹公墓志先生撫黔多
善政十二年冬吳逆難作被執當聞變之初夜遣廉人
飛章入奏疾馳六千里十二日而達都門上始得吳

逆反狀庚申夏蠟書赴

闕密陳機宜爲賊所覺遇害

於昆明之雙塔寺

董樵字樵一字鸞谷號東湖山東萊陽人明諸生有
南遊岱遊賈遊諸草入山偶存燕臺還山耦耕堂諸詩
靜志居詩話董生高蹈之士甲申後徙居文登海濱日
荷篠入市易米人莫知其住處縣有紳士要於路欲與
語生棄薪道左詭云吾科頭當取冠與公揖竟去日暮
不復來紳士取棄薪以歸曰此高士所遺也生從此不
復入市王士正董烈婦傳烈婦孫氏棲霞人諸生士彥

女歸樵子道廣樵客卽墨而道廣病婦方歸省父母心
動趨歸道廣病且殆烈婦瞑目絕飲食矢必死三日道
廣死婦從容告廟與姑劉氏訣顧謂弟仲桂曰歸語父
母勿過哀女無以答劬勞是所以報耳遂自經海岱間
人奇婦節而多士彥賢知樵者皆爲賦詩云

高詠字阮懷號遺山安徽宣城人歲貢生候選知縣
康熙十八年召試博學鴻詞官檢討有遺山堂詩若
巖堂集江南通志詠幼有神童之目其學無所不窺書
畫與詩世稱三絕充明史館纂修所撰史藁皆詳慎不

苟吳陳炎曠礫記詠少時夢於市上見大幅字狼藉盈
街不敢踐尋一側路行不覺輕舉人雲中至一所樓閣
壯麗踰牆入門有黑髯若元壇神者從一卒擁皂纛自
內出詠左避神睇如顧問纛卒有所言者再乃去遂至
內闕門門左冕而執笏山立者甚衆知爲天庭方恐懼
倉皇則有導以行者至右偏旁殿額曰三官堂有公座
三黃裯畫皐比私念何可據三官堂遂出最後引至文
昌宮以第三座命之曰可坐此驚而寤作飛龍引以紀
康熙壬子 廷試至五鳳樓金水河彷彿夢中以爲兆

應矣等以薦授史官數年復夢此境心惡之以疾請假
歸里每語人曰當以二十八日辭世寃不言其故次年
二月卒果二十八日名家詩鈔小傳阮懷年近六旬始
以明經貢太學崑山徐相國延至家塾一日舉觴相屬
曰先生早歲卽藉甚聲名某甫就傳欲顏色不可得幾
作天外真人想今竊不自意屈致門下實慙且幸敬以
此爲先生壽阮懷唯唯取酒立飲座客驚歎皆謂高
草野倨傲而多相國賢

汪琬字茗文號鈍翁江蘇長洲人順治十二年進士

歷官刑部郎中康熙十八年 召試博學鴻詞改編修
有堯峯詩文鈔鈍翁先後類稿 四庫全書總目琬與
魏禧侯方域并以古文擅名宋犖嘗合刻之然方域才
人之文禧策士之文惟琬根柢經典不失爲儒者之文
歐蘇曾王固未易擬以接跡王慎中唐順之歸有光等
無愧色也又曰琬請告以前所作詩文自輯爲類藁六
十二卷刊板置之堯峯菴曲閣其歸田後作輯爲續稿
又取明史列傳藁附以汪氏族譜及其父行畧爲別集
有周公贇者爲校刻之琬復自刪擇取其愜意者爲

堯峯詩文鈔屬林佶繕本刊行蘇州府志琬少孤自奮
讀書五行俱下觀政通政司假歸銳意爲古文辭以起
衰自命授刑部郎中河南民張潮見以母讐殺族兄論
死琬爲復讎論引律文罪止杖爲據以奏銷案兵馬司
指揮剛直不撓理冤誣決疑獄懲奸豪任滿去民炷香
攜酒送者塞道復爲戶部主事假歸結廬堯峯在史館
六十日杜門稱疾踰年告歸爲文根柢六經浸淫史漢
取法唐宋元明大家立言命意各有所本嘗自言吾文
從廬陵入非從廬陵出其敘事尤有法度名家詩鈔小

傳鈍翁性卞急遇意所不可輒攘臂爭卽詩文得失不
少假然坦率無城府片語之佳不難俯首至地家居弟
子日進常教之曰學問不可無師承議論不可無根據
出家不可無本末其指歸如此

路鶴徵字湘舞一字青城初名迺登江蘇華亭諸生松
江詩鈔湘舞研精古學文采宏麗常同王含章客大梁
幕共輯二十一史纂注

王 暉初名棐字丹麓又字木菴一字松溪浙江仁和人
有霞舉堂集南窗文畧檀几叢書文津今世說贈言

偶集墻東草堂詞今世說丹麓家旣落顧時喜刻書客
至質衣命酒其詩曰平生好賓客資用苦不周有懷莫
可告室人且見尤施愚山誦之輒失笑曰蓋有類予者
李植山東利津人明崇禎七年進士官御史國朝
厯官河南巡按山東通志植授陝西韓城知縣開渠灌
田捐粟賑饑行取御史國朝巡按河南值撤差絕意
仕進卒於家

周在浚字雪客河南祥符人戶部侍郎亮工子流寓江
寧官太原府經歷有藏密菴秋水軒集潛邱小藁花之

詞天發神讖碑釋

四庫全書總目天發神讖碑本在

江寧城南之巖山後在天禧寺門外至宋胡宗愈移置
轉運司後圃元楊益又移府學中一名三段碑吳天璽
元年刻石黃伯思以爲皇象書或以爲蘇建其字怪偉
兼以碑斷裂頗難辨識在浚合其石貫以巨鐵重爲釋
文而以諸家題跋附之

李之粹漢軍鑲黃旗人貢生浙江布政使

龍 光字二爲安徽望江人康熙六年進士歷官福建

同知古夫于亭雜錄光自記前身太白山湫龍也每寢

電風雨輒心喜意氣飛揚然仕途輾軻仕至福建某府
同知

鄭 淮字桐源江寧人墨林韻語桐源畫山水筆意展
拓氣宇軒爽卽尺幅便面谿徑自別雖淵源樊氏浴沂
而去其枯冷之致

宋實穎字旣庭江蘇長洲人順治八年舉人康熙十八
年薦舉博學鴻詞官興化教諭有讀書堂老易軒玉磬
山房等集春秋拾遺蘇州府志實穎淹貫經史詩文典
雅爲詞壇名宿侍講繆彤少從授經宅心淳厚喜獎後

進以故人益重之魏禧曰實穎母夫人葉當乙酉兵亂
與季子實方女雪娥實穎婦朱氏同赴井仲子實栗從
既經日母及實栗死而實方雪娥與朱氏直立水中竟
不死池北偶談既庭作黜朱梁紀年圖論其義嚴正略
云王莽不得爲新安祿山不得爲燕全忠豈得爲梁乎
且移檄興復唐室者有晉岐蜀淮四國或爲唐之王子
或爲唐之賜姓今黜朱梁紀年而以晉岐淮南之稱天
祐者爲主始於天祐四年至後唐莊宗同光元年而止
亦春秋書公在乾侯之義也

汪徵遠字扶晨號栗亭後更名士鉉安徽歙縣人有滄
螺集稽古堂稿穀玉堂近詩漁洋詩話扶晨工於詩古
選尤間澹有王韋之風若黃山詩有不見菴中僧微雨
潭上來不愧古人

曹重初名爾垓字十經江蘇婁縣人有濯錦詞雙魚
曲譜松江詩鈔重以父煊乙酉遇害乃絕意進取風雅
自耽博學工詩善繪事尤長于詞兼好度曲有雙魚譜
流傳繩索千里生其自號也初家千溪晚年移居郡東
郊築臨溪書屋居之爐香茗椀古色斑然至今風流猶

可想見金山縣志曹重母吳氏名拙號冰蟾子妻李氏
女鑑冰並能詩善畫合編集曰三秀笛餘小藁張僧繇
畫花遠視作凸凹狀近看却平曹子十經頗得是意雲
山酬唱十經年少才華溢發其詩文絢爛如赤城霞或
堅潔如藍田玉又善丹青與雪田諸子起墨林詩畫社
耿願魯字又樸又字公望山東館陶人康熙九年進士
官編修有韋齋集山東通志願魯幼穎慧六歲卽通經
史善詩工楷書充同考焚香籲天期獲奇士以報國
王士正耿公墓志耿一白先生明登宏治進士官監察

御史抗疏劾逆閹劉瑾直聲震天下累官江西參政曾
孫如杞登萬厯進士官遵化監軍副使不拜逆閹魏忠
賢祠爲閹黨劉詔所劾逮詔獄累官山西巡撫中丞子
含光官高密訓導生編修公癸丑爲會試同考官首得
韓公莼餘如徐倬董閻繆綿宣輩皆詞林眉目一時推
公知人

黃之鼎字訥菴直隸元城人康熙六年進士

柳 燾字公隆山東臨清州人順治八年舉人居易錄
蔡維寧吳洞庭山人弱冠能詩爲工部尙書臨清柳公

隆所知會逆閹魏忠賢亂政柳公將發其姦病不能起
泣屬維寧維寧諾之奮筆草數千言疏成柳已病革其
家人竊焚之維寧慟哭出都闔兒旣誅維寧踴躍之清
源告柳公墓公隆能詩工書與予辛卯同年相善云

魏麐徵字蒼石江南溧陽籍高淳人康熙六年進士歷
官邵武府知府有石屋堂鈔西湖和蘇詩濂洛風雅選
杜詩評註駁正錢箋濟寧州志麐徵避寇徙濟寧與王
士正田雯顏光敏友善由中書督軍儲有功充杭邵武
知府清介明敏所至有聲性嗜書案牘之餘手披口吟

自夜達旦推監司不就謝病歸平生著述甚富在杭有
和蘇詩數卷毛奇齡謂爲坡公後身墨蹟存十之六七
濟人士共寶之

惠周惕字元龍號研溪江蘇吳縣人康熙十八年薦舉
博學鴻詞以憂不赴三十年進士官密雲縣知縣有易
傳春秋問三禮問詩說研溪時文集 四庫全書總目

詩說於毛傳朱傳無所偏主惟自以己意考證引經據
典所得較多蘇州府志周惕世居吳之東渚父有聲明
貢生與同里徐枋友善以九經教授鄉里周惕少傳家

學又從枋及汪琬游究心經學工詩古文詞旣壯遍歷
四方與當代名人交

吳元龍字長仁號卧山江蘇華亭人康熙三年進士歷
官督捕理事十八年 召試博學鴻詞改侍講有問月
堂詩鈔江南通志元龍預修明史奉親以孝聞子廷揆
進士官太常少卿才望甚著

李鴻霍字季霖號厚餘山東新城人康熙三年進士歷
官沅江府知府有歷游觀海餘則滇南諸集沈廷文李
公墓誌公會祖九青自長山遷新城父采蘭績學力行

多隱德公邃學工文精衡鑒分校北闈所取皆名士典
試浙江得人尤盛轉戶部郎中出知沅江府教養兼備
周 碩字子遜山東鄆城人

鍾 朗字玉行號廣漢浙江建德人順治十六年進士
歷官布政司參議浙江通志朗出視江南蘆政蘆故奸
猾弊藪強弱輸賦不等積逋至二十餘萬朗偕使者按
籍履畝確查得豪富侵占胥吏飛灑等弊陳請豁免貧
戶積欠數萬兩

蔡兆豐江西金谿人官溫州府知府

張錫懌字越九號宏軒江蘇上海人順治十二年進士
官泰安知縣有南歸涉江漫遊等稿松江詩鈔泰安有
捨身崖越九禁之歲活無算會校秋闈以元卷改字被
議歸居鄉留心地方公事如癸巳海警闔邑將懼不惻
以抗辨得釋毛奇齡西河詞話雲間諸進士嗣郢董孝
廉俞諸君嘗於重陽後作神山之會時吳學士偉業在
坐連覓女郎倩扶不得夜分滬上張宏軒刺史來赴挾
一衣冠少年光豔暗射若薄雲籠月人各却步且不敢
詢姓氏及移燭視之則倩扶也一座譁然蓋是時倩扶

已與宏軒定情久矣宏軒有詞紀事云云

金煜字子藏浙江會稽人順治十五年進士官鄒縣知縣曠園雜志煜一日有重瞳子其母弟馬玉超挾粵東一扶乩客來驚曰南唐李後主後身也後主見馬太后之詞而善之願爲之兒其遭逢不能遠過後主得乎戊失乎戊識之識之煜祖太常公笑曰彼知後主亦名煜故妄言耳後煜年十九中進士康熙庚戌罷官甲戌死攷後主於南唐建隆三年壬戌卽位至開寶七年甲戌而國亡身殞得失果皆同

戴京曾初名子京字型遠浙江錢唐人順治六年進士
歷官順天府府丞池北偶談型遠官山東提學清方孤
峭人不可干以私所拔皆一時名士與施愚山先後齊
名內陞大理寺丞予告久之起補稍遷順天府丞再予
告歸幅巾野服參學徑山絕迹公府人品爲武林第一
劉芳躅字鍾宛號增美順天易州人明戶部尙書餘裕
子順治十二年進士歷官工部侍郎祀鄉賢畿輔通志
芳躅出撫山東甫至卽飭屬吏屏絕餽遺廉訪民情利
弊連上一十三疏凡所因革悉蒙 俞旨

張應瑞字受菴漢軍正白旗人順治十二年進士歷官兩淮鹽運使

張鴻猷字匡鼎順天通州人順治十八年進士歷官廣西提學僉事祀鄉賢畿輔通志粵西地介蠻服又經兵火後向學者寡鴻猷加意鼓舞文風丕變持操堅卓僚友俱不敢以私相干

曹首望字統六又字功貢直隸豐潤人拔貢生授內閣中書舍人歷官蘇州府知府祀鄉賢畿輔通志首望摧蕪湖關凡不利於商不便於民者悉除之擢儀曹郎出

知蘇州府蘇郡水陸交衝供億繁雜會赴浙閩兵過郡縣令弗能支撫臣輒以委之首望至則刻期辦事兵無騷擾境內安堵如故抵任焚香告天誓不取一錢終始無改節爲廉吏最

謝兆昌字瞻在浙江定海人康熙六年進士歷官河南道御史有閒居集兩浙輶軒錄兆昌於長蘆巡鹽時恤商剔弊前後章疏數十上以病乞歸

高恆豫直隸靜海人少保文端公爾儼子官生歷官河南鎮道天津府志 世祖諭公卿子入侍備顧問方面

之選少保高爾儼以姪恆豫失恃撫愛若己出恆懋體
父志以恆豫應焉少保卒 朝廷恩廕一子恆懋復讓

恆豫

王日澡字印周號却非原名濂沚德華亭人順治十二
年進士歷官戶部尙書江南通志曰澡山員外郎出爲
河南提學僉事報最擢參議累遷江西布政使所莅有
聲巡撫河南疏請開墾荒田四十四萬餘頃悉成沃壤
分轄河務籌畫精密內遷刑部侍郎歷工戶二部賦役
諸政裁斷穩愜以事落職復起總理高堰河工勤瘁卒

工所 特復原秩

桑開運字雨嵐直隸玉田人順治十二年進士歷官廣西布政司參議祀鄉賢有恤刑策畧目省撮要畿輔通志開運少有大志不屑細務以敦倫紀善風俗爲首平生拯人之危恤人之急親黨藉以婚塋者甚多時咸目爲長者

于璉山東文登人順治十五年進士

張英字敦復號夢敦安徽桐城人康熙六年進士歷官大學士贈太子太傅諡文端有存誠堂篤素堂詩文

集易書衷論江南通志英侍講幄敷陳經義民生吏治
悉心獻納知無不言 聖祖初設 南書房俾每日侍
直以資講論詞臣 賜第內城自此始及佐樞部掌邦
禮恪慎清粹一時典章儀制 廟廷制誥之文多其手
定登相位忠藎純誠佐佑啓沃歷任三十餘年未嘗一
日離內直 聖祖稱其老成敬慎終始不渝有古大臣
風 命工寫象以 賜生平多隱德外和內剛一私不
染薦拔賢俊如不及從不使人知廣義田以贍宗族肅
家範以率子弟一門咸勵名節溫恭謙謹稱江左第一

年七十二卒於家 御祭卹葬邈恆制 世宗御極有
甘盤舊學之思贈太子太傅崇祀京城賢良祠 賜祭
於本籍 御書匾聯有忠純貽範師模如在之褒

孫 焯浙江德清人

王尹方字鶴汀山西安邑人康熙十二年進士歷官內
閣學士山西通志尹方雅度清望焜燿班行一時有四
君子之目嘗夜 召至禁中講經書敷繹詳剴爲講臣
最主庚午江南鄉試 疏請破例搜落卷得 旨展期
校閱率至丁夜事訖嘔血數升論者謂明西江姜公燕

主典江南試越六十年而復至庚午其甄拔耆俊適符
之性至孝生母歿以嫡母年高具疏請終養生母故
不嫌於嫡母者也君子以爲厚卒賜祭葬

劉始恢字价人江蘇山陽人岑溪令昌言子康熙九年
進士歷官吏部郎中江南通志始恢授大理評事時有
兩議例有成獄讞法司而於情罪未協者輒奮筆駁正
大理卿採其議列疏後附請得報可歷吏部考功郎
冢宰以廉慎薦轉文選郎中銓敘得宜時無滯才會河
臣建束河注海之議始恢力持不可與詞臣喬萊合事

得寢

張鵬翮字運青號寬宇四川遂寧人康熙九年進士歷
官大學士贈少保諡文端祀賢良有忠武誌張邦伸錦
里新編鵬翮九歲能文康熙己酉舉於鄉年十二入闈
時監臨某夢綠衣白馬人入某號使吏記名於簿揭曉
公名列焉明年成進士入翰林改刑部辦疑獄不避權
貴再遷禮部郎中 上召見 賜太液鮮鯉 簡知蘇
州府補兗州舉兵部督捕右理事與內大臣同使俄羅
斯路經喀爾喀地之額諾德與喀爾喀爲難聲言 王

師將援以敵額諾德執我前軍衆驚欲退公曰受天子命出使絕域奈何示小醜怯且吾退而彼襲其後將何以禦陳師固壘以張之而徐遣一介通其故若跋扈再計可也衆猶豫公厲聲曰某獨當之額諾德服罪扈從南巡還至吳授浙撫七年士敦實行人息競爭會請免捐穀時議欲中傷奏上仍留任尋遷兵侍浙民繪像於竹閣淮黃泛溢南北阻絕議者欲改海運上特調公經其事公博考輿圖徧尋故迹於河自開歸至雲梯以下於淮自洪河溯盱泗以上按審形勢歎曰河性

顏氏所撰

卷一

本直而壩曲之是拂其性也河流入海而隘其口是阻之流也昔之淮南高而北下今之淮西亢而東傾欲疏河必開海口欲出清必塞六壩乃陳十策以便宜行事報可於是遵王景塞館陶之法修潘季馴江一麟所

築歸仁隄圻欄黃壩杜諸決口倍大河南北之隄曲者使直塹塘六壩開張福口裴家場瀾泥淺三以儲及張帥諸莊 上南巡迴視公曰卿之力也 召爲刑部尙書轉戶部遷吏部 上以公公直廉明有疑獄輒遣判之噶禮之參陳鵬年公直鵬年而曲禮公子懋齡牧懷

寧屬禮下公無所容回類此

吳一蜚字翼生號騰南江蘇長洲人康熙六年進士歷
官吏部尙書蘇州府志一蜚少孤兄愉教之讀書成進
士授山陰知縣內艱服闋補知洪雅縣時巡撫方行開
墾增稅之令洪雅見徵七百九十四兩欲加至五千兩
一蜚力爭之得減三千四百餘兩入爲工部主事擢御
史降行人司副晉刑部尙書時有重案株連一蜚苦心
消釋人多陰受其芘轉吏部卒於位貧無以殮朝士賻
之始克訖事

于覺世字子仙號赤山別號鐵樵山人山東新城人順

治十六年進士歷官廣東提學道候補按察使有居巢
燕市使越嶺南諸集山東通志覺世授歸德推官以裁
缺改知巢縣縣帶山濱湖號爲難治覺世爲政寬簡以
嚴劑之俗好巫尙鬼捕其首奸俗乃改滇逆發難有巨
寇起安廬間攻剽郡邑將據焦湖以應之揚帆自大江
東下覺世設伏於南門伏橋身率甲士邀擊之殲其巨
魁安廬之盜遂絕後以禮部郎中視學廣東教士先德

行而後文藝士翕然化之擢布政司參議致仕歸奉繼
母甚謹鄉黨稱其孝焉山左詩鈔鐵樵令巢縣蝗不入
境尤嫺武事嘗伏兵夜戰生擒巨盜後以終養不出唐
豹巖太史稱桓臺二孝謂鐵樵及傳侍御彤臣也

魯 超字文遠號謙庵浙江會稽人順治十七年副貢
生歷官右通政浙江通志超守松江有善政後爲惠潮
道潮有絕戶虛丁久爲民累超除豁三十餘戶康熙甲
戌水漲超晝夜替民築堤至今名魯公隄歲飢守令議
發積貯平糶未敢擅動超力任之果 報可及晉粵藩

益勵清操葺珠江義學延宿儒以教士粵東兵餉例間
用錢適錢滯兵苦虧折強市民物民復苦之超請全給
白金兵民均便松江詩鈔謙庵任松江知府舉卓異者
再巡撫湯文正薦廉能第一其在郡建扶風書院培植
後進人尤仰其嘉惠多士焉

祖允圖字亮公奉天人官順天府府尹

王君詔

侯攷

張 鏌江蘇上海人泰安令錫懌弟官中書

臧眉錫字介祉號喟亭浙江長興人康熙六年進士歷

官御史戴璐吳興詩話喟亭由魯山知縣任中書改御
史毛西河湖舫陪臧內史飲次采蓴云君方返承明西
掖當朝參豈可蕩兩槩流連向空潭蓴羹末下豉本性
我所諳

施天裔字泰瞻遼東人貢生官山東布政使

任 楓字木庵河南汝州人康熙六年進士官山西靈
石知縣祀鄉賢有咽莊詩河南通志楓少值寇亂奉親
避難寶豐城破賊逼令降大罵不屈賊怒刃其鼻耳罵
益厲身被數刃妻王氏以身捍蔽迎刃不少避賊欲牽

之去王哭且詈賊怒刃其首而去楓復甦得不死

李 迴字奉倩山東壽光人康熙三年進士歷官刑部侍郎山東通志迴沈靜簡默不邀名譽每以哀矜折獄讞出其手雖九死必獲一生人以行善稱之

郭 昌字介繁河南太原人順治十五年進士歷官戶科給事中

方大猷字歐餘號淹嘯浙江烏程人崇禎十年進士國朝歷官山東巡撫終運河道濟寧州志大猷晚年寓居濟上故人有爲山海關總兵者大猷曾監其軍及其

人在黔以書招之不屈大猷久河上明於河渠富平居
時猶上下二千載抵掌色飛潘檢討未贈詩極爲推重
善山水及書法求者全集揮灑不倦畫徵錄大猷官山
東巡撫以事鐫級爲河道山水學董間爲倪黃多溼筆
嘗畫河灘小景題曰十二載河干只記得者個工書善
詩河南考城最多其蹟

張永茂奉天人舉人官江南督糧道布政司參議

鄭僑生江蘇邳州人康熙六年進士歷官湖廣提學道
僉事

許承宣字力臣號筠庵自號麥青子江蘇江都人康熙十五年進士歷官工科給事中有宿影亭稿江南通志承宣授工科給事中首陳揚州水利賦役二疏典陝西鄉試還條上秦晉間利弊六事悉見嘉納弟承家官編修請假歸兄弟里居皆以循謹惠愛見稱

王 隲字相居號辰嶽又號幾菴山東福山人順治十二年進士歷官戶部尚書有養素堂詩集祖鄉賢山東通志隲升四川松威道時兵氛未靖轉餉深入險阻勦撫巴豬等寨恩威並濟邊徼永寧蜀中有採運楠木之

役適代藩司入 覲奏免之總督浙閩聞夏孽跳梁移
鎮延平爲犄角以壯聲援

徐國相奉天人歷官安徽巡撫

魏學渠字子存號青城浙江嘉善人順治五年舉人歷
官江西湖西道有青城山人集四川通志學渠任成都
推官蜀中疲於差徭倡立章程又定嘉眉邛雅賦額公
私稱便橋李詩繫學渠擢刑部主事贖魏女之沒官脫
丁生之謗獄後補湖西道艱歸慷慨好施桐城錢澄之
感其惠有詩曰還家擬建懷青閣從此飢驅不出門武

林汪繼昌以所憎築園江干名曰黃圃黃宗炎求買山之助出祇襪置其袖視之則黃金也

趙開雍字五紘號韋齋江蘇寶應人官知府有東魯顧南粵西諸草

朱 綵山東單縣人

朱 紱字方來號澹居山東單縣人明大名道廷煥子歲貢生官蒲臺訓導有緣怡軒遺稿胡會思朱先生墓誌先生考忠烈公廷煥崇禎甲戌進士由繕部郎歷官大名兵備道甲申三月流賊自雍豫抵畿南獨忠烈公

以死自誓賊衆薄城下有奸人與賊通款城遂陷公猶
督衆巷戰力屈被害時先生歸就試計聞殞絕復甦者
再四營葬畢隨詣幕府求得奸人殛諸市設位以奠順
治乙酉伏闕陳殉節狀得旨與祭葬并錄事蹟編
史冊

沈廷文字原衡號元洲浙江秀水人康熙二十七年進
士第一人及第官修撰有廣居文鈔燕邸雜錄北征南
歸等集 熙朝新語廷文父於大兵入粵時被執監
禁廷文哭訴軍府得釋年已七十矣及廷文官修撰爲

介壽徵詩同里陶越作引言有孝子身經百險幸觀止
於鯨波鱣沫之餘孤臣跡越千鄉正徬徨於電閃沙驚
之候之句都下盛傳

許聖朝字慎餘山東聊城人康熙十二年進士官吏部
員外

顧見龍字雲臣江蘇吳江人畫徵錄雲臣以寫真祇候
內廷名重京師余見所畫湯文正公像其子姪皆云酷
肖然筆墨未見拔俗也

李 漁字笠翁浙江蘭谿人有一家言金華詩錄笠翁

少遊四方自白門移家杭州家居湖上碧波翠嵐環映
几席喜其家與山水爲鄰自號湖上笠翁負才子名婦
人孺子無不知者所作率胸臆構巧思不必盡準於古
最著者詞曲其意中亦無所謂高則誠王實甫也旁及
窗牖牀榻服飾器具飲食諸制度悉出新意故傾動一
時靈芬館詩話笠翁以填詞擅名其他著作人多以俳
優畜之然清詞麗句亦有不可沒者云云

王士驥字隴西又字杜稱山東新城人康熙三年進士
官內閣中書有聽雪堂詩集詞集遊大梁詩

顧芳菁

侯考

成德氏納喇字容若後更名性德奉天遼陽人康熙十二年進士官侍衛有合訂刪補大易集義粹言通志堂集四庫全書總目德生華閎勤於學問鄉試出徐乾學之門遂受業焉九經解卽其所刻而徐乾學延顧湄校正之以書成於性德歿後板藏徐氏世遂稱徐氏九經解並通志而移之徐氏實相傳之誤也

史夔字胄司江蘇漂陽人編修鶴齡子康熙二十一年進士厯官詹事江南通志夔在史館凡稽古禮文編

纂著作之事推爲巨手從 北巡著扈 蹕集典試兩

浙著樟亭集分理河工著觀濤集祭告南海著扶胥集

楊丕顯字耀祖

余國楨字端人號劬菴浙江遂安人明崇禎十三年進

士官富順縣知縣有見聞記憶錄 四庫全書總目國

楨自稱生平卷帙盡佚兵火偶舉所憶惘恍都如夢境

後其子中恬分爲五卷日記文記人記物記異雜記大

抵皆明末瑣事間涉荒誕無關考證又所作雜文並廁

其中亦非得體

張惟赤字君帶號螺浮浙江海寧人順治十二年進士
歷官工科給事中浙江通志惟赤居鄉捐造營房一百
間使兵民分處歲飢捐米賑濟脩建學宮開濬海鹽運
河邑人立碑記其事藤陰雜記螺浮有新園在棗林街
合肥尙書過飲詩云柳市城闌百尺梧棗林街裏一囊
書螺浮有十年霜雪老黃門之句一時名流爭和尙書
觀螺浮侍史龍梭演劇有翩若驚鴻矯若龍之句

范瑤

山東滋陽人滋陽縣志范淑泰沈默有大志登進

士授行人轉兵科都給諫輔臣王夢熊權傾內外莫敢

彈奏泰抗疏十二熊始罷土書風規峻整四字賜之丁
艱旋里值辛巳之難人民相食自罄已財賑飢壬午殉
國難贈太僕寺卿廕一子

紀 愈字孟起順天文安人康熙六年進士歷官工科
給事中祀鄉賢畿輔通志愈夙具偉畧歲己酉土寇擣
城愈倡先守禦邑賴以安康熙十二年隨大將軍勦江
西逆賊恢復撫州勸止殺戮全活甚衆或遺以所俘婦
女貯之別室訪其夫還之仲弟旻以博學鴻詞應 召
季弟元先中進士官淮安同知皆愈友愛訓勉之所致云

梁聯馨陝西平涼人康熙三年進士

李彥琄字華西陝西三原人康熙六年進士

王穀振浙江會稽人康熙六年進士官同知鶴徵錄吳
任臣字志伊浙江仁和廩生由內閣中書王穀振等薦
舉授檢討

郭昂江蘇寶應人康熙九年進士官孟縣知縣

孫在豐字屺瞻浙江德清人焞子康熙九年進士第二
人及第歷官工部侍郎有尊道堂集浙江通志 上閱
視河工以高寶興鹽江泰等七州縣爲下河之衝民苦

昏墊 特簡廷臣發帑修治在豐身歷河淮交匯洪澤

射陽車路場諸大河相度原委條奏數十事皆 報可

乃鑿岡門渫白駒泝丁溪澗草堰嚴州縣妄派寒則具

衣襦暑則備醫藥撫恤丁夫人心踊躍工亦次第畢舉

鄧孝威尊道集序岷瞻嘗侍讌 清宮扈 蹕南苑極

詩歌賡唱之勞所著尊道堂集情無不周詩亦具備而

皆體宏格正流麗而沈雄縱宕而蘊蓄

余雲祚廣東順德人康熙九年進士

顧二榮 俟考

張烈字武承號莊持順天大興人康熙九年進士官

內閣中書十八年召試博學鴻詞改編修厯官贊善

祀鄉賢有明史典訓讀易日鈔四書講義孜堂文集

四庫全書總目烈篤守朱子之學故集中多講學之文

然如朱陸異同論王學質疑皆未免鍛鍊周內不及賈

董同異論之持平蓋漢學但有傳經之支派各守師說

而已宋學既爭門戶則不得不百計以求勝亦勢之不

得不然歟又讀易日鈔一以朱子本義爲因象設事就

事陳理猶近時易說之不枝蔓者畿輔通志烈少聰穎

讀書數行俱下長而潛心性命之學毅然以閑邪衛道
爲己任性至孝事繼母委曲承順人無間言生平著述
皆有關人心世道之文

馮遵祖浙江歸安人康熙十二年進士官中書朱彝尊
送馮遵祖宰平陸詩著書獨有五亭好作吏無如三晉
閒醉裏襄陵官甕酒到來底柱郭門山耕餘讓畔田千
頃唼對浮查水一灣白雁年年度汾曲相思煙月幾彎
環

張爲煥江蘇崑山人康熙九年進士官渠縣知縣

白夢鼎字仲調號蝶庵江蘇江寧人康熙九年進士十八年薦舉博學鴻詞厯官大理寺評事有天山堂集江南通志夢鼎少與兄夢鼎勤學尙志時有二白之目鼎官評事總憲魏象樞以博學鴻詞薦庚申補行福建鄉試鼎爲考官得士最盛鶴徵錄蝶庵與兄夢鼎當明末俱以公論忤貴人陷於獄母陳氏怡然曰子爲范滂吾獨不能爲滂母乎會國變得釋

白夢鼎字孟新江蘇江寧人

白眉字子常評事夢鼎子

南懷仁字敦伯西洋人官欽天監監正加工部侍郎諡
勤敏有坤輿圖說坤輿外紀 四庫全書總目坤輿圖
志與艾儒畧職方外紀互相出入而亦有詳畧異同大
致不免有所粉飾池北偶談 本朝監寺官加侍郎銜
者絕少康熙以來欽天監管理厯法南懷仁加工部侍
郎歿後贈禮部侍郎太醫院使馬三俊歿後亦贈禮部
侍郎

京 俟考

均 俟考

國猶 俟考

阮 濬字季子安徽懷寧人居易錄季子築草堂於龍
山冬夏惟披一衲因以自號性嗜酒工畫時攜襆被酒
鑪畫具命一僮肩之遊散山水間遇勝處輒流連忘返
謂其友劉鴻儀曰死卽葬我草堂之側題曰酒人阮一
衲之墓詩寒瘦畫筆清絕入 本朝乃卒亦高士云

口 洵 俟考

程 林字雲來安徽歙縣人周亮工印人傳林見寇氛
日熾移家武林得免於黃流之難人服其有卓識精醫

時時講性命之學好爲圖章又以意爲花卉悉有生致

口祖謨

俟考

西塞山人案湖北大冶縣道士磯一名西塞山卽元真子所謂西塞山前白鷺飛李太白所謂西塞當中路者余佮廬相國生長大冶故以此自號

箕谷主人

俟考

孔毓圻字翊宸號蘭堂至聖六十七代孫襲衍聖公

加太子太保諡恭愍有蘭堂遺稿陳世倌恭愍公傳公八歲襲封詣京奏謝太皇太后召見奉特旨出中

道行 錫予便蕃歷數十年 恩禮無間及 大行入

臨卒於京邸始終蒙 恩最渥

孔貞來字元起山東曲阜人明順德通判 國朝歷官
湖州府知府曲阜縣志貞來以陪祀授順德通判鼎革
改判長沙籌餉賑飢具有條理薦擢真定府丞累遷湖
州守未抵官遭耿逆之變遯跡武夷山中康親王知之
資遣至京卒

孔貞瑄字璧六號聊園山東曲阜人順治十八年會試
副榜官大姚縣知縣有大戒樂律聊園集滇記黔記縮

地歌 四庫全書總目貞瑄少遊江淮旣而官泰安濟
南繼乃遠宰大姚所歷山水頗多炎荒萬里徭俗苗境
多所記載故軼聞逸事散見於集中其文則奇逸之氣
往往不可控制而頽唐潦倒之處亦不一而足云孔繼
汾闕里文獻考貞瑄究心經史授大姚知縣滇省鹽法
壅滯前明定按丁派食之法兵火後丁亡額缺請減之
民困以息黔國公勲莊被土酋所占上官受賂主之貞
瑄力爭不得遂罷去

孔貞燦號垣三又號西園季子山東曲阜人明給事中

聞詩子諸生官四氏學學錄有西園詩山東通志貞燦
以孝友稱從子相繼爲世尹未嘗一至縣庭其狷介如
此顏懋价曰給諫十一子先生獨有高致以千金致名
工穿池築山極臨眺之勝宋牧仲爲方伯嘗先過之與
定交焉

孔尙任字季重號東塘又號岸塘自稱云亭山人山東
曲阜人監生授國子監博士厯官戶部員外有節序同
風錄湖海集岸塘文集會心錄桃花扇小忽雷傳奇曲
阜縣志康熙二十三年 聖祖幸魯尙任以監生同舉

人尙鉉充講書官尙任進講大學聖經尙鉉進講易經
繫辭上曰孔尙任等陳書講說克副朕懷著不拘例議
用又 命尙任尙鉉同衍聖公毓圻等導駕徧覽 先
聖遺跡 迴鑾授尙任等國子監博士明年奉 命從
刑部侍郎孫在豐疏濬黃河海口還 朝遷戶部主事
升員外郎尙任博學有文名通音律諳祖庭典故嘗患
舊誌未備廣搜博采別撰新志二十四卷居易錄東塘
博雅好古丙寅丁卯間在江都得漢銅尺一上有文曰
慮虎銅尺建初六年八月十五日造後又得一尺定爲

司馬文正公布帛尺自作漢銅尺記周尺考周尺辨三篇極精核山左詩鈔先生以博士奉使維揚駐節三年傾貲結納名流畢集以漢銅尺較宋布帛尺確然得周天之準千古之疑一朝頓釋有功於禮樂匪淺嘗作闕里誌修族譜旣成以名其二子其風致可想見云

孔尙鉉字立之山東曲阜人康熙十一年舉人歷官戶部主事

孔允陞字超宗山東曲阜人官壽光教諭

孔衍樾字心一山東臨清人順治進士歷官大名副使

道

孔興詔字綸錫山東曲阜人官雲南糧儲道有滇遊集
孔衍鈺字泗寰山東曲阜人官太常寺博士曲阜縣志
衍鈺弱冠遭賊兵輔汶城害其祖母及父兄慟欲赴鬪
死念母暨諸弟幼潛與避亂伺寇退厚葬三親毀甚長
授大常博士奉祀虔潔年五十事母若孺子慕母病親
奉湯藥夜不解帶撫弟姪恩誼兼至

孔興誘字起正山東曲阜人官卽墨訓導

顏鼎受字孝嘉自號初陽子浙江桐鄉人諸生有嶧山

堂半樂堂詩漁歌曲樵李詩繫鼎受少以孝聞九歲得
句云輕風搖翠竹微雨滴黃花遊楚遭亂避跡爲黃冠
盛百二漁鼓曲跋山人少從念臺劉公遊又與楊園張
子相切劘有通符篆避兵祈陽山中忽患虎暴山人以
小木書丹篆置通衢明日獵者於其下獲二虎一豹山
中以安

顏堯揆字紫崖又字耐齋福建永春人明岷府右長史
廷桀孫官無爲州知州江南通志堯揆知無爲時前令
佟國貞所築新壩漸爲江濤所齧揆自李家祠至王家

壩築壩八百八十丈濶三丈高一丈次年大水田廬恃以無恙并和州含巢二縣皆賴焉州民勒石於壩上名之曰顏公壩

顏敏字澹叟順天宛平人順治六年進士歷官廣西布政使鈕琇觚賸顏方伯裁缺家居久不得調康熙十六年江南藩司缺出客有以經營之說進者顏曰吾向在西秦元旦假寐夢乘官舫舫中白榜青書有月臨波作案雲倚樹爲屏之聯出觀兩岸紳士稠雜皆云迎方伯公者行已至廣西界矣十年前會有此兆他非所望

閱三載顏以舊例引見 欽點粵西竟歿於任

顏 數字敷五順天宛平人順治五年舉人歷官敘州府知府祀名宦四川通志數守敘州府時滇寇犯境戎馬在郊捍禦多方民賴以安後卒於官郡人思之不已

顏光南字衡山江蘇儀徵人

顏光表字斗涵浙江仁和人

顏伯璟字子瑩山東曲阜人官河間知府贈光祿寺卿
允紹子明諸生朱彝尊顏公墓表河間兵至中憲公城孤乏援集家人一室自焚公暨弟伯玠時家兗州府兵

亦至公肥不能駛足伯玠掖以行公給弟他顧自躍城
下伯玠俯視慟哭矢及身而卒公伏地爲邏卒所得昇
告其帥帥驚延之坐留帳前有被掠者語曰一婦人不
肯行卒反乃擊其臂折罵不已殺之牆下已四日矣駢
其息未絕載之還卽朱宜人中憲公之自焚也幼子伯
珣甫六歲其僕呂有年抱之出途中流矢死伯珣匿民
間得免公旣拾父遺骸訪得與俱還同居無間

顏伯珣字石珍一字季玉號相叔伯璟季弟恩貢生歷
官壽州同知有祇芳園集舊雨草堂集孔貞瑄曰相叔

早年遊金陵爲詩風流跌宕晚年臻平淡靜深之境如
數十年面壁老僧令人驕矜之氣不滌自消山左詩鈔
先生官壽州日修復芍陂之利余署鳳陽府篆聞其遺
愛在泗上築祇芳園聚一時名流唱和其中

顏伯秀字方壺山東曲阜人歲貢生官樂陵訓導

顏光是字去非山東曲阜人康熙二年舉人歷官邵武
府知府曲阜縣志光是授新野令邑故歲貢鉛郡縣吏
因緣爲奸光是痛加滌除郡守怒不爲動上官以爲能
擢戶部主事轉兵部郎中出爲邵武守以忠信率屬獄

至立剖無留者時有豪民犯六辟屬私人以金減等光是曰卽巨萬吾判可易乎其執法如此顏氏族譜光是引疾歸不樂居城市從仲兄與鄉之父老遊出則同車連騎入則聯牀共几陶陶于者十餘年痛伯兄早逝以次子爲之嗣更給田百畝戒之曰謹奉祀以代養也每與仲兄議建家祠未幾兄卒瞿然曰吾年七十餘一旦溘然長逝誰爲此者遂買地庀材夙夜經營落成日率三世子孫祭畢曰可報仲兄於九原矣

顏光猷字秩宗號澹園伯璟長子康熙十二年進士歷

官河東運使有易經說義水明樓詩曲阜縣志光猷選
庶吉士充丙辰會試同考官父憂服除改行人司正轉
刑部郎中出守安順府值提督李芳述部兵激譟光猷
匹馬入其壘曉以大義皆投戈受命芳述曰公再生我
也轉河東運使時山陝河南行引鹽引尾州縣關防境
壤相錯跬步罹法光猷力請通省爲一關防民以永利
祿俸所積修復聖廟繚以石欄建陋巷坊置祀田四
百六十畝請以祖允紹從祀事母色養老彌篤與人質
直見人必勸以善隨所得淺深皆得其報

顏光敏

顏光敏字學山伯璟季子康熙二十七年進士官檢討
曲阜縣志光敏康熙甲子舉於鄉其冬天子幸闕里
奠至聖光敏以助祭例卽宰縣不就越三年成進士
授檢討講官闕聖祖憶光敏名召問其家世及幸
魯時事喜甚遂補日講官起居注主浙江鄉試已遂提
督浙江學政直隸江浙例差閣部大臣光敏以檢討承
特簡異數也光敏益感激絕請謁嚴校勘東芻粒米
不以累有司積勞嘔血不少懈訓士如嚴師慈父士氣

騰踊所刊試牘爲八宗師考卷之冠在官三年雖舉主
不少徇大逆諸貴人意往往爲蜚語欲中傷文吏吹索
不得毫毛以簿書疵鐫二級光燄夷然不介蒞巡撫線
一信來祖送直入臥室文籍外無長物太息而去抵北
新關權使假拜謁入舟見數敝篋無肩鐫乃錯愕愧謝
及復 命遂引疾 上嘉其廉慎 特命大學士王熙視
疾傳 旨慰留疾篤乃得歸卒於家年僅四十光燄有
神悟少學鼓琴崇朝盡得其妙習射不中不歸食至日
晨發必中用心甚危苦至傷生所撰著皆未成士人情

之浙江通志光燉督學浙江往例提調官薦儒童一二
人無敢以私干者杭郡代倩特甚取歲進新生局戶另
試與原卷迥異者黜之並黜代倩保結之人所刻試牘
風行海內垂三十餘年士林誦習不異於初旣祀名宦
浙士復念之不已專祀西湖春秋致祭朱彝尊顏君清
德碑浙東西就試者至萬餘人主司之不公士且攢譏
竦謂有裂胸紙而以瓦礫擊其後者君來榜旣放雖見
抑者無怨及聞君再至各以手加額君克循祖父忠孝
之門風入稟太天人之訓焚膏黠筆靡間晨暮席門甕

彥以月片如
三
牖韋帶紉履之士悉甄綜無遺才飯藜茹藿甘之如飴
士皆鼓舞自奮而君斯瘁矣

顏肇雍初名肇維字肅之又字次雷號漫翁自號紅亭
老人光敏子貢生厯官行人有鍾水堂詩莎齋稿漫翁
編年稿牛運震顏公墓志公所與遊如嶧陽李克敬厯
敬王萃等皆當時名士其掌臨海龍顧山陽書院造就
尤多詩長於近體曲阜縣志肇維知臨海以興利革弊
爲任首除里甲濶稅徵米改折之累民情歡服值江海
鬪泛濫爲災設粥賑飢者全活無算察趙公河故道三

溝六浦悉鳩工浚之灌漑有資建太平橋壇高湯信國
備倭五十九城之七

顏懋僑字癡仲一字幼客肇維子恩貢生官觀城教諭
有江干幼客石鏡齋蕉園諸集西華行卷天文管窺摭
史奈園錄秋莊小識霞城筆記曲阜縣志懋僑幼博學
強記隨臨海任台守張招飲半江樓酒酣出紙筆索爲
天台賦援筆立就充萬善殿教習寶齋齋二十三王
謂日久聞詩人顏幼客今乃得見耶召試瀛臺天陰
欲雪上得句云雪香梅綻蕊卽對云雲響竹留聲又

賦望雲思雪紀

恩詩和

御製落葉詩悉稱

旨授

教諭嚴祀事簿正頒肉之格理學地及膳士田之侵於
民者還其舊顏懋价幼客行狀兄生有異徵泗水楚家
寺僧慧朗將化與弟子訣云投舍曲阜顏考功宅詰朝
來訪具言其事於是人以爲慧朗後身鞠遜行云關中
屈服稱詩都下高自位置後進者罕得一見幼客矚其
在寓排闥入臥內竟登其榻與對坐久之屈不能耐詢
所自曰我曲阜顏懋僑也聞君能詩未知如何特來訪
君一談屈已心異之往復旣久辨若縣河屈大折服因

謝過遂訂交焉


顏懋倫字樂清號清谷運使光猷孫拔貢生歷官鹿邑
知縣乾隆元年薦舉博學鴻詞有癸乙編端虛吟什一
編夷門遊草曲阜縣志懋倫擢鹿邑令五年移疾歸後
發河南候補補滑縣蝗甚勤能署裕州泌陽南陽皆有
聲篤好文學與滋陽牛運震晉江何琦相切劘尤邃於
詩


顏懋价字介子號慕如自稱五梧居士懋倫弟拔貢生
官肥城教諭曲阜縣志懋价少與懋倫博稽禮經定詳


喪制凡飭匱井椁治墓及牆柳帷荒明器下帷之屬悉
遵古禮故其執親之喪必誠必信勿有悔書宗顏柳詩
希杜韓有文名授教諭痛時俗葬親慢與渴皆非豐古
且糜費作正俗說新 文廟修禮樂器遴俗生習儀容
釐正學田葺先賢祠以敦本厲品期有用學諄諄課士

顏氏尺牘姓氏考

終







道光丁未鐫

幾何原本

海山仙館藏書

蘇山翁詩書

卷之五

通考人志

PL
2451
P29
496

刻幾何原本序

唐虞之世自羲和治厯暨司空后稷工虞典樂五官者
非度數不爲功周官六藝數與居一焉而五藝者不以
度數從事亦不得工也襄曠之於音般墨之於械豈有
他謬巧哉精於用法爾已故嘗謂三代而上爲此業者
盛有原原本本師傳曹習之學而畢喪於祖龍之焰漢
以來多任意揣摩如盲人射的虛發無效或依擬形似
如持螢燭象得首失尾至於今而此道盡廢有不得不
廢者矣幾何原本者度數之宗所以窮方圓平直之情

盡規矩準繩之用也利先生從少年時論道之暇留意
藝學且此業在彼中所謂師傳曹習者其師丁氏又絕
代名家也以故極精其說而與不佞游久講譚餘晷時
時及之因請其象數諸書更以華文獨謂此書未譯則
他書俱不可得論遂共翻其要約六卷既卒業而復之
由顯入微從疑得信蓋不用爲用衆用所基真可謂萬
象之形囿百家之學海雖實未竟然以當他書既可得
而論矣私心自謂不意古學廢絕二千年後頓獲補綴
唐虞三代之闕典遺義其裨益當世定復不小因偕二

三同志刻而傳之先生曰是書也以當百家之用庶幾有義和般墨其人乎猶其小者有大用於此將以習人之靈寸合細而確也余以謂小用大用實在其人如鄧林伐樹棟梁榱桷恣所取之耳顧惟先生之學畧有三種大者修身事天小者格物窮理物理之一端別爲象數一一皆精實典要洞無可疑其分解肇析亦能使人無疑而余乃亟傳其小者趨欲先其易信使人繹其文想見其意理而知先生之學可信不疑大槩如是則是書之爲用更大矣他所說幾何諸家藉此爲用畧具其

自敘中不脩論吳淞徐光啟書

[illegible]

譯幾何原本引

夫儒者之學亟致其知致其知當由明達物理耳物理
渺隱人才頑昏不因旣明累推其未明吾知奚至哉吾
西陬國雖褊小而其庠校所業格物窮理之法視諸列
邦爲獨脩焉故審究物理之書極繁富也彼士立論宗
旨惟尙理之所據弗取人之所意蓋曰理之審乃令我
知若夫人之意又令我意耳知之謂謂無疑焉而意猶
兼疑也然虛理隱理之論雖據有真指而釋疑不盡者
尙可以他理駁焉能引人以是之而不能使人信其無

或非也獨實理者明理者剖散心疑能強人不得不是之不復有理以疵之其所致之知且深且固則無有若幾何一家者矣幾何家者專察物之分限者也其分者若截以爲數則顯物幾何衆也若完以爲度則指物幾何大也其數與度或脫於物體而空論之則數者立算法家度者立量法家也或二者在物體而偕其物議之則議數者如在音相濟爲和而立律呂樂家議度者如在動天迭運爲時而立天文厯家也此四大支流析百派其一量天地之大若各重天之厚薄日月星體去地

遠近幾許大小幾倍地球圍徑道里之數又量山岳與樓臺之高井谷之深兩地相距之遠近土田城郭宮室之廣袤廩庾大器之容藏也其一測景以明四時之候晝夜之長短日出入之辰以定天地方位歲首三朝分至啟閉之期閏月之年閏日之月也其一造器以儀天地以審七政次舍以演八音以自鳴知時以便民用以祭上帝也其一經理水土木石諸工築城郭作爲樓臺宮殿上棟下宇疏河注泉造作橋梁如是諸等營建非惟飾美觀好必謀度堅固更千萬年不圯不壞也其一

製機巧用小力轉大重升高致遠以運芻糧以便泄注
乾水地水乾地以上下舫舶如是諸等機器或借風氣
或依水流或用輪盤或設關捩或恃空虛也其一察目
視勢以遠近正邪高下之差照物狀可畫立圖立方之
度數於平版之上可遠測物度及真形畫小使目視大
畫近使目視遠畫圓使目視球畫像有均突畫室屋有
明闇也其一爲地理者自輿地山海全圖至五方四海
方之各國海之各島一州一郡僉布之簡中如指掌焉
全圖與天相應方之圖與全相接宗與支相稱不錯不

案則以圖之分寸尺尋知地海之百千萬里因小知大
因邇知遐不悞觀覽爲陸海行道之指南也此類皆幾
何家正屬矣若其餘家大道小道無不藉幾何之論以
成其業者夫爲國從政必熟邊境形勢外國之道里遠
近壤地廣狹乃可以議禮賓來往之儀以虞不虞之變
不爾不妄懼之必悞輕之矣不計算本國生耗出入錢
穀之凡無以謀其政事自不知天文而特信他人傳說
多爲僞術所亂熒也農人不豫知天時無以播殖百嘉
種無以脩旱乾水溢之灾而保國本也醫者不知察日

月五星躔次與病體相視乖和逆順而妄施藥石針砭
非徒無益抑有大害故時見小恙微疴神藥不效少壯
多夭折蓋不明天時故耳商賈懵於計會則百貨之貿
易子母之入出儕類之衰分咸晦混或欺其偶或受其
偶欺均不可也今不暇詳諸家借幾何之術者惟兵法
一家國之大事安危之本所須此道尤最亟焉故智勇
之將必先幾何之學不然者雖智勇無所用之彼天官
時日之屬豈良將所留心乎良將所急先計軍馬芻粟
之盈詘道里地形之遠近險易廣狹死生次計列營布

陣形勢所宜或用圓形以示寡或用角形以示衆或爲
却月象以圍敵或作銳勢以潰散之其次策諸攻守器
械熟計便利展轉相勝新新無已備觀列國史傳所載
誰有經營一新巧機器而不爲戰勝守固之藉者乎以
衆勝寡強勝弱奚貴以寡弱勝衆強非智士之神力不
能也以余所聞吾西國千六百年前天主教未大行列
國多相并兼其間英士有能以羸少之卒當十倍之師
守孤危之城禦水陸之攻如中夏所稱公輸墨翟九攻
九拒者時時有之彼操何術以然熟於幾何之學而已

以是可見此道所關世用至廣至急也是故經世之雋
偉志士前作後述不絕於世時時紹明增益論撰纂爲
盛隆焉乃至中古吾西庠特出一閭士名曰歐几里得
修幾何之學邁勝先士而開迪後進其道益光所制作
甚衆甚精生平著書了無一語可疑惑者其幾何原本
一書尤確而當曰原本者明幾何之所以然凡爲其說
者無不由此出也故後人稱之曰歐几里得以他書踰
人以此書踰已今詳味其書規摹次第洵爲奇矣題論
之首先標界說次設公論題論所據次乃具題題有本

解有作法有推論先之所徵必後之所恃十三卷中五百餘題一脈貫通卷與卷題與題相結倚一先不可後一後不可先纍纍交承至終不絕七初言實理至易至明漸次積累終竟乃發奧微之義若暫觀後來一二題旨卽其所言人所難測亦所難信及以前題爲據層層印證重重開發則義如列眉往往釋然而失笑矣千百年來非無好勝強辯之士終身力索不能議其隻字若夫從事幾何之學者雖神明天縱不得不藉此爲階梯焉此書未達而欲坐進其道非但學者無所措其意卽

教者亦無所措其口也吾西庠如向所云幾何之屬幾
百家爲書無慮萬卷皆以此書爲基每立一義卽引爲
證據焉用他書證者必標其名用此書證者直云某卷
某題而已視爲幾何家之日用飲食也至今世又復崛
起一名士爲寶所從學幾何之本師曰丁先生開廓此
道益多著述實昔游西海所過名邦每遘顯門名家輒
言後世不可知若今世以前則丁先生之於幾何無兩
也先生於此書覃精已久旣爲之集解又復推求續補
凡二卷與元書都爲十五卷又每卷之中因其義類各

造新論然後此書至詳至備其爲後學津梁殆無遺憾
矣竇自入中國竊見爲幾何之學者其人與書信自不
乏獨未睹有原本之論旣闕根基遂難刼造卽有斐然
述作者亦不能推明所以然之故其是者已亦無從別
白有謬者人亦無從辨正當此之時遽有志翻譯此書
質之當世賢人君子用酬其嘉信旅人之意也而才旣
菲薄且東西文理又自絕殊字義相求仍多闕畧了然
於口尙可勉圖肆筆爲文便成艱澁矣嗣是以來屢逢
志士左提右挈而每患作輟三進三止嗚呼此游藝之

學言象之粗而齟齬若是允哉始事之難也有志竟成
以需今日歲庚子竇因貢獻僑邸莊臺癸卯冬則吳下
徐太史先生來太史旣自精心長於文筆與旅人輩交
游頗久私計得與對譯成書不難於時以計偕至及春
薦南宮選爲庶常然方讀中秘書時得晤言多咨論天
主大道以修身昭事爲急未遑此土苴之業也客秋乃
詢西庠舉業余以格物實義應及譚幾何家之說余爲
述此書之精且陳翻譯之難及向來中輟狀先生曰吾
先正有言一物不知儒者之耻今此一家已失傳爲其

學者皆闇中摸索耳既遇此書又遇子不驕不吝欲相
指授豈可畏勞玩日當吾世而失之嗚呼吾避難難自
畏大吾迎難難自消微必成之先生就功命余口傳自
以筆受焉反覆展轉求合本書之意以中夏之文重複
訂政凡三易稿先生勤余不敢承以怠迄今春首其最
要者前六卷獲卒業矣但歐几里得本文已不遺旨若
丁先生之文惟譯註首論耳大史意方銳欲竟之余曰
止請先傳此使同志耆習之果以爲用也而後徐計其
餘大史曰然是書也苟爲用竟之何必在我遂輟譯而

梓是謀以公布之不忍一日私藏焉梓成竇爲撮其大意并諸簡端自顧不文安敢竊附述作之林葢聊敘本書指要以及翻譯因起使後之習者知夫創通大義緣力俱艱相期增修以終美業庶俾開涇之士究心實理於向所陳百種道藝咸精其能上爲國家立功立事卽竇輩數年來旅食大官受恩深厚亦得藉手萬分之一矣

萬厯丁未秦西利瑪竇謹書

題幾何原本再校本

是書刻於丁未歲板留

京師戎申春利先生以校正本見寄令南方有好事者
重刻之累年來竟無有校本留寘家塾暨庚戌北上先
生沒矣遺書中得一本其別後所自業者校訂皆手跡
追惟篝燈函丈時不勝人琴之感其友龐熊兩先生遂
以見遺庋置久之辛亥夏季積雨無聊屬都下方爭論
厯法事余念牙絃一輟行復五年恐遂遺忘因偕二先
生重閱一過有所增定比於前刻差無遺憾矣續成大

業未知何日未知何人書以竣焉吳淞徐光啓

幾何原本雜議

下學工夫有理有事此書爲益能令學理者祛其浮氣
練其精心學事者資其定法發其巧思故舉世無一
人不當學聞西國古有大學師門生常數百千人來
學者先問能通此書乃聽入何故欲其心思細密而
已其門下所出名士極多

能精此書者無一書不可精好學此書者無一事不可
學

凡他事能作者能言之不能作者亦能言之獨此書爲

用能言者卽能作者若不能作自是不能言何故言
時一毫未了向後不能措一語何由得妄言之以故
精心此學不無知言之助

凡人學問有解得一半者有解得十九或十一者獨幾
何之學通卽全通蔽卽全蔽更無高下分數可論

人具上資而意理疎莽卽上資無用人具中材而心思
縝密卽中材有用能通幾何之學縝密甚矣故率天
下之人而歸於實用者是或其所由之道也

此書有四不必疑不必揣不必試不必改有四不

可得欲脫之不可得欲駁之不可得欲減之不可得
欲前後更置之不可得有三至三能似至晦實至明
故能以其明明他物之至晦似至繁實至簡故能以
其簡簡他物之至繁似至難實至易故能以其易易他
物之至難易生於簡簡生於明綜其妙在明而已

此書爲用至廣在此時尤所急須余譯竟隨偕同好者
梓傳之利先生作敘亦最喜其亟傳也意皆欲公諸
人人令當世亟習焉而習者益寡竊意百年之後必
人人習之卽又以爲習之晚也而謬謂余先識余何

先識之有

有初覽此書者疑奧深難通仍謂余當顯其文句余對之度數之理本無隱奧至於文句則爾日推敲再四顯明極矣倘未及留意望之似奧深焉譬行重山中四望無路及行到彼蹊徑歷然請假旬日之功一究其旨即知諸篇自首迄尾悉皆顯明文句

吳淞徐光啓記

幾何原本第一卷之首

界說三十六
公論十九

求作四

泰西利瑪竇口譯

吳淞徐光啓筆受

界說三十六則

凡造論先當分別解說論中所用名目。故曰界說。

凡厯法、地理、樂律、算章、技藝、工巧、諸事、有度、有數者。皆依賴十府中幾何府屬。凡論幾何。先從一點始。自點引爲線。線展爲面。面積爲體。是名三度。

第一界

點者無分

無長短廣狹厚薄 如下圖 凡圖十干爲識干盡用十二支支盡用八卦八

音

甲

第二界

線有長無廣

試如一平面。光照之。有光無光之間。不容一物。是線也。真平真圓相遇。其遇處止有一點。行則止有一線。

甲乙

線有直有曲

第三界

凡線之界是點

凡線有界者兩界必是點


第四界

凡直線止有兩端。兩端之間上下更無一點

兩點之間。至徑者直線也。稍曲則繞而長矣

直線之中點能遮兩界。凡量遠近皆用直線

甲乙丙是直線。甲丁丙。甲戊丙。甲己丙。皆是



曲線

第五界


面者止有長有廣

一體所見爲面

凡體之影極似於面

無厚之極

想一線橫行所留之迹卽成面也



第六界

面之界是線

第七界

平面一面平在界之內


平面中間線能遮兩界

平面者諸方皆作直線

試如一方面用一直繩施於一角繞面運轉。


不礙不空是平面也

若曲面者則中間線不遮兩界




第八界

平角者。兩直線於平面縱橫相遇交接處




凡言甲乙丙角皆指平角

如上甲乙乙丙二線平行相遇不能作角



如上甲乙乙丙二線雖相遇不作平角。爲是



所謂角止是兩線相遇。不以線之大小較論

第九界

直線相遇作角。為直線角。

平地兩直線相遇。為直線角。本書中所論止是直線角。但作角有三等。今附著於此。一直線角。二曲線角。三雜線角。如下六圖。


直一



曲三




雜二



第十界

直線垂於橫直線之上。若兩角等。必兩成直角。而直線

下垂者。謂之橫線之垂線。量法常用兩直角及垂線。垂線加於橫線之上。必不作銳角及鈍角。

若甲乙線至丙丁上。則乙之左右作兩角相等。為直角。而甲乙為垂線。


若甲乙為橫線。則丙丁又為甲乙之垂線。何者。丙乙與甲乙相遇。雖止一直角。然甲線若垂下過乙。則丙線上下不定成兩直角。所以丙乙亦為甲乙之垂線。今用矩尺一縱一橫。互相為直線。互相為垂線。

凡直線上。有兩角相連。是相等者。定俱直角。中間線
爲垂線。

反用之。若是直角。則兩線定俱是垂線。

第十一界

凡角大於直角。爲鈍角。

如甲乙丙角與甲乙丁角不等。而甲乙丙大
於甲乙丁。則甲乙丙爲鈍角。

第十二界

凡角小於直角。爲銳角。

如前圖甲乙丁是

通上三界論之。直角一而已。鈍角銳角。其大小不等。乃至無數。

是後凡指言角者。俱用三字爲識。其第二字。卽所指角也。如前圖甲乙丙三字。第一乙字。卽所指鈍角。若言甲乙丁。卽第二乙字。是所指銳角。

第十三界

界者一物之始終。

今所論有三界。點爲線之界。線爲面之界。面爲體之

界體不可爲界


第十四界

或在一界、或在多界之間、爲形

一界之形、如平圓、立圓、等物、多界之形、如平方、立方、及平立三角、六八角等物、圖見後卷

第十五界

圓者一形於平地居一界之間、自界至中心作直線俱等



若甲乙丙爲圓、丁爲中心、則自甲至丁、與乙至丁、丙至丁、其線俱等

外圓線爲圓之界。內形爲圓


一說。圖是一形。乃一線屈轉一周。復於元處所作。如上圖甲丁線轉至乙丁。乙丁轉至丙丁。丙丁又至甲丁。復元處。其中形卽成圖

第十六界

圓之中處爲圓心

第十七界

自圓之一界作一直線。過中心至他界。爲圓徑。徑分圖兩平分



爲圓徑

甲丁乙戊圓。自甲至乙過丙心作一直線。

第十八界

徑線與半圓之界所作形爲半圓

第十九界

在直線界中之形爲直線形

第二十界

在三直線界中之形爲三邊形

第二十一界


在四直線界中之形爲四邊形

第二十二界

在多直線界中之形爲多邊形。五邊以上俱是


第二十三界

三邊形三邊線等爲平邊三角形



第二十四界

三邊形有兩邊線等。爲兩邊等三角形。或銳或鈍




第二十五界

三邊形三邊線俱不等。爲三不等三角形。



第二十六界

三邊形有一直角。爲三邊直角形。



第二十七界

三邊形有一鈍角。爲三邊鈍角形。




第二十八界

三邊形有三銳角。爲三邊各銳角形。

凡三邊形。恆以在下者爲底。在上二邊爲腰。


第二十九界

四邊形。四邊線等。而角直。爲直角方形。



第三十界

直角形其角俱是直角。其邊兩兩相等。



如上甲乙丙丁形。甲乙邊與丙丁邊自相等。甲丙與乙丁自相等。


第三十一界

斜方形四邊等。但非直角。



第三十二界

長斜方形其邊兩兩相等但非直角



第三十三界

已上方形四種。謂之有法四邊形。四種之外。他方形。皆謂之無法四邊形。

第三十四界

兩直線於同面行至無窮。不相離。亦不相遠。而不得相遇。爲平行線。


乙丁

甲丙

第三十五界


一形。每兩邊有平行線。爲平行線方形。

幾何學




第三十六界

凡平行線方形。若於兩對角作一直線。其直線爲對角線。又於兩邊縱橫各作一平行線。其兩平行線與對角線交羅相遇。卽此形分爲四平行線方形。其兩形有對角線者。爲角線方形。其兩形無對角線者。爲餘方形。



甲乙丁丙方形。於丙乙兩角作一線。爲對



角線又依乙丁平行作戊己線依甲乙平行作庚辛線其對角線與戊己庚辛兩線交羅相遇於壬卽作大小四平行線方形矣則庚壬己丙及戊壬辛乙兩方形謂之角線方形而甲庚壬戊及壬己丁辛謂之餘方形

求作四則

求作者不得言不可作

第一求

自此點至彼點求作一直線



此求亦出上篇。蓋自此點直行至彼點。卽是直線。



自甲至乙。或至丙。至丁。俱可作直線。

第二求

一有界直線。求從彼界直行引長之。

甲 乙 丙 丁

如甲乙線。從乙引至丙。或引至丁。俱一直行。

第三求

不論大小。以點爲心。求作一圓。



第四求

設一度於此。求作彼度。較此度或大或小。凡言度者。或線或面或體。皆或言較小作大。可作較大作小。不可作何者。小之至極。數窮盡故也。此說非是。凡度與數不同。數者可以長。不可以短。長數無窮。短數有限。如百數減半成五十。減之又減。至一而止。一以下不可損矣。自百以上。增之可至無窮。故曰可長不可短也。

度者可以長。亦可以短。長者增之可至無窮。短者減之亦復無盡。嘗見莊子稱一尺之棰。日取其半。萬世不竭。亦此理也。何者。自有而分。不免爲有。若減之可盡。是有化爲無也。有化爲無。猶可言也。今已分者更復合之。合之又合。仍爲尺棰。是始合之初。兩無能并爲一有也。兩無能并爲一有。不可言也。

公論十九則

公論者不可疑

第一論

設有多度彼此俱與他等。則彼與此自相等。

第二論

有多度等。若所加之度等。則合并之度亦等。

第三論

有多度等。若所減之度等。則所存之度亦等。

第四論

有多度不等。若所加之度等。則合并之度不等。

第五論

有多度不等。若所減之度等。則所存之度不等。

第六論

有多度俱倍於此度。則彼多度俱等。

第七論

有多度俱半於此度。則彼多度亦等。

第八論

有一度自相合。則二度必等。以一度加一度之上

第九論

全大於其分。如一尺大於一寸。寸者全尺中十分中之一分也。


第十論

直角俱相等

見界說十

第十一論

有二橫直線。或正或偏。任加一縱線。若三線之間同方兩角。小於兩直角。則此二橫直線愈長愈相近。必至相遇。



甲乙丙丁二橫直線。任意作一戊己縱線。或正或偏。若戊己線旁同方兩角。俱小於直角。或并之小於兩直角。則甲乙丙丁線愈長愈

相近。必有相遇之處。

欲明此理。宜察平行線不得相遇者。

界說卅四加一垂線。

卽三線之間。定爲直角。便知此論兩角小於直角者。其行不得不相遇矣。

第十二論


兩直線不能爲有界之形。



第十三論

兩直線止能於一點相遇

如云線長界近相交不止一點。試於丙乙二界各出



直線交於丁。假令其交不止一點。當引至甲則甲丁乙宜為甲丙乙圓之徑。而甲丁

丙亦如之

界說十七

夫甲丁乙圓之右半也。而甲丁丙亦

右半也

界說十七

甲丁乙為全。甲丁丙為其分。而俱稱右

半。是全與其分等也

本篇九

第十四論

有幾何度等。若所加之度各不等。則合并之差與所加

之差等

戊
庚
乙
丁
甲
丙

甲乙丙丁線等。於甲乙加乙戊。於丙丁加丁己。則甲戊大於丙己者。庚戊線也。而乙戊大於丁己。亦如之。

第十五論

有幾何度不等。若所加之度等。則合并所贏之度。與元所贏之度等。

戊
庚
乙
丁


如上圖反說之。戊乙己丁線不等。於戊乙加乙甲。於己丁加丁丙。則戊甲大於己丙者。戊

甲丙 庚線也而戊乙大於己丁亦如之

第十六論

有幾何度等。若所減之度不等。則餘度所贏之度。與減

去所贏之度等



甲乙丙丁線等。於甲乙減戊。於丙丁減己。丁則乙戊大於丁己者。庚戊也。而丙己大於甲戊亦如之。

第十七論

有幾何度不等。若所減之度等。則餘度所贏之度。與元

所贏之度等

戊庚
乙丁

甲丙

如十四論反說之。甲戊、丙己線不等於甲戊減甲乙。於丙己減丙丁。則乙戊長於丁己者。亦庚戊也。與甲戊長於丙己者等矣。

第十八論

全與諸分之并等

第十九論

有二全度。此全倍於彼全。若此全所減之度。倍於彼全所減之度。則此較亦倍於彼較。相減之餘曰較

如此度二十。彼度十。於二十減六。於十減三。則此較十四。彼較七。

幾何原本第一卷之首終

幾何原本第一卷

本篇論三角形 計四十八題


泰西利瑪竇口譯

吳淞徐光啓筆受

第一題

於有界直線上求立平邊三角形

法曰甲乙直線上求立平邊三角形。先以甲爲心。乙爲界。作丙乙丁圓。次以乙爲心。甲爲界。作丙甲丁圓。兩圓相交於丙。於丁末自甲至丙丙至乙各作直線。卽甲乙丙爲平邊三



角形

論曰。以甲為心。至圖之界。其甲乙線與甲丙、甲丁、線等。以乙為心。則乙甲線與乙丙、乙丁、線亦等。何者。凡

為圖。自心至界。各線俱等。故。界說十五。既乙丙等



於乙甲。而甲丙亦等於甲乙。即甲丙亦等於

乙丙。公論三邊等。如所求。凡論有二種。此以是為論者。正論

下倣此

其用法。不必作兩圖。但以甲為心。乙為界。作

近丙一短界線。乙為心。甲為界。亦如之。兩短




界線交處。即得丙

諸三角形俱推前用法作之

詳本篇廿二

第二題

一直線。線或內或外。有一點。求以點為界。作直線與元線等



法曰。有甲點及乙丙線。求以甲為界。作一線與

乙丙等。先以丙為心。乙為界。乙為心。丙為

戊作丙乙圖。第三次觀甲點。若在丙乙之外。


則自甲至丙作甲丙線。第一如上前圖。或




甲在丙乙之內。則截取甲至丙一分線。如
上後圖。兩法俱以甲丙線為底。任於上下
作甲丁丙平邊三角形。本篇次自三角形

兩腰線引長之。第二其丁丙引至丙乙圓界而止。為

丙戊線。其丁甲引之出丙乙圓外。稍長為甲己線。末
以丁為心。戊為界。作丁戊圓。其甲己線與丁戊圓相
交於庚。即甲庚線與乙丙線等。



論曰。丁戊丁庚線同。以丁為心。戊庚為界。
故等。界說於丁戊線減丁丙。丁庚線減丁



甲其所減兩腰線等則所存亦等。公論夫


丙戊與丙乙同以丙為心戊乙為界亦等。

界說十五即甲庚與丙乙等。公論

若所設甲點即在丙乙線之一界其法尤易。假如點在丙即以丙為心作乙戊圓從丙至戊即所求

第三題

兩直線一長一短求於長線減去短線之度



法曰甲短線乙丙長線求於乙丙減甲先以甲為度從乙引至別界作乙丁線。本篇

次以乙爲心。丁爲界。作圓。第三圓界與乙丙交於戊。


卽乙戊與等甲之乙丁等。蓋乙丁乙戊同心同圓。故


界說

十五

第四題

兩三角形。若相當之兩腰線各等。各兩腰線間之角等。則兩底線必等。而兩形亦等。其餘各兩角相當者俱等。






等題言乙丙與戊己兩底線必等而兩三角



形亦等甲乙丙與丁戊己兩角甲丙乙與丁

己戊兩角俱等



論曰如云乙丙與戊己不等即令將甲角置

丁角之上兩角必相合無大小甲丙與丁己甲乙與

丁戊亦必相合無大小公論此二俱等而云乙丙與

戊己不等必乙丙底或在戊己之上為庚或在其下


為辛矣戊己既為直線而戊庚己又為直線則兩線

當別作一形是兩線能相合為形也辛倣此公論此

以非爲論者駁
論也下倣此

第五題

三角形若兩腰等則底線兩端之兩角等而兩腰引出
之其底之外兩角亦等



解曰甲乙丙三角形其甲丙與甲乙兩腰
等題言甲丙乙與甲乙丙兩角等又自甲
丙線任引至戊甲乙線任引至丁其乙丙

戊與丙乙丁兩外角亦等

論曰試如甲戊線稍長卽從甲戊截取一分與甲丁

等為甲已。

本篇三


次自丙至丁乙至己各作直線。

第一求

即甲已乙甲丁丙兩三角形必等。何者此兩形之甲角同甲已與甲丁兩腰又等。甲乙與甲丙兩腰又等。則其底丙丁與乙己必等。而底線兩端相當之各兩角亦等矣。

本篇四

又乙丙己與丙乙丁兩三角形亦等。



何者此兩形之

丙丁乙與乙己丙兩角既等。

本論

而甲已甲丁兩腰各減相等之甲丙。

丁甲乙線即所存丙己乙丁兩腰又等。

三公論

丙丁與乙己兩底又等。

本論


又乙丙同腰即乙丙丁與

丙乙己兩角亦等也。則丙之外乙丙己角與乙之外

丙乙丁角必等矣。本篇四次觀甲乙己與甲丙丁兩角

既等於甲乙己減丙乙己角甲丙丁減乙丙丁角則


所存甲丙乙與甲乙丙兩角必等。公論三

增從前形知三邊等形其三角俱等

第六題

三角形若底線兩端之兩角等則兩腰亦等

解曰甲乙丙三角形其甲乙丙與甲丙乙兩

角等題言甲乙與甲丙兩腰亦等


論曰。如云兩腰線不等。而一長一短。試辨之。若甲乙
 爲長線。卽令比甲丙線。截去所長之度爲乙丁線。而
 乙丁與甲丙等。本篇次自丁至丙作直線。則本形成
 兩三角形。其一爲甲乙丙。其一爲丁乙丙。而甲乙丙
 全形與丁乙丙分形同也。是全與其分等也。公論何
 者。彼言丁乙丙分形之乙丁。與甲乙丙全形之甲
 丙。兩線既等。丁乙丙分形之乙丙。與甲乙丙全形之
 乙丙。又同線。而元設丁乙丙與甲丙乙兩角
 等。則丁乙丙與甲乙丙兩形亦等也。本篇是




全與其分等也。故底線兩端之兩角等者。兩腰必等也。

第七題

一線為底。出兩腰線。其相遇止有一點。不得別有腰線。與元腰線等。而於此點外相遇。




解曰。甲乙線為底。於甲。於乙。各出一線。至丙點相遇。題言此為一定之處。不得於甲上更




出一線。與甲丙等。乙上更出一線。與乙丙等。而不於丙相遇。

論曰。若言有別相遇於丁者。卽問丁當在丙內邪。丙外邪。若言丁在丙內。則有二說。俱不可通。何者。若言丁在甲丙元線之內。則如第一圖。丁在甲丙兩界之間矣。如此。卽甲丁是甲丙之分。而云甲丙與甲丁等也。是全與其分等也。公論九若言丁在甲丙乙三角頂間。則如第二圖。丁在甲丙乙之間矣。卽令自丙至丁。作丙丁線。而乙丁丙甲丁丙。又成兩三角形。次從乙丁引出至己。從乙丙引出至戊。則乙丁丙形之乙丁乙丙兩腰等者。其底線兩端之兩角。乙丁丙乙丙丁。



宜亦等也。其底之外兩角，己丁丙，戊丙丁，
宜亦等也。本篇五而甲丁丙形之甲丁，甲丙，
兩腰等者，其底線兩端之兩角甲丙丁，甲
丁丙，宜亦等也。本篇五夫甲丙丁角，本小於
戊丙丁角，而為其分。今言甲丁丙，與甲丙
丁兩角等，則甲丁丙，亦小於戊丙丁矣。何
况己丁丙，又甲丁丙之分，更小於戊丙丁
可知。何言底外兩角等乎？若言丁在丙外，
又有三說，俱不可通。何者？若言丁在甲丙



元線外是丁甲卽在丙甲元線之上。則甲
 丙與甲丁等矣。卽如上第一說駁之。若言
 丁在甲丙乙三角頂外。卽如上第二說駁之。若言丁
 在丙外。而後出二線。一在三角形內。一在其外。甲丁
 線與乙丙線相交。如第五圖。卽令將丙丁相聯作直
 線。是甲丁丙。又成一三角形。而甲丙丁。宜與甲丁丙
 兩角等也。本篇夫甲丁丙角。本小於丙丁乙角。而爲
 其分。據如彼論。則甲丙丁角。亦小於丙丁乙角矣。又
 丙丁乙。亦成一三角形。而丙丁乙。宜與丁丙乙兩角

雜作原方

等也

本篇五

夫丁丙乙角本小於甲丙丁角而為其分。


據如彼論則丙丁乙角亦小於甲丙丁角矣。此二說

者豈不自相戾乎

第八題

兩三角形若相當之兩腰各等兩底亦等則兩腰間角


必等



解曰甲乙丙丁戊己兩三角形其甲乙與

丁戊兩腰甲丙與丁己兩腰各等乙丙與

戊己兩底亦等題言甲與丁兩角必等



論曰。試以丁戊己形。加於甲乙丙形之上。

戊問丁角在甲角上邪。否邪。若在上。卽兩角

等矣。公論或謂不然。乃在於庚。卽問庚當



在丁戊線之內邪。或在三角頂之內邪。或


在三角頂之外邪。皆依前論駁之。本篇

系本題止論甲丁角。若旋轉依法論之。卽三角皆同。

可見凡線等。則角必等。不可疑也。

第九題

有直線角。求兩平分之。



法曰。乙甲丙角。求兩平分。之。先於甲乙線

己任截一分為甲丁。本篇次於甲丙亦截甲

乙戊與甲丁等。次自丁至戊作直線。次以丁

戊為底立平邊三角形。本篇為丁戊己形。末自己至

甲作直線。則乙甲丙角為兩平分


論曰。丁甲己與戊甲己兩三角形之甲丁與甲戊兩

線等。甲己同是一線。戊己與丁己兩底又等。何言兩底等。初

從戊丁底作此三角。平形。則丁甲己與戊甲己兩角


此二線為腰。各等戊丁故

必等。本篇


 用法如上截取甲丁甲戊卽以丁爲心向
 乙丙間任作一短界線次用元度以戊爲
 心亦如之兩界線交處得已本篇

第十題

一有界線求兩平分之二



 法曰甲乙線求兩平分先以甲乙爲底作甲
 乙丙兩邊等三角形本篇次以甲丙乙角兩

平分之二本篇得丙丁直線卽分甲乙於丁

論曰丙丁乙丙丁甲兩三角形之丙乙丙甲兩腰等

而丙丁同線甲丙丁與乙丙丁兩角又等本篇則甲

丁與乙丁兩線必等本篇




用法以甲為心任用一度但須長於甲乙線之半向上向下各作一短界線次用元度以乙為心亦如之兩界線交處即丙丁末作丙丁直線即分甲乙於戊

第十一題

一直線任於一點上求作垂線


法曰甲乙直線任指一點於丙求丙上作垂線先於



乙之垂線


丙左右。任用一度。各截一界。爲丁、爲戊。本篇
 三次以丁、戊爲底。作兩邊等角形。本篇爲
 丁、己、戊。末自己至丙。作直線。卽己、丙爲甲。

論曰：丁、己、丙與戊、己、丙兩角形之己、丁、己、戊兩腰等。
 而已、丙同線。丙、丁與丙、戊兩底又等。卽兩形必等。丁
 與戊兩角亦等。本篇丁、己、丙與戊、己、丙兩角亦等。本篇
 八則丁、丙、己與戊、丙、己兩角必等矣。等卽是直角。直
 角卽是垂線。界說十 此後三角形多稱角形省文也





用法于丙點左右如上截取下與戊。卽以丁爲心。任用一度。但須長於丙丁線。向丙上方作短界線。次用元度。以戊爲心。亦如之。兩界線

交處卽己



又用法於丙左右如上截取下與戊。卽任庚用一度。以丁爲心。於丙上下方各作短界線。次用元度。以戊爲心。亦如之。則上交爲己。下交爲庚。末作己庚直線。視直線交於丙點。卽得。是用法。又爲嘗巧之法。



增。若甲乙線所欲立垂線之點乃在線末
 甲界上。甲外無餘線可截。則於甲乙線上
 任取一點為丙。如前法。於丙上立丁丙垂
 線。次以甲丙丁角兩平分之。本篇九為己丙
 線。次以甲丙為度。於丁丙垂線上截戊丙
 線。本篇三次於戊上。如前法。立垂線與己丙
 線相遇為庚。末自庚至甲作直線。如所求。

論曰。庚甲丙與庚丙戊兩角形之甲丙戊丙兩線既
 等。庚丙同線。戊丙庚與甲丙庚兩角又等。即甲庚戊

庚兩線必等


本篇四

而對同邊之甲角戊角亦等

本篇四

戊既直角則甲亦直角是甲庚爲甲乙之垂線

界說十



用法甲點上欲立垂線先以甲爲心向元線

作大半圓圓界與甲乙線相遇爲丁次自丁至丙作


直線引長之至戊爲戊丁線戊丁與圓界相遇爲己

末自己至甲作直線卽所求


此法今未能論論見第三卷第三十一題

第十二題

有無界直線線外有一點求於點上作垂線至直線上




法曰。甲乙線外有丙點。求從丙作垂線
 至甲乙。先以丙爲心。作一圓。令兩交於
 甲乙線。爲丁爲戊。次從丁戊各作直線
 至丙。次兩平分丁戊於己。本篇末自丙
 自己作直線。卽丙己爲甲乙之垂線。
 論曰。丙己丁戊兩角。形之丙丁丙
 戊兩線等。丙己同線。則丙戊己與丙丁己兩角必等。
本篇而丁丙己與戊丙己兩角又等。則丙己丁與丙
 己戊等皆直角。本篇而丙己定爲垂線矣。



用法。以丙爲心。向直線兩處各作短界線。爲甲爲乙。次用元度。以甲爲心。向丙點相望處。作短界線。乙爲心。亦如之。兩界線交處爲丁。未

自丙至丁。作直線。則丙戊爲垂線。





又用法。於甲乙線上。近甲近乙。任取一點。爲心。以丙爲界。作一圓界。於丙點及相望處。各稍引長之。次於甲乙線上。視前心。或相望如前圖。或進或退。如後圖。任移一點。爲心。以丙爲界。作一圓界。至與前圖交處。

得丁。末自丙至丁作直線得戊。若近界作垂線無可截取亦用此法

第十三題

一直線至他直線上所作兩角。非直角。即等於兩直角。


解曰。甲線下至丙丁線遇於乙。其甲乙丙與甲乙丁作兩角。題言此兩角當是直角。若非



直角。即是一銳一鈍。而并之等於兩直角。
論曰。試於乙上作垂線為戊乙。本篇十一合戊乙

丙與戊乙丁為兩直角。即甲乙丁甲乙戊兩銳角并之與戊乙丁直角等矣。次於甲乙丁甲乙戊兩銳角。


又加戊乙丙一直角。并此三角。定與戊乙丙戊乙丁。
兩直角等也。公論十八次於甲乙戊。又加戊乙丙。并此銳。
直兩角。定與甲乙丙鈍角等也。次於甲乙戊戊乙丙。
銳直兩角。又加甲乙丁銳角。并此三角。定與甲乙丁。
甲乙丙銳鈍兩角等也。夫甲乙丁甲乙戊戊乙丙三。
角。既與兩直角等。則甲乙丁與甲乙丙兩角。定與兩。
直角等。公論

第十四題

一直線於線上一點。出不同方兩直線。偕元線。每旁作

兩角。若每旁兩角，與兩直角等，卽後出兩線爲一直

線。



解曰：甲乙線於丙點上，左出一線爲丙丁。

右出一線爲丙戊。若甲丙戊、甲丙丁兩角與兩直角等，題言丁丙與丙戊是一直線。


論曰：如云不然，令別作一直線，必從丁丙更引出一線，或離戊而上爲丁丙己，或離戊而下爲丁丙庚也。若上於戊，則甲丙線至丁丙己直線上，爲甲丙己、甲丙丁兩角。此兩角宜與兩直角等。

本篇十三

如此卽甲丙

戊甲丙丁兩角與甲丙己甲丙丁兩角亦等矣。試減

己戊庚乙



甲丙丁角而以甲丙戊與甲丙己兩角較之果相等乎。公論夫甲丙己本小於甲丙

戊而為其分。今日相等是全與其分等也。

公論若下於戊則甲丙線至丁丙庚直線上為甲丙

庚甲丙丁兩角此兩角宜與兩直角等。本篇如此。即

甲丙庚甲丙丁兩角與甲丙戊甲丙丁兩角亦等矣。

試減甲丙丁角而以甲丙戊與甲丙庚較之果相等


乎。公論夫甲丙戊實小於甲丙庚而為其分。今日相

等是全與其分等也。公論兩者皆非則丁丙戊是一

直線

第十五題

凡兩直線相交作四角。每兩交角必等


解曰。甲乙與丙丁兩線相交於戊。題言甲戊

等

論曰。丁戊線至甲乙線上。則甲戊丁。丁戊乙兩角與
兩直角等。本篇甲戊線至丙丁線上。則甲戊丙。甲戊

下兩角與兩直角等。本篇十三如此。卽丁戊乙甲戊下兩

角亦與甲戊下甲戊丙兩角等。公論十試減同用之甲

戊丁角。其所存丁戊乙甲戊丙兩角必等。公論三又丁

戊線至甲乙線上。則甲戊丁丁戊乙兩角與兩直角


等。本篇十三乙戊線至丙丁線上。則丁戊乙丙戊乙兩角

與兩直角等。本篇十三如此。卽甲戊丁丁戊乙兩

角亦與丁戊乙丙戊乙兩角等。公論十試減同

用之丁戊乙角。其所存甲戊丁丙戊乙兩角必等。

一系推顯兩直線相交於中點上作四角與四直角等。




二系一點之上。兩直線相交。不論幾許線。幾許角。

定與四直角等。

公論十八

增題。一直線內。出不同方兩直線。而所作兩交角等。即後出兩線。為一直線。

解曰。甲乙線內。取丙點。出丙丁、丙戊兩線。而所作甲


丙戊丁、丙乙兩交角等。或甲丙丁、戊丙乙兩

交角等。題言戊丙、丙丁。即一直線。

論曰。甲丙戊角。既與丁丙乙角等。每加一戊丙乙角。即甲丙戊、戊丙乙兩角。必與丁丙乙、戊丙乙兩角等。

公論 而甲丙戊戊丙乙與兩直角等。本篇十三 則丁丙乙

戊丙乙亦與兩直角等。是戊丙丙丁為一直線。本篇十四

第十六題

凡三角形之外角必大於相對之各角




解曰甲乙丙角形自乙甲線引之至丁。題言外角丁甲丙必大於相對之內角

甲乙丙甲丙乙

論曰欲顯丁甲丙角大於甲丙乙角。試

以甲丙線兩平分於戊。本篇十 自乙至戊



作直線引長之。從戊外截取戊己與乙戊等。

本篇三

次

自甲至己作直線。即甲戊己戊乙丙兩角形之戊己

與戊乙兩線等。戊甲與戊丙兩線等。甲戊己乙戊丙

兩交角又等。

本篇十五

則甲己與乙丙兩底亦等。

本篇四

兩

形之各邊各角俱等。而已甲戊與戊丙乙兩角亦等

矣。夫己甲戊乃丁甲丙之分。則丁甲丙大於己甲戊。

亦大於相等之戊丙乙。而丁甲丙外角不大於相對

之甲丙乙內角乎。次顯丁甲丙大於甲乙丙。試自丙

甲線引長之至庚。次以甲乙線兩平分於辛。


本篇十

自

丙至辛。作直線引長之。從辛外截取辛壬、與丙辛等。
三篇次自甲至壬。作直線。依前論推顯甲辛壬、辛丙
乙兩角形之各邊各角俱等。則壬甲辛與辛乙丙兩
角亦等矣。夫壬甲辛乃庚甲乙之分。必小於庚甲乙
也。庚甲乙又與丁甲丙兩交角等。本篇十五則甲乙丙內
角不小於丁甲丙外角乎。其餘乙丙上作外角俱大
於相對之內角。依此推顯。

第十七題

凡三角形之每兩角必小於兩直角



解曰。甲乙丙角形。題言甲乙丙、甲丙乙、兩角。丙甲乙、甲乙丙、兩角。甲丙乙、丙甲乙、兩角。皆小於兩直角。

論曰。試用兩邊線丙甲，引出至戊。丙乙，引出至丁。即

甲乙丁外角大於相對之甲丙乙內角矣。本篇十六此兩


率者。每加一甲乙丙角。則甲乙丁、甲乙丙。必大於甲

丙乙甲乙丙矣。公論四夫甲乙丁、甲乙丙。與兩直角等

也。本篇十三則甲丙乙、甲乙丙。小於兩直角也。餘二倣此

第十八題

凡三角形大邊對大角小邊對小角



角

解曰甲乙丙角形之甲丙邊大於甲乙邊乙丙邊題言甲乙丙角大於乙丙甲角乙甲丙

論曰甲丙邊大於甲乙邊即於甲丙線上截甲丁與

甲乙等三本篇自乙至丁作直線則甲乙丁與甲丁乙

兩角等矣五本篇夫甲丁乙角者乙丙丁角形之外角


必大於相對之丁丙乙丙角十六本篇則甲乙丁角亦大

於甲丙乙角而况甲乙丙又函甲乙丁於其中不又

大於甲丙乙乎。如乙丙邊大於甲乙邊，則乙甲丙角亦大於甲丙乙角。依此推顯。

第十九題

凡三角形，大角對大邊，小角對小邊。



解曰：甲乙丙角形，乙角大於丙角。題言對乙角之甲丙邊，必大於對丙角之甲乙邊。

論曰：如云不然，令言或等，或小。若言甲丙與甲乙等，則甲丙乙角宜與甲乙丙角等矣。本篇五何設乙角大於丙角也？若言甲丙小於甲乙，則甲丙邊對甲乙丙大角，宜

幾何原


三

大。本篇十八又何言小也。如甲角大於丙角。則乙丙邊大

於甲乙邊。依此推顯。

第二十題

凡三角形之兩邊并之必大於一邊



解曰。甲乙丙角形。題言甲丙、甲乙邊并之必

大於乙丙邊。甲丙、丙乙并之必大於甲乙。甲

乙、乙丙并之必大於甲丙。

論曰。試於丙甲邊引長之。以甲乙為度。截取甲丁。本篇

三。自丁至乙作直線。令甲丁、甲乙兩腰等。而甲丁乙

甲乙丁兩角亦等。本篇

五

即丙乙丁角大於甲乙丁角。

亦大於丙丁乙角矣。夫丁丙邊對丙乙丁大角也。豈

不大於乙丙邊對丙丁乙小角者乎。

本篇

十九又甲丁甲

乙兩線各加甲丙線等也。則甲乙加甲丙者與丙丁

等矣。丙丁既大於乙丙。則甲乙甲丙兩邊并必大於

乙丙邊也。餘二倣此。

第二十一題

凡三角形於一邊之兩界出兩線復作一三角形在其
內。則內形兩腰并之必小於相對兩腰。而後兩線所

作角必大於相對角



解曰。甲乙丙角形。於乙丙邊之兩界各出一
 線。遇於丁。題言丁丙丁乙兩線并。必小於甲
 乙甲丙并。而乙丁丙角必大於乙甲丙角

論曰。試用內一線引長之。如乙丁引之至戊。即乙甲

戊角形之乙甲甲戊兩線并。必大於乙戊線也。本篇二十

此二率者。每加一戊丙線。則乙甲甲戊戊丙并。必大

於乙戊戊丙并矣。公論四又戊丁丙角形之戊丁戊丙

線并。必大於丁丙線也。此二率者。每加一丁乙線。則

戊丁戊丙丁乙并必大於丁丙丁乙并矣公論夫乙

甲甲戊戊丙既大於乙戊戊丙豈不更大於丁丙丁

乙乎本篇又乙甲戊角形之丙戊丁外角大於相對

之乙甲戊內角本篇即丁戊丙角形之乙丁丙外角


亦大於相對之丁戊丙內角矣而乙丁丙角豈不更

大於乙甲丙角乎

第二十二題

三直線求作三角形其每兩線并大於一線也

法曰甲乙丙三線其第一第二線并大於第三線兩若



線比第三線或等或小。即不能作三角形。見本篇二十。求作三角形。

先任作丁戊線。長於三線并。次以甲為度。

從下截取丁己線。本篇三以乙為度。從己截

取己庚線。以丙為度。從庚截取庚辛線。次

以己為心。丁為界。作丁壬癸圓。以庚為心。

辛為界。作辛壬癸圓。其兩圓相遇。下為壬。

上為癸。末以庚己為底。作癸庚、癸己兩直線。即得己

癸庚三角形。用壬亦可作。若丁壬癸圓不到壬辛壬癸圓不到丑。即是兩線或等或小於

第三線不成三角形矣。

論曰此角形之丁己己癸線皆同圓之半徑等十五界說
 則己癸與甲等庚辛庚癸線亦皆同圓之半徑等則
 庚癸與丙等己庚元以乙為度則角形三線與所設
 三線等

一用法任以一線為底以底之一界為心第二



戊線為度向上作短界線次以又一界為心第



三線為度向上作短界線兩界線交處向下




乙作兩腰如所求
 若設一三角形求別作一形與之等亦用此


法

第二十三題

一直線任於一點上求作一角與所設角等



取一點為辛自庚至辛作直線次依甲乙線



丁作丙壬癸角形與戊庚辛角形等

本篇廿二

即丙

壬丙癸兩腰與戊庚辛兩腰等壬癸底與庚辛底


又等則丙角與戊角必等

本篇八

第二十四題


兩三角形相當之兩腰各等。若一形之腰間角大，則底

亦大。





解曰：甲乙丙與丁戊己兩角形。其甲乙與丁戊兩腰甲丙與丁己兩腰各等。若乙甲丙角大於戊丁己角。題言乙丙底必大於戊己底。

論曰：試依丁戊線從丁點作戊丁庚角與乙甲丙角等。本篇廿三則戊丁庚角大於戊丁



己角。而丁庚腰在丁己之外矣。次截丁庚線與丁己等。三 本篇即丁庚丁己俱與甲丙等。又自戊至庚作直線。是甲乙與丁戊甲丙與丁庚腰線各等。乙甲丙與戊丁庚兩角亦等。而乙丙與戊庚兩底必等也。四 本篇次問所作戊庚底令在戊己底上邪。抑同在一線邪。抑在其下邪。若在上。即如第二圖。自己至庚作直線。則丁庚己角形之丁庚丁己兩腰等。而丁庚己與丁己庚兩角



亦等矣。本篇夫戊庚己角乃丁庚己角之

分。必小於丁庚己。亦必小於相等之丁己

庚。而丁己庚又戊己庚角之分。則戊庚己

益小於戊己庚也。公論則對戊庚己小角之戊己腰。

必小於對戊己庚大角之戊庚腰也。本篇若戊己與

戊庚兩底同線。即如第四圖。戊己乃戊庚之分。則戊

己必小於戊庚也。公論若戊庚在戊己之下。即如第

六圖。自己至庚作直線。次引丁庚線出於壬。引丁己

線出於辛。則丁庚丁己兩腰等。而辛己庚壬庚己兩

幾何原本

外角亦等矣。

本篇五

夫戊庚己角乃壬庚己角之分必

小於壬庚己亦必小於相等之辛己庚而辛己庚又

戊己庚角之分則戊庚己益小於戊己庚也。

公論九

則

對戊庚己小角之戊己腰必小於對戊己庚大角之

戊庚腰也。

本篇十九

是三戊己皆小於等戊庚之乙丙


本篇

四也

第二十五題

兩三角形相當之兩腰各等。若一形之底大則腰間角

亦大



解曰甲乙丙與丁戊己兩角形其甲乙與丁
 戊甲丙與丁己各兩腰等若乙丙底大於戊
 己底題言乙甲丙角大於戊丁己角
 論曰如云不然令言或小或等若言等則兩形之兩
 腰各等腰間角又等宜兩底亦等本篇四何設乙丙底
 大也若言乙甲丙角小則對乙甲丙角之乙丙線宜
 亦小本篇廿四何設乙丙底大也

第二十六題 二支

兩三角形有相當之兩角等及相當之一邊等則餘兩

邊必等。餘一角亦等。其一邊不論在兩角之內及一角之對



先解一邊在兩角之內者。曰。甲乙丙角形之



甲乙丙角形之。甲乙丙角與丁戊己角形之。丁戊己角與

戊己邊又等。題言甲乙與丁戊兩邊。甲丙與丁己兩邊各等。而乙甲丙角與戊丁己角亦等。

論曰。如云兩邊不等。而丁戊大於甲乙。令於丁戊線

截取庚戊與甲乙等。本篇次自庚至己作直線。即庚

戊己角形之庚戊戊己兩邊宜與甲乙乙丙兩邊等

矣夫乙角與戊角元等則甲丙與庚己宜等本篇而


庚己戊角與甲丙乙角宜亦等也本篇既設丁己戊

與甲丙乙兩角等今又言庚己戊與甲丙乙兩角等


是庚己戊與丁己戊亦等全與其分等矣公論

九以此見兩邊必等兩邊既等則餘一角亦

等



後解相等邊不在兩角之內而在一角之對
者曰甲乙丙角形之乙角丙角與丁戊己角



戊 庚 己

形之戊角、丁己戊角、各等。而對丙之甲乙邊、

與對己之丁戊邊、又等。題言甲丙、與丁己、兩

邊、丙乙、與己戊、兩邊、各等。而甲角、與戊丁己角、亦等。

論曰、如云、兩邊不等、而戊己大於乙丙、令於戊己線、

截取戊庚、與乙丙等。本篇次自丁至庚、作直線、即丁

戊庚角形之丁戊、戊庚、兩邊、宜與甲乙、乙丙、兩邊等。

矣。夫乙角、與戊角、元等。則甲丙、與丁庚、宜等。本篇而

丁庚戊角、與甲丙乙角、宜亦等也。既設丁己戊、與甲

丙乙兩角等。今又言丁庚戊、與甲丙乙兩角等。是丁


庚戌外角與相對之丁巳戌內角等矣。本篇十六可乎。以此見兩邊必等。兩邊既等則餘一角亦等。

第二十七題

兩直線有他直線交加其上。若內相對兩角等。卽兩直線必平行。

解曰。甲乙丙丁兩直線。加他直線戊己交於庚於辛。而甲庚辛與丁辛庚兩角等。題言甲乙丙丁兩線必平行。

論曰。如云不然。則甲乙丙丁兩直線必至相遇於壬。




依此論

而庚辛壬成三角形。則甲庚辛外角宜大
 於相對之庚辛壬內角矣。本篇十六乃先設相
 等乎。若設乙庚辛角與丙辛庚角等。亦依
 此論。若言甲乙丙丁兩直線相遇於癸。亦

第二十八題 二支

兩直線有他直線交加其上。若外角與同方相對之內
 角等。或同方兩內角與兩直角等。即兩直線必平
 行。



先解曰。甲乙丙丁兩直線。加他直線戊己。交

於庚。於辛。其戊庚甲外角。與同方相對之庚

辛丙內角。等。題言甲乙丙丁兩線必平行。

論曰。乙庚辛角。與相對之內角丙辛庚等。

本篇

廿七戊庚甲與乙庚辛兩交角亦等。

本篇十五

即兩直線必

平行。後解曰。甲庚辛丙辛庚兩內角。與兩直角等。題

言甲乙丙丁兩線必平行。

論曰。甲庚辛丙辛庚兩角。與兩直角等。而甲庚戊甲

庚辛兩角。亦與兩直角等。

本篇十三


試減同用之甲庚辛

即所存甲庚戊與丙辛庚等矣。既外角與同方相對之內角等。即甲乙丙丁必平行。本題

第二十九題 三支

兩平行線有他直線交加其上。則內相對兩角必等。外角與同方相對之內角亦等。同方兩內角亦與兩直

角等。



先解曰。此反前二題。故同前圖。有甲乙丙丁二平行線。加他直線戊己。交於庚於辛。題言甲庚辛與丁辛庚內相對兩角必等。

論曰。如云不然。而甲庚辛大於丁辛庚。則丁辛庚加辛庚乙。宜小於辛庚甲。加辛庚乙矣。公論夫辛庚甲辛庚乙。元與兩直角等。本篇據如彼論。則丁辛庚辛庚乙兩角小於兩直角。而甲乙丙丁兩直線向乙丁行。必相遇也。公論可謂平行線乎。

次解曰。戊庚甲外角與同方相對之庚辛丙內角等。論曰。乙庚辛與相對之丙辛庚兩內角等。本題則乙庚

辛交角相等之戊庚甲。本篇與丙辛庚必等。公論

後解曰。甲庚辛丙辛庚兩內角與兩直角等。

辨何所本

論曰戊庚甲與庚辛丙兩角既等。本題而每加一甲庚

辛角則庚辛丙甲庚辛兩角與甲庚辛戊庚甲兩角


必等。公論夫甲庚辛戊庚甲本與兩直角等。本篇則

甲庚辛丙辛庚兩內角亦與兩直角等

第三十題

兩直線與他直線平行則元兩線亦平行

乙巳丁 乙丁巳



解曰此題所指線在同面者不同面

線後別有論如甲乙丙丁兩直線各

與他線戊己平行題言甲乙與丙丁


亦平行。

論曰。試作庚辛直線。交加於三直線。甲乙於壬戊己於子丙丁於癸。其甲乙與戊己既平行。即甲壬子與相對之己子壬兩內角等。本篇廿九丙丁與戊己既平行。即丁癸子內角與己子壬外角亦等。本篇廿九丁癸子與甲壬子亦為相對之內角亦等。公論一而甲乙丙丁為

平行線。本篇廿七


第三十一題

一點上求作直線與所設直線平行





法曰。甲點上求作直線與乙丙平行。先從甲點向乙丙線任指一處作直線為甲丁。即乙丙線上成甲丁乙角。次於甲點上作一角與甲丁乙等。本篇廿三為戊甲丁。從戊甲線引之至己。即己戊與乙丙平行。

論曰。戊己乙丙兩線有甲丁線聯之。其所作戊甲丁與甲丁乙相對之兩內角等。即平行線。本篇廿七增從此題生一用法。設一角兩線求作有法四邊形有角與所設角等。兩兩邊線與所設線等。



甲
乙




法曰。先作己丁戊角。與丙等。次截丁戊線。與甲等。己丁線。與乙等。末依丁戊平行。作己庚。依己丁平行。作庚戊。卽所求。

本題用法。於甲點求作直線。與乙丙平行。先作甲丁線。次以丁爲心。任作戊己圓界。次用元度。以甲爲心。作庚辛圓界。稍長於戊己。次取戊己圓界爲度。於庚辛圓界。截取庚辛。末自甲至辛作直線。各引長之。卽所求。

又用法。以甲點爲心。於乙丙線近乙處。任指一點作

幾何原本




短界線為丁。次用元度以丁為心於乙丙上
 向丙截取一分作短界線為戊次用元度以
 戊為心向上與甲平處作短界線又用元度
 以甲為心向甲平處作短界線後兩界線交處為己
 自甲至己作直線各引長之即所求

第三十二題

凡三角形之外角與相對之內兩角并等凡三角形之
 內三角并與兩直角等

先解曰甲乙丙角形試從乙丙邊引至丁題言甲丙



丁外角與相對之內兩角甲乙并等

論曰試作戊丙線與甲乙平行本篇三一令甲

丙為甲乙戊丙之交加線則乙甲丙角與

相對之甲丙戊角等本篇廿九又乙丁線與兩平行線相

遇則戊丙丁外角與相對之甲乙丙內角等本篇廿九既

甲丙戊與乙甲丙等而戊丙丁與甲乙丙又等則甲

丙丁外角與內兩角甲乙并等矣

後解曰甲乙丙三角并與兩直角等

論曰既甲丙丁角與甲乙兩角并等更於甲丙丁加

甲丙乙則甲丙丁甲丙乙兩角并與甲乙丙內三角

并等矣。公論夫甲丙丁甲丙乙并元與兩直角等。本篇

三則甲乙丙內三角并亦與兩直角等

增從此推知凡第一形當兩直角第二形當


四直角第三形當六直角自此以上至於無



窮每命形之數倍之為所當直角之數。凡一

線不能為形故三邊為第一形四邊為第二形五邊為第三形六邊為第四形倣此以至

窮又視每形邊數減二邊即所存邊數是本

形之數





論曰。如上四圖。第一形三邊減二邊存一邊。
 卽是本形一數倍之。當兩直角。本題第二形四
 邊減二邊存二邊。卽是本形二數倍之。當四
 直角。欲顯此理。試以第二形作一對角線。成
 兩三角形。每形當兩直角。并之。則當四直角
 矣。第三形五邊減二邊存三邊。卽是本形三
 數倍之。當六直角。欲顯此理。試以第三形作
 兩對角線。成三三角形。每形當兩直角。并之
 亦當六直角矣。其餘依此推顯。以至無窮。




一



二



三



四

又一法。每形視其邊數。每邊當兩直角。而減四直角。其存者。即本形所當直角。

論曰。欲顯此理。試於形中任作一點。從此點向各角。俱作直線。令每形所分角形之數。如其邊數。每一分形三角。當二直角。本題其近點之處。不論幾角。皆當四直角。本篇十次減近五之系。點諸角。即是減四直角。其存者。則本形所當直角。如上第四形六邊。中間任指一點。從點向各角。分爲六三角形。每一分形三角。六形共十八

角。今於近點處減當四直角之六角。所存近邊十二角。當八直角。餘倣此。

一系。凡諸種角形之三角并俱相等。

本題增


二系。凡兩腰等角形。若腰間直角。則餘兩角。每當直角之半。腰間鈍角。則餘兩角。俱小於半直角。腰間銳角。則餘兩角。俱大於半直角。

三系。平邊角形。每角當直角三分之二。

四系。平邊角形。若從一角向對邊作垂線。分爲兩角形。此分形各有一直角。在垂線之下兩旁。則垂線之

上兩旁角。每當直角三分之一。其餘兩角。每當直角

三分之二



增。從三系。可分一直角為三平分。其法任
於一邊立平邊角形。次分對直角一邊為


兩平分。從此邊對角作垂線。即所求。如上圖。甲乙丙
直角。求三分之。先於甲乙線上。作甲乙丁平邊角形。

本篇
一 次平分甲丁於戊。
本篇
九 末作乙戊直線

第三十三題

兩平行相等線之界。有兩線聯之。其兩線亦平行。亦相

乙
丁
等



解曰甲乙丙丁兩平行相等線有甲丙乙丁
丙兩線聯之題言甲丙乙丁亦平行相等線

論曰試作甲丁對角線為甲乙丙丁之交加線即乙

甲丁丙丁甲相對兩內角等本篇廿九又甲丁線上下兩

角形之甲乙丙丁兩邊既等甲丁同邊則對乙甲丁

角之乙丁線與對丙丁甲角之甲丙線亦等本篇廿九而

乙丁甲與丙甲丁兩角亦等也本篇廿九此兩角者甲丙


乙丁之內相對角也兩角既等則甲丙乙丁兩線必

平行。本篇
廿七

第三十四題

凡平行線方形。每相對兩邊線各等。每相對兩角各等。

對角線分本形兩平分



解曰。甲乙丁丙。平行方形。界說三五題言甲乙與
丙丁兩線。甲丙與乙丁兩線各等。又言乙與
丙丙兩角。乙甲丙與丙丁乙兩角各等。又言若

作甲丁對角線。即分本形為兩平分

論曰。甲乙與丙丁。既平行。則乙甲丁與丙丁甲相對

之兩內角等。

本篇廿九

甲丙與乙丁既平行。則乙丁甲與

丙甲丁相對之兩內角等。

本篇廿九

甲乙丁角形之乙甲

丁乙丁甲兩角與甲丁丙角形之丙丁甲丙甲丁兩

角既各等。甲丁同邊。則甲乙與丙丁甲丙與乙丁俱

等也。而丙角與相對之乙角亦等矣。

本篇廿六

又乙丁甲

角加丙丁甲角與丙甲丁角加乙甲丁角既等。即乙

甲丙與丙丁乙相對兩角亦等也。

公論二

又甲乙丁甲

丁丙兩角形之甲乙乙丁兩邊與丁丙丙甲兩邊各

等。腰間之乙角與丙角亦等。則兩角形必等。


本篇四

而

甲丁線分本形爲兩平分

第三十五題

兩平行方形若同在平行線內又同底則兩形必等



解曰甲乙丙丁兩平行線內有丙丁戊甲與丙丁乙己兩平行方形同丙丁底題言此兩形等等者不謂腰等角等謂所函之地等後

言形等者多做此

先論曰設己在甲戊之內其丙丁戊甲與丙丁乙己皆平行方形丙丁同底則甲戊與丙丁己乙與丙丁

各相對之兩邊各等。本篇三四而甲戌與己乙亦等。公論一

試於甲戌己乙兩線各減己戌。即甲己與戊乙亦等。

公論三而甲丙與戊丁元等。本篇三四乙戌丁外角與己甲

丙內角又等。本篇廿九則乙戌丁與己甲丙兩角形必等


矣。本篇四次於兩角形每加一丙丁戊己無法四邊形

則丙丁戊甲與丙丁乙己兩平行方形等也。公論二

次論曰設己戌同點依前甲戌與戊乙等乙



戊丁與戊甲丙兩角形等。本論四而每加一戊

丁丙角形則丙丁戊甲與丙丁乙戊兩平行



方形必等

二 公論



後論曰。設己點在戊之外。而丙己與戊丁兩

線交於庚。依前甲戊與己乙兩線等。而每加

一戊己線。即戊乙與甲己兩線亦等。二 公論 因

顯己甲丙與乙戊丁兩角形亦等。四 本篇 次每

減一己戊庚角形。則所存戊庚丙甲與乙己


庚丁兩無法四邊形亦等。三 公論 次於兩無法

形。每加一庚丁丙角形。則丙丁戊甲與丙丁

乙己兩平行方形必等。二 公論

第三十六題

兩平行線內有兩平行方形。若底等。則形亦等。



解曰。甲乙丙丁兩平行線內有甲丙戊己與庚辛丁乙兩平行方形。而丙戊與辛丁兩底等。題言兩形亦等。

論曰。試自丙至庚戊至乙各作直線相聯。其丙戊庚

乙各與辛丁等。則丙戊與庚乙亦等。本篇庚乙與丙


戊既平行線。則庚丙與乙戊亦平行線。本篇而甲丙

戊己與庚丙戊乙兩平行方形。同丙戊底者等矣。本篇

三庚辛丁乙與庚丙戊乙兩平行方形同庚乙底者
 五亦等矣。本篇三五既爾則庚辛丁乙與甲丙戊己亦等。公論

第三十七題

兩平行線內有兩三角形若同底則兩形必等




解曰甲乙丙丁兩平行線內有甲丙丁乙丙

丁兩角形同丙丁底題言兩形必等

論曰試自丁至戊作直線與甲丙平行次自

丁至己作直線與乙丙平行。本篇三一夫甲丙丁戊乙丙



丁巳兩平行方形在甲乙丙丁兩平行線內
同丙丁底既等本篇三五則甲丙丁角形為甲丙
丁戊方形之半與乙丙丁角形為乙丙丁己

方形之半者


甲丁乙丁兩對角線平分兩方形見本篇廿四

亦等

公論七

第三十八題

兩平行線內有兩三角形若底等則兩形必等




解曰甲乙丙丁兩平行線內有甲丙戊與乙
己丁兩角形而丙戊與己丁兩底等題言兩
形必等

論曰。試自庚至戊辛至丁。各作直線與甲丙乙己平

行。本篇其甲丙戊庚與乙己丁辛兩平行。方形既等。

本篇則甲丙戊與乙己丁兩角形為兩方形之半者。

本篇亦等。公論



增凡角形任於一邊兩平分之向對角作直線即分本形為兩平分


論曰甲乙丙角形試以乙丙邊兩平分於丁。本篇自

丁至甲作直線即甲丁線分本形為兩平分何者試

於甲角上作直線與乙丙平行。本篇則甲乙丁甲丁

丙兩角形在兩平行線內兩底等兩形亦等本題

二增題凡角形任於一邊任作一點求從點



分本形為兩平分

法曰甲乙丙角形從丁點求兩平分先自丁

至相對甲角作甲丁直線次平分乙丙線於戊本篇

作戊己線與甲丁平行本篇末作己丁直線即分本

形為兩平分

論曰試作甲戊直線即甲戊己己丁戊兩角形在兩


平行線內同己戊底者等而每加一己戊丙形則己

丁丙與甲戊丙兩角形亦等。公論夫甲戊丙為甲乙

丙之半。本題則已丁丙亦甲乙丙之半

第三十九題

兩三角形其底同其形等必在兩平行線內



解曰甲乙丙與丁丙乙兩角形之乙丙底同其形復等題言在兩平行線內者蓋云自甲至丁作直線必與乙丙平行

論曰如云不然令從甲別作直線與乙丙

平行本篇必在甲丁之上或在其下矣設在上為甲


戊而乙丁線引出至戊。卽作戊丙直線。是甲乙丙宜與戊丙乙兩角形等矣。本篇卅七夫甲乙丙與丁丙乙既等。而與戊丙乙復等。是全與其分等也。公論九設在甲丁下爲甲己。卽作己丙直線。是己丙乙與丁丙乙亦等。如前駁之。

第四十題

兩三角形其底等。其形等。必在兩平行線內。

解曰。甲乙丙與丁戊己兩角形之乙丙與戊己兩底等。其形亦等。題言在兩平行線內者。蓋云自甲至丁。

庚



作直線必與乙己平行

論曰如云不然令從甲別作直線與乙己

平行本篇必在甲丁之上或在其下矣設

在上為甲庚而戊丁線引出至庚即作庚己直線是

甲乙丙宜與庚戊己兩角形等矣本篇夫甲乙丙與

丁戊己既等而與庚戊己復等是全與其分等也公論


九設在甲丁下為甲辛即作辛己直線是辛戊己與

丁戊己亦等如前駁之

第四十一題

兩平行線內有一平行方形一三角形同底則方形倍

大於三角形



解曰甲乙丙丁兩平行線內有甲丙丁戊方
形乙丁丙角形同丙丁底題言方形倍大於


論曰試作甲丁直線分方形為兩平分則甲丙丁與

乙丁丙兩角形等矣本篇夫甲丙丁戊倍大於甲丙

丁本篇必倍大於乙丁丙

第四十二題

有三角形求作平行方形與之等而方形角有與所設角等



法曰。設甲乙丙角形。丁角。求作平行方形。與甲乙丙角形等。而有丁角。先分一邊為兩平分。如乙丙邊。平分於戊。本篇次作丙戊已角。

與丁角等。

本篇

次自甲作直線與乙丙平行。

本篇

與戊已線遇於已。末自丙作直線與戊已平行。為丙

庚。

本篇


而與甲已線遇於庚。則得已戊丙庚平行方

形。與甲乙丙角形等。


論曰。試自甲至戊作直線。其甲戌丙角形與己戊丙
 庚平行方形。在兩平行線內。同底。則己戊丙庚倍大
 於甲戌丙矣。本篇四一夫甲乙丙亦倍大於甲戌丙。本篇廿八
 增 卽與己戊丙庚等。公論六

第四十三題

凡方形對角線旁兩餘方形自相等



解曰。甲乙丙丁方形有甲丙對角線。題言兩
 旁之乙壬庚戊與庚己丁辛兩餘方形。界說卅六
 必等



論曰甲乙丙甲丙丁兩角形等本篇甲戊庚

甲庚辛兩角形亦等本篇而於甲乙丙減甲

戊庚於甲丙丁減甲庚辛則所存乙丙庚戊

與庚丙丁辛兩無法四邊形亦等矣公論又庚壬丙

己角線方形之庚丙己庚丙壬兩角形等本篇而於


兩無法四邊形每減其一則所存乙壬庚戊與庚己

丁辛兩餘方形安得不等公論

第四十四題

一直線上求作平行方形與所設三角形等而方形角

有與所設角等




法曰。設甲線。乙角。丙角。求於甲線上。作

平行方形。與乙角形等。而有丙角。先作丁

戊己庚。平行方形。與乙角形等。而戊己庚

角。與丙角等。本篇四二次於庚己線。引長之。作

己辛線。與甲等。次作辛壬線。與戊己平行。



本篇三一次於丁戊。引長之。與辛壬線遇於壬。

次自壬至己。作對角線。引出之。又自丁庚。引長之。與

對角線遇於癸。次自癸作直線。與庚辛平行。又於壬

卷之四

辛引長之與癸線遇於子。末於戊己引長之至癸子線得丑。即己丑子辛平行方形。如所求。

論曰。此方形之己辛線與甲等。而辛己丑角爲戊己

庚之交角。本篇十五則與丙等。又本形與戊己庚丁同爲



餘方形等。本篇四三則與乙角形等。

第四十五題

有多邊直線形。求作一平行方形。與之等。而方形角有

與所設角等。

法曰。設甲乙丙五邊形。丁角。求作平行方形。與五邊



形等。而有丁角。先分五邊形為甲、乙、丙、

三三角形。次作戊己庚辛平行方形。與

甲等。而有丁角。本篇次於戊辛己庚兩

平行線引長之。作庚辛壬癸平行方形。

與乙等。而有丁角。本篇末復引前線作壬癸子丑平

行方形。與丙等。而有丁角。本篇即此三形并為一平

行方形。與甲、乙、丙并形等。而有丁角。自五以上。可至

無窮。俱倣此法。

論曰。戊己庚與辛庚癸兩角等。而每加一己庚辛角。

卽辛庚癸己庚辛兩角定與己庚辛戊己庚兩角等。

夫己庚辛戊己庚是兩平行線內角與兩直角等也。

本篇廿九則己庚辛辛庚癸亦與兩直角等。而己庚庚癸

爲一直線也。本篇十四又戊辛庚與戊己庚兩對角等。而



辛壬癸與辛庚癸兩對角亦等。則戊己庚辛庚辛壬

癸皆平行方形也。本篇卅四壬癸子丑依此推顯。本篇三十卽

與戊己癸壬并爲一平行方形矣。

增題。兩直線形不等。求相減之較幾何。

法曰。甲與乙兩直線形。甲大於乙。以乙減甲。求較幾



何。先任作丁丙己戊平行方形與甲等。
 次於丙丁線上依丁角作丁丙辛庚平
 行方形與乙等。本題即得辛庚戊己為相
 減之較矣。何者丁丙己戊之大於丁丙
 辛庚較餘一辛庚戊己也。則甲大於乙。亦辛庚戊己
 也。

第四十六題


一直線上求立直角方形

法曰甲乙線上求立直角方形。先於甲乙兩界各立

幾何原本

三

垂線為丁甲、為丙乙。皆與甲乙線等。本篇次十一

作丁丙線相聯。即甲乙丙丁為直角方形。

論曰甲乙兩角俱直角。則丁甲丙乙為平行線。本篇廿八

此兩線自相等。則丁丙與甲乙亦平行線。本篇三十三而甲



乙丙丁四線俱平行。俱相等。又甲乙俱直角。則相對

丁丙亦俱直角。本篇卅四而甲乙丙丁定為四直角方形。

第四十七題

凡三邊直角形。對直角邊上所作直角方形。與餘兩邊

上所作兩直角方形并等。



解曰。甲乙丙角形。於對乙甲丙直角之

乙丙邊上。作乙丙丁戊直角方形。本篇四六

題言此形。與甲乙邊上。所作甲乙己庚

及甲丙邊上。所作甲丙辛壬。兩直角方

形并等

論曰。試從甲作甲癸直線。與乙戊丙丁

平行。本篇廿一而平分乙丙邊於子。次自甲

至丁。至戊。各作直線。末自乙至辛。自丙至己。各作直

線。其乙甲丙。與乙甲庚。既皆直角。即庚甲。甲丙。是一

直線

本篇十四

依顯乙甲、甲壬、亦一直線。又丙乙戊與甲

乙己、既皆直角而每加一甲乙丙角。即甲乙戊與丙

乙己兩角亦等。

公論二

依顯甲丙丁與乙丙辛兩角亦

等。又甲乙戊角形之甲乙乙戊兩邊與丙乙己角形

之己乙乙丙兩邊等。甲乙戊與丙乙己兩角復等。則

對等角之甲戊與丙己兩邊亦等。而此兩角形亦等

矣。

本篇四

夫甲乙己庚直角方形。倍大於同乙己底。同

在平行線內之丙乙己角形。

本篇四一

而乙戊癸子直角

形。亦倍大於同乙戊底。同在平行線內之甲乙戊角

形。則甲乙己庚不與乙戊癸子等乎。

公論


依顯甲丙

辛壬直角方形與丙丁癸子直角形等。則乙戊丁丙

一形與甲乙己庚甲丙辛壬兩形并等矣。


一增。凡直角方形之對角線上作直角方形。倍大於

元形。如甲乙丙丁直角方形之甲丙線上作



丁直角方形。倍大於甲乙丙丁形。

二增題設不等兩直角方形。如一以甲爲邊。一以乙爲邊。求別作兩直角方形自相等。而并之。又與元設兩形并等。



法曰先作丙戊線與甲等次作戊丙丁直

角而丙丁線與乙等次作戊丁線相聯末

於丙丁戊角丙戊丁角各作一角皆半於直角己戊

己丁兩腰遇於己

公論而等六本篇

即己戊己丁兩線

上所作兩直角方形自相等而并之又與丙戊丙丁

上所作兩直角方形并等

論曰己丁戊己戊丁兩角既皆半於直角則丁己戊

為直角

本篇

而對直角之丁戊線上所作直角方形

與兩腰線上所作兩直角方形并等矣

本題


己戊與己

丁既等則其上所作兩直角方形自相等矣又丁戊
線上所作直角方形與丙丁丙戊線上所作兩直角
方形并既等則己戊己丁上兩直角方形并與丙戊
丙丁上兩直角方形并亦等

三增題多直角方形求并作一直角方形與之等

法曰如五直角方形以甲乙丙丁戊爲邊任等不等
求作一直角方形與五形并等先作己庚辛直角而

戊己庚線與甲等庚辛線與乙等次作己辛線
丁
丙
乙
甲
旋作己辛壬直角而辛壬與丙等次作己壬




線。旋作己壬癸直角。而壬癸與丁等。次
 作己癸線。旋作己癸子直角。而癸子與
 戊等。末作己子線。題言己子線上所作

直角方形。即所求

論曰。己辛上作直角方形。與甲乙兩形并等。本題己壬

上作直角方形。與己辛及丙兩形并等。餘倣此推顯。

可至無窮



四增三邊直角形。以兩邊求第三邊長短
 之數

法曰。甲乙丙角形。甲爲直角。先得甲乙、甲丙、兩邊長短之數。如甲乙六、甲丙八。求乙丙邊長短之數。其甲乙、甲丙、上所作兩直角方形并。既與乙丙上所作直角方形等。本題則甲乙之羈、自乘之數曰羈得三十六。甲丙之羈得六十四。并之得百。而乙丙之羈亦百。百開方得十。卽乙丙數十也。又設先得甲乙、乙丙。如甲乙六、乙丙十。而求甲丙之數。其甲乙、甲丙、上兩直角方形并。既與乙丙上直角方形等。則甲乙之羈得三十六。乙丙之羈得百。百減三十六。得甲丙之羈六十四。六十




四開方得八。即甲丙八也。求甲乙倣此。此以開方盡實者為例。其不盡實者。自具

美家分法

第四十八題

凡三角形之一邊上。所作直角方形。與餘邊所作兩直
角方形并等。則對一邊之角。必直角。





解曰。此反前題。如甲乙丙角形。其甲丙邊
上所作直角方形。與甲乙乙丙邊上所作
兩直角方形并等。題言甲乙丙角。必直角。


論曰。試於乙上作甲乙丁直角。而乙丁與乙丙兩線等。次作丁甲線相聯。其甲乙丁既直角。則甲丁上直角方形。與甲乙乙丁上兩直角方形并等。本篇四七而甲乙乙丁上兩直角方形并。與甲乙乙丙上兩直角方形并又等。甲乙同乙丁乙丙等故即丁甲上直角方形與甲丙上直角方形必等。夫甲乙丁角形之甲乙乙丁兩腰與甲乙丙角形之甲乙乙丙兩腰既等。而丁甲甲丙兩底又等。則對底線之兩角亦等。本篇八甲乙丁既直角。即甲乙丙亦直角。


幾何原本第一卷終

番禺孟鴻光校









幾何原本第二卷之首

泰西利瑪竇口譯

吳淞徐光啓筆受

界說二則



第一界

凡直角形之兩邊函一直角者為直角形之矩線

如甲乙偕乙丙函甲乙丙直角得此兩邊即


知直角形大小之度今別作戊線己線與甲

乙乙丙各等亦即知甲乙丙丁直角形大小



PL 2451 P29 v. 97

之度則戊偕己兩線為直角形之矩線



此例與算法通如上圖一邊得三一邊得四相乘得十二則三偕四兩邊為十二之矩數

凡直角諸形之內四角皆直故不必更言四邊及平行線止名為直角形省文也

凡直角諸形不必全舉四角止舉對角二字即指全形如甲乙丙丁直角形止舉甲丙或乙丁亦省文也
第二界

諸方形有對角線者其兩餘方形任偕一角線方形為

直角形。與甲偕乙丙兩元線矩內直角形等。

注曰二卷前十題皆言線之能也。

能者謂其上能爲直角形也。如

十尺線其上能爲百尺方形之類。


其說與筭數最近故九卷之十

四題俱以數明此十題之理。今未及詳。因題意難顯。畧用數明之。如本題設兩數。當兩線爲六爲十。以十任三分之。爲五。爲三。爲二。六乘十爲六十。之。一大實與六乘五爲三十。及六乘三爲十八。六乘二爲十二。之。三小實并等。

第二題

一直線。任兩分之。其元線上直角方形。與元線偕兩分線。兩矩內直角形并等。

解曰。甲乙線。任兩分於丙。題言甲乙上直角方形。與



甲乙偕甲丙、甲乙偕丙乙、兩矩線內直角形并等。

論曰。試於甲乙線上。作甲丁直角方形。從

丙點。作己丙垂線。與甲戊乙丁平行。一卷其甲戊與

甲乙既等。一卷則甲己直角形。在甲乙甲丙矩線內。

乙丁與甲乙既等。則丙丁直角形。在甲乙丙乙矩線

幾何原本第二卷

本篇論線


計十四題

泰西利瑪竇口譯

吳淞徐光啓筆受

第一題

兩直線任以一線任分爲若干分其兩元線矩內直角形與不分線偕諸分線矩內諸直角形并等



解曰甲與乙丙兩線如以乙丙三分之爲乙丁丁戊戊丙題言甲偕乙丙矩線內直角形與甲偕乙丁甲偕丁戊甲偕戊丙三

矩線內直角形并等

論曰。試作乙己直角形。在乙丙偕等甲之

己丙矩線內。作法。于乙界作庚乙。丙界作

行。次作庚己直次於丁戊兩點。作辛丁壬


戊兩垂線。與庚乙己丙平行。一卷其辛丁

與庚乙壬戌與己丙。既平行。則辛丁與壬戌亦平行。而


辛丁壬戌與己丙等。一卷如此。則乙辛直

角形。在甲偕乙丁矩線內。丁壬直角形。在甲偕丁戊矩

線內。戊己直角形。在甲偕戊丙矩線內。并之。則三矩內



罄折形



甲乙丙丁、方形任直斜角。作甲丙對角線。從庚點作
 戊己辛壬兩線。與方形邊平行。而分本形
 為四方形。其辛己庚乙兩形為餘方形。辛
 戊己壬兩形為角線方形。一卷界說三六兩餘方
 形任偕一角線方形為罄折形。如辛己庚
 乙兩餘方形偕己壬角線方形。同在癸子
 丑園界內者。是癸子丑罄折形也。用辛戊
 角線方形。倣此。

幾何原本第二卷之首終

內而此兩形并與甲丁直角方形等

又論曰。試別作丁線與甲乙等。其甲乙線既任
分於丙。則甲乙偕丁。矩線內直角形。即甲乙上
與甲丙偕丁。丙乙偕丁。兩矩線內直角形并等


甲
丁

本篇

注曰。以數明之。設十數。任兩分之。為七。為三十。乘
七。為七十。及十乘三。為三十。之兩小實。與十自之
百一大冪等。

第三題

一直線任兩分之其元線任偕一分線矩內直角形與
 分餘線偕一分線矩內直角形及一分線上直角方
 形并等



解曰。甲乙線。任兩分於丙。題言元線甲

乙任偕一分線如甲丙矩內直角形

甲丙為長與分餘丙乙偕甲丙矩線內

分為短分與分餘丙乙偕甲丙矩線內

直角形及甲丙上直角方形并等

論曰。試作甲丁直角方形。從乙界作乙
 已垂線與甲戊平行。而於戊丁引

一卷

長之過於己。其甲戊與甲丙等。則甲己直角形在元
 線甲乙偕一分線甲丙矩內。丙丁與甲丙等。則丙己
 直角形在一分線甲丙偕分餘線丙乙矩內。而甲己
 直角形與甲丙丙乙矩線內丙己直角形及甲丙上
 甲丁直角方形并等。


又論曰。試別作丁線與一分線甲丙等。其甲乙
 線既任分於丙。則甲乙偕丁矩線內直角形。即甲
 乙偕甲丙矩。即甲丙與丁偕丙乙。即甲丙丁偕甲丙。即甲
 線內直角形。即甲丙與丁偕丙乙。即甲丙丁偕甲丙。即甲
 丙上直兩矩線內直角形并等。本篇

甲 丙 乙
 丁

注曰。以數明之。設十數。任兩分之。爲七。爲三。如前圖。則十乘七。爲七十。與七乘三之實二十一。及七自之。羈四十九。并等。如後圖。十乘三。爲三十。與七乘三之實二十一。及三之羈九。并等。

第四題

一直線。任兩分之。其元線上。直角方形。與各分上。兩直角方形。及兩分互偕。矩線內。兩直角形。并等。解曰。甲乙線。任兩分於丙。題言甲乙線上。直角方形。與甲丙。丙乙。線上。兩直角方形。及甲丙偕丙乙。丙乙



偕甲丙矩線內兩直角形并等

論曰試於甲乙線上作甲丁直角方形次

作乙戊對角線次從丙作丙己線與乙丁

平行遇對角線於庚末從庚作辛壬線與甲乙平行

而分本形為四直角形即甲乙戊角形之甲乙甲戊

兩邊等而甲乙戊與甲戊乙兩角亦等一卷夫甲乙

戊形之三角并與兩直角等一卷而甲為直角即甲

乙戊甲戊乙皆半直角一卷依顯丁乙戊角形之

丁乙戊丁戊乙兩角亦皆半直角則戊己庚外角與

丙角丁等爲直角。一卷廿九而已戊庚既半直角則已庚

戊等爲半直角矣。角既等則已庚已戊兩邊亦等。一卷

六庚辛辛戊亦等。一卷卅四而辛已爲直角方形也。依顯

丙壬亦直角方形也。又庚辛與甲丙兩對邊等。一卷卅四

而乙丙與庚丙俱爲直角方形邊亦等。則辛已爲甲

丙線上直角方形。丙壬爲丙乙線上直角方形也。又

甲庚及庚丁兩直角形各在甲丙丙乙矩線內也。則

甲丁直角方形與甲丙丙乙兩線上兩直角方形及

兩線矩內兩直角形并等矣

系從此推知。凡直角方形之角線形。皆直角方形。

又論曰。甲乙線。既任分於丙。則元線甲乙上直角方

形。與元線偕各分線。矩內兩直角形并等。本篇二又甲

乙偕甲丙。矩線內直角形。與甲丙偕丙乙。矩線

內直角形。及甲丙上直角方形并等。本篇三甲乙

偕丙乙。矩線內直角形。與丙乙偕甲丙。矩線內

直角形。及丙乙上直角方形并等。本篇三則甲乙上直


角方形。與甲丙。丙乙。上兩直角方形。及甲丙偕丙乙。

丙乙偕甲丙。矩線內兩直角形并等。


注曰。以數明之。設十數。任兩分之。爲七。爲三。十之
 羈百。與七之羈四十九。三之羈九。及三七互乘之。
 實兩二十一。并等。

第五題

一直線。兩平分之。又任兩分之。其任兩分線。矩內直角
 形。及分內線上直角方形。并與平分半線上直角方
 形等。




解曰。甲乙線。兩平分於丙。又任兩分於丁。
 其丙丁爲分內線。
 丙丁線者。丙乙所以大
 於丁乙之較。又甲丁所



以大於甲丙之較。故曰分內線。題言甲丁、丁乙、矩線內直

角形。及分內線丙丁上直角方形。并與丙



論曰。試於丙乙線上。作丙己直角方形。次作乙戊對

角線。從丁作丁庚線。與乙己平行。遇對角線於辛。次


從辛作壬癸線。與丙乙平行。次從甲作甲子線。與丙

戊平行。末從壬癸線引長之。遇於子。夫丁壬、癸庚皆



直角方形。本篇四而辛丁與丁乙兩線等。

一卷。癸辛與丙丁兩線等。則甲辛直角形。



丙在任分之甲丁丁乙矩線內而癸庚為分

內線丙丁上直角方形也。今欲顯甲辛直

子甲角形及癸庚直角方形并與丙己直角方

形等者。於丙辛辛己相等之兩餘方形。一卷每加一

丁壬直角方形。即丙壬及丁己兩直角形等矣。而甲

癸與丙壬兩形同在平行線內又底等。即形亦等。卷一

六則甲癸與丁己亦等也。即又每加一丙辛直角形

則丑寅卯罄折形。豈不與甲辛等。次於罄折形。又加

一癸庚直角方形。豈不與丙己直角方形等也。而甲


辛癸庚兩形并亦與丙己等也。則甲丁、丁乙、矩線內
直角形及丙丁上直角方形并與丙乙上直角方形
等。

注曰以數明之。設十數兩平分之各五。又任分之。
為八為二。則三為分內數。三者五所以大於二之
較。又八所以大於五之
較。二八之實十六。三之羈九與五之羈二十五等。

第六題

一直線兩平分之。又任引增一直線共為一全線。其全
線偕引增線。矩內直角形及半元線上直角方形并。

與半元線偕引增線上直角方形等。



解曰。甲乙線兩平分於丙。又從乙引長之。
 增乙丁。與甲乙通為一全線。題言甲丁偕
 乙丁。矩線內直角形。及半元線丙乙上直
 角方形并。與丙丁上直角方形等。

論曰。試於丙丁上作丙戊直角方形。次作丁己對角
 線。從乙作乙庚線。與丁戊平行。遇對角線於辛。次從
 辛作壬癸線。與丙丁平行。次從甲作甲子線。與丙己
 平行。末從壬癸線引長之。遇於子。夫乙壬癸庚皆直

角方形。本篇四而乙丁與丁壬兩線等。一卷癸辛與

丙乙兩線等。則甲壬直角形在甲丁偕乙丁矩線內。

而癸庚爲丙乙上直角方形也。今欲顯甲壬直角形

及癸庚直角方形并與丙戊直角方形等者。試觀甲

癸與丙辛兩直角形同在平行線內。又底等。卽形亦

等。一卷而丙辛與辛戊等。一卷則辛戊與甲癸亦等。

卽又每加一丙壬直角形。則丑寅卯罄折形與甲壬

等。夫罄折形加一癸庚形。本與丙戊直角方形等也。



卽甲壬癸庚兩形并亦與丙戊等也。則甲丁乙丁矩

線內直角形及丙乙上直角方形并豈不與丙丁上
直角方形等

注曰。以數明之。設十數兩平分之。各五。又引增二。
共十二。二乘之。爲二十四。及五之冪二十五。與七
之冪四十九等。

第七題

一直線任兩分之。其元線上及任用一分線上。兩直角
方形并與元線偕一分線。矩內直角形二及分餘線
上直角方形并等。




解曰。甲乙線。任分於丙。題言元線甲乙上。及任用一分線如甲丙上。兩直角方形。并。不論甲丙為長。分為短分。與甲乙偕甲丙。矩內直角形。二。及分餘線丙乙上。直角方形。并。等。


論曰。試於甲乙上。作甲丁。直角方形。次作甲乙戊對角線。從丙作丙己線。與乙丁平行。遇對角線於庚。末從庚作辛壬線。與甲乙平行。夫辛己丙壬。皆直角方形。之系。而辛庚。與甲丙等。卽辛己為甲丙上直角方形也。又甲戊。與甲乙等。卽

本篇四

一卷





甲己直角形在甲乙偕甲丙矩線內也。又戊丁丁壬、
 與甲乙、甲丙各等。卽辛丁直角形亦在甲乙偕甲丙、
 矩線內也。夫甲己己壬兩直角形。卽癸子丑
 罄折形。及丙壬
 直角方形并本與甲丁直角方形等。今於甲己辛丁、
 兩直角形并加一丙壬直角方形。卽與甲丁直角方
 形加一辛己直角方形等矣。則甲乙、甲丙、
 矩線內直角形二及丙乙上直角方形并
 與甲乙上直角方形及甲丙上直角方形
 并等也。





注曰。以數明之。設十數。任分之。爲六。爲四。
 如前圖。十之冪百。及六之冪三十六。并與
 十六互乘之。兩實百二十。及四之冪十六。
 等。如後圖。十之冪百。及四之冪十六。并與十四互
 乘之。兩實八十。及六之冪三十六。等。

第八題

一直線。任兩分之。其元線偕初分線。矩內直角形四。及
 分餘線上直角方形。并與元線偕初分線上直角方
 形等。解曰。甲乙線。任分於丙。題言元線甲乙偕初分



線丙乙、矩內直角形、四、不論丙乙為長、分為短分及
 分餘線甲丙上直角方形、并與甲乙偕
 丙乙上直角方形等。
 論曰。試以甲乙線引增至丁。而乙丁與
 丙乙等於全線上。作甲戊直角方形。次
 作丁巳對角線。從乙作乙庚線。與丁戊
 平行。遇對角線於辛。次從丙作丙壬線。
 與甲巳平行。遇對角線於癸。次從辛作
 子丑線。與甲丁平行。遇丙壬於寅。末從



癸作卯辰線與戊己平行遇乙庚於己

其卯壬寅己乙丑俱角線方形一卷卅四之系

而卯癸與甲丙兩線等一卷卅四卽卯壬爲

甲丙上直角方形又寅辛與丙乙兩線

等一篇卅四卽寅己爲丙乙上直角方形與

乙丑等丙乙與乙丁等故又乙辛辛己兩線亦

各與丙乙等而甲辛子己兩直角形各在甲乙丙乙

矩線內卽等子辛與甲乙等故寅庚辛戊兩直角形亦各在


甲乙丙乙矩線內卽又等寅辛辛丑與丙乙乙丁等辛庚丑戊與等甲乙乙之子

辛等。寅己既與乙丑等。而每加一癸庚。卽乙丑癸庚并與寅庚又等。是甲辛一、子己二、辛戊三、乙丑四、癸庚五、五直角形并爲午未申罄折形。與元線甲乙偕初分線丙乙、矩內直角形四等。而午未申罄折形及卯壬直角方形。本與甲戌直角方形等。則甲乙、乙丙、矩線內直角形四及甲丙上直角方形并與甲乙偕丙乙上直角方形等。

注曰。以數明之。設十數。任分之。爲六。爲四。如前圖。十六互乘之。實四。爲二百四十。及四之羣十六。共


二百五十六與十六之冪等。如後圖。十四互乘之
實四爲一百六十及六之冪三十六共一百九十
六與十四之冪等。

第九題



論曰。試於丙上作丙戌垂線。與甲丙等。次作甲戌、戊乙兩腰。次從丁作丁己垂線。遇戊乙於己。從己作己庚線。與甲乙平行。遇戊丙於庚。末作甲己線。其甲丙戊角。形之甲丙、丙戊兩腰等。卽丙戊、甲丙、甲戊兩角亦等。一卷五而甲丙戊爲直角。卽餘兩角皆半直角。一卷卅二之系依顯丙戊乙亦半直角。又戊庚己角形之戊庚己角。爲戊丙乙之外角。卽亦直角。一卷廿九而庚戊己半直角。卽庚己戊亦半直角。一卷卅二之系又庚戊己、庚己戊兩角等。卽庚戊、庚己兩腰亦等。一卷六依顯

丁乙己角形之丁乙丁己兩腰亦等。夫甲丙戊角形
 之丙為直角。即甲戊線上直角方形。與甲丙丙戊線
 上兩直角方形并等。一卷四七而甲丙丙戊上兩直角方
 形自相等。即甲戊上直角方形。倍大於甲丙上直角



方形矣。又戊庚己角形之庚為直角。即戊
 己線上直角方形。與庚戊庚己線上兩直
 角方形并等。一卷四七而庚戊庚己上兩直角
 方形自相等。即戊己上直角方形。倍大於
 等庚己之丙丁上直角方形矣。庚己丙丁為丙己直
 角形之對邊故見一

卷卅
四 則是甲戌、戊己上兩直角方形并。倍大於甲丙、丙丁上兩直角方形并也。又甲己上直角方形既等於甲戌、戊己上兩直角方形并。又等於甲丁、丁己上兩直角方形并。一卷四七則甲丁、丁己上兩直角方形并亦倍大於甲丙、丙丁上兩直角方形并矣。而丁己與丁乙等。則甲丁、丁乙上兩直角方形并豈不倍大於甲丙、丙丁上兩直角方形并也。


注曰。以數明之。設十數兩平分之。各五。又任分之。爲七。爲三分內數二。其七之羈四十九。及三之羈

九倍大於五之冪二十五及二之冪四


第十題

一直線兩平分之。又任引增一線。共爲一全線。其全線上及引增線上兩直角方形并倍大於平分半線上及分餘半線偕引增線上兩直角方形并。

解曰。甲乙直線平分於丙。又任引增爲乙丁。題言甲



丁線上及乙丁線上兩直角方形并倍大於甲丙線上及丙丁線上兩直角方形并。



論曰試於丙上作丙戊垂線與甲丙等

自戊至甲至乙各作腰線次從丁作己

丁垂線引長之又從戊乙引長之遇於庚次作戊己

線與丙丁平行末作甲庚線依前題論推顯甲戊乙

爲直角而丙戊乙爲半直角卽相對之戊庚己亦半

直角一卷又己爲直角一卷卽己戊庚亦半直角一卷

卅九而已戊己庚兩腰必等一卷依顯乙丁丁庚兩腰

亦等夫甲戊上直角方形等於甲丙丙戊上兩直角

方形并一卷必倍大於甲丙上直角方形而戊庚上

直角方形等於戊己庚上兩直角方形并。一卷必

倍大於對戊己邊之丙丁上直角方形。一卷則甲戊

戊庚上兩直角方形并。倍大於甲丙丙丁上兩直角

方形并也。又甲庚上直角方形等於甲戊戊庚上兩

直角方形并。亦等於甲丁丁庚上兩直角方形并。則

甲丁丁庚上兩直角方形并。亦倍大於甲丙丙丁上

兩直角方形并也。而甲丁乙丁上兩直角方形并。倍


大於甲丙丙丁上兩直角方形并矣。丁庚與乙丁等故

注曰。以數明之。設十數。平分之。各五。又任增三。爲

十三十三之冪一百六十九及三之冪九倍大於
 五之冪二十五及八之冪六十四也

第十一題

一直線求兩分之而元線偕初分線矩內直角形與分
 餘線上直角方形等



法曰甲乙線求兩分之而元線偕初分
 小線矩內直角形與分餘大線上直角
 方形等先於甲乙上作甲丙直角方形
 次以甲丁線兩平分於戊次作戊乙線

次從戊甲引增至己。而戊己線與戊乙等。未於甲乙線截取甲庚與甲己等。卽甲乙偕庚乙矩線內直角形與甲庚上直角方形等。如所求。

論曰。試於庚上作壬辛線與丁己平行。次作己辛線與甲庚平行。其壬庚與丙乙等。卽與甲乙等。而庚丙直角形在甲乙偕庚乙矩線內也。又甲庚與甲己等。而甲爲直角。卽己庚爲甲庚上直角方形也。一卷卅四今欲顯庚丙直角形與己庚直角方形等者。試觀甲丁兩平分於戊。而引增一甲己。是丁己偕甲己矩線內

直角形、即丁辛及甲戊上直角方形并與等戊己之

戊乙上直角方形等。本篇夫戊乙上直角方形等於

甲戊甲乙上兩直角方形并。一卷即丁辛直角形及

甲戊上直角方形并與甲戊甲乙上兩


直角方形并等矣。次各減同用之甲戊

上直角方形。即所存丁辛直角形不與

甲乙上甲丙直角方形等乎。此二率者又各減同用

之甲壬直角形。則所存己庚直角方形與庚丙直角

形等。而甲乙偕庚乙矩線內直角形與甲庚上直角




方形等也


注曰。此題無數可解。說見九卷十四題

第十二題

三邊鈍角形之對鈍角邊上直角方形。大於餘邊上兩
直角方形并之較。爲鈍角旁任用一邊。偕其引增線
之與對角所下垂線相遇者。矩內直角形二




解曰。甲乙丙三邊鈍角形。甲乙丙爲鈍角。
從餘角如甲。下一垂線。與鈍角旁一邊如
丙乙之引增線。遇於丁。爲直角。題言對鈍




角之甲丙邊上直角方形大於甲乙乙丙
邊上兩直角方形并之較。為丙乙偕乙丁
矩線內直角形二。反說之。則甲乙乙丙上
兩直角方形及丙乙偕乙丁矩線內直角形二并與
甲丙上直角方形等。

論曰。丙丁線既任分於乙。卽丙丁上直角方形與丙乙



乙丁上兩直角方形及丙乙偕乙丁矩線
內直角形二并等。本篇四此二率者。每加一




甲丁上直角方形。卽丙丁甲丁上兩直角





方形并與丙乙乙丁甲丁上直角方形三
 及丙乙偕乙丁矩線內直角形二并等也
 夫甲丙上直角方形等於丙丁甲丁上兩直角方形
 并一卷四七卽亦等於丙乙乙丁甲丁上直角方形三及
 丙乙偕乙丁矩線內直角形二并也又甲乙線上直
 角方形既等於乙丁甲丁上兩直角方形并一卷四七卽
 甲丙上直角方形與甲乙丙乙上兩直角方形及丙
 乙偕乙丁矩線內直角形二并等矣

第十三題

三邊銳角形之對銳角邊上直角方形。小於餘邊上兩
直角方形并之較。為銳角旁任用一邊。偕其對角所
下垂線旁之近銳角分線。矩內直角形二。



解曰。甲乙丙三邊銳角形。從一角如甲。向
對邊乙丙。下一垂線。分乙丙於丁。題言對
甲丙乙銳角之甲乙邊上直角方形。小於
乙丙甲丙邊上兩直角方形并之較。為乙
丙偕丁丙。矩線內直角形二。反說之。則乙
丙甲丙。上兩直角方形并。與甲乙上直角



方形及乙丙偕丁丙矩線內直角形二并等

論曰。乙丙線既任分於丁。卽乙丙丁丙上

兩直角方形并。與乙丙偕丁丙矩線內直

角形二及乙丁上直角方形并等。本篇七此

二率者。每加一甲丁上直角方形。卽乙丙丁丙甲丁

上直角方形三。與乙丙偕丁丙矩線內直角形二及

乙丁甲丁上兩直角方形并等也。又甲丙上直角方

形等於丁丙甲丁上兩直角方形并。一卷四七卽乙丙甲

丙上兩直角方形并與乙丙偕丁丙矩線內直角形
二及乙丁甲丁上兩直角方形并等也。又甲乙上直
角方形等於乙丁甲丁上兩直角方形并。一卷即乙
丙甲丙上兩直角方形并與乙丙偕丁丙矩線內直
角形二及甲乙上直角方形并等。反說之則甲乙上
直角方形小於乙丙甲丙上兩直角方形并者爲乙
丙偕丁丙矩線內直角形二也。

注曰題中止論銳角形不言直角鈍角形而直角
鈍角形中俱有兩銳角。一卷十即對銳角邊上形。七卅二



亦同此論。如第二第但三銳角形所作垂線。任用

一角。而直角形必用直角。鈍角形必用鈍角。此為

異耳。直角鈍角形不用直
角鈍角不能作垂線

第十四題

有直線形。求作直角方形與之等。



法曰。甲直線無法四邊形。求作直角方形與之等。先作乙丁形與甲等。而直角。一卷四五次任用一邊引長之。如丁丙引之至已。而丙已與乙丙等。次以

丁已兩平分於庚。其庚點或在丙點。或在丙點之外。

若在丙。卽乙丁是直角方形。與甲等矣。蓋丙已與乙丙等。又與丙

丁等。而餘邊俱相等。故乙丁爲直角方形。見一卷卅四。若庚在丙外。卽以庚爲

心。丁已爲界。作丁辛已半圓。末從乙丙線引長之。遇

圓界於辛。卽丙辛上直角方形。與甲等。

論曰。試自庚至辛。作直線。其丁已線既兩平分於庚。


又任兩分於丙。則丁丙偕丙已。矩內直角形。卽乙丁

蓋丙已與乙丙等故及庚丙上直角方形。并與等庚已之庚辛

上直角方形等。本篇五夫庚辛上直角方形。等於庚丙。

丙辛上兩直角方形并。一卷四七卽乙丁直角形及庚丙上直角方形并。與庚丙丙辛上兩直角方形并等。次各減同用之庚丙上直角方形。則丙辛上直角方形與乙丁直角形等。

增題。凡先得直角方形之對角線。所長於本形邊之較。而求本形邊。



法曰。直角方形之對角線。所長於本形邊之較。爲甲乙。而求本形邊。先於甲乙上作甲丙直角方形。次作乙丁對角線。又引長之。爲丁

戊線。而丁戊與甲丁等。卽得乙戊線。如所求。

論曰。試於乙戊作戊己垂線。從乙甲線引長之。遇

於己。其乙戊己既直角。而戊乙己爲半直角。一卷

卽戊己乙亦半直角。而戊乙與戊己兩邊等。六

次作己庚與戊乙平行。作乙庚與戊己平行。卽戊

庚形爲戊乙邊上直角方形也。末作戊甲線。卽丁

戊甲丁甲戊兩角等也。五 夫乙戊己丁甲己既

兩皆直角。試每減一相等之丁戊甲丁甲戊角。卽

所存己戊甲己甲戊兩角必等。而已戊己甲兩邊

必等。一卷則乙巳對角線大於乙戌邊之較。爲甲
乙矣。此增不在本書。因其方形。故類附於此。

幾何原本第二卷終

幾何原

三


幾何原本第三卷之首

泰西利瑪竇口譯
吳淞徐光啟筆受

界說十則

第一界

凡圖之徑線等或從心至圖界線等爲等圖




三卷將論圖之情故先爲圖界說此
解圖之等者如上圖甲乙乙丙兩徑
等或丁己戊庚從心至圖界等即甲

已乙乙庚丙兩圓等。若下圖甲乙乙丙兩徑不等。或丁已戊庚從心至圓界不等。則兩圓亦不等矣。

第二界


凡直線切圓界過之而不與界交爲切線。

甲乙線切乙已丁圖之界。乙又引長之至丙而不與界交。其甲丙線全在圓外。爲切線。若戊已線先切圓界而引之至庚入圓內。則交線也。



第三界

凡兩圓相切而不相交為切圖




甲乙兩圓不相交而相切於丙或切於外如第一圖或切於丙

如第三圖其第二第四圖則交圖也


第四界

凡圓內直線從心下垂線其垂線大小之度即直線距心遠近之度



凡一點至一直線上惟垂線至近其他即

遠垂線一而已。遠者無數也。故欲知點與線相去遠近。必用垂線爲度。試如前圖。甲點與乙丙線相去遠近。必以甲丁垂線爲度。爲甲丁一線。獨去直線至近。他若甲戊、甲己、諸線愈大愈遠。乃至無數。故如後圖、



設甲乙丙丁圓內之甲乙丙丁兩線。其去戊心遠近等。爲己戊庚戊兩垂線等。故其辛壬線去戊心近矣。爲戊癸垂線小。故


第五界

凡直線割圓之形。爲圖分。

甲乙丙丁圖之乙丁直線任割圓之一分。
 如甲乙丁及乙丙丁兩形皆為圓分。凡分
 有三形其過心者為半圓分。函心者為圓
 大分。不函心者為圓小分。又割圓之直線為絃所割
 圓界之一分為弧。

第六界

凡圓界偕直線內角為圓分角。




以下三界論圓角三種。本界所言雜
 圓也。其在半圓分內為半圓角。在大

分內、爲大分角。在小分內、爲小分角。

第七界

凡圓界。任於一點。出兩直線。作一角。爲負圓分角。



甲乙丙圓分。甲丙爲底。於乙點出兩直線。作甲乙丙角。其甲乙丙角。爲負甲乙丙

圓分角


第八界

若兩直線之角。乘圓之一分。爲乘圓分角。



甲乙丙丁圓內。於甲點出甲乙、甲丙兩線。其


乙甲丁角。為乘乙丙丁圓分角。



圓角三種之外。又有一種。為切邊角。或直線切圓。或兩圓相切。其兩圓相切者。又或內。或外。如上圖。甲乙線切丙丁戊圓於丙。即甲丙丁乙丙戊兩角為切邊角。又丙丁戊己戊庚兩圓外相切於戊。及己戊庚己辛壬兩圓內相切於己。即丙戊己戊己辛壬己庚三角俱為切邊角。

第九界


凡從圓心以兩直線作角。偕圓界作三角形。為分圖形。





甲乙丙丁圓。從戊心出戊甲、戊丙兩線，偕甲丁丙圓界，作角形，為分圓形。

第十界

凡圓內兩負圓分角相等，即所負之圓分相似。



甲乙丙丁圓內有甲乙己與丁丙戊兩負圓分角等，則所負甲乙丁己與丁丙甲戊兩圓分相似。



又有兩圓或等或不等，其負圓分角等，即圓分

俱相似。如上三圖、三圖之甲乙丙、丁戊己、庚辛壬、
三負圖分角等、卽所負甲乙丙、丁戊己、庚辛壬、三
圖分相似。相似者。如云同爲
幾分圖之幾也。

幾何原本第三卷之首終

幾何原本

五

幾何原本第三卷

本篇論圓

計三十七題


泰西利瑪竇口譯
吳淞徐光啟筆受

第一題

有圓求尋其心



法曰甲乙丙丁圍求尋其心先於圓之兩
 界任作一甲丙直線次兩平分之於戊
 十次於戊上作乙丁垂線兩平分之於己即己為圓
 心



論曰。如云不然。令言心何在。彼不得言在己之上。下何者。乙丁線既平分於己。離平分不能為心故。必言

心在乙丁線外為庚。即令自庚至丙至戊。至甲各作直線。則甲庚戊角形之甲戊既

與丙庚戊角形之丙戊兩邊等。戊庚同邊。而庚甲庚

丙兩線俱從心至界。宜亦等。即對等邊之庚戊甲庚

戊丙兩角。宜亦等。一卷界而為兩直角矣。說十夫乙


戊甲既直角。而庚戊甲又為直角。可不可也。

系因此推顯。圓內有直線。分他線為兩平分。而作直

角。卽園心在其內。

第二題

園界任取二點。以直線相聯。則直線全在園內。



解曰。甲乙丙園界上。任取甲丙二點。作直線相聯。題言甲丙線全在園內。

論曰。如云在外。若甲丁丙線。令尋取甲乙丙園之戊心。本篇次作戊甲戊丙兩直線。次於甲丁丙線上作

戊乙丁線。而與園界遇於乙。卽戊甲丁丙當爲三角形。以甲丁丙爲底。戊甲戊丙兩腰等。其戊甲丙戊丙

甲、兩角宜等。一卷五而戊丁甲、為戊丙丁之外角。宜大


於戊丙丁角。即亦宜大於戊甲丁角。一卷十六則對戊丁

甲大角之戊甲線。宜大於戊丁線矣。一卷十九夫戊甲、與

戊乙。本同圓之半徑等。據如所論。則戊乙亦大於戊

丁。不可通也。若云不在圓外。而在圓界。依

前論。令戊甲大於戊乙。亦不可通也。



第三題

直線過圓心。分他直線為兩平分。其分處必為兩直角。

為兩直角。必兩平分。



解曰。乙丙丁圖有丙戊線過甲心分乙丁
 線爲兩平分於己。題言甲己必是垂線。而
 己旁爲兩直角。又言己旁旣爲兩直角。則甲己分乙
 丁必兩平分。

先論曰。試從甲作甲乙、甲丁兩線。卽甲乙己角形之
 乙己與甲丁己角形之丁己兩邊等。甲己同邊。甲乙、
 甲丁兩線俱從心至界。又等。卽兩形等。則其對等邊
 之甲己乙、甲己丁亦等。一卷八而爲兩直角矣。

後論曰。如前作甲乙、甲丁兩線。甲乙丁角形之甲乙、

甲丁兩邊既等則甲乙丁甲丁乙兩角亦等。一卷五又

甲乙己角形之甲己乙甲乙己兩角與甲丁己角形

之甲己丁甲丁己兩角各等而對直角之甲乙甲丁

兩邊又等則己乙己丁兩邊亦等。一卷廿六欲顯次論之

旨又有一說如甲丁上直角方形與甲己己丁上兩

直角方形并等。一卷四七而甲乙上直角方形與甲己乙

己上兩直角方形并亦等即甲己己乙上

兩直角方形并與甲己己丁上兩直角方


形并亦等此二率者每減一甲己上直角



方形則所存乙己已丁上兩直角方形自相等而兩邊亦等

第四題

圓內不過心兩直線相交不得俱為兩平分



解曰甲丙乙丁圓內有甲乙丙丁兩直線俱

不過己心

若一過心一不過心即兩線不得俱為兩平分其理易顯而交

於戊題言兩直線或有一線為兩平分不得俱為兩平分

論曰若云不然而甲乙丙丁能俱兩平分於戊試令

尋本圓心於己


本篇一

從己至戊作甲乙之垂線其己

戊既分甲乙為兩平分。即為兩直角。本篇三而又能分
 丙丁為兩平分。亦宜為兩直角。是已戊甲為直角。而
 已戊丙亦直角。全與其分等矣。

第五題

兩園相交。必不同心。



解曰。甲乙丁戊。乙丁兩園。交於乙於丁。題言
 兩園不同心。


論曰。若言丙為同心。令自丙至乙。至甲。各作
 直線。其丙乙至園交。而丙甲截兩園之界於戊。於甲。



夫丙既爲戊乙丁圖之心。則丙乙與丙戊等。而又爲甲乙丁圖之心。則丙乙與丙甲又等。是丙戊與丙甲亦等。而全與其分等也。

第六題

兩圓內相切。必不同心。



解曰。甲乙丙乙兩圓內相切於乙。題言兩圓不同心。


論曰。若言丁爲同心。令自丁至乙至丙各

作直線。其丁乙至切界。而丁丙截兩圓之界於甲。於

丙。夫丁既爲甲乙圖之心。則丁乙與丁甲等。而又爲
丙乙圖之心。則丁乙與丁丙又等。是丁甲與丁丙亦
等。而全與其分等也。


第七題

圖徑離心。任取一點。從點至圖界。任出幾線。其過心線
最大。不過心線最小。餘線愈近心者愈大。愈近不過
心線者愈小。而諸線中止兩線等。



解曰。甲丙丁戊乙圖。其徑甲乙。其心已。
離心任取一點爲庚。從庚至圖界任出

幾線。爲庚丙、庚丁、庚戊。題先言從庚所出諸線。惟過心庚甲最大。次言不過心庚乙最小。三言庚丙大於庚丁。庚丁大於庚戊。愈近心愈大。愈近庚乙愈小。後言庚乙兩旁止可出兩線等。



先論曰。試從己心出三線。至丙、至丁、至戊。其丙己庚角形之丙己已庚兩邊并大於丙庚一邊。一卷二十而丙己已庚等於甲己已庚。則庚甲大於庚丙。依顯庚丁、庚戊俱小於庚甲。是庚甲最大。

次論曰。已庚戊角形之已戊一邊。小於已庚。庚戊兩
邊并一卷而已戊與已乙等。則已乙小於已庚。庚戊
并矣。次各減同用之已庚。則庚乙小於庚戊。依顯庚
戊小於庚丁。庚丁小於庚丙。是庚乙最小。


三論曰。丙已庚角形之丙已與丁已庚角形之丁已。
兩邊等。已庚同邊。而丙已庚角大於丁已庚角。全大於分
則對大角之庚丙邊大於對小角之庚丁邊。一卷依廿四
顯庚丁大於庚戊。而愈近心愈大。愈近庚乙愈小。
後論曰。試依戊已乙作乙已辛相等角。而抵圓界爲

已辛線次從庚作庚辛線其戊己庚角形之戊己腰與庚己辛角形之辛己腰既等已庚同腰兩腰間角又等則對等角之庚戊庚辛兩底亦等一卷而庚乙兩旁之庚戊庚辛等矣此外若有從庚出線在辛之上卽依第三論大於庚辛在辛之下卽小於庚辛故云庚乙兩旁止可出庚戊庚辛兩線等

第八題

圓外任取一點從點任出幾線其至規內則過圓心線最大餘線愈離心愈小其至規外則過圓心線爲徑

之餘者最小。餘線愈近徑餘愈小。而諸線中止兩線等。



解曰。乙丙丁戊圍之外。從甲點。任

出幾線。其一爲過癸心之甲壬。其

餘爲甲辛爲甲庚爲甲己皆至規

內規內線者。如題先言過心之甲壬最大。次言近心車輻之指牙。

之甲辛大於離心之甲庚。甲庚又大於甲巳。三反上。

言規外之甲乙爲乙王徑餘者、規外線者如車輻之湊轂、最小四

言甲丙近徑餘小於甲丁。甲丁又小於甲戊。後言甲

乙兩旁止可出兩線等。

先論曰。試從癸心至丙、丁、戊、己、庚、辛。各出直線。其甲

癸辛角形之甲癸、癸辛兩邊并大於甲辛一邊。一卷二十

而甲癸、癸辛與甲壬等。則甲壬大於甲辛。依顯甲壬

更大於甲庚、甲己。而過心之甲壬最大。

次論曰。甲癸辛角形之癸辛與甲癸庚角形之癸庚。

兩邊等。甲癸同邊。而甲癸辛角大於甲癸庚角。全大於分

則對大角之甲辛邊大於對小角之甲庚邊。一卷廿四依


顯甲庚大於甲己。而規內線愈離心愈小。

三論曰。甲癸丙角形之甲癸一邊。

小於甲丙、丙癸兩邊并。一卷二十次每

減一相等之乙癸、丙癸。則甲乙小

於甲丙矣。依顯甲乙更小於甲丁、甲戊。而規外甲乙最小。



四論曰。甲丁癸角形之內。從甲與癸。出甲丙、丙癸兩

邊并。小於甲丁、丁癸兩邊并。一卷廿一此二率者。每減一


相等之丙癸、丁癸。則甲丙小於甲丁矣。依顯甲丙更

小於甲戊。而愈近徑餘甲乙者。愈小。

後論曰。試依乙癸丙作乙癸子相等角。抵圓界。次作甲子線。其甲子癸角形之甲癸癸子兩腰與甲癸丙角形之甲癸癸丙兩腰各等。而兩腰間角又等。則對等角之甲子甲丙兩底亦等也。一卷此外若有從甲出線在子之上。即依第四論小於甲丙在子之下。即大於甲丙。故云甲乙兩旁止可出甲丙甲子兩線等。

第九題

圓內從一點至界作三線以上皆等。即此點必圓心。
解曰。從甲點至乙丙丁圓界作甲乙甲丙甲丁三直



線若等。題言甲點為圓心。三以上等者。更不待論。

論曰。試於乙丙丙丁界作乙丙丙丁兩

直線相聯。此兩線各兩平分於戊於己。

從甲出兩直線。為甲戊為甲己。其甲乙

戊角形之甲乙。與甲戊丙角形之甲丙。

兩腰既等。甲戊同腰。乙戊戊丙兩底又等。即甲戊乙

與甲戊丙兩角亦等。一卷為兩直角。依顯甲己丙甲

己丁亦等為兩直角。則甲戊甲己之分乙丙丙丁俱



平分爲直角。而此兩線俱爲函心線。本篇一之


系定相遇於甲。甲爲圖心矣。

又論曰。若言甲非心。心在於戊者。令戊甲相聯引作己庚徑線。卽甲是戊心外所取一點。而從甲所出線愈近心者。宜愈大矣。本篇則甲丁宜大於甲丙。而先設等何也。

第十題

兩圓相交。止於兩點。

論曰。若言甲乙丙丁戊己圖。與甲庚乙丁辛戊圖。三




之函心線。

本篇一之系

而子爲其心矣。依顯甲乙丙丁戊

爲兩直角。卽子壬子癸兩線俱爲甲庚乙丁辛戊圖

相交於甲於乙於丁。令作甲乙乙丁兩
 直線相聯。此兩線各兩平分於壬於癸。
 次從壬癸作子壬子癸兩垂線。其子壬
 分甲乙子癸分乙丁。既皆兩平分而各




得同心。

本篇五

何緣得有三交。

又論曰。若言兩圓三相交於甲於乙於



丁。令先尋甲庚乙丁辛戊圖之心於壬

本篇

次從心至三交界。作壬甲壬乙壬

一

丁三線。此三線等也。一卷界說十五又甲乙丙

丁戊己圖內。有從壬出之壬甲壬乙壬


丁三相等線。則壬又為甲乙丙丁戊己圖之心。本篇九

不亦交圖同心乎。本篇五

第十一題

兩圖內相切。作直線聯兩心。引出之。必至切界。

解曰。甲乙丙甲丁戊兩圖內相切於甲。而已為甲乙



丙之心。庚爲甲丁戊之心。題言作直線
聯庚己兩心。引抵圓界。必至甲。

論曰。如云不至甲。而截兩圓於乙丁。及

丙戊。令從甲作甲己。甲庚兩線。其甲己庚角形之庚


己。已甲兩邊并。大於庚甲一邊。一卷而同圓心所出

之庚甲。庚丁。宜等。卽庚己已甲。大於庚丁矣。此二率

者。各減同用之庚己。卽已甲亦大於已丁矣。夫已甲

與已乙。是內圓同心所出等線。則已乙亦大於已丁。

而分大於全也。可乎。若曰庚爲甲乙丙心。已爲甲丁




戊心亦依前轉說之甲已庚角形之已
 庚庚甲兩邊并大於甲已一邊一卷而
 同圓心所出之已甲已戊宜等即已庚
 庚甲大於已戊矣此二率者各減同用之已庚即庚
 甲大於庚戊矣夫庚甲與庚丙是內圓同心所出等
 線則庚丙亦大於庚戊而分大於全也可乎

第十二題

兩圓外相切。上線聯兩心必過切界。

解曰甲乙丙丁乙戊兩圓外相切於乙其甲乙丙心



爲已丁乙戊心爲庚。題言作已庚直線。必過

乙。

論曰。如云不然。而已庚線。截兩圓界於戊。於

丙。令於切界作乙已乙庚兩線。其乙已庚角

形之已乙乙庚兩邊并大於已庚一邊。而乙庚與庚

戊乙已與已丙俱同心所出線。宜各等。卽庚戊丙已

兩線并。亦大於庚已一線矣。一卷二十夫庚已線。分爲庚


戊丙已。尙餘丙戊。而云庚戊丙已大於庚已。則分大

於全也。故直線聯已庚。必過乙。

第十三題

二支


圓相切。不論內外。止以一點。



先論曰、甲乙丙丁、與甲戊丙己、兩圓內相切。若云有兩點相切於甲、又於丙。令作直線、函兩圓心庚辛、引出之。如前圖。宜至相切之甲之丙。本篇十一則甲丙為兩圓之同徑矣。而此徑線者、兩平分於庚。又兩平分於辛。何也。一直線止以一點兩平分若云庚辛引出直線。一抵甲。一截兩圓之界。

於癸、於壬。卽如後圖。令從兩心各作直線。至又相切之丙。次問之。甲乙丙丁。圖之心。爲庚邪。辛邪。如曰庚也。而辛爲甲戊丙己之心。則丙庚辛。角形之庚辛。辛丙。兩邊并。大於庚丙一邊。一卷二十而庚辛。辛丙。與庚癸宜等。辛癸辛丙。同圖心所出故卽庚癸亦大於庚丙矣。夫庚丙與庚壬者。外圖同心所出等線也。將庚癸亦大於庚壬可乎。如曰辛也。而庚爲甲戊丙己之心。則丙庚辛。角形之辛庚。庚丙。兩邊并。大於辛丙一邊。一卷二十而辛丙。與辛甲宜等。卽辛庚。庚丙。亦大於辛甲矣。此二率者。

各減同用之辛庚。卽庚丙亦大於庚甲也。夫庚甲與庚丙者。亦同圓心所出等線也。而安有大小。



後論曰。甲乙與乙丙兩圓外相切於己。從甲乙之丁心。丙乙之戊心。作直線相聯。必過己。本篇十二若云。又相切於乙。令自乙至丁至戊。各作直線。其丁乙乙戊并宜與丁戊等。而爲角形之兩腰。又宜大於丁戊。一卷則兩圓相切。安得兩點。

又後論曰。更令於兩相切之乙之己。作直線


相聯。其直線當在甲乙園內。本篇又當在乙丙園內。

何所置之。

第十四題 二支

園內兩直線等。即距心之遠近等。距心之遠近等。即兩

直線等



等。

先解曰。甲乙丙丁園。其心戊。園內甲乙、丁丙兩線等。題言兩線距戊心。遠近亦

論曰。試從戊心向甲乙、作戊己。向丁丙、作戊庚。各垂

線。次自丁自甲至戊。各作直線。其戊己戊庚。既各分

甲乙丁丙。線爲兩平分。本篇而甲乙丁丙等。則平分

之甲己丁庚亦等。夫甲戊上直角方形。與甲己己戊

上兩直角方形并等。一卷等甲戊之丁戊上直角方

形。與丁庚庚戊上兩直角方形并等。而甲己丁庚上

兩直角方形既等。即戊己戊庚上兩直角方形亦等。

則戊己戊庚兩線亦等。是甲乙丁丙兩線距心之度

等。本卷界說四

後解曰。甲乙丁丙兩線距戊心遠近等。題言甲乙丁

卷之八

丙、兩線亦等。

論曰。依前論。從戊作戊己、戊庚、兩垂線。既等。本卷界說四

而分甲乙、丁丙各為兩平分。本篇其三其甲

戊上直角方形與甲己、己戊、上兩直角


方形并等。一卷四七等甲戊之丁戊上直角

方形與丁庚、庚戊、上兩直角方形并等。即甲己、己戊、

上兩直角方形并與丁庚、庚戊、上兩直角方形并、亦

等。此二率者。每減一相等之己戊、戊庚、上直角方形


即所存甲己、丁庚、上兩直角方形亦等。是甲己、丁庚、



兩線等也。夫甲乙倍甲巳。丁丙倍丁庚。其半等。其全必等。

第十五題

徑為園內之大線。其餘線者。近心大於遠心。



解曰。甲乙丙丁戊巳。園其心庚。其徑甲

巳。其近心線為辛壬。遠心線為丙丁。題

言甲巳最大。辛壬近心。大於丙丁。遠心。

論曰。試從庚向丙丁。作庚癸。向辛壬。作

庚子。各垂線。其丙丁距心。遠於辛壬。即庚癸大於庚

子。本卷界說四次於庚癸線。截庚丑與庚子等。次從丑作

乙戊為庚癸之垂線。末於庚乙。庚丙。庚丁。庚戊。各作

直線相聯。其庚丑既等於庚子。即乙戊與辛壬各以

垂線距心遠近等。本卷界說四而兩線亦等。本篇十四夫庚乙


庚戌并大於乙戌。一卷二十而與甲已等。即甲已大於乙

戌。亦大於辛壬矣。依顯甲已大於他線。

則甲已最大。又乙庚戌角形之乙庚庚

戌兩腰與丙庚丁角形之丙庚庚丁兩


腰等。而乙庚戌角大於丙庚丁角。則乙



廿一
四卷

三友

線銳角。切邊角。小於各直線銳角。



先解曰。甲乙丙圓。丁爲心。甲丙爲徑。從

幾何原本


直線。即丁甲乙與丁乙甲兩角等。一卷丁甲既為直

角。丁乙又為直角乎。夫角形三角并等兩直角。一卷

豈得形內自有兩直角也。則垂線必在圓外。若已戊

必不在圓內。若甲乙又不在圓界之上。如云在界。故亦依此論。

曰全在圓外。



次解曰。題又言戊甲垂線。偕乙甲圓界

所作切邊角。不得更作一直線入其內。

論曰。若云可作。如庚甲。令從丁心向庚

甲作丁辛。為庚甲之垂線。一卷夫丁甲辛角形之丁

甲辛、丁辛甲兩角并。小於兩直角。一卷十七而丁辛甲爲

直角。卽對小角之丁辛線。小於對大角之甲丁線矣。

一卷十九甲丁者。與丁壬爲同圓相等者也。將丁壬亦大

於丁辛乎。則戊甲乙角之內。不得更作一直線。而戊

甲之下。但有直線。必入本圓之內也。

後解曰。題又言丁甲垂線。偕乙甲圓界。所作丙甲乙

圓分角。大於各直線銳角。而戊甲垂線。偕乙甲圓界。


所作切邊角。小於各直線銳角。

論曰。依前論。甲戊下有直線。旣云必入圓內。卽此直

線偕戊甲所作各直線銳角皆小於圓分角而切邊

角小於各直線銳角

系已甲線必切圓以一點



增先解曰甲乙丙圖其心丁其徑甲丙


從甲作戊甲為甲丙之垂線題言戊甲

全在圖外

增正論曰試於甲戊線內任取一點為庚自庚至

丁作直線其甲丁庚角形之丁甲庚丁庚甲兩角

小於兩直角一卷而丁甲庚為直角即丁庚甲小



於直角對大角之丁庚線大於對小角之丁甲線

矣。一卷十九

則庚點在圖之外也。凡戊甲以

內作點皆依此論。故戊甲線全在圖外。增次解曰。從甲作甲辛線。在戊甲之下。

題言甲辛必割圖為分。

增正論曰。試作甲丁壬角與戊甲辛角等。其甲丁

壬辛甲丁兩角并等於戊甲丁直角。必小於兩直

角。而丁壬甲辛兩線必相遇。

公論十一

其相遇又必在

圖之內。如壬何者。壬甲丁壬丁甲兩角既與一直

角等。卽甲壬丁必爲直角。一卷而對大角之甲丁

線必大於對小角之丁壬線矣。一卷夫甲丁線僅

至圓界。則丁壬不能抵圓界。必在圓之內也。

後支前已正論

或難曰。切邊角有大有小。何以畢不得兩分。向者

聞幾何之分。不可窮盡。如莊子尺極之義。深著明


矣。今切邊之內有角。非幾何乎。此幾何。何獨不可

分邪。又十卷第一題。言設一小幾何。又設一大幾

何。若從大者半減之。減之又減。必至一處。小於所


設小率。此題最明。無可疑者。今言切邊之角。小於直線銳角。是亦小幾何也。彼直線銳角。是亦大幾何也。若從直線銳角半減之。減之又減。何以終竟不得小於切邊角邪。既本題推顯切邊角中。不得容一直線。如此著明。便當并無切邊角。無角則無幾何。此則不可得分耳。且幾何原本書中。無有至大不可加之率。無有至小不可減之率。若切邊角不可分。豈非至小不可減乎。答曰。謬矣。子之言也。有圖。有線。安得無切邊角。且既言直線銳角大於

切邊角。卽有切邊角矣。苟無角。安所較大小哉。且
子言直線與圓界并無切邊角。則兩圓外相切。亦
無角乎。曰。然。曰。試如作甲己乙圖。其心丙。而丁戊



爲切線。卽丁甲己爲切邊角。
次移心於庚。又作甲辛癸圖。
卽丁甲辛爲切邊角。而小於
丁甲己。次移心於子。又作甲
丑寅圖。卽丁甲丑爲切邊角。而
又小於丁甲辛。如
是小之又小。疑無角焉。次又於切線之外。以辰爲

心作甲巳午圓。而與前圓外相切於甲。依子所說。疑無角焉。然兩圓外相切。而以丁戊線分之。不可分乎。更自辰至寅作直線。截兩圓之界。而分丁戊爲兩平分。不可分乎。兩圓兩直線交羅相遇於甲也。能不皆以一點乎。如以一點也。卽此一點之外。不能無空。卽不能不爲四切邊角矣。子所據尺極之分無盡。又言幾何原本書中。無至小不可減之率也。是也。夫切邊角。但不可以直線分之耳。若用圓線。則可分矣。如甲乙庚圓。與丙甲丁直線相切。




新刊

三

於甲作丁甲庚切邊大角。若移一心作
 甲戊辛圓。又得丁甲辛切邊角。即小於
 丁甲庚也。又移一心作甲己壬圓。又得
 丁甲壬切邊小角。即又小於丁甲辛也。如此以至
 無窮。則切邊角分之無盡。何謂不可減邪。若十卷
 第一題所言。元無可疑。但以圓角分圓角。則與其
 說合矣。彼所言大小兩幾何者。謂夫能相較為大。
 能相較為小者也。如以直線分直線角。以圓線分
 圓線角。是已。此切邊角與直線角。豈能相較為大。

小哉。

增題有兩種幾何。一大一小。以小率半增之。遞增至於無窮。以大率半減之。遞減至於無窮。其元大者恆大。元小者恆小。




解曰。戊甲乙切邊角。爲小率。壬庚辛直線銳角。爲大率。今別作甲丙甲丁等圖。俱切戊己線於甲。其切邊角。愈增愈大。如前論。別以庚癸庚子線作角。分壬庚辛角於庚。愈分愈小。然直線角恆太切。

幾何原本

邊角恆小。乃至終古不得相比。

又增題。舊有一說。以一小率加一大率之上。或以一大率加一小率之上。不相離。逐線漸移之。必至一相等之處。又一說。有率大於此率者。有率小於此率者。則必有率等於此率者。昔人以爲皆公論也。若用以律本題。卽不可得。故今斥不爲公論。

解曰。甲乙丙圖。其徑甲丙。令甲丙之甲。界定在於甲。而引丙線。逐線漸移之。向已。其所經丁。戊。已。及中間逐線。所經無





數。然依本題論。則甲丙所經。凡割圓時。皆爲銳角。卽小於半圓分角。纔離銳角。便爲直角。卽大於半圓分角。是所經無數線。終無有相等線。可見前一舊說。未爲公論。又直線銳角。皆小於半圓分角。直角與鈍角。皆大於半圓分角。是有大者。有小者。終無等者。可見後一舊說。未爲公論也。

第十七題

設一點一圓。求從點作切線。

法曰。甲點。求作直線。切乙丙圓。其圓心丁。先從甲作



甲丁直線。截乙丙圓於乙。次以丁為心。
甲為界。作甲戊圓。次從乙作甲丁之垂
線。而遇甲戊圓於戊。次作戊丁直線。而
截乙丙圓於丙。末作甲丙直線。即切乙
丙圓於丙。

論曰。乙戊丁角形之戊丁。丁乙兩腰。與

甲丙丁角形之甲丁。丁丙兩腰各等。一卷界說十五丁角同。

即甲丙。乙戊兩底亦等。一卷四而戊乙丁為直角。即甲


丙丁亦直角。則甲丙。偕乙丙圓之半徑丁丙。為一直

角矣。豈非圓之切線。本篇十六之系

第十八題

直線切圓。從圓心作直線。至切界。必為切線之垂線。

解曰。甲乙直線。切丙丁圓於丙。從戊心至切界。作戊丙線。題言戊丙為甲乙之垂線。



論曰。如云不然。令從戊別作垂線。如至乙。而截丙丁圓於丁。其丙戊乙角形之戊乙丙。既為直角。即宜大於乙丙戊角。一卷而對大角之戊丙邊。宜大於對小角之戊乙邊。

矣。一卷夫戊丙與戊丁等也。戊丙大於戊乙。則戊丁亦大於戊乙乎。

又論曰。若云丙非直角。卽其兩旁角。一銳一鈍。令乙丙戊爲銳角。則銳角乃大於半圓分角乎。本篇十六


第十九題

直線切圓。圓內作切線之垂線。則圓心必在垂線之內。

解曰。甲乙線切丙丁戊圓於丙。圓內作

戊丙爲甲乙之垂線。題言圓心在戊丙

線內。




論曰。如云不然。心在於已。令從已作已丙直線。即已丙亦爲甲乙之垂線。本篇十八而已丙甲與戊丙甲等爲直角。是全與其分等矣。

第二十題

負圓角與分圓角。所負所分之圓分同。則分圓角必倍大於負圓角。

解曰。甲乙丙圓。其心丁。有乙丁丙分圓角。乙甲丙負圓角。同以乙丙圓分爲底。題言乙丁丙角倍大於乙甲丙角。



先論分圓角。在乙甲甲丙之內者曰。如

上圖。試從甲過丁心作甲戊線。其甲丁

乙角形之丁甲丁乙等。即丁甲乙丁乙

甲兩角等。一卷而乙丁戊外角與內相對兩角并等。


一卷即乙丁戊倍大於乙甲丁矣。依顯丙丁戊亦倍

大於丙甲丁。則乙丁丙全角亦倍大於乙甲丙全角。

次論分圓角不在乙甲甲丙之內而甲

乙線過丁心者曰。如上圖。依前論推顯

乙丁丙外角等於內相對之丁甲丙丁



丙甲兩角并一卷


世一

而丁甲丁丙兩腰等。即甲丙兩角

亦等。

五

則乙丁丙角倍大於乙甲丙角。



後論分圓角在負圓角線之外而甲乙

截丁丙者曰如上圖試從甲過丁心作


甲戊線其戊丁丙分圓角與戊甲丙負

圓角同以戊乙丙圓分為底如前次論戊丁丙角倍

大於戊甲丙角依顯戊丁乙分圓角亦倍大於戊甲

乙負圓角次於戊丁丙角減戊丁乙角戊甲丙角減

戊甲乙角則所存乙丁丙角必倍大於乙甲丙角



兩角


第二十一題

凡同圓分內所作負圓角俱等

增。若乙丁、丁丙。不作角於心。或爲半圓。或小於半圓。則丁心外餘地。亦倍大於同底之負圓角。

論曰。試從甲過丁心。作甲戊線。卽丁心外餘地。分爲乙丁戊、戊丁丙兩角。依前論推顯此兩角。倍大於乙甲丁、丁甲丙。

解曰。甲乙丙丁圓。其心戊。於丁甲乙丙圓分內任作



丁甲丙、丁乙丙兩角。題言此兩角等

先論函心大分所作。曰。試從戊作戊丁、

戊丙線。其丁戊丙分圓角。既倍大於丁

甲丙角、丁乙丙角。


本篇十二 即甲乙兩角自相等。公論七


後論半圓分、不函心小分所作。曰。丁甲

乙丙。或為半圓分。或為不函心小分。俱

從甲、從乙、過戊作甲己、乙庚兩線。若不

函心更從戊作戊丁、戊丙兩線。其丁戊己分圓角。既





倍大於丁甲己負圓角。本篇二十依顯丙戊


己分圓角亦倍大於丙甲己負圓角。而

丁戊庚庚戊己己兩角與丁戊己一角等。

則丁戊庚庚戊己己戊丙三角必倍大於丁甲丙。依
顯此三角亦倍大於丁乙丙。則丁甲丙丁乙丙兩角
自相等。

又後論曰。二十題增。言分圓不作角。其心外餘地。倍
大於同底各負圓角。即各角自相等。


又後論曰。甲丙乙丁線交羅相遇爲己。試作甲乙線



丁甲丙與丙乙丁亦等

又後論曰。丁丙之外。任取一界爲己。作丁己丙己兩線。令俱函心。而丁甲乙丙己與丙乙甲丁己俱爲大

相聯。其甲丁己角形之三角并與乙丙己角形之三角并等。一卷次每減一交角相等之甲己丁乙己丙。一卷即已甲丁己丁甲兩角并與己丙乙己乙丙兩角并等矣。而甲丁乙乙丙甲兩角同在甲丁丙乙函心大分內。又等。本題第一論則





分。次於甲己、乙己、各作直線相聯。其丁
 甲己與丁乙己兩角同負丁甲乙丙己
 圓界。即等。本題第一論 依顯丙乙己與丙甲
 己兩角同負丙乙甲丁己圓界。又等。此
 二相等率并之。則丁甲丙、丁乙丙兩全
 角亦等。

第二十二題

圓內切界四邊形。每相對兩角并與兩直角等。

解曰。甲乙丙丁圓。其心戊。圓內有甲乙丙丁四邊形。



題言甲乙丙、丙丁甲、兩角并。乙丙丁、丁甲乙、兩角并。各與兩直角等。

論曰。試作甲丙、乙丁、兩對角線。其甲乙

丁、甲丙丁、兩角同負甲乙丙丁圖分。即

等。本篇廿一依顯丙甲丁、丙乙丁、兩角亦等。

則甲乙丁、丙乙丁、兩角并為甲乙丙一

角。與甲丙丁、丙甲丁、兩角并等。次每加一丙丁甲角。


即甲乙丙、丙丁甲并。與甲丙丁、丙甲丁、丙丁甲、三角

并等。此三角并。元與兩直角等。一卷廿二則甲乙丙、丙丁

甲相對兩角并與兩直角等。依顯乙丙丁丁甲乙并亦與兩直角等。

第二十三題

一直線上作兩圓分不得相似而不相等。



論曰。如云不然。令於甲乙線上作同方兩圓分相似而不相等。必作甲丙乙。又作甲丁乙。其兩圓相交止於甲乙兩點。本篇卽一圓分全在內。一圓分全在外矣。次令作甲丁線截甲丙乙圓於丙。末令作丙乙丁乙兩線相聯。


夫兩圓分相似者其負圓角宜等。本卷界說十卷則乙丙甲外角與相對之乙丁甲內角等乎。一卷十六


第二十四題

相等兩直線上作相似兩圓分必等。

解曰甲乙丙丁兩線上作甲丙乙丙己丁相似兩圓分。題言兩圓分等。

論曰甲乙丙丁兩線既等。試以甲乙線加丙丁線上兩線必相合。即甲丙乙丙己丁兩圓分相加亦相合。如云不然必






兩圓分相加。或在內。或在內。或在內。或在內。半在外矣。若在外。即一直線上。有兩圓分相似而不相等也。本篇廿三若半在內。半在外。即兩圓三相交也。本篇十故相似者必等。

第二十五題

有圓之分。求成圓。



法曰。甲乙丙圓分。求成圓。先於分之兩端。作甲丙線。次作乙丁。為甲丙之垂線。次作甲乙


線相聯。其丁乙甲角。或大於丁甲乙角。或等。或小。若
大。卽甲乙丙。當爲圓之小分。何也。乙丁分甲丙爲兩
平分。卽知圓之心。必在乙丁線內。本篇一而心在丁
點之外。則從丁點所出丁乙。爲不過心徑線。至小。本篇
七。故對小邊之丁甲乙角。小於對大邊之丁乙甲角。
也。一卷卽作乙甲戊角。與丁乙甲角等。次從乙丁。引
出一線。與甲戊線遇於戊。卽戊爲圓心。
論曰。試從戊作戊丙線。其甲丁戊角形之甲丁線。與
丙丁戊角形之丙丁線等。丁戊同線。而甲丁戊。丙丁

幾何原本

戊兩皆直角。即對直角之甲戊與戊丙兩線等。一卷

夫甲戊與乙戊以對角等故既等。一卷戊丙與甲戊

又等。則從戊至界三線皆等。而戊為心。本篇



次法兼論曰。若丁乙甲丁甲乙兩角等。即甲

乙丙為半圓。而甲丙為徑。丁為心。何也。丁乙

丁甲兩邊等。然後丁乙甲丁甲乙兩角等。卷一

五今丁乙甲丁甲乙兩角既等。即丁乙丁甲兩線必

等。卷一丁丙元與丁甲等。則從丁所出三線等。而丁

為圓心。本篇




後法曰。若丁乙甲。小於丁甲乙。卽甲乙
 丙。當爲圓大分。何也。乙丁分甲丙爲兩
 平分。卽知圓心在乙丁線內。本篇一而
 丁點在心之外。則所出丁乙。爲過心徑線。至大。本篇
 故對大邊之丁甲乙。大於對小邊之丁乙甲也。一卷
 卽作乙甲戊角。與丁乙甲角等。而甲戊線與乙丁線。十八
 遇於戊。卽戊爲圓心。

論曰。試從戊作戊丙線。其甲丁戊角形之甲丁線。與
 丙丁戊角形之丙丁線等。丁戊同線。而甲丁戊。丙丁

戊兩皆直角。即對直角之甲戊戊丙兩線亦等。一卷

夫乙戊與甲戊以對角等故既等。五戊丙與甲戊

亦等。則從戊至界三線皆等。而戊為心。九 本篇



增求圖分之心。有一簡法。於甲乙丙圖

分任取三點於甲於乙於丙。以兩直線

聯之。各兩平分於丁於戊。從丁從戊作


甲乙乙丙之各垂線。為己丁為己戊。而相遇於己。

即己為圓心。

論曰。己丁己戊。既各以兩直角平分甲乙乙丙兩

線。卽圖之心。當在兩垂線內。本篇而相遇於己。卽

己爲圓心。



其用法。圓界上。任取四點。爲甲、爲乙、爲丙、爲丁。每兩點。各自爲心。相向。各任作圓。分四圓。分兩兩相交於戊、於己、於庚、於辛。從戊己、從庚辛。各作直線。引長之。交於壬。卽壬爲圓心。



論曰。試作甲戊、乙己、丙庚、丁辛。此四線。各爲同圓等圓之半徑。各等。卽甲戊己角形之甲戊

已甲已戊兩角等。而乙戊已角形之乙戊已乙已
戊兩角亦等。次作甲乙直線。分戊已於癸。卽甲已
癸角形之甲已邊與乙已癸角形之乙已邊等。已
癸同邊。而對甲已癸角之甲癸邊與對乙已癸角
之乙癸邊亦等。一卷八則甲癸已乙癸已俱爲直角。
而戊已線必過心。本篇一依顯庚辛線亦過心。而相
遇於壬爲圓心。

第二十六題 二支


等圓之乘圓分角。或在心。或在界等。其所乘之圓分亦

等。



先解在心者。曰。甲乙丙、丁戊己、兩圓等。其心爲庚、爲辛。有甲庚丙、與丁辛己、兩乘圓角等。題言所乘之甲丙、丁己、兩圓分亦等。

論曰。試於甲乙丙、丁戊己、兩圓分之上。任取兩點於乙、於戊。從乙作乙甲、乙丙。從戊作戊丁、戊己。各兩線。次作甲丙、丁己、兩線相聯。其乙與戊、兩角。既各半於庚、辛、兩角。卽乙與戊、自相



等。本篇二十而所負甲乙丙與丁戊巳兩圓

分相似。本卷界說十又甲庚丙角形之甲庚

庚丙兩邊與丁辛巳角形之丁辛巳

兩邊各等。庚角與辛角又等。即甲丙與

丁巳兩邊亦等。一卷四而相似之甲乙丙

與丁戊巳兩圓分在等線上亦等。本篇廿四

夫相等圓減相等圓分則所存甲丙丁巳兩圓分亦

等。故云等角所乘之圓分等。

後解在界者曰兩圓之乙與戊兩乘圓角等。題言所

乘之甲丙、丁巳、兩圓分亦等。

論曰：乙、戊兩角既等，而庚、辛兩角各倍於乙、戊，即庚、

辛自相等。

本篇二十

依前論甲丙、丁巳兩邊亦自相等，而

甲乙丙與丁戊巳兩圓分亦等。

本篇廿四

今於相等圓減

相等圓分，則所存甲丙、丁巳兩圓分亦等。

注曰：後解極易明。蓋庚、辛角既各倍於乙、戊，則依

先論甲丙、丁巳自相等。

在心之乘圓角，即分圓角，隨類異名。


第二十七題

二支


等圓之角，所乘圓分等，則其角或在心，或在界，俱等。

幾何原本

卷一




先解在心者。曰甲乙丙丁戊己兩圓等。其
心爲庚。爲辛。若甲庚丙乘圓角所乘之甲
丙分與丁辛己所乘之丁己分等。題言甲



庚丙丁辛己兩角等


論曰。如云不然。而庚大於辛。令作甲庚壬
角與丁辛己角等。卽甲壬圓分宜與丁己



圓分等。本篇廿六而甲丙與丁己元等。則甲壬
與甲丙亦等乎。

後解在界者。曰甲丙丁己兩圓分等。題言

其上乙戊兩角亦等。




論曰。如云不然而乙大於戊。令作甲乙壬

角。與戊角等。其甲乙壬與丁戊己若等。即

所乘之甲壬丁己宜等。

本篇廿六

而甲丙與丁己元等。則



甲壬與甲丙亦等乎。

增題。從此推顯。兩直線不相交。而在一圓

之內。若兩線界相去之圓分等。則兩線必

平行。若兩線平行。則兩線界相去之圓分

等。

先解曰。甲乙丙丁圓內。有甲丁、乙丙兩線。其相去之甲乙、丁丙兩圓分等。題言兩線必平行。

論曰。試自甲至丙。作直線相聯。其甲乙、丁丙既等。

即甲丙乙與丙甲丁兩乘圓角亦等。本題既內相對


之兩角等。即兩線必平行。一卷廿七

後解曰。甲丁、乙丙為平行線。題言甲乙、丁

丙兩圓分必等。

論曰。試作甲丙線。其甲丁、乙丙既平行。即


內相對之兩角甲丙乙、丙甲丁必等。一卷廿七而所乘



圓分甲乙丁丙亦等。本篇廿六


第二十八題

等圓內之直線等。則其割本圓之分。大與大。小與小。各等。



解曰。甲乙丙丁戊己兩圓等。其心爲庚。爲辛。圓內有甲丙丁己兩直線等。題言甲乙丙與丁戊己兩大分。甲丙與丁己兩小分。各等。

論曰。試於甲庚庚丙丁辛辛己各作直線。其甲庚丙




角形之甲丙與丁辛巳角形之丁巳兩底
 既等而甲庚庚丙兩腰與丁辛辛巳兩腰
 又等即庚辛兩角亦等一卷其所乘之甲

丙丁巳兩小分必等本篇廿六次減相等之甲丙丁巳兩

小分則所存甲乙丙丁戊巳兩大分亦等



第二十九題

等圓之圓分等則其割圓分之直線亦等



解曰依前題兩圓之甲乙丙丁
 戊巳兩圓分等而甲丙丁巳兩

圓分亦等。題言甲丙、丁巳兩線必等。




論曰。依前題作四線。其甲庚丙角形之甲庚、庚丙兩腰與丁辛巳角形之丁辛、辛巳兩腰等。而庚辛兩角所乘之甲丙、丁巳兩圓分等。卽庚辛兩角亦等。本篇廿七而對等角

之甲丙、丁巳兩線必等。一卷四

注曰。第二十六至二十九四題所說俱等圓。其在同圓亦依此論。

第三十題

有圓之分求兩平分之



法曰。甲乙丙圓分。求兩平分。先於分之

兩界作甲丙線。次兩平分於丁。從丁作

乙丁。為甲丙之垂線。即乙丁分甲乙丙

圓分為兩平分。

論曰。從乙作乙甲乙丙兩線。其甲乙丁角形之甲丁

與丙乙丁角形之丙丁兩腰等。丁乙同腰。而甲丁乙


與丙丁乙兩直角又等。即對直角之甲乙乙丙兩底

亦等。一卷。而甲乙與乙丙兩圓分亦等。本篇十八則甲乙

丙圓界兩平分於乙矣

第三十一題 五支

負半圓角必直角。負大分角小於直角。負小分角大於直角。大圓分角大於直角。小圓分角小於直角。



解曰。甲乙丙圓。其心丁。其徑甲丙。於

半圓分內。任作甲乙丙角。形。即甲乙

丙角。負甲乙丙半圓分。乙甲丙角。負

乙甲丙大分。又任作乙戊丙角。負乙

戊丙小分。題先言負半圓之甲乙丙為直角。二言負

大分之乙甲丙角。小於直角。三言負小分之乙戊丙角。大於直角。四言丙乙甲大圓分角。大於直角。後言丙乙戊小圓分角。小於直角。

先論曰。試作乙丁線。次以甲乙線引長之。至己。其丁

乙丁甲兩線等。即丁乙甲丁甲乙兩角等。

一卷五依顯

丁乙丙丁丙乙兩角亦等。而甲乙丙全角與乙甲丙

甲丙乙兩角并等。又己乙丙外角亦與相對之乙甲

丙甲丙乙兩內角并等。

一卷卅二

則己乙丙與甲乙丙等


爲直角。

二論曰。甲乙丙角形之甲乙丙。既爲直角。則乙甲丙。
小於直角。一卷
十七

三論曰。甲乙戊丙四邊形。在圓之內。其乙甲丙。乙戊
丙相對兩角并。等兩直角。本篇
廿二而乙甲丙。小於直角。
則乙戊丙。大於直角。

四論曰。甲乙丙直角。爲丙乙甲大圓分角之分。則大
於直角。

後論曰。丙乙戊小圓分角。爲已乙丙直角之分。則小
於直角。



此題別有四解四論。先解曰。甲乙丙半圓。其
心丁。其上任作甲乙丙角。題言此為直角。

論曰。試作乙丁線。其丁乙丁甲兩線既等。即

丁乙甲丁甲乙兩角亦等。一卷而乙丁丙外


角。既與丁乙甲丁甲乙相對之兩丙角并等。一卷即

倍大於丁乙甲角。依顯乙丁甲外角。亦倍大於丁乙

丙角。即乙丁甲乙丁丙兩角并。亦倍大於甲乙丙角。

夫乙丁甲乙丁丙并等兩直角。一卷則甲乙丙為直

角。




二解曰。甲乙丙大圓分。其心丁。任作甲乙丙角。題言此小於直角。

論曰。試作甲丁戊徑線。次作乙戊線相聯。其甲乙戊。既為直角。

本題一論

即甲乙丙為其分。而小於

直角。



三解曰。甲乙丙小圓分。其心丁。任作甲乙丙角。題言此大於直角。

論曰。試作甲丁戊徑線。而引乙丙圓界至戊。次作乙戊線。其甲乙戊。既負半圓之直角。而為甲


乙丙角之分。則甲乙丙大於直角。

四五合解曰。甲乙丙大圓分。丙丁甲小圓分。其心戊。

題言丙甲乙大圓分角。大於直角。丙甲

丁小圓分角。小於直角。

論曰。試作乙戊丙徑線。次作乙甲線。引



長之。至已。其乙甲丙直角。爲丙甲乙大圓分角之分。

而丙甲丁小圓分角。又爲已甲丙直角之分。則大分

角。大於直角。小分角。小於直角。

一系。凡角形之內。一角與兩角并等。其一角必直角。

何者。其外角與內相對之兩角等。則與外角等之內
交角。豈非直角。
二系。大分之角。大於直角。小分之角。小於直角。終無
有角等於直角。又從小過大。從大過小。非大卽小。終
無相等。依此題四五論。甚明。與本篇十六題增注。互
相發也。

第三十二題



直線切圓。從切界。任作直線。割圓爲兩分。分內各任爲
負圓角。其切線與割線。所作兩角。與兩負圓角。交互

幾何原本

卷一

相等。

解曰。甲乙線切丙丁戊圓於丙。從丙任作丙戊直線。




割圓為兩分。兩分內任作丙丁戊，丙庚戊，兩負圓角。題言甲丙戊角，與丙庚戊角。乙丙戊角，與丙丁戊角。交互相等。

先論割圓線過心者。曰。如前圖。甲丙戊，

乙丙戊，兩皆直角。一卷十八而丙庚戊，丙丁

戊，兩負半圓角。亦皆直角。本篇卅一則交互

相等。



後論割園線不過心者曰如後圖試作

丙已過心直線次作戊已線相聯其已

丙爲甲乙之垂線一卷十八而丙戊已爲直

角卅一篇卽戊丙已戊已丙兩角并等於一直角亦等

於甲丙已角矣此兩率者各減同用之戊丙已角卽

所存戊已丙與甲丙戊等也夫戊已丙與丙庚戊元

等卅一篇則甲丙戊與丙庚戊交互相等又丙丁戊庚


四邊形之丙丁戊丙庚戊兩對角并等兩直角卅二

而甲丙戊乙丙戊兩交角亦等兩直角一卷十三此二率

者各減一相等之甲丙戊丙庚戊則所存丙丁戊乙丙戊亦交互相等。

第三十三題

一線上求作圓分而負圓分角與所設直線角等。



先法曰。設甲乙線。丙角。求線上作圓分而負

圓分角與丙等。其丙角或直或銳或鈍。若直


角。先以甲乙兩平分於丁。次以丁為心。甲乙

為界。作半圓。圓分內作甲戊乙角。即負半圓

角為直角。本篇如所求。

本一篇

次法曰。若設丙銳角先於甲點上。作丁甲乙銳角。與



丙等。次作戊甲爲甲丁之垂線。於甲乙之上。次作己乙甲角。與己甲乙角等。而乙己線。與甲戊線。遇於己。卽己乙己甲兩線等。一卷末以己爲心。甲爲界。作甲庚乙圓。必過乙。卽甲庚乙圓分內。甲乙線上。所作負圓角。必爲銳角。而與丙等。

論曰。試作甲庚乙角。其甲己戊線。過己心。而丁甲又爲戊甲之垂線。卽丁甲線。切甲庚乙圓於甲。本篇十六之系

則丁甲乙與甲庚乙兩角交互相等。本篇如所求

本篇廿二


後法曰。若設辛鈍角。依前作壬甲乙鈍角。與辛等。次作戊甲。爲壬甲之垂線。餘倣第二法。而於甲乙線上作甲癸乙角。卽與辛等。

後論同次

第三十四題

設圖求割一分。而負圓分角。與所設直線角等。


法曰。設甲乙丙圓。求割一分。而負圓分角。與丁等。先作戊己直線。切圓於甲。本篇十七次作己甲乙角。與丁等。



卽割圓之甲乙線上所作甲丙乙角。負
甲丙乙圓分而與丁等。何者已甲乙角
與丁等亦與甲丙乙交互相等。故本篇
廿二

第三十五題

圓內兩直線交而相分。各兩分線矩內直角形等




解曰甲丙乙丁圓內有甲乙丙丁兩線
交而相分於戊。題言甲戊偕戊乙與丙
戊偕戊丁兩矩內直角形等。其兩線或
俱過心。或一不過心。或俱不過心。若俱過心

者。其各分四線等。即兩矩內直角形亦等。

先論曰。圓內線獨丙丁過已心者。又有

二種。其一丙丁平分甲乙線於戊。即丙

戊線在甲乙上。為兩直角。本篇試作已



乙線相聯。其丙丁線既兩平分於已。又任兩分於戊。


即丙戊偕戊丁。矩內直角形。及已戊上直角方形并。

與等。已丁之已乙上直角方形等。二卷夫已乙上直

角方形。與已戊戊乙上兩直角方形并等。一卷即丙

戊偕戊丁。矩內直角形。及已戊上直角方形并。與已


戊、戊乙、上兩直角方形并亦等矣。次每減同用之已
 戊上直角方形。則所存丙戊偕戊丁、矩內直角形。不
 與戊乙上直角方形等乎。戊乙與甲戊既等。即甲戊
 偕戊乙、矩內直角形與丙戊偕戊丁、矩內直角形亦
 等。



次論曰。若丙丁任分甲乙線於戊。即以甲乙線兩平
 分於庚。次於庚已、已乙、各作直線相聯。
 即已庚為甲乙之垂線。而成兩直角。本
 三其丙戊偕戊丁、矩內直角形及已戊

續化度本

卷



上直角方形并與等己丁之己乙上直

角方形等二卷而已戊上直角方形與

己庚庚戊上兩直角方形并等一卷已

乙上直角方形與己庚庚乙上兩直角方形并亦等

則丙戊偕戊丁矩內直角形及己庚庚戊上兩直角

方形并與己庚庚乙上兩直角方形并等次每減同用

之己庚上直角方形即所存丙戊偕戊丁矩內直角

形及庚戊上直角方形不與庚乙上直角方形等乎

夫甲戊偕戊乙矩內直角形及庚戊上直角方形并

亦與庚乙上直角方形等。二卷此二相等率者每減

同用之庚戊上直角方形則丙戊偕戊丁與甲戊偕

戊乙兩矩內直角形等矣。

後論曰。園內兩線俱不過心者。又有二



種。或一線平分。或兩俱任分。皆從已心。

與戊相聯作直線。引長之。為庚辛線。依

上論。甲戊偕戊乙。矩內直角形。不論甲

乙線。平分。任分。皆與過心之庚戊偕戊

辛。矩內直角形等。又依上論。丙戊偕戊



丁。矩內直角形。不論丙丁線。平分。任分。亦與過心之
庚戌偕戊辛。矩內直角形等。則甲戌偕戊乙。與丙戌
偕戊丁。兩矩內直角形等。


第三十六題

圓外任取一點。從點出兩直線。一切圓。一割圓。其割圓
之全線。偕規外線。矩內直角形。與切圓線上直角方
形等。

解曰。甲乙丙圓外。任取丁點。從丁作丁乙線。切圓於
乙。本篇作丁甲線。截圓界於丙。題言甲丁偕丙丁。矩

丙直角形與丁乙上直角方形等。

先論丁甲過戊心者。曰試作乙戊線。爲丁



乙之垂線。

本篇十八

其甲丙線平分於戊。又

引出一丙丁線。卽甲丁偕丙丁矩內直角形及等戊

丙之戊乙上直角方形。并與戊丁上直角方形等。

二卷

六而戊丁上直角方形與戊乙丁乙上兩直角方形

并等。



一卷四七

卽甲丁偕丙丁矩內直角形及戊乙上直

角方形與戊乙丁乙上兩直角方形并等。此兩率者

每減同用之戊乙上直角方形。則所存甲丁偕丙丁

矩內直角形與丁乙上直角方形等。



後論丁甲不過戊心者。曰。試以甲丙線

兩平分於己。次從戊心作戊己戊丙戊

丁戊乙四線。即戊乙為丁乙之垂線。本篇


十戊己為甲丙之垂線。本篇其甲丙線

既兩平分於己。又引出一丙丁線。即甲

丁偕丁丙矩內直角形及己丙上直角


方形并與己丁上直角方形等。二卷次每加一戊己

上直角方形。即甲丁偕丁丙矩內直角形及己丙戊




已上兩直角方形并與已丁戊已上兩
 直角方形并等。夫已丙戊已上兩直角
 方形并與等戊丙之戊乙上直角方形
 等。一卷而戊丁上直角方形與已丁戊
 已上兩直角方形并等。卽甲丁偕丁丙
 矩內直角形及戊乙上直角方形與戊
 丁上直角方形等矣。又戊丁上直角方
 形與戊乙丁乙上兩直角方形并等。卽甲丁偕丁丙
 矩內直角形及戊乙上直角方形并與戊乙丁乙上

兩直角方形并等。次每減同用之戊乙上直角方形。則所存甲丁偕丁丙矩內直角形與丁乙上直角方形等。



一系。若從圓外一點作數線至規內。各全線偕規外線矩內直角形俱等。如從甲作甲丙、甲丁、甲戊各線。截圓界於己、於庚、於辛。其甲丙偕己甲、甲丁偕庚甲、甲戊偕辛甲。各矩內直角形俱等。何者。試作甲乙切圓線。則各矩線內直角形與甲乙上直角方形俱等。故本題



二系從圓外一點作兩直線切圓此兩
丁線等如甲點作甲乙甲丙兩切圓線即

甲丙與甲乙等何者試從甲作甲丁線

截圓界於戊其甲乙甲丙上兩直角方形各與甲丁


階甲戊矩內直角形等本題則此兩直角方形自相等

三系從圓外一點止可作兩直線切圓

若言從甲既作甲乙甲丙兩線切圓又

可作甲丁線亦切圓令從戊心作戊乙

戊丁兩線即甲乙戊為直角而甲丁戊亦宜等為直



角

本篇十八

試作甲戌直線

則甲乙戌角形內有甲丁戌

角

角

應大於甲乙戌角

廿一卷

安得為直角也

又甲乙甲

丁若俱切圓

即兩線宜等

本題二系

試作甲戌線截圓於

已

則甲丁為近已線

甚小當小於遠已之甲乙線

本篇

又安得相等也

故一點上止可作切圓線兩也

第三十七題

圓外任於一點

出兩直線

一至規外一割圓至規內而


割圓全線

偕割圓之規外線

矩內直角形與至規外

之線上直角方形等

則至規外之線必切圓



解曰。甲乙丙圓其心戊。從丁點作丁乙
至規外之線。遇圓界於乙。又作丁甲割
圓至規內之線。而截圓界於丙。其丁甲
偕丁丙。矩內直角形。與丁乙上直角方

形等。題言丁乙為切圓線。

論曰。試從丁作丁己線。切圓於己。

本篇十七

次作戊乙戊己。兩線相聯。若丁甲不過

戊心者。又作丁戊直線。其丁己上直角方形。與丁甲

偕丁丙。矩內直角形等。


本篇卅六


而丁乙上直角方形。與

丁甲偕丁丙、矩內直角形亦等。則丁乙、丁己上兩直
角方形自相等。而丁乙、丁己兩線亦等。夫丁乙戊角
形之丁乙、乙戊與丁己戊角形之丁己、己戊各兩腰
等。丁戊同底。卽兩角形之三角各等。一卷而對丁戊
底之丁己戊爲直角。本篇十八卽丁乙戊亦直角。故丁乙
爲切圓線。本篇十六之系

幾何原本第三卷終

番禺孟鴻光校







PL
2457
P29
v. 98

幾何原本第四卷之首

泰西利瑪竇口譯

吳淞徐光啓筆受

界說七則


第一界

直線形居他直線形內。而此形之各角。切他形之各邊。


爲形內切形



此卷將論切形在圖之內。外。及作圖在形之內。外。故解形之切在形內。及切在形外。



者。先以直線形為例。如前圖丁戊巳角形之下戊巳三角。切甲乙丙角形之甲乙乙



丙丙甲三邊。則丁戊巳為甲乙丙之形內切形。如後圖癸子丑角形。雖癸子兩角切

庚辛壬角形之庚辛壬庚兩邊。而丑角不切辛壬邊。則癸子丑不可謂庚辛壬之形內切形。


第二界

一直線形居他直線形外。而此形之各邊切他形之各角。為形外切形。

如第一界圖甲乙丙爲丁己戊之形外切形 其餘各形倣此二例

第三界

直線形之各角切圓之界爲圓內切形




甲乙丙形之三角各切圓界於甲於乙於丙是也

第四界

直線形之各邊切圓之界爲圓外切形

甲乙丙形之三邊切圓界於丁於己於戊是



第五界

圓之界切直線形之各邊。為形內切圓

同第四界圖


第六界

圓之界切直線形之各角為形外切圓

同第三界圖

第七界

直線之兩界各抵園界。爲合園線。



甲乙線兩界各抵甲乙丙園之界。爲合園線。若丙抵園而丁不至。及戊之兩俱不至。不爲合園線。

幾何原本第四卷之首終

論原水論曰三三三

知水不流合則緣

論之謂此水之固本亦為

幾何原本第四卷

本篇論圓內外形 計十六題


泰西利瑪竇 日譯

吳淞徐光啓筆受

第一題

有圓求作合圓線與所設線等此設線不大於圓之徑

線



法曰甲乙丙圓求作合線與所設丁線等其


丁線不大於圓之徑線徑為圓內之最大線
更大不可含見三卷

丁五先作甲乙圓徑為乙丙若乙丙與丁等者

卽是合線。若丁小於徑者。卽於乙丙上。截取乙戊。與丁等。次以乙爲心。戊爲界。作甲戊圓。交甲乙丙圓於甲。末作甲乙合線。卽與丁等。何者。甲乙與乙戊等。則與丁等。

第二題

有圓求作圓內三角切形。與所設三角形等角。



法曰。甲乙丙圓。求作圓內三角切形。其三角與所設丁戊己形之三角各等。先作庚辛線。切圓於甲。三卷十七次作庚甲乙角。與設

己形之己角等。次作辛甲丙角。與設形之戊角等。末作乙丙線。卽圖內三角切形。與所

設丁戊己形等角

論曰。甲丙乙。與庚甲乙。兩角等。甲乙丙。與辛甲丙。兩

角亦等。

三卷卅二



而庚甲乙。辛甲丙。兩角。既與所設己戊

兩角。各等。卽甲丙乙。甲乙丙。亦與己戊。各等。而乙甲

丙。必與丁等。一卷卅二則三角俱等。

第三題

有圖。求作圖外三角切形。與所設三角形等角。



法曰甲乙丙圖求作圖外三角切形其三
 角與所設丁戊己形之三角各等。先於戊
 己一邊引長之為庚辛。次於圖界抵心作
 甲壬線。次作甲壬乙角。與丁戊庚等。次作
 乙壬丙角。與丁己辛等。末於甲乙丙上作
 癸子子丑丑癸三垂線。此三線各切圖於
 甲於乙於丙。三卷十而相遇於子於丑於
 癸。若作甲丙線即癸甲丙癸丙甲兩角小
 於兩直角而子癸丑癸兩線必相遇餘
 二倣此。此癸子丑三角與所設丁戊己三角

各等

論曰甲壬乙子四邊形之四角與四直角等。一卷卅二題內

而壬甲子壬乙子兩爲直角卽甲壬乙甲子乙兩角并等兩直角。彼丁戊庚丁戊己兩角并亦等兩直角

一卷此二等率者每減一相等之丁戊庚甲壬乙則


所存丁戊己與甲子乙等依顯丑角與丁己戊等則

癸與丁亦等。一卷卅二而癸子丑與丁戊己兩形之各三

角俱等

第四題

三角形求作形內切圖



丙法曰。甲乙丙角形。求作形內切圖。先以甲

乙丙角。甲丙乙角。各兩平分之。一卷作乙

丁。丙丁兩直線。相遇於丁。次自丁至角形

之三邊。各作垂線。為丁己。丁庚。丁戊。其戊

丁乙角形之丁戊乙。丁乙戊兩角。與乙丁

己角形之丁己乙。丁乙己兩角。各等。乙丁同邊。即丁

戊。丁己兩邊亦等。一卷依顯丁丙己角形。與丁庚丙

角形之丁己。丁庚兩邊亦等。即丁戊。丁己。丁庚三線

俱等。未作圖。以丁爲心。戊爲界。卽過庚己。爲戊庚己
 圖。而切角形之甲乙丙。三邊於戊。於己。於庚
 三卷十
 六之系
 此爲形內切圖

第五題

三角形求作形外切圖





法曰。甲乙丙角形。求作形外切圖。先平分

兩邊。若形是直角。鈍角。則分
 於丁。於戊。次

於丁。戊。上各作垂線。爲己丁。己戊。而相遇

於己。若自丁至戊。作直線。卽己丁。戊角形
 之己丁。戊己。戊丁。兩角小於兩直角



故丁己戊己其己點或在形內或在形外
兩線必相遇
俱作己甲己乙己丙三線或在乙丙邊上
止作己甲線其甲丁己角形之甲丁與乙
丁己角形之乙丁兩腰等丁己同腰而丁
之兩旁角俱直角即甲己己乙兩底必等
一卷
四依顯甲己戊丙己戊兩形之甲己己
丙兩底亦等則己甲己乙己丙三線俱等
未作圖以己為心甲為界必切丙乙而為角形之形

外切圖

一系。若圓心在三角形內。卽三角形爲銳角形。何者。每角在圓大分之上。故若在一邊之上。卽爲直角形。若在形外。卽爲鈍角形。

二系。若三角形爲銳角形。卽圓心必在形內。若直角形。必在一邊之上。若鈍角形。必在形外。

增。從此推得一法。任設三點。不在一直線。可作一過三點之圓。其法。先以三點作三直線相聯。成三角形。次依前作。

其用法。甲、乙、丙三點。先以甲、乙兩點各自爲心。相



向各任作圓分。令兩圓分相交於丁。於戊。次甲丙兩點亦如之。令兩圓分相交於己。於庚。末作丁戊己庚兩線。各引長之。令相交於辛。卽辛爲圓之心。論見

三卷二十五增

第六題

有圓求作內切圓直角方形



法曰。甲乙丙丁圓其心戊。求作內切圓直角方形。先作甲丙乙丁兩徑線。以直角相交於

戊。次作甲乙丙丁甲四線。卽甲乙丙丁爲內切圓直角方形。

論曰。甲乙戊角形之甲戊。與乙戊丙角形之戊丙。兩腰等。乙戊同腰。而腰間角。兩爲直角。卽其底甲乙乙丙等。一卷四。依顯乙丙丙丁亦等。則四邊形之四邊俱等。而甲乙丙丁四角。皆在半圓分之上。又皆直角。三卷一。卽是爲內切圓直角方形。

第七題

有圓。求作外切圓直角方形。



法曰。甲乙丙丁圓。其心戊。求作外切圓直角
方形。先作甲丙、乙丁兩徑線。以直角相交於
戊。次於甲乙丙丁作庚己己辛辛壬壬庚四線。爲兩
徑之垂線。而相遇於己於辛於壬於庚。卽己庚壬辛
爲外切圓直角方形。

論曰。甲戊己乙戊。旣皆直角。卽己辛甲丙。平行。
廿八。依顯甲丙庚壬亦平行。則己庚辛壬亦平行。
又甲丙辛己。旣直角形。卽甲丙己辛必等。
丙辛甲己辛兩角亦等。甲丙辛旣直角。卽甲己辛亦

一卷
卅四而甲

一卷

直角。依顯庚壬辛，亦直角。而辛壬、壬庚、庚己、三邊俱等於甲丙、乙丁兩徑。既四邊俱等於兩徑，則己庚壬辛為直角方形，而四邊各切圓。


三卷十六之系

第八題

直角方形求作形內切圓



法曰：甲乙丙丁直角方形，求作形內切圓。先以四邊各兩平分於戊、於己、於庚、於辛，而作辛己、戊庚兩線，交於壬。其甲乙與乙丙既平行相等，即半減線之甲辛、乙己亦平行相等，而甲乙與辛己



亦平行相等。一卷依顯丁丙與辛己亦平行。三相等。甲丁乙丙戊庚俱平行相等。而甲壬乙

壬丙壬丁壬四俱直角形壬戊壬己壬庚壬辛四線與甲辛戊乙丁辛甲戊四線各等。夫甲辛戊乙丁辛甲戊各為等線之半。即與之等者壬戊壬己壬庚壬辛亦自相等。次作圓以壬為心戊為界。必過己庚辛而切甲丁丁丙丙乙乙甲四邊。三卷是為形內切圓。十六

第九題


直角方形求作形外切圓



法曰。甲乙丙丁直角方形。求作外切圓。先作
 乙對角兩線。為甲丙、乙丁。而交於戊。其甲乙丁
 角形之甲乙、甲丁、兩腰等。即甲乙丁、甲丁乙、兩角亦
 等。一卷而乙甲丁為直角。即甲乙丁、甲丁乙、俱半直
 角。一卷依顯丙乙丁、丙丁乙、亦俱半直角。而四角俱
 等。又戊甲丁、戊丁甲、兩角等。即戊甲、戊丁、兩邊亦等。
一卷依顯戊甲、戊乙、兩邊亦等。而戊乙、戊丙、兩邊。戊
 丙、戊丁、兩邊各等。次作圓。以戊為心。甲為界。必過乙
 丙丁。而為形外切圓。

第十題

求作兩邊等三角形。而底上兩角各倍大於腰間角。



法曰。先任作甲乙線。次分之於丙。其分法。

須甲乙偕丙乙。矩內直角形與甲丙上直
角方形等。十二卷次以甲為心。乙為界。作乙

丁圓。次作乙丁合圓線。與甲丙等。本篇末作甲丁線。

相聯。其甲乙、甲丁、等。即甲乙丁為兩邊等角形。而甲

乙丁、甲丁乙兩角各倍大於甲角。

論曰。試作丙丁線。而甲丙丁角形外。作甲丙丁切圓。

本篇

五 其甲乙、偕丙乙、矩內直角形與甲丙上直角

形等。卽亦與至規外之乙丁上直角方形等。而乙丁

線切甲丙丁圖於丁

三卷卅七

卽乙丁切線、偕丁丙割線

所作乙丁丙角與負丁甲丙圖分之甲角交互相等

三卷卅二

此二率者。每加一丙丁甲角。卽甲丁乙全角與

丙甲丁、丙丁甲兩角并等。夫乙丙丁外角亦與丙甲

丁、丙丁甲相對之兩內角并等

一卷卅二

卽丙丁角與甲

丁乙全角等。而與相等之甲乙丁亦等。丙丁與乙丁

兩線亦等


一卷卅六

夫乙丁元與甲丙等。卽丙丁與甲丙

亦等。丙甲丁、丙丁甲、兩角亦等。而甲角既與乙丁丙角等。即乙丁丙與丙丁甲、兩角亦等。是甲丁乙、倍大於丙丁甲。必倍大於相等之甲角也。而相等之甲乙丁亦倍大於甲也。

第十一題

有圓求作圓內五邊切形。其形等邊、等角。



本篇次於圖內作



辛甲丙丁角形與己庚辛角形各等角

本篇二

庚次以甲丙丁甲丁丙兩角各兩平分

九卷

作丙戊丁乙兩線末作甲乙乙丙丙丁丁戊戊甲五線相聯卽甲乙丙丁戊爲五邊內切圓形而五邊五角俱自相等

論曰甲丙丁甲丁丙兩角皆倍大於丙甲丁角而兩角又平分卽甲丁乙乙丁丙丙甲丁丁丙戊戊丙甲五角皆等而五角所乘之甲乙乙丙丙丁丁戊戊甲五圓分亦等

三卷廿六

卽甲乙乙丙丙丁丁戊戊甲五線

亦等

三卷廿九

是五邊形之五邊等。又甲乙戊丁兩圓分

等。而各加一乙丙丁圓分。即甲乙丙丁與戊丁丙乙兩圓分等。乘兩圓分之甲戊丁乙甲戊兩角亦等。依顯餘三角與兩角俱等。是五邊形之五角等。

第十二題


有圓求作圓外五邊切形。其形等邊等角。

法曰。甲乙丙丁戊圓求作五邊外切圓形。等邊等角。

先作圓內甲乙丙丁戊五邊等邊等角切形。

本篇十一次

從己心作己甲己乙己丙己丁己戊五線。次從此五



線作庚辛、辛壬、壬癸、癸子、子庚、五垂線相遇於庚於
 辛於壬於癸於子庚戌甲庚甲戌兩角小於兩直角故甲庚戌庚
 線必相遇。餘四倣此。五垂線既切圓三卷十六即成外切
 圓五邊形而等邊等角

論曰。試從己心作己庚己辛己壬己癸己子五線其
 己甲甲辛上兩直角方形己乙乙辛上兩直角方形
 之兩并各與己辛上直角方形等一卷四七即兩并自相
 等。此兩并率者每減一相等之甲己己乙上直角方
 形即所存甲辛辛乙上兩直角方形等則甲辛辛乙

兩線等也。又甲己辛角形之甲己與乙己辛角形之

乙己兩腰等。己辛同腰。而甲辛辛乙兩底又等。即甲

己辛辛己乙兩角等。一卷而甲辛己乙辛己兩角亦

等。四則甲己乙角倍大於辛己乙角也。依顯乙己

丙角亦倍大於乙己壬角。乙壬丙角亦倍大於乙壬

己角也。又甲己乙乙己丙兩角乘甲乙乙丙相等之

兩圓分。線等故圖分等。見三卷廿八即兩角自相等。三卷廿七半減之


辛己乙乙己壬兩角亦等。既乙己辛角形之乙己辛

辛乙己兩角與乙己壬角形之乙己壬乙己兩角

各等。而乙巳同邊是辛乙乙壬兩邊亦等也。一卷乙

廿六

辛巳乙壬巳兩角亦等也。則辛壬線倍大於辛乙線也。依顯庚辛線亦倍大於辛甲線也。前已顯甲辛辛乙兩線等。則倍大之庚辛辛壬兩線亦等也。依顯壬癸癸子子庚與庚辛辛壬俱等也。是為庚辛壬癸子形之五邊等。又依前所顯乙辛巳與乙壬巳兩角等。



壬俱等也是為庚辛壬癸子形之五角等

第十三題

五邊等邊等角形求作形內切圓



法曰甲乙丙丁戊五邊等邊等角形求作

內切圓先分乙甲戊甲乙丙兩角各兩平

分一卷其線為己甲己乙而相遇於己甲己

乙己乙甲兩角小於兩直角自己作己丙己丁己戊故己甲己乙兩線必相遇

三線其甲己乙角形之甲乙腰與乙己丙角形之乙

丙腰等乙己同腰而兩腰間之甲乙己丙乙己兩角

等。卽甲己、己丙、兩底亦等。乙甲己、乙丙己、兩角亦等。

一卷又乙甲戊與乙丙丁、兩角等。而乙甲己爲乙甲

戊之半。卽乙丙己亦乙丙丁之半。則乙丙丁角亦兩平

分於己丙線矣。依顯丙丁戊、丁戊甲、兩角亦兩平分


於己丁、己戊、兩線矣。次從己向各邊作己庚、己辛、己

壬、己癸、己子、五垂線。其甲己庚、角形之己甲庚、己庚

甲、兩角與甲己子、角形之己甲子、己子甲、

兩角各等。甲己同邊。卽兩形必等。一卷己

子與己庚、兩線亦等。依顯己辛、己壬、己癸、




三垂線與己庚己子兩垂線俱等未作圖以己為心庚為界必過辛壬癸子而為甲乙丙丁戊五邊形之

內切圖

三卷十六

第十四題

五邊等邊等角形求作形外切圖



法曰甲乙丙丁戊五邊等邊等角形求作外切圖先分乙甲戊甲乙丙兩角各兩平分其線為己甲己乙而相遇於己說見前次

從己作己丙己丁己戊三線依前題論推顯乙丙丁

丙丁戊、丁戊甲、三角各兩平分於己、丙己丁己戊三
線。夫五角既等。卽其半減之角亦等。而甲乙己角形
之己甲乙、己乙甲、兩角等。卽甲己與己乙、兩線亦等。
一卷依顯己丙己丁己戊三線與己甲己乙俱等。末
作圓以己爲心。甲爲界。必過乙丙丁戊而爲甲乙丙
丁戊五邊形之外切圓。

第十五題

有圓求作圓內六邊切形。其形等邊等角。
法曰。甲乙丙丁戊己圓。其心庚。求作六邊內切圓形。



等邊等角。先作甲丁徑線。次以丁為心。
庚為界作圓。兩圓相交於丙。於戊。次從
庚心作丙庚戊庚兩線。各引長之。為丙

己戊乙。末作甲乙乙丙丙丁丁戊戊己甲。六線相

聯。即成甲乙丙丁戊己內切圓六邊形。而等邊等角

論曰。庚丙庚丁兩線等。而丁丙與丁庚亦等。依圖三

邊俱等。即庚丙丁為平邊角形。而庚丁丙丁丙庚丙

庚丁三角俱等。一卷此三角元與兩直角等。二卷即

每角為兩直角三分之一。而丙庚丁角為兩直角三

分之一也。依顯丁庚戌角亦兩直角三分之一。而丙
庚丁、丁庚戌、戊庚己三角又等於兩直角。一卷卽戊
庚己角亦兩直角三分之一矣。則丙庚丁、丁庚戌、戊
庚己三角亦自相等。而此三角與己庚甲、甲庚乙、乙
庚丙三角亦等。一卷是轉庚心之六角俱自相等。而
所乘之六圓分。三卷及甲乙、乙丙、丙丁、丁戊、戊己、己
甲、六線俱自相等。三卷則甲乙、丙丁、戊己形之六邊
等。又乙丙與甲己兩圓分等。而各加一丙丁戊己圓
分。卽乙丙丁戊己與甲己戊丁丙兩圓分等。而所乘

之乙甲己與甲乙丙兩角等三卷廿七依顯乙丙丁丙丁戊丁戊己戊己甲四角與乙甲己甲乙丙兩角俱等則甲乙丙丁戊己形之六角等

一系凡圓之半徑爲六分圓之一之分弦何者庚丁與丁丙等故一開規爲圓不動而可六平分之二系依前十二十三十四題可作六邊等邊等角形在圖之外又六邊等邊等角形內可作切圓又六邊等邊等角形外可作切圓

第十六題

有圓求作圓內十五邊切形其形等邊等角

法曰甲乙丙圓求作十五邊內切圓形等邊等角先

作甲乙丙內切圓平邊三角形與丁等角本篇即三

邊等而甲乙乙丙丙甲三圓分亦等三卷夫甲乙丙


圓十五分之則甲乙三分圓之一當為十五分之五

次從甲作甲戊己庚辛內切圓五邊形

等角本篇即甲戊戊己己庚庚辛辛甲

五圓分等三卷夫甲乙丙圓十五分之

則甲戊五分圓之一當為十五分之三



而戊乙得十五分之二。次以戊乙圓分兩平分於壬

三卷

則壬乙得十五分之一。次作壬乙線。依壬乙共

作十五合圓線。

本篇

則成十五邊等邊形。而十五角

所乘之圓分等。即各角亦等。

三卷廿七

辛


丙

庚

一系。依前十二、十三、十四題。可作外切

圖十五邊形。又十五邊形內。可作切圓。

又十五邊形外。可作切圓。



戊壬乙

△


注曰。依此法。可設一法。作無量數形。如

本題圖。甲乙圓分。為三分圓之一。即命三甲戊圓

分爲五分圓之一。卽命五。三與五相乘得十五。卽知此兩分法。可作十五邊形。又如甲乙命三。甲戊命五。三與五較得二。卽知戊乙得十五分之二。因分戊乙爲兩平分。得壬乙線爲十五分之一。可作內切圓十五邊形也。以此法爲例。作後題。

增題。若圓內從一點。設切圓兩不等等邊等角形之各一邊。此兩邊一爲若干分圓之一。一爲若干分圓之一。此兩若干分相乘之數。卽後作形之邊數。此兩若干分之較數。卽兩邊相距之圓分。所得

後作形邊數內之分數



法曰。甲乙丙丁戊圍內。從甲點作數形之各一邊。如甲乙爲六邊形之一邊。甲

丙爲五邊形之一邊。甲丁爲四邊形之


一邊。甲戊爲三邊形之一邊。甲乙命六。甲丙命五。

較數一。卽乙丙圍分爲所作三十邊等邊等角形

之一邊。何者。五六相乘爲三十。故當作

三十邊也。較數一。故當爲一邊也。

論曰。甲乙圍分爲六分圍之一。卽得三



乙丙丁戊

十分圓之五。而甲丙爲五分圓之一。卽得三十分圓之六。則乙丙得三十分圓之一也。依顯乙丁爲二十四邊形之二邊也。何者。甲乙命六。甲丁命四。六乘四得二十四也。又較數二也。依顯乙戊爲十八邊形之三邊也。丙丁爲二十邊形之一邊也。丙戊爲十五邊形之二邊也。丁戊爲十二邊形之一邊也。

二系。凡作形於圓之內。等邊則等角。何者。形之角。所乘之圓分皆等。故

三卷廿七

凡作形於圓之外。卽從圓心。


作直線抵各角。依本篇十二題可推顯各角等。

三系。凡等邊形。既可作在圓內。即依圓內形。可作在圓外。即形內可作圓。即形外亦可作圓。皆依本篇十二、十三、十四題。

四系。凡圓內有一形。欲作他形。其形邊倍於此形邊。即分此形一邊所合之圓分。爲兩平分。而每分各作一合線。即三邊可作六邊。四邊可作八邊。倣此以至無窮。

又補題。圓內有同心圓。求作一多邊形。切大圓。不至

小圖其多邊為偶數而等



法曰甲乙丙丁戊兩圖同以己為心求

於甲乙丙大圖內作多邊切形不至丁

戊小圖其多邊為偶數而等先從己心

作甲丙徑線截丁戊圖於戊次從戊作

庚辛為甲戊之垂線即庚辛線切丁戊圖於戊也

卷三

十六夫甲庚丙圖分雖大於丙庚若干甲庚丙減其

半甲乙存乙丙又減其半乙壬存壬丙又減其半壬

癸如是遞減至其減餘丙癸必小於丙庚

如下補論既得

丙癸圓分小於丙庚。而作丙癸合圓線。卽丙癸爲所
求切圓形之一邊也。次分乙壬圓分。其分數與丙壬
之分數等。次分甲乙與乙丙分數等。分丙甲與甲乙
丙分數等。則得所求形。三卷廿九而不至丁戊小圓。

論曰。試從癸作癸子爲甲丙之垂線。遇甲丙於丑。其

庚戌丑癸丑戊兩皆直角。卽庚辛癸子爲平行線。卷一


廿八庚辛線之切丁戊圓。旣止一點。卽癸子線更在其

外。必不至丁戊矣。何況丙癸更遠於丑癸乎。依顯其

餘與丙癸等邊。同度距心者。三卷十四俱不至丁戊圓也。

此係十二卷第十六題因六卷今增題宜藉此論故先類附於此

補論其題曰兩幾何不等若於大率遞減其大半必可使其減餘小於元設小率



解曰甲乙大率丙小率題言於甲乙遞減其大半至可使其減餘小於丙

論曰試以丙倍之又倍之至僅大於甲乙而止爲丁戊丁戊之分爲丁己己庚庚戊各與丙等也次於甲乙減其大半甲辛存辛乙又減其大半辛壬存壬乙如是遞減至甲乙與丁戊之分數等夫甲辛

辛壬壬乙與丁己己庚庚戌分數既等。丁戌又大於甲乙。若兩率各爲兩分。而大丁戌之減丁己止於半。小甲乙之減甲辛爲大半。卽丁戌之減餘必大於甲乙之減餘也。若各爲多分。而已戌尙多於丙者。卽又於己戌減己庚於辛乙減其大半辛壬如是遞減。卒至丁戌之末分庚戌大於甲乙之末分壬乙也。而庚戌元與丙等。是壬乙小於丙也。

又論曰。若於甲乙遞減其半。亦同前論。何者。大丁戌所減不大於半。則丁戌之減餘每大於甲乙之減餘。

以至末分亦大於末分

此係十卷第一題借用於此以足上論

幾何原本第四卷終

卷之四

五

幾何原本第五卷之首

泰西利瑪竇口譯

吳淞徐光啓筆受

界說十九則


前四卷所論皆獨幾何也。此下二卷所論皆自兩以上多幾何同例相比者也。而本卷則總說完幾何之同例相比者也。諸卷中獨此卷以虛例相比。絕不及線面體諸類也。第六卷則論線論角論圓界諸類及諸形之同例相比者也。今先解向後所用名目爲界說。

十九

第一界

分者幾何之幾何也。小能度大。以小為大之分。

以小幾何度大幾何。謂之分。曰幾何之幾何者。謂非此小幾何。不能為此大幾何之分也。如一點無分。亦非幾何。即不能為線之分也。一線無廣狹



之分。非廣狹之幾何。即不能為面之分也。一面無厚薄之分。非厚薄之幾何。即不能為體之分也。曰能度

大者。謂小幾何。度大幾何。能盡大之分者也。如甲爲乙爲丙之分。則甲爲乙三分之一。爲丙六分之一。無贏不足也。若戊爲丁之一。卽贏爲二。卽不足。己爲丁之三。卽贏爲四。卽不足。是小不盡大。則丁不能爲戊己之分也。以數明之。若四於八。於十二。於十六。於二十。諸數皆能盡分。無贏不足也。若四於六。於七。於九。於十。於十八。於三十八。諸數或贏或不足。皆不能盡分者也。本書所論。皆指能盡分者。故稱爲分。若不盡分者。當稱幾分幾何之幾。如四於六。爲三分六之二。

不得正名爲分。不稱小度大也。不爲大幾何內之小幾何也。

第二界

若小幾何能度大者。則大爲小之幾倍。

如第一界圖。甲與乙能度丙。則丙爲甲與乙之幾倍。若丁、戊不能盡已之分。則已不爲丁、戊之幾倍。

第三界

比例者。兩幾何以幾何相比之理。

兩幾何者。或兩數。或兩線。或兩面。或兩體。各以同類。

大小相比。謂之比例。若線與面。或數與線相比。此異類。不爲比例。又若白線與黑線。熱線與冷線相比。雖同類。不以幾何相比。亦不爲比例也。比例之說。在幾何爲正用。亦有借用者。如時。如音。如聲。如所如動。如稱之屬。皆以比例論之。

凡兩幾何相比。以此幾何比他幾何。則此幾何爲前率。所比之他幾何爲後率。如以六尺之線比三尺之線。則六尺爲前率。三尺爲後率也。反用之。以三尺之線比六尺之線。則三尺爲前率。六尺爲後率也。

比例爲用甚廣。故詳論之。如左。

凡比例有二種。有大合。有小合。以數可明者。爲大合。如二十尺之線。比十尺之線。是也。其非數可明者。爲小合。如直角方形之兩邊。與其對角線。可以相比。而非數可明者。是也。

如上二種。又有二名。其大合者。爲有兩度之線。如二十尺。比八尺。兩線爲大合。則二尺。四尺。皆可兩度之者。是也。如此之類。凡數之比例。皆大合也。何者。有數之屬。或無他數。可兩度者。無有一數。不可兩度者。若

七比九。無他數可兩度之。以一則可兩度之也。其小合線爲無兩度之線。如直角方形之兩邊。與其對角線。爲小合。卽分至萬分。以及無數。終無小線。可以盡分。能度兩率者。是也。此論詳見十卷末題

小合之比例。至十卷詳之。本篇所論。皆大合也。

凡大合有兩種。有等者。如二十比二十。十尺之線。比十尺之線。是也。有不等者。如二十比十八。比四十六尺之線。比二尺之線。是也。

如上等者。爲相同之比例。其不等者。又有兩種。有以

大不等。如二十比十是也。有以小不等。如十比二十是也。大合比例之以大不等者。又有五種。一爲幾倍大。二爲等帶一分。三爲等帶幾分。四爲幾倍大帶一分。五爲幾倍大帶幾分。

一爲幾倍大者。謂大幾何內。有小幾何。或二。或三。或十。或八也。如二十與四。是二十內爲四者五。如三十尺之線。與五尺之線。是三十尺內爲五尺者六。則二十與四。名爲五倍大之比例也。三十尺與五尺。名爲六倍大之比例也。倣此爲名。可至無窮也。

二爲等帶一分者。謂大幾何內。既有小之一。別帶一分。此一分。或元一之半。或三分之一。四分之一。以至無窮者。是也。如三與二。是三內既有二。別帶一。爲二之半。如十二尺與九尺之線。是十二內既有九。別帶三。三爲九三分之一。則三與二。名爲等帶半也。十二尺與九尺。名爲等帶三分之一也。

三爲等帶幾分者。謂大幾何內。既有小之一。別帶幾分。而此幾分。不能合爲一盡分者。是也。如八與五。是八內既有五。別帶三一。每一各爲五之分。而三一不

能合而爲五之分也。他如十與八。其十內既有八。別帶二。雖每一各爲八之分。與前例相似。而二一却能爲八四分之一。是爲帶一分。屬在第二。不屬三也。則八與五。名爲等帶三分也。又如二十二與十六。卽名爲等帶六分也。四爲幾倍大帶一分者。謂大幾何內。既有小幾何之二。之三。之四。等。別帶一分。此一分。或元一之半。或三分。四分之一。以至無窮者。是也。如九與四。是九內既有二四。別帶一。一爲四四分之一。則九與四。名爲二倍大帶四分之一也。

五爲幾倍大帶幾分者。謂大幾何內。既有小幾何之
二。之三。之四。等。別帶幾分。而此幾分。不能合爲一盡
分者。是也。如十一與三。是十一內。既有三。三別帶二
一。每一各爲三之分。而二一不能合而爲三之分也。則
十一與三。名爲三倍大帶二分也。
大合比例之以小不等者。亦有五種。俱與上以大不
等五種相反爲名。一爲反幾倍大。二爲反等帶一分。
三爲反等帶幾分。四爲反幾倍大帶一分。五爲反幾
倍大帶幾分。

凡比例諸種如前所設諸數俱有書法。書法中有全數有分數。全數者如一、二、三、十、百等是也。分數者如分一以二、以三、以四等是也。書全數依本數書之。不必立法。書分數必有兩數。一爲命分數。一爲得分數。卽如分一以三而取其二。則爲三分之二。卽三爲命分數。二爲得分數也。分一爲十九而取其七。則爲十九分之七。卽十九爲命分數。七爲得分數也。

書以大小不等各五種之比例。其一幾倍大以全數書之。如二十與四爲五倍大之比例。卽書五是也。若

四倍。卽書四。六倍。卽書六也。其反幾倍大。卽用分數書之。而以大比例之數。爲命分之數。以一爲得分之數。如大爲五倍大之比例。則此書五之一。是也。若四倍。卽書四之一。六倍。卽書六之一也。

其二等帶一分之比例。有兩數。一全數。一分數。其全數恆爲一。其分數。則以分率之數。爲命分數。恆以一爲得分數。如三與二名爲等帶半。卽書一。別書二之一也。其反等帶一分。則全用分數。而以大比例之命分數。爲此之得分數。以大比例之命分數。加一。爲此

之命分數。如大爲等帶二之一。卽此書三之二也。又如等帶八分之一。反書之。卽書九之八也。又如等帶一千分之一。反書之。卽書一千〇〇一之一千也。其三等帶幾分之比例。亦有兩數。一全數。一分數。其全數亦恆爲一。其分數亦以分率之數爲命分數。以所分之數爲得分數。如十與七。名爲等帶三分。卽書一別書七之三也。其反等帶幾分。亦全用分數。而以大比例之命分數爲此之得分數。以大比例之命分數加大之得分數爲此之命分數。如大爲等帶七之

三。命數七。得數三七。加三爲十。卽書十之七也。又如
等帶二十之三。反書之。二十加三。卽書二十三之二十也。

其四。幾倍大帶一分之比例。則以幾倍大之數爲全數。以分率之數爲命分數。恒以一爲得分數。如二十二與七十二內。既有三七。別帶一。一爲七。七分之二。名爲三倍大帶七分之一。卽以三爲全數。七爲命分數。一爲得分數。書三。別書七之一也。其反幾倍大帶一分。則以大比例之命分數爲此之得分數。以大之

命分數乘大之倍數。加一。爲此之命分數。如大爲三。帶七之一。卽以七乘三。得二十一。又加一。爲命分數。書二十二之七也。又如五帶九之一。反書之九乘五。得四十五。加一。爲四十六。卽書四十六之九也。

其五幾倍大帶幾分。之比例。亦以幾倍大之數。爲全數。以分率之數。爲命分數。以所分之數。爲得分數。如二十九與八二十九內。既有三八。別帶五。一名爲三。倍大帶五分。卽以三爲全數。八爲命分數。五爲得分數。書三。別書八之五也。其反幾倍大帶幾分。則以大

比例之命分數爲此之得分數。以大比例之命分數乘大之倍數。加大之得分數。爲此之命分數。如大爲三帶八之五。卽以八乘三。得二十四。加五。爲二十九。書二十九之八也。又如四帶五之二。卽書二十二之五也。

已上大小十種。足盡比例之凡。不得加一、減一。

第四界

兩比例之理相似。爲同理之比例。

兩幾何相比。謂之比例。兩比例相比。謂之同理之比。

例如甲與乙兩幾何之比例偕丙與丁兩幾何之比

十一

四

甲

例其理相似為同理之比例。又若戊與

九

三

丙

已兩幾何之比例偕已與庚兩幾何之

十六

八

戊

比例其理相似亦同理之比例

四 庚

凡同理之比例有三種有數之比例有

量法之比例有樂律之比例本篇所論皆量法之比
例也量法比例又有二種一為連比例連比例者相
續不斷其中率與前後兩率遞相為比例而中率既
為前率之後又為後率之前如後圖戊與已比已又

與庚比是也。二爲斷比例。斷比例者。居中兩率一取不再用。如前圖甲自與乙比。丙自與丁比。是也。

第五界

兩幾何。倍其身而能相勝者。爲有比例之幾何。

上文言爲比例之幾何。必同類。然同類中。亦有無比例者。故此界顯有比例之幾何也。曰倍其身而能相勝者。如三尺之線與八尺之線。三尺之線三倍其身。卽大於八尺之線。是爲有比例之線也。又如直角方形之一邊。與其對角線。雖非大合之比例。可以數明。

而直角方形之一邊一倍之即大於對角線

兩邊等三角形

其兩邊并必大於一邊見一卷二十是亦有小合比例之線也又圓之

徑四倍之即大於圓之界則圓之徑與界亦有小合

比例之線也

圓之界當三徑七分徑之一弱別見圖形書

又曲線與直線

亦有比例如以大小兩曲線相合為初月形別作一

直角方形與之等

六卷三十三一增題今附


即曲直兩線相視有

大有小亦有比例也又方形與圓雖自古至今學士

無數不能為相等之形然兩形相視有大有小亦不

可謂無比例也又直線角與曲線角亦有比例如上圖

直角、鈍角、銳角皆有與曲線角等者。若第一圖甲乙丙
 丙直角在甲乙乙丙兩直線內。而其間設有甲乙丁
 與丙乙戊兩圓分角等。即於甲乙丁角加甲
 乙戊角。則丁乙戊曲線角與甲乙丙直角等
 矣。依顯壬庚癸曲線角與己庚辛鈍角等也。
 又依顯卯丑辰曲線角與子丑寅銳角各減
 同用之子丑丑辰內圓小分。即兩角亦等也。
 此五者皆疑無比例。而實有比例者也。他若
 有窮之線與無窮之線。雖則同類。實無比例。何者有



窮之線。畢世倍之。不能勝無窮之線。故也。又線與面。面與體。各自爲類。亦無比例。何者。畢世倍線。不能及面。畢世倍面。不能及體。故也。又切圓角。與直線銳角。亦無比例。何者。依三卷十六題所說。畢世倍切邊角。不能勝至小之銳角。故也。此後諸篇中。每有倍此幾何。令至勝彼幾何者。故備著其理。以需後論也。

第六界

四幾何。若第一與二。偕第三與四。爲同理之比例。則第一、第二、第三、第四之幾倍。其相視或等。或

俱爲大俱爲小恆如是

兩幾何。曷顯其能爲比例乎。上第五界所說是也。兩比例。曷顯其能爲同理之比例乎。此所說是也。其術通大合小合。皆以加倍法求之。如一甲二乙三丙四

丁

戊

己

庚

辛

壬

癸

甲

乙

丙

丁

戊

己

庚

辛

壬

癸

甲

乙

丙

丁

戊

己

庚

辛

壬

癸

甲

乙

丙

丁

戊

己

庚

辛

壬

癸

甲

乙

丙

丁

戊

己

庚

辛

壬

癸

甲

乙

丙

丁

戊

己

庚

辛

壬

癸

甲

乙

丙

丁

戊

己

庚

辛

壬

癸

甲

乙

丙

丁

戊

己

庚

辛

壬

癸

數自相等。次於二乙四丁。任加幾倍。爲庚。爲辛。庚倍

乙辛倍丁。其數自相等。而戊與己偕庚與辛相視。或

等。或俱大。或俱小。如是等大小累試之。恆如是。卽知

幾何可原。本卷五之首

一甲與二乙偕三丙與四丁爲同理之比例也。


如初試之。甲幾倍之戊。小於乙幾倍之庚。而丙幾倍之己。亦小於丁幾倍之辛。又試之。倍甲之戊。與倍乙之庚等。而倍丙之己。亦與倍丁之辛等。三試之。倍甲之戊。大於倍乙之庚。而倍丙之己。亦大於倍丁之辛。

戊己
甲丙
此之謂或相等或雖不等而俱

乙丁
庚辛
爲大俱爲小。若累合一差。卽元

設四幾何不得爲同理之比例。如下第八界所指是也。

下文所論。若言四幾何爲同理之比例。卽當推顯第一、第三之幾倍。與第二、第四之幾倍。或等。或俱大。俱小。若許其四幾何爲同理之比例。亦如之。



以數明之。如有四幾何。第一爲三。第二爲二。第三爲六。第四爲四。今以第一之三。第三之六。同加四倍。爲十二。爲二十四。次以第二之二。第四之四。同加七倍。爲十四。爲二十八。其倍第一之十二。既小於倍第二之十四。而倍第三之二十。


四亦小於倍第四之二十八也。又以第一之三。第三之六。同加六倍。爲十八。爲三十六。次以第二之二。第四之四。同加九倍。爲十八。爲三十六。其倍第一之十八。既等於倍第二之十八。而倍第三之三十六。亦等於倍第四之三十六也。又以第一之三。第三之六。同加三倍。爲九。爲十八。次以第二之二。第四之四。同加二倍。爲四。爲八。其倍第一之九。既大於倍第二之四。而倍第三之十八。亦大於倍第四之八也。若爾。或俱大。俱小。或等。累試之。皆合。則三與二。偕六與四。得爲

同理之比例也

以上論四幾何者。斷比例之法也。其連比例法。倣此。但連比例之中率。兩用之。既為第二。又為第三。視此異耳。

第七界

同理比例之幾何。為相稱之幾何。



甲與乙。若丙與丁。是四幾何。為同理之比例。即四幾何。為相稱之幾何。又戊與己。若己與庚。即三幾何。

亦相稱之幾何

第八界

四幾何。若第一之幾倍。大於第二之幾倍。而第三之幾倍。不大於第四之幾倍。則第一與二之比例。大於第三與四之比例。

此反上第六界而釋不同理之兩比例。其相視曷顯。

戊己

爲大。曷顯爲小也。謂第一第三之

甲丙


幾倍。與第二第四之幾倍。依上累

乙丁

試之。其間有第一之幾倍。大於第二之幾倍。而第三

庚辛

之幾倍。乃或等、或小於第四之幾倍。卽第一與二之
比例大於第三與四之比例也。如上圖。甲一、乙二、丙
三、丁四。甲與丙各三倍爲戊、己。乙與丁各四倍爲庚、
辛。其甲三倍之戊大於乙四倍之庚。而丙三倍之己
乃小於丁四倍之辛。卽甲與乙之比例大於丙與丁
也。若第一之幾倍小於第二之幾倍。而第三之幾倍
乃或等、或大於第四之幾倍。卽第一與二之比例小
於第三與四之比例。如是等大小相戾者。但有其一
不必再試。



以數明之中設三、二、四、三、四幾何。先有
 第一之倍。大於第二之倍。而第三之倍。
 亦大於第四之倍。後復有第一之倍。大
 於第二之倍。而第三之倍。乃或等。或小。
 於第四之倍。即第一與二之比例。大於
 第三與四也。若以上圖之數反用之。以第一為二。第
 二為一。第三為四。第四為三。則第一與二之比例。小
 於第三與四。

第九界

同理之比例。至少必三率

十二

四
甲
乙

同理之比例。必兩比例相比。如甲與乙。若

九

三
丙
丁

丙與丁。是四率斷比例也。若連比例之戊

去

六
戊
己

與己。若己與庚。則中率己。既為戊之後。又

四
庚

為庚之前。是以三率當四率也。

第十界

三幾何為同理之連比例。則第一與三為再加之比例。
四幾何為同理之連比例。則第一與四為三加之比
例。倣此以至無窮。

甲乙丙丁戊五幾何。為同理之連比例。其甲與乙。若乙與丙。乙與丙。若丙與丁。丙與丁。若丁與戊。即一甲與三丙。視一甲與二乙。為再加之比例。又一甲與四

全
丁。視一甲與二乙。為三加之比例。何者。甲

三
三
二
丁。之中。有乙丙兩幾何。為同理之比例。如

去
甲與乙。故也。又一甲與五戊。視一甲與二

乙。為四加之比例也。若反用之。以戊為首。則一戊與

三丙。為再加。與四乙。為三加。與五甲。為四加也。

下第六卷二十題。言此直角方形。與彼直角方形。為

此形之一邊與彼形之一邊再加之比例。何者。若作三幾何。爲同理之連比例。則此直角方形。與彼直角方形。若第一幾何。與第三幾何。故也。以數明之。如此直角方形之邊三尺。而彼直角方形之邊一尺。卽此形邊與彼形邊。若九與一也。夫九與一之間有三。爲同理之比例。則九三三一三幾何之連比例。既有三與一。爲比例。又以九比三。三比一。爲再加之比例也。則彼直角方形。當爲此形九分之一。不止爲此形三分之一也。大畧第一與二之比例。若線相比。第一與三。

若平面相比。第一與四。若體相比也。

第一與五。若美家三乘方與六。

若四乘方與七。若五乘方。做此以至無窮。

第十一界

同理之幾何。前與前相當。後與後相當。

上文已解同理之比例。此又解同理之幾何者。蓋一

九
甲

六
乙

比例之兩幾何。有前後。而同理之兩比例。

三
丙

八
丁

四幾何。有兩前。兩後。故特解言比例之論。

大
戊

八
己

常以前與前相當。後與後相當也。如上甲

四
庚

與乙丙與丁。兩比例同理。則甲與丙相當。

乙與丁相當也。戊己巳庚兩比例同理。則已既爲前
又爲後。兩相當也。如下文有兩三角形之邊相比。亦
常以同理之。兩邊相當。不可混也。

上文第六、第八界說幾何之幾倍。常以一與三同倍。
二與四同倍。則以第一、第三爲兩前。第二、第四爲兩
後。各同理故。

第十二界

有屬理更前與前。更後與後。

此下說比例六理。皆後論所需也。

四幾何。甲與乙之比例。若丙與丁。今更推

$\begin{array}{c} \text{五} \\ \text{十} \end{array} \left[\begin{array}{c} \text{丙} \\ \text{丁} \end{array} \right]$ 甲與丙若乙與丁爲屬理
 下言屬理皆

省曰更

此論未證證。見本卷十六

此界之理可施於四率同類之比例。若兩線兩面或兩面兩數等不爲同類卽不得相更也。

兩面，兩數等不爲同類，卽不得相更也。

第十三界

有反理。取後爲前。取前爲後。

九
六
甲與乙之比例若丙與丁。今反推乙與甲。

六十一


三———丙
八———丁 若丁與丙爲反理

證見本篇四之系

此界之理亦可施於異類之比例

第十四界

有合理合前與後爲一而比其後




證見本卷十八

第十五界

有分理。取前之較。而比其後。

甲乙與丙乙之比例。若丁戊與己戊。今分推甲乙之較甲丙。與丙乙。若丁戊之較丁




己與己戊

證見本卷十七

第十六界

有轉理。以前為前。以前之較為後。



第十七界

有平理。彼此幾何。各自三以上。相為同理之連比例。則此之第一與三。若彼之第一與三。又曰。去其中。取其

首尾

甲、乙、丙、三幾何。丁、戊、己、三幾何等數。相為同理之連

六

三

六

十三

八

四

一

己

戊

尾

已

平理之分又有二種如後二界

第十八界

有平理之序者此之前與後若彼之前與後而此之後

與他率若彼之後與他率

三

六

四

一

丙

乙

甲

丁

戊

與

他

率

若

丁

與

戊

而

後

乙

與

他

率

丙

若

六

三

一

丁

後

戊

與

他

率

已

是

序

也

今

平

推

甲

與

丙

三 戊 若丁與已也。此與十七界同。重宣序義以別後界也。

證見本卷廿二

第十九界

有平理之錯者。此數幾何。彼數幾何。此之前與後。若彼之前與後。而此之後與他率。若彼之他率與其前。

十三 甲 乙 丙 數幾何。丁 戊 己 數幾何。其甲與

十二 乙 若戊與己。又此之後乙與他率丙。若

六 戊 彼之他率丁與前戊是錯也。今平推甲

與丙若丁與己也。十八十九界推法於十七界中

證見本卷廿三

增一幾何。有一幾何相與爲比例。卽此幾何。必有
彼幾何相與爲比例。而兩比例等。一幾何有一幾
何相與爲比例。卽必有彼幾何與此幾何爲比例。
而兩比例等。此例同理。省
曰比例等。

甲幾何與乙幾何爲比例。卽此幾何
丙亦必有彼幾何。如丁相與爲比例。
若甲與乙也。丙幾何與丁幾何爲比

甲
乙
丙
丁
戊

例。卽必有彼幾何。如戊與此幾何丙爲比例。若丙

與予也。此理推廣無礙。於理有之。不必舉其率也。
舉率之理。備見後卷。

幾何原本第五卷之首終

幾何原本

三

幾何原本第五卷

本篇論比例 計三十四題

秦 呵 刊 瑪 寶 口 譯

吳 松 徐 光 啓 筆 畫

第一題

此數幾何。彼數幾何。此之各率。同幾倍於彼之各率。則

此之并率。亦幾倍於彼之并率。

乙 庚 辛 甲 解曰。如甲乙丙丁。此二幾何。大於戊己。彼二

丁 癸 壬 丙 幾何。各若干倍。題言甲乙丙丁并。大於戊己。

己 并。亦若干倍。

乙 庚 辛 戊

丁 癸 壬 巳

論曰如甲乙與丙丁既各三倍大於戊與己

卽以甲乙三分之各與戊等爲甲庚庚辛壬

乙又以丙丁三分之各與己等爲丙壬壬癸

癸丁卽甲乙與丙丁所分之數等而甲庚既與戊等

丙壬既與己等卽於甲庚加丙壬於戊加己其甲庚


丙壬并與戊己并必等依此庚辛壬癸并辛乙癸丁

并與戊己并各等夫甲乙與丙丁之分三合於戊己

皆等本卷界說二則甲乙丙丁并三倍大於戊己并

第二題

六幾何。其第一倍第二之數。等於第三倍第四之數。而第五倍第二之數。等於第六倍第四之數。則第一、第五并倍第二之數。等於第三、第六并倍第四之數。



解曰。一甲乙倍二丙之數。如三丁戊倍四己之數。又五乙庚倍二丙之數。如六戊辛倍四己之數。題言一甲乙五乙庚并倍二

丙之數。若三丁戊六戊辛并倍四己之數。

論曰。甲乙丁戊之倍於丙己其數等。則甲乙幾何內有丙幾何若干。與丁戊幾何內有己幾何若干。其數


亦等

本卷界說二

依顯乙庚內有丙若干與戊辛內有己

若干亦等。次於甲乙丁戊兩等數率。每加一等數之乙庚戊辛率。則甲庚丁辛兩幾何內之分數等。而一五并之甲庚內有二丙若干。與三六并之丁辛內有四己若干亦等。

注曰。若第一第三兩幾何之數。與第二第四兩幾何之數各等。而第五倍第二之數。等於第六倍第四之數。或第一倍第二之數。等於第三倍第四之數。而第五第二兩幾何之數。與第六第四兩幾何之數各等。



俱同本論。如上二圖。甲庚爲

第一、第五之并率。其倍二丙

之數。與丁辛爲第三、第六之

并率。其倍四己之數。等也。甲庚內有丙若干。與丁辛內有己若干等。故同理。

他若第一、第三、兩幾何之數。第五、第六、兩幾何之數。

與第二、第四、兩幾何之數。各等。此理更明。何者。第一、

第五、并之倍第二。若第三、第六、并之倍第四。俱兩倍

故

第三題

四幾何。其第一之倍於第二。若第三之倍於第四。次倍第一。又倍第三。其數等。則第一所倍之與第二。若第

三所倍之與第四

壬

辛庚

戊甲

解曰。一甲所倍於二乙。若三丙所倍於

乙

四丁。次作戊己。兩幾何同若干倍於甲。

於丙。題言以平理推。戊倍乙之數。若己

倍丁

丑

子癸

己

論曰。戊與己之倍甲與丙。其數既等。試

丙

丁

以戊作若干分。各與甲等。為戊庚庚辛。

辛壬。次分己亦如之。爲己癸、癸子、子丑。卽戊內有甲若干與己內有丙若干等。本卷界說一夫戊庚與甲己癸與丙既等而甲之倍乙與丙之倍丁又等。則戊庚倍乙。若己癸倍丁也。依顯庚辛、辛壬各所倍於乙。若癸子、子丑各所倍於丁也。夫一戊庚之倍二乙。既若三己癸之倍四丁。而五庚辛之倍二乙亦若六癸子之倍四丁。則一戊庚五庚辛并之倍二乙若三己癸六癸子并之倍四丁也。本編又一戊辛之倍二乙既若三己子之倍四丁。而五辛壬之倍二乙亦若六子丑

系作原

之倍四丁。則一戊辛五辛丑并之倍二乙。若三己子六子丑并之倍四丁也。辛壬子丑以上任作多分。皆倣此論。

第四題 其系為反理

四幾何。其第一與二偕。第三與四。比例等。第一、第三、同任為若干倍。第二、第四、同任為若干倍。則第一所倍與第二所倍。第三所倍與第四所倍。比例亦等。

壬 癸
戊 己

解。甲與乙偕。丙與

甲 丙

丁。比例等。次作戊與

已。同任若干倍於一
 甲、三丙。別作庚與辛。
 同任若干倍於二乙、
 四丁。題言一甲所倍
 之戊與二乙所倍之庚。偕三丙所倍之已與四丁所
 倍之辛。比例亦等

論曰。試以戊、已二幾何。同任倍之。爲壬。爲癸。別以庚、
 辛、同任倍之。爲子。爲丑。其戊之倍甲。旣若已之倍丙。
 而壬之倍戊。亦若癸之倍已。卽壬之倍甲。亦若癸之

倍丙也。

本篇三

依顯子之倍乙。亦若丑之倍丁也。夫甲

與乙、偕丙與丁、之比例既等。而壬癸所倍於甲丙子

丑所倍於乙丁各等。卽三試之。若倍甲之壬小於倍

乙之子。則倍丙之癸亦小於倍丁之丑矣。若壬子等

卽癸丑亦等矣。若壬大於子。卽癸亦大於丑矣。

本卷界說

夫戊己之倍爲壬癸也。庚辛之倍爲子丑也。不論

幾許倍。其等大小三試之。恆如是也。則一戊所倍之

壬與二庚所倍之子偕三己所倍之癸與四子所倍之

丑等大小皆同類也。而戊與庚偕己與辛之比例必

等

本卷界
說六

最


一系凡四幾何。第一與二偕。第三與四比例等。即可反推。第二與一偕。第四與三比例亦等。何者。如上倍甲之壬。與倍乙之子。偕倍丙之癸。與倍丁之丑等。大小俱同類。而顯甲與乙。若丙與丁。即可反說。倍乙之子。與倍甲之壬。偕倍丁之丑。與倍丙之癸。等大小俱同類。而乙與甲。亦若丁與丙。本卷界
說六二系別有一論。亦本書中所恆用也。曰。若甲與乙。偕丙與丁。比例等。則甲之或二。或三倍。與乙之或二。或

三倍偕丙之或二、或三倍與丁之或一、以三倍比例俱等。倣此以至無窮。

第五題

大小兩幾何。此全所倍於彼全。若此全截取之分，所倍於彼全截取之分，則此全之分餘，所倍於彼全之分餘，亦如之。

解曰。甲乙大幾何。丙丁小幾何。甲乙所倍於丙丁。若甲乙之截分，甲戊所倍於丙丁之截分，丙己。題言甲戊之分餘，戊乙所倍於丙己。



之分餘已丁亦如其數

論曰試作一他幾何爲庚丙令戊乙之倍庚丙若甲

戊之倍丙已也本卷界說增甲戊戊乙之倍丙已庚丙其

數等卽其兩并甲乙之倍庚已亦若甲戊之倍丙已

也本篇一而甲乙之倍丙丁元若甲戊之倍丙已則丙


丁與庚已等也次每減同用之丙已卽庚丙

與已丁亦等而戊乙之倍已丁亦若戊乙之

倍庚丙矣夫戊乙之倍庚丙旣若甲戊之倍

丙已則戊乙爲甲戊之分餘所倍於已丁爲

辨何處本



丙己之分餘者亦若甲乙之倍丙丁也

又論曰試作一他幾何為庚甲令庚甲之倍

己丁若甲戊之倍丙己本卷界說二十即其兩并庚

戊之倍丙丁亦若甲戊之倍丙己也本篇而

甲乙之倍丙丁元若甲戊之倍丙己是庚戊與甲乙

等矣次每減同用之甲戊即庚甲與戊乙等也而庚


甲之倍己丁若甲乙之倍丙丁也則戊乙之倍己丁

亦若甲乙之倍丙丁也

第六題

此兩幾何。各倍於彼兩幾何。其數等。於此兩幾何。每減一分其一分之各倍於所當彼幾何。其數等。則其分餘。或各與彼幾何等。或尙各倍於彼幾何。其數亦等。

解曰。甲乙丙丁兩幾何。各倍於戊己兩幾何。其數等。每減一甲庚丙辛甲庚丙辛之倍戊己其數等。題言分餘庚乙辛丁或與戊己等。



或尙各倍於戊己其數亦等

論曰。甲乙全與其分甲庚。既各多倍於戊。則分餘庚乙與戊其或等。或尙幾倍。必矣。何者。庚乙與戊不等。

甲 庚 乙
 戊 丙 辛 丁

不幾倍。其加於甲庚不成為戊之多倍也。然則庚乙與戊等。曷為辛丁與己亦等。試作壬丙與己等。其一甲庚之倍二戊。既若三丙辛

之倍四己。而五庚乙之等二戊。又若六壬丙之等四己。則第一第五并之甲乙。所倍於二戊。若第三第六并之壬辛。所倍於四己也。本篇而甲乙之倍戊。元若


甲 庚 乙
 戊 丙 辛 丁
 壬 己

丙丁之倍己。即壬辛與丙丁亦等。次每減同用之丙辛。即壬丙與辛丁必等。是辛丁與己亦等矣。然則庚乙之倍戊。曷為與辛丁之倍

已等。試作壬丙。其倍已。若庚乙之倍戊。依前論甲乙之倍戊。若壬辛之倍已。本篇而壬辛與丙丁等。壬丙與辛丁亦等。是辛丁之倍已。亦若庚乙之倍戊矣。


第七題 二支

此兩幾何等。則與彼幾何各為比例。必等。而彼幾何與此相等之兩幾何。各為比例。亦等。



解曰。甲乙兩幾何等。彼幾何丙。不論等。大小於甲乙。題言甲與丙。偕乙與丙。各為比例。必等。又反上言丙與甲。偕丙與

乙各為比例亦等



論曰。試作丁、戊兩率。任同若干倍於甲。乙即丁與戊等。別作己。任若干倍於丙。其丁、戊既等。即丁視己與戊視己或等。

或大、或小。必同類矣。夫一甲、三乙所倍之丁、戊。偕當

二。又當四之丙。所倍之己。其等大小既同類。本卷界說六

則一甲與二丙之比例。若三乙與四丙矣。反說之。當

一。當三之丙。所倍之己。偕二甲、四乙所倍之丁、戊。其

等、大小既同類。則一丙與二甲之比例。若三丙與四

乙矣

後論與本篇第四題之系同用反理。如甲與丙。若乙與丙反推之。丙與甲亦若丙與乙也。

第八題

大小兩幾何。各與他幾何爲比例。則大與他之比例。大於小與他之比例。而他與小之比例。大於他與大之比例。

解曰。不等兩幾何。甲乙大。丙小。又有他幾何丁。不論等大小於甲乙。於丙。題言甲乙與丁之比例。大於丙

知作庚乙

與丁之比例。又反上言丁與丙之比例。大

於丁與甲乙之比例。

論曰。試於大幾何甲乙內。分甲戊。與小幾


何丙等。而戊乙為分餘。次以甲戊戊乙作

同若干倍之辛庚。庚已而庚已為戊乙之

倍。必令大於丁。辛庚為甲戊之倍。必令大

於丁。或等於丁。如不足以倍加之也。其庚

已辛庚之倍於戊乙。甲戊既等。即辛已之



倍甲乙。若辛庚之倍甲戊矣。
本篇一 甲戊即丙也。次作

一壬癸爲丁之倍。令僅大於辛庚。兩倍不足。三之。又不足。任加之。已大勿倍也。次於壬癸。截取子癸。與丁等。卽壬子必不大於辛庚。何者。向作壬癸爲丁之倍。元令僅大於辛庚。若壬子大於辛庚者。何必又倍之。爲壬癸也。故僅大之壬癸。截去子癸者。必不大於辛庚也。則壬子或等或小於辛庚矣。夫庚已旣大於丁。而子癸與丁等。卽庚已必大於子癸。又辛庚不小於壬子。或大卽辛已亦大於壬癸也。夫辛已辛庚同若。或等千倍於第一甲乙。第三丙也。而壬癸之倍於當二之。

幾何原本

廿

下當四之丁。又同一率也。則第一所倍之辛已大於

第二所倍之壬癸。而第三所倍之辛庚不大於第四

所倍之壬癸。辛庚元小於壬癸。是一甲乙與二丁之比例大

於三丙與四丁矣。本卷界說八次反上說。一丁所倍之壬

癸。反說。則丁當一。當三丙。二甲。乙四大於二丙所倍之辛庚。而三丁

所倍之壬癸。不大於四甲乙所倍之辛已。壬癸必小於辛已

是一丁與二丙之比例。大於三丁與四甲乙矣。本卷界說

八

第九題 二支

兩幾何與一幾何各爲比例而等則兩幾何必等一幾何與兩幾何各爲比例而等則兩幾何亦等

先解曰甲乙兩幾何各與丙爲比例等題言甲與乙等

論曰如云不然而甲大於乙卽甲與丙之比例宜大於乙與丙本篇何先設兩比例等也故比例等

則甲與乙等

後解曰丙幾何與甲與乙各爲比例等題言甲與乙等

論曰。如云。不然而甲大於乙。卽丙與乙之比例宜大。

於丙與甲。

本篇

何先設兩比例等也。

第十題

二支

彼此兩幾何。此幾何。與他幾何之比例。大於彼與他之比例。則此幾何。大於彼。他幾何。與彼幾何之比例。大於他與此之比例。則彼幾何。小於此。

先解曰。甲、乙兩幾何。復有丙幾何。甲與丙之比。

例。大於乙與丙。題言甲大於乙。

乙、丙論曰。如云。不然而甲與乙等。卽所爲兩比例。宜等。

本篇

何先設甲與丙大也。又不然。甲小於乙。卽乙與

丙之比例。宜大於甲與丙。

本篇

何先設甲與丙大也。

後解曰。丙與乙之比例。大於丙與甲。題言乙小於甲。

論曰。如云不然。乙與甲等。卽所爲兩比例。宜等。

甲

本篇

何先設丙與乙大也。又不然。乙大於甲。卽

乙

丙

丙與甲之比例。宜大於丙與乙。何先設丙與乙

大也。

第十一題

此兩幾何之比例。與他兩幾何之比例。等。而彼兩幾何

幾何原本

三

之比例。與他兩幾何之比例亦等。則彼兩幾何之比
例。與此兩幾何之比例亦等。

解曰。甲乙偕丙丁之比例。各與戊己之比例
等。題言甲乙與丙丁之比例亦等。

論曰。試於各前率之甲、丙、戊。同任倍之為庚、
辛、壬。別於各後率之乙、丁、己。同任倍之為癸、
子、丑。其一甲與二乙之比例。既若三戊與四

庚

甲

乙

癸

壬

戊

己

丑

己。即三試之。若倍一甲之庚。小於倍二乙之
癸。即倍三戊之壬。亦小於倍四己之丑矣。若

庚、癸等。卽壬、丑亦等。若庚大於癸卽壬亦大

於丑矣。本卷界說六依顯王之視丑若辛之視子

辛其等大小亦同類矣。此三前三後率任作幾

許倍其等大小皆同類也。本卷界說六則甲與乙之比例

若丙與丁也

第十二題

數幾何所爲比例皆等。則并前率與并後率之比例。若

各前率與各後率之比例

解曰。甲、乙、丙、丁、戊、己數幾何所爲比例皆等者。甲與

庚 甲 乙

辛 丙 丁

壬 戊 己

癸

子

丑

乙。若丙與丁。丙與丁。若戊與己也。題言甲。丙。戊。諸前率并與乙。丁。己。諸後率并之比例。若甲與乙。丙與丁。戊與己。各前各後之比例也。論曰。試於各前率之甲。丙。戊。同任倍之爲庚。辛。壬。別於各後率之乙。丁。己。同任倍之爲癸。子。丑。卽庚。辛。壬。并之倍。甲。丙。戊。并若庚之倍。甲也。癸。子。丑。并之倍。乙。丁。己。并若癸之倍。乙也。本篇夫一甲與二乙。既若三丙與四丁。又若三戊與四己。則庚之倍一甲。與癸之倍二

乙或等或大或小。偕辛壬之倍。三丙戊與子丑之倍。四丁己等大小同類也。又各前所倍庚辛壬并與各後所倍癸子丑并其或等或大或小。亦偕各前所自倍。與各後所自倍其等大小必同類也。本卷界說六則一甲與二乙之比例。若三甲丙戊并與四乙丁己并矣。

第十三題

數幾何。第一與二之比例。若第三與四之比例。而第三與四之比例大於第五與六之比例。則第一與二之比例亦大於第五與六之比例。

解曰。一甲與二乙之比例。若三丙與四丁。而

三丙與四丁之比例。大於五戊與六己。題言

癸甲與乙之比例。亦大於戊與己。

論曰。試以甲、丙、戊各前率。同任倍之。爲庚、辛、

壬。別以乙、丁、己各後率。同任倍之。爲癸、子、丑。

子其甲與乙。既若丙與丁。卽三試之。若倍甲之


庚。大於倍乙之癸。卽倍丙之辛。必大於倍丁

之子矣。若庚、癸等。卽辛、子亦等。若庚小於癸。

卽辛亦小於子矣。

本卷界說六

次丙與丁。既大於



戊與己又三試之。卽倍丙之辛。大於倍丁之子。而倍戊之壬。不必大於倍己之丑也。或等。或小矣。本卷界說八夫庚癸與辛子。等大小同類。則壬丑不類於辛子者。亦不類於庚癸也。故甲與乙之比例。亦大於戊與己。

本卷界說八

注曰。若三丙與四丁之比例。或小。或等於五戊。六己。則一甲與二乙之比例。亦小。亦等於五戊。六己。倣此論推顯。

第十四題

四幾何第一與二之比例。若第三與四之比例。而第一幾何大於第三。則第二幾何亦大於第四。第一或等或小於第三。則第二亦等亦小於第四。

解曰。甲與乙之比例。若丙與丁。題言甲大於

丙。則乙亦大於丁。若等亦等。若小亦小。

先論曰。如甲大於丙。即甲與乙之比例大於

丙與乙矣。本篇夫一丙與二丁之比例。既若三甲與

四乙。而三甲與四乙之比例。大於五丙與六乙。即一

丙與二丁之比例。亦大於五丙與六乙。本篇是丁幾

何小於乙也

本篇

次論曰如甲、丙、等。即甲與乙之比例。若丙與

乙

本篇

夫甲與乙之比例。元若丙與丁而又

若丙與乙。是丙與丁之比例。亦若丙與乙也

甲
乙
丙
丁

本篇

十 則乙與丁等也

本篇

後論曰如甲小於丙。即丙與乙之比例。大於

甲與乙矣

本篇

夫一丙與二丁之比例。既若

甲
乙
丙
丁

三甲與四乙。而三甲與四乙之比例。小於五

丙與六乙。即一丙與二丁之比例。亦小於五丙與六

乙也

本篇十三

是乙小於丁也

本篇十

第十五題

兩分之比。例與兩多分并之比。例等。

解曰。甲與乙同任倍之。為丙丁。為戊己。題言

丙丁與戊己之比例。若甲與乙

論曰。丙丁之倍甲。既若戊己之倍乙。即丙丁

內有甲若干。與戊己內有乙若干。等。次分丙

丁為丙庚。庚辛。辛丁。各與甲分等。分戊己為

戊壬。壬癸。癸己。各與乙分等。即丙庚與戊壬。

戊壬 癸己 丙庚 辛丁

乙

甲

若甲與乙也

丙庚與甲等戊壬與乙等故見本篇七

庚辛與壬癸辛丁

與癸己皆若甲與乙也

本篇十一

則等甲之丙庚與等乙

之戊壬定若丙丁全與戊己全而丙丁全與戊己全

若甲與乙矣

本篇十二

第十六題

更理

四幾何為兩比例等。即更推前與前後與後為比例亦

等。

戊
甲
乙
己

解曰。甲、乙、丙、丁、四幾何。甲與乙之比例。若丙與丁。題言更推之。甲與丙之比例。亦若乙與

丁

論曰。試以甲與乙。同任倍之。為戊。為己。別以

庚

丙

丁

辛

丙與丁。同任倍之。為庚。為辛。即戊與己。若甲

與乙也。

本篇十五

庚與辛。若丙與丁也。夫甲與乙。若丙與

丁。而戊與己。亦若甲與乙。即戊與己。亦若丙與丁矣。

依顯庚與辛。若丙與丁。即戊與己。亦若庚與辛也。

本篇

十次三試之。若戊大於庚。則己亦大於辛也。若等。亦

等。若小。亦小。任作幾許倍。恆如是也。

本篇十四

則倍一甲

之戊。倍三乙之己。與倍二丙之庚。倍四丁之辛。其等。


大小必同類也。而甲與丙若乙與丁矣。

第十七題 分理

相合之兩幾何。為比例等。則分之為比例亦等。

解曰。相合之兩幾何。其一為甲乙。丁乙。其一為丙戊。己戊。比例等者。甲乙與丁乙。若丙戊與己戊也。題言分之為比例亦等者。甲丁與丁乙。若丙己與己戊也。

論曰。試以甲丁。丁乙。丙己。己戊。同任倍之。為庚辛。辛壬。為癸子。子丑。即庚壬之倍甲乙。若



庚辛之倍甲丁也。亦若癸子之倍丙己也。本篇夫癸

子之倍丙己。亦若癸丑之倍丙戊。卽庚壬之倍甲乙。

亦若癸丑之倍丙戊也。次別以丁乙己戊同任倍之。

爲壬寅爲丑卯。其一辛壬之倍二丁乙。旣若三子丑。

之倍四己戊。而五壬寅之倍二丁乙。亦若六丑卯之。

倍四己戊。卽辛寅之倍丁乙。亦若子卯之倍己戊也。

本篇夫一甲乙與二丁乙之比例。旣若三丙戊與四

己戊。而一與三。二與四。各所倍等。卽三試之。若一甲

乙所倍之庚壬。大於二丁乙所倍之辛寅。卽三丙戊

所倍之癸丑亦大於四已戊所倍之子卯也。若等亦
 等。若小亦小也。本卷界說六如庚壬小於辛寅而癸丑小

於子卯者。卽每減一同用之辛壬子丑其所存庚辛

寅亦小於壬寅而癸子亦小於丑卯矣。依顯庚


壬等辛寅而癸丑等子卯者。卽庚辛等壬寅

而癸子等丑卯矣。庚壬大於辛寅而癸丑大

於子卯者。卽庚辛大於壬寅而癸子大於丑

卯矣。夫庚辛爲甲丁之倍。癸子爲丙已之倍。

壬寅爲丁乙之倍。丑卯爲已戊之倍。而甲丁



丙己之所倍。視丁乙己戊之所倍。其等大小皆同類。

則甲丁與丁乙若丙己與己戊也。本卷界說六

第十八題 合理


兩幾何分之為比例等。則合之為比例亦等。

解曰。甲丁丁乙與丙己己戊。兩分幾何。其比


例等者。甲丁與丁乙。若丙己與己戊也。題言

合之為比例亦等者。甲乙與丁乙。若丙戊與

己戊也。



論曰。如前論。以甲丁丁乙丙己己戊。同任倍



之為庚辛。辛壬為癸子。子丑本篇次別以丁乙己戊。

同任倍之。為壬寅。為丑卯。即庚壬之倍甲乙。若癸丑

之倍丙戊也。本篇而辛寅之倍丁乙。若子卯之倍己

戊也。本篇夫一甲丁與二丁乙。既若三丙己

與四己戊。而一與三。二與四。各所倍等。即三

試之。若一甲丁所倍之庚辛。小於二丁乙所

倍之壬寅。即三丙己所倍之癸子。亦小於四

己戊所倍之丑卯也。若等亦等。若大亦大也。

本卷界如庚辛小於壬寅。而癸子亦小於丑

卯。卽每加一辛壬子丑。其所并庚壬亦小於辛寅。而
癸丑亦小於子卯矣。依顯庚辛等壬寅。而癸子等丑
卯。卽庚壬等辛寅。而癸丑等子卯矣。庚辛大於壬寅。
而癸子大於丑卯。卽庚壬大於辛寅。而癸丑大於子
卯矣。夫一甲乙所倍之庚壬。與二丁乙所倍之辛寅。
偕三丙戌所倍之癸丑。與四己戌所倍之子卯。其等
大小皆同類。則甲乙與丁乙。若丙戌與己戌也。
本卷
界說

第十九題 其系爲轉理

兩幾何。各截取一分。其所截取之比例。與兩全之比例等。則分餘之比例。與兩全之比例亦等。

解曰。甲乙丙丁兩幾何。其甲乙全。與丙丁全之比例。若截取之甲戊。與丙己。題言分餘戊乙。與己丁之比例。亦若甲乙。與丙丁。

論曰。甲乙與丙丁。既若甲戊與丙己。試更之。甲乙與甲戊。若丙丁與丙己也。本篇十六次分之戊乙。與甲戊。若己丁與丙己也。本篇十七又更之。戊乙與

己丁。若甲戊與丙己也。本篇十六夫甲戊與丙己。元若甲

乙與丙丁。則戊乙與己丁。亦若甲乙與丙丁矣。

一系從此題可推界說第十六之轉理。如上甲乙與

戊乙。若丙丁與己丁。卽轉推甲乙與甲戊。若丙丁與

丙己也。何者甲乙與戊乙。旣若丙丁與己丁。試更之。

甲乙與丙丁。若截取之戊乙與己丁也。本篇十六卽甲乙


全與丙丁全。又若分餘之甲戊與丙己矣。本篇十六又更之。

則甲乙與甲戊。若丙丁與丙己也。本篇十六此轉理也。

注曰。凡更理可施於同類之比例。不可施於異類。

若轉理。不論同異類皆可用也。依此系。卽轉理亦

賴更理爲用。似亦不可施於異類矣。今別作一論。不賴更理。以爲轉理。明轉理可施於異類也。



論曰。甲乙與丙乙。若丁戊與己戊。卽轉推甲乙與甲丙。若丁戊與丁己。何者。甲乙與丙乙。既若丁戊與己戊。試分之。甲丙與丙乙。若丁

己與己戊也。本篇十七次反之。丙乙與甲丙。若己戊與

丁己也。本篇四次合之。甲乙與甲丙。若丁戊與丁己

也。本篇十八

第二十題 三支

有三幾何。又有三幾何。相爲連比例。而第一幾何大於第三。則第四亦大於第六。第一或等。或小。於第三。則第四亦等。亦小。於第六。

$\left[\begin{array}{c} \text{甲} \\ \text{乙} \end{array} \right]$ 先解曰。甲、乙、丙、三幾何。丁、戊、己、三幾何。其

$\left[\begin{array}{c} \text{丙} \\ \text{甲} \end{array} \right]$ 與乙之比例。若丁與戊。乙與丙之比例。

$\left[\begin{array}{c} \text{丁} \\ \text{戊} \end{array} \right]$ 若戊與己。而甲大於丙。題言丁亦大於己。

$\left[\begin{array}{c} \text{甲} \\ \text{乙} \end{array} \right]$ 論曰。甲既大於丙。即甲與乙之比例。大於

丙與乙矣。本篇而甲與乙之比例。若丁與戊。即丁與

戊之比例。亦大於丙與乙矣。本篇又丙與乙之比例。

若己與戊乙與丙若戊與己反之即丁與戊之比例

大於己與戊矣是丁大於己也本篇

次解曰若甲丙等題言丁己亦等

論曰甲丙既等即甲與乙之比例若丙與

乙矣本篇而甲與乙之比例若丁與戊即

丁與戊之比例亦若丙與乙矣本篇又丙

與乙之比例若己與戊反即丁與戊之比

例亦若己與戊矣是丁己等也本篇

後解曰若甲小於丙題言丁亦小於己

論曰甲既小於丙。即甲與乙之比例。小於丙與乙矣。

本篇八。而甲與乙之比例。若丁與戊。即丁與戊之比例。

亦小於丙與乙矣。又丙與乙之比例。若己與戊。即

丁與戊之比例。小於己與戊矣。是丁小於己也。本篇

第二十一題 三支

有三幾何。又有三幾何。相為連比例而錯。以平理推之。

若第一幾何大於第三。則第四亦大於第六。若第一

或等。或小。於第三。則第四亦等。亦小。於第六。

解曰甲乙丙三幾何。丁戊己三幾何。相為連比例。不

序不序者。甲與乙。若戊與己。乙與丙。若丁

與戊也。以平理推之。若甲大於丙。題言丁

亦大於己

論曰。甲既大於丙。即甲與乙之比例。大於丙與乙

而甲與乙。若戊與己。即戊與己之比例。亦大於丙

與乙也。又乙與丙。既若丁與戊。反之。即丙與乙。亦若

戊與丁也。則戊與己。大於戊與丁也。

是丁大於己也。

次解曰。若甲丙等。題言丁己亦等。

論曰甲丙既等。即甲與乙之比例。若丙與乙。本篇而

甲與乙。若戊與己。即丙與乙之比例。亦若戊與己也。七

又乙與丙。既若丁與戊。反之。即丙與乙。亦若戊與丁

也。本篇則戊與己。若戊與丁。也是丁己等也。本篇

四後解曰。若甲小於丙。題言丁亦小於己

甲論曰甲既小於丙。即甲與乙之比例。小於

乙丙與乙。本篇而甲與乙。若戊與己。即戊與

己之比例。小於丙與乙也。又乙與丙。既若丁與戊。反

之。即丙與乙。若戊與丁。本篇則戊與己。小於戊與丁

也是丁小於己也本篇

第二十二題平理之序

有若干幾何。又有若干幾何。其數等。相為連比例。則以

平理推

甲庚

乙壬

丙子

寅

丁辛

戊癸

己丑

卯

解曰。有若干幾何。甲乙丙。又有

若干幾何。丁戊己。而甲與乙之

比例。若丁與戊。乙與丙之比例。

若戊與己。題言以平理推之。甲

與丙之比例。若丁與己。

論曰。試以甲與下同任倍之。爲庚。爲辛。別以乙與戊。同任倍之。爲壬。爲癸。別以丙與己。同任倍之。爲子。爲丑。其一甲與二乙。既若三丁與四戊。卽倍甲之庚。與倍乙之壬。若倍丁之辛。與倍戊之癸也。本篇依顯一

甲庚

乙壬

丙子

寅

丁辛

戊癸

己丑

卯

乙與二丙。既若三戊與四己。卽倍乙之壬。與倍丙之子。若倍戊之癸。與倍己之丑也。是庚壬子三幾何。辛癸丑三幾何。又相爲連比例矣。次三試之。若庚大於

子。卽辛必大於丑也。

本篇二十

若等亦等。若小亦小也。則

倍一甲之庚。倍三丁之辛。與倍二丙之子。倍四己之

丑等。大小皆同類也。是甲與丙。若丁與己也。

本卷界說六

其幾何。自三以上。如更有丙與寅。若己與卯。亦依顯

甲與寅。若丁與卯也。何者。上旣顯甲與丙。若丁與己

而。今稱丙與寅。若己與卯。卽以甲丙寅作三幾何。以

丁己卯作又三幾何。相爲連比例。依上推論。亦得甲

與寅之比例。若丁與卯也。自四以上。可至無窮。依此

推顯

第二十三題

平理之錯

若干幾何。又若干幾何。相為連比例而錯。亦以平理推

甲	庚
乙	辛
丙	癸
丁	壬
戊	子
己	丑
庚	寅
辛	卯

解曰。甲、乙、丙若干幾何。丁、戊

甲	庚
乙	辛
丙	癸
丁	壬
戊	子
己	丑
庚	寅
辛	卯

己若干幾何。相為連比例而

甲	庚
乙	辛
丙	癸
丁	壬
戊	子
己	丑
庚	寅
辛	卯

錯者。甲與乙。若戊與己。乙與

甲	庚
乙	辛
丙	癸
丁	壬
戊	子
己	丑
庚	寅
辛	卯

丙。若丁與戊也。題言以平理

推之。甲與丙之比例。亦若丁與己

論曰。試以甲、乙、丁同任倍之。為庚、辛、壬。別以丙、戊、己

同任倍之。為癸、子、丑。即甲與乙。若所自倍之庚與辛

本篇十五而甲與乙既若戊與

己即庚與辛亦若戊與己本篇

十戊與己又若所自倍之子

與丑即庚與辛亦若子與丑

本篇十一依顯一乙與二丙既若三丁與四戊即倍一乙

之辛與倍二丙之癸若倍三丁之壬與倍四戊之子

也本篇是庚辛癸三幾何壬子丑三幾何又相為連

比例而錯矣次三試之若庚大於癸即壬亦大於丑

若等亦等若小亦小本篇則一甲三丁所倍之庚壬

與二丙、四己所倍之癸丑等大小皆同類也是一甲
與二丙若三丁與四己本卷界說六如三以上既有甲與
乙若己與卯乙與丙若戊與己又有丙與寅若丁與
戊亦顯甲與寅若丁與卯何者依上論先顯甲與丙
若戊與卯次丙與寅又若丁與戊卽以甲丙寅作三
幾何丁戊卯作又三幾何相爲連比例而錯依上論
亦得甲與寅若丁與卯四以上悉依此推顯

第二十四題

凡第一與二幾何之比例若第三與四幾何之比例而

第五與二之比例。若第六與四。則第一第五并與二之比例。若第三第六并與四。

解曰。一甲乙與二丙之比例。若三丁戊與四己。而五

庚

乙庚與二丙。若六戊辛與四己。題言一甲乙五

丙

乙庚并與二丙。若三丁戊六戊辛并與四己。

甲

論曰。乙庚與丙。既若戊辛與己。反之丙與乙庚。

辛

戊

己

若己與戊辛也。本篇又甲乙與丙。既若丁戊與

丁

己。而丙與乙庚亦若己與戊辛。平之甲乙與乙

庚。若丁戊與戊辛也。

本篇

又合之。甲庚全與乙庚。若

丁辛全與戊辛也

本篇十八

夫甲庚與乙庚既若丁辛與

戊辛而乙庚與丙亦若戊辛與己平之甲庚與丙若

丁辛與己矣

本篇廿二

注曰依本題論可推廣第六題之義作後增題

第六

題言幾倍後增題不止言倍其義稍廣矣

增題此兩幾何與彼兩幾何比例等於此兩幾何

每截取一分其截取兩幾何與彼兩幾何比例等

則分餘兩幾何與彼兩幾何比例亦等

解曰如上圖甲庚丁辛此兩幾何與丙己彼兩幾

何比例等者。甲庚與丙。若丁辛與己也。題言截取之甲乙與丙。若丁戊與己。則分餘之乙庚與丙亦若戊辛與己。

論曰。甲乙與丙。既若丁戊與己。即反之。丙與甲乙。

若己與丁戊也。本篇四又甲庚與丙。既若丁辛與己。

而丙與甲乙。亦若己與丁戊。即平之。甲庚與甲乙。

丙若丁辛與丁戊也。本篇廿二又分之。乙庚與甲乙。

若戊辛與丁戊也。本篇十七夫乙庚與甲乙。既若

己戊辛與丁戊。而甲乙與丙。若丁戊與己。即平。

庚 乙 甲 辛 戊 丁

之。乙庚與丙若戊辛與己也。本篇廿三

第二十五題

四幾何為斷比例。則最大與最小兩幾何并大於餘兩


幾何并

解曰。甲乙與丙丁之比例。若戊與己。甲乙最大。己最小。題言甲乙己并大於丙丁戊并。

論曰。試於甲乙截取甲庚。與戊等於丙丁。截

取丙辛。與己等。即甲庚與丙辛之比例。若戊

與己也。亦若甲乙與丙丁也。夫甲乙全與丙



戊己

丁全。既若截取之甲庚與丙辛。卽亦若分餘

之庚乙與辛丁也。本篇十九而甲乙最大。必大於

丙丁。卽庚乙亦大於辛丁矣。又甲庚與戊丙辛與己。既等。卽於戊加丙辛。於己加甲庚。必等。而又加不等之庚乙辛丁。則甲乙己并。豈不大於丙丁戊并。

第二十六題

第一與二幾何之比例。大於第三與四之比例。反之。則

第二與一之比例。小於第四與三之比例。

解曰。一甲與二乙之比例。大於三丙與四丁。題言反

之二乙與一甲之比例。小於四丁與三丙

論曰。試作戊與乙之比例。若丙與丁。即甲與

戊乙之比例。大於戊與乙。而甲幾何大於戊。本篇

十則乙與戊之比例。大於乙與甲也。本篇反



之。則乙與戊之比例。若丁與丙。本篇而乙與

甲之比例。小於丁與丙

第二十七題

第一與二之比例。大於第三與四之比例。更之。則第一

與三之比例。亦大於第二與四之比例



甲 乙 戊

解曰。一甲與二乙之比例大於三丙與四丁。題
 言更之。則一甲與三丙之比例亦大於二乙與
 四丁。

丙 丁

論曰。試作戊與乙之比例。若丙與丁。即甲與乙
 之比例大於戊與乙。而甲幾何大於戊。本篇則

甲與丙之比例大於戊與丙也。

本篇

夫戊與乙之比

例既若丙與丁更之。則戊與丙之比例亦若乙與丁

本篇


而甲與丙之比例大於乙與丁矣

第二十八題

幾何原本

第一與二之比例大於第三與四之比例。合之。則第一
第二并與二之比例亦大於第三第四并與四之比

例



解曰。一甲乙與二乙丙之比例大於三丁戊
與四戊己。題言合之。則甲丙與乙丙之比例
亦大於丁己與戊己。

論曰。試作庚乙與乙丙之比例。若丁戊與戊己。即甲

乙與乙丙之比例。大於庚乙與乙丙。而甲乙幾何大


於庚乙矣。本篇此二率者。每加一乙丙。即甲丙亦

大於庚丙。而甲丙與乙丙之比例。大於庚丙與乙丙也。本篇夫庚乙與乙丙之比例。既若丁戊與戊己合之。則庚丙與乙丙之比例。亦若丁己與戊己也。本篇而甲丙與乙丙之比例。大於丁己與戊己矣。十八

第二十九題

第一合第二、與二之比例。大於第三合第四、與四之比例。分之。則第一與二之比例。亦大於第三與四之比例。

解曰。甲丙與乙丙之比例。大於丁己與戊己。題言分



之。則甲乙與乙丙之比例。亦大於丁戊與戊己。

論曰。試作庚丙與乙丙之比例。若丁己與戊己。

即甲丙與乙丙之比例。亦大於庚丙與乙丙。而

甲丙幾何大於庚丙矣。

本篇十

此二率者。每減一同用。

之乙丙。即甲乙亦大於庚乙。而甲乙與乙丙之比例。

大於庚乙與乙丙也。

本篇八

夫庚丙與乙丙之比例。既

若丁己與戊己。分之。則庚乙與乙丙之比例。亦

若丁戊與戊己也。

本篇十七

而甲乙與乙丙之比例。

大於丁戊與戊己矣。

第三十題

第一合第二、與二之比例。大於第三合第四、與四之比
例。轉之。則第一合第二、與一之比例。小於第三合第
四、與三之比例。

解曰。甲丙與乙丙之比例。大於丁己與戊己。題言轉
之。則甲丙與甲乙之比例。小於丁己與丁戊。

論曰。甲丙與乙丙之比例。既大於丁己與戊己。
分之。即甲乙與乙丙之比例。亦大於丁戊與戊
己也。
本篇廿九又反之。乙丙與甲乙之比例。小於戊

已與丁戊矣

本篇廿六

又合之。甲丙與甲乙之比例。亦小

於丁已與丁戊也

本篇廿八

第三十一題

此三幾何。彼三幾何。此第一與二之比例。大於彼第一

與二之比例。此第二與三之比例。大於彼第二與三


之比例。如是序者。以平理推。則此第一與三之比例

亦大於彼第一與三之比例

解曰。甲乙丙。此三幾何。丁戊己。彼三幾何。

而甲與乙之比例。大於丁與戊。乙與丙之

甲
乙
丙
庚
辛



比例大於戊與己。如是序者。題言以平理。

推則甲與丙之比例亦大於丁與己。

論曰。試作庚與丙之比例。若戊與己。即乙

與丙之比例大於庚與丙。而乙幾何大於庚。本篇是

甲與小庚之比例大於甲與大乙矣。本篇夫甲與乙

之比例。元大於丁與戊。即甲與庚之比例更大於丁

與戊也。次作辛與庚之比例。若丁與戊。即甲與庚之

比例亦大於辛與庚。而甲幾何大於辛。本篇是大甲

與丙之比例大於小辛與丙矣。本篇夫辛與丙之比

例以平理推之。若丁與己也。

本篇廿二

則甲與丙之比例。

大於丁與己也。

第三十二題

此三幾何。彼三幾何。此第一與二之比例。大於彼第二

與三之比例。此第二與三之比例。大於彼第一與二

之比例。如是錯者。以平理推。則此第一與三之比例。

亦大於彼第一與三之比例。

解曰。甲乙丙。此三幾何。丁戊己。彼三幾何。而甲與乙

之比例。大於戊與己。乙與丙之比例。大於丁與戊。如

是錯者。題言以平理推。則甲與丙之比

例亦大於丁與己

論曰。試作庚與丙之比例。若丁與戊。即

乙與丙之比例。大於庚與丙。而乙幾何



大於庚。是本篇是甲與小庚之比例。大於

甲與大乙矣。本篇夫甲與乙之比例。既大於戊與己。

即甲與庚之比例。更大於戊與己也。次作辛與庚之

比例。若戊與己。即甲與庚之比例。亦大於辛與庚。而

甲幾何大於辛。本篇是大甲與丙之比例。大於小辛



與丙矣

本篇八

夫辛與丙之比例以平理推之若丁與

己也

本篇廿三

則甲與丙之比例大於丁與己也

第三十三題

此全與彼全之比例大於此全截分與彼全截分之比


例則此全分餘與彼全分餘之比例大於此全

與彼全之比例

解曰甲乙全與丙丁全之比例大於兩截分甲

戊與丙己題言兩分餘戊乙與己丁之比例大

於甲乙與丙丁



論曰。甲乙與丙丁之比例。既大於甲戊與丙己。
更之。即甲乙與甲戊之比例。亦大於丙丁與丙
己也。本篇廿七又轉之。甲乙與戊乙之比例。小於丙
丁與己丁也。本篇三十又更之。甲乙與丙丁之比例。
小於戊乙與己丁也。本篇廿七戊乙與己丁。分餘也。
則分餘之比例。大於甲乙全與丙丁全矣。依顯兩全
之比例。小於截分。則分餘之比例。小於兩全。

第三十四題 三支

若干幾何。又有若干幾何。其數等。而此第一與彼第一

之比例大於此第二與彼第二之比例。此第二與彼第二之比例大於此第三與彼第三之比例。以後俱如是。則此并與彼并之比例大於此末與彼末之比例。亦大於此并減第一與彼并減第一之比例。而小

於此第一與彼第一之比例。

解曰。如甲、乙、丙、三幾何。又有丁、戊、己、三幾何。其甲與丁之比例大於乙與戊。乙與戊之比例大於丙與己。題先言甲、乙、丙并與丁、戊、己并之比例。大於丙與己。次言亦大於乙、丙并

甲
乙
丙

丁
戊
己

與戊己并。後言小於甲與丁。

論曰。甲與丁之比例。既大於乙與戊。更之。即甲與乙

之比例。大於丁與戊也。本篇廿七又合之。甲乙并與乙之

比例。大於丁戊并與戊也。本篇廿八又更之。甲乙

并與丁戊并之比例。大於乙與戊也。本篇廿七是

甲乙全與丁戊全之比例。大於減并乙與減

并戊也。既爾。即減餘甲與減餘丁之比例。大

於甲乙全與丁戊全也。本篇廿三依顯乙與戊之

比例。亦大於乙丙全與戊己全。即甲與丁之

比例。更大於乙丙全與戊己全也。又更之。甲與乙丙

并之比例。大於丁與戊己并也。本篇廿七又合之。甲乙丙

全與乙丙并之比例。大於丁戊己全與戊己并也。本篇廿八

又更之。甲乙丙全與丁戊己全之比例。大於乙丙

并與戊己并也。本篇廿七則得次解也。又甲乙丙全與丁

戊己全之比例。既大於減并乙丙與減并戊己。即減

餘甲與減餘丁之比例。大於甲乙丙全與丁戊己全

也。本篇廿二則得後解也。又乙與戊之比例。既大於丙與

己更之。即乙與丙之比例。大於戊與己也。本篇廿七又合

之乙丙全與丙之比例大於戊己全與己也本篇又

更之乙丙并與戊己并之比例大於丙與己也本篇又

而甲乙丙并與丁戊己并之比例既大於乙丙并與

戊己并即更大於末丙與末己也則得先解也


若兩率各有四幾何而丙與己

之比例亦大於庚與辛即與前

論同理蓋依上文論乙與戊之

比例大於乙丙庚并與戊己辛并即甲與

丁之比例更大於乙丙庚并與戊己辛并



也更之。即甲與乙丙庚并之比例大於丁

與戊己辛并也。

本篇十八

又合之。甲乙丙庚全

與乙丙庚并之比例大於丁戊己辛全與

丁戊己辛

戊己辛并也。又更之。甲乙丙庚全與丁戊己辛全之

比例大於乙丙庚并與戊己辛并也。

本篇廿七

則得次解

也。又甲乙丙庚全與丁戊己辛全之比例既大於減

并乙丙庚與減并戊己辛。即減餘甲與減餘丁之比

例大於甲乙丙庚全與丁戊己辛全也。

本篇卅三

則得後

解也。又依前論。顯乙丙庚并與戊己辛并之比例既


大於庚與辛。而甲乙丙庚全與丁戊己辛全之比例。
大於乙丙庚并與戊己辛并。卽更大於末庚與末辛。
也。則得先解也。自五以上。至於無窮。俱倣此論。可顯
全題之旨。


幾何原本


五

幾何原本第五卷終

番禺孟鴻光校







PL
2451
P29
v. 99

幾何原本第六卷之首


泰西利瑪竇口譯





吳淞徐光啟筆受

界說六則

第一界

凡形相當之各角等。而各等角旁兩線之比例俱等。爲相似之形。







之甲乙與甲丙兩線之比例。若丁角
旁之丁戊與丁己兩線。而甲乙與乙
丙。若丁戊與戊己。甲丙與丙乙。若丁
己與己戊。則此兩角形。為相似之形。依顯凡平邊形。
皆相似之形。如庚辛壬、癸子丑、俱平邊角形。其各角
俱等。而各邊之比例亦等者。是也。四邊、五邊、以上諸
形。俱倣此。

第二界

兩形之各兩邊線。互為前後率。相與為比例而等。為互

相視之形。

甲乙丙丁、戊己庚辛、兩方形。其甲乙、乙丙、邊與戊己、



甲
丁


戊

辛

庚

丑

寅



卯

也。則此兩形爲互相視之形。依顯壬
癸子、丑寅卯、兩角形之壬子與丑寅。
若丑卯與壬癸。或壬癸與丑寅。若丑
卯與壬子。亦互相視之形也。

第三界

理分中末線者。一線兩分之。其全與大分之比例。若大分與小分之比例。

甲乙線。兩分之于丙。而甲乙與大分甲丙之比例。若

大分甲丙與小分丙乙。此為理分中末線。其分


法。見本卷三十題。而與二卷十一題理同名異。

此線為用甚廣。至量體。尤所必須。十三卷諸題

多賴之。古人目為神分線也。

第四界

度。各形之高。皆以垂線之亘為度。



必等。如上兩形在兩平行線之內者是也。若以丙己爲頂。以甲乙丁戊爲底。則不等。自餘諸形之度高。俱倣此。

凡度物高。以頂底爲界。以垂線爲度。蓋物之定度。止有一。不得有二。自頂至底。垂線一而已。偏線無數也。

第五界


比例以比例相結者。以多比例之命數、相乘、除、而結爲一比例之命數。




此各比例不同理、而相聚爲一比例者。則用相結之法。合各比例之命數。求首尾一比例之命數也。曷爲比例之命數。謂大幾何所倍於小幾何若干。或小幾何在大幾何內若干也。如大幾何四倍於小。或小幾

何爲大四分之一。卽各以

四爲命比例之數也。

五卷界說





三今言以彼多比例之命
數相乘除而結為此一比

例之命數者如十二倍之
此比例則以彼二倍六倍

兩比例相結也二六相乘

為十二故也或以彼三倍
四倍兩比例相結也三四


相乘亦十二故也又如三十倍之此比例則以彼二
倍三倍五倍三比例相結也二乘三為六六乘五為

三十故也

其曰相結者。相結之理。蓋在中率。凡中率爲前比例之後。後比例之前。故以二比例合爲一比例。則中率爲轉合之因。如兩斗合。此爲之膠。如兩襟合。此爲之紐矣。第五卷第十界。言數幾何爲同理之比例。則第一與第三。爲再加之比例。再加者。以前中二率之命數。再加爲前後二率之命數。亦以中率爲紐也。但彼所言者。多比例同理。故止以第一比例之命數累加之。此題所言。則不同理之多比例。不得以第一比例

之命數累加之。故用此乘除相結之理。于不同理之中。求其同理。別爲累加之法。其紐結之義。頗相類焉。下文仍發明借象之術。以需後用也。

五卷言多比例同理者。第一與第三爲再加。與第四爲三加。與第五爲四加。以至無窮。今此相結之理。亦以三率爲始。三率則兩比例相乘除。而中率爲紐也。




若四率則先以前三率之兩比例相乘除而結爲一比例。復以此初結之比例。

與第三比例乘除相結爲

喜一比例也。若五率則先以

前三率之兩比例乘除相



結復以此再結之比例、與第三比例、乘除相結、又以

三結之比例、與第四比例、乘除相結、爲一比例也。或

以第一第二第三率之兩比例乘除相結以第三第

四第五之兩比例乘除相結。又以此二所結比例乘

除相結而爲一比例也。自六以上。倣此以至無窮。

設三幾何爲二比例不同理而合爲一比例則以第

一與二第二與三兩比例相結也。如上圖。三幾何二

甲

— — — — —

乙

丙

— — — — —

丁

比例皆以大不等者。其甲乙與丙

戊己丁爲二倍大。丙丁與戊己爲三倍

大。則甲乙與戊己爲六倍大。二乘三爲六也。若以小
不等。戊己爲第一。甲乙爲第三。三乘二亦六。則戊己
與甲乙爲反六倍大也。

甲乙與丙丁既二倍大。試以甲乙二平分。之爲甲庚
庚乙。必各與丙丁等。丙丁與戊己既三倍大。而甲庚
庚乙各與丙丁等。卽甲庚亦三倍大于戊己。庚乙亦

三。倍。大。於。戊。己。而。甲。乙。必。六。倍。大。於。戊。己。

甲 ——— 乙

丙 ——— 丁

又。如。上。圖。三。幾。何。二。比。例。前。以。大。

戊 ——— 己

不。等。後。以。小。不。等。者。中。率。小。于。前。

後。兩。率。也。其。甲。乙。與。丙。丁。為。三。倍。大。丙。丁。與。戊。己。為。

反。二。倍。大。

反。二。倍。大。者。丙。丁。得。戊。己。之。半。

即。甲。乙。與。戊。己。為。等。帶。半。

三。乘。半。得。等。帶。半。也。若。以。戊。己。為。第。一。甲。乙。為。第。三。

反。推。之。半。除。三。為。反。等。帶。半。也。

甲 ——— 乙

丙 ——— 丁

又。如。上。圖。三。幾。何。二。比。例。前。以。小。

戊 ——— 己。不。等。後。以。大。不。等。者。中。率。大。於。前。

後二率也。其甲乙與丙丁爲反二倍大。甲乙得丙之半丙

丁與戊己爲等帶三分之一。卽甲乙與戊己爲反等

帶半。甲乙得戊己何者如甲乙二卽丙丁當四丙丁

四卽戊己當三。是甲乙二戊己當三也。

後增其乘除之法。則以命數三帶得數一爲四。以半

除之得二。二比三爲反等帶半也。若以戊己爲第一

甲乙爲第三。三比二爲等帶半也。

甲設四幾何爲三比例。不同理而合爲

乙一比例。則以第一與第二與第三

三與四、三比例相結也。如上圖。甲、乙、丙、丁、四幾何、三比例。先依上論。以甲與乙、乙與丙、二比例相結。爲甲與丙之比例。次以甲與丙、丙與丁、相結。卽得甲與丁之比例也。如是遞結。可至無窮也。

甲 或用此圖申明本題之旨曰。甲

乙 丙 與乙之命數爲丁。乙與丙之命

丁 戊 數爲戊。卽甲與丙之命數爲己。

己 何者。三命數。以一丁、二戊、相乘

得三己。卽三比例。以一甲與乙、二乙與丙、相乘得三

甲與丙

後增若多幾何各帶分而多寡不等者當用通分法
如設前比例爲反五倍帶三之二後比例爲二倍大
帶八之一卽以前命數三通其五倍爲十五得分數
從之爲十七是前比例爲三與十七也以後命數八
通其二倍爲十六得分數從之爲十七是後比例爲
十七與八也卽首尾二幾何之比例爲三與八得二
倍大帶三之二也

曷謂借象之術如上所說三幾何二比例者皆以中

率爲前比例之後。後比例之前。乘除相結。畧如連比。
例之同用一中率也。而不同理。別有二比例異中率
者。是不同理之斷比例也。無法可以相結。當于其所
設幾何之外。別立三幾何二比例。而同中率者。乘除
相結。作爲儀式。以彼異中率之四幾何二比例。依倣
求之。卽得。故謂之借象術也。假如所設幾何十六爲
首十二爲尾。却云十六與十二之比例。若八與三及
其八甚
三九
二九
十四六

十六六甚
九三
四三
十三二六

十六六甚
二八
四八
十九六

二與四之比例。八爲前
比例之前。四爲後比例

六四齒

六四齒

六四齒

九五齒

二五

六五

之後三與二為前之後

六五齒

六五

二五

六二六

六二六

六二六

後之前此所謂異中率

也欲以此二比例乘除相結無法可通矣用是別立

三幾何二比例如其八與三二與四之比例而務令

同中率如三其八得二十四為前比例之前三其三

得九為前比例之後即以九為後比例之前又求九

與何數為比例若二與四得十八為後比例之後其

二十四與九若八與三也九與十八若二與四也則


十六與十二若二十四與十八俱為等帶半之比例

矣。是用借象之術。變異中率爲同中率。乘除相結。而合二比例爲一比例也。其三比例以上。亦如上方所說。展轉借象。遞結之。詳見本卷二十三題。筭家所用借象金法、雙金法、俱本此。

第六界

平行方形不滿一線。爲形小于線。若形有餘。線不足。爲形大于線。

甲乙線。其上作甲戊丁丙平行方形。不滿甲乙線。而丙乙上無形。卽作己乙線。與丁丙平行。次引戊丁線。



遇己乙于己。是爲甲戊己乙滿甲乙線
 平行方形。則甲丁爲依甲乙線之有闕
 平行方形。而丙己平行方形爲甲丁之
 闕形。又甲丙線上作甲戊己乙平行方
 形。其甲乙邊大于元設甲丙線之較爲丙乙。而甲己
 形大于甲丙線上之甲丁形。則甲己爲依甲丙線之
 帶餘平行方形。而丙己平行方形爲甲己之餘形。

幾何原本第六卷之首
 終

幾何原本 卷之二

十
分一仙館前書

幾何原本第六卷

本篇論線面之比例


計三十三題

泰西利瑪竇口譯

吳淞徐光啟筆受


第一題

等高之三角形、方形。自相與爲比例。與其底之比例等。



子癸壬乙丙戊巳丑寅

解曰。甲乙丙丁戊己兩角形等高。其底乙丙戊己。題言甲乙丙與丁戊己之比例。丙庚與戊辛之比例。皆若乙丙與戊己。論曰。試置四形于庚辛子寅兩平行線內。



寅凡形自頂至底作垂線，即本形之高。故於
 等。高者，必在平行線內。見本卷界說四。於
 丑乙子線內，作數底線，各與乙丙等。為乙壬
 壬癸，癸子。于己寅線內，作數底線，各與戊
 戊己等。為己丑，丑寅。次從甲從丁，作甲壬，甲
 丙，己等。為己丑，丑寅。諸線，其甲乙丙，甲乙壬，
 子甲壬，癸甲，癸子，四三角形。既等底，而在平

行線內，即等。三。八。依顯丁戊己，丁己丑，丁丑寅，三三
 角形，亦等。則子丙底線，大于乙丙，若干倍。而甲子丙
 角形，大于甲乙丙，亦若干倍。依顯戊寅之倍，戊己，亦

若丁戊寅之倍丁戊巳。底線分數與形之分數等故卽用三試法

若子丙底大于戊寅底則甲子丙形亦大于丁戊寅

形也。若等亦等。若小亦小也。一卷三八則一乙丙所倍之

子丙三甲乙丙所倍之甲子丙與二戊巳所倍之戊

寅四丁戊巳所倍之丁戊寅等大。小皆同類也。而一

乙丙底與二戊巳底之比例。若三甲乙丙與四丁戊

巳矣。五卷六界又丙庚戊辛兩方形各倍大于甲乙丙丁


戊巳兩角形。一卷卅三而甲乙丙與丁戊巳之比例。既若

乙丙與戊巳。卽丙庚與戊辛兩方形之比例亦若乙

丙與戊己兩底矣五卷或從壬癸子及丑寅各作直
線與庚乙辛己平行即依上論推顯。

增題凡兩角形兩方形各等底其自相與為比例。

若兩形之高之比例。




解曰甲乙丙與丁戊己兩角形甲庚
子乙丙與丁戊己辛兩方形其底乙丙
與戊己等題言甲乙丙與丁戊己兩
角形之比例甲庚乙丙與丁戊己辛
兩方形之比例皆若甲壬與丁癸兩
高

論曰。試作子壬底線。與乙丙等。作丑癸底線。與戊
已等。次作甲子丁丑兩線。其甲壬子與甲乙丙兩
角形等底。又等高。卽等。依顯丁癸丑與丁戊已兩
角形亦等。一卷三八卽甲乙丙與丁戊已之比例。若甲
壬子與丁癸丑也。五卷七今以甲壬丁癸爲底。卽甲
壬子與丁癸丑兩角形之比例。若甲壬與丁癸兩
底也。本篇一而甲乙丙與丁戊已之比例。亦若甲壬
與丁癸矣。又甲乙丙與丁戊已兩角形之比例。旣
以倍大故。若甲庚乙丙與丁戊已辛兩方形之比

例五卷
十五
也。若作庚子、辛丑兩線，亦依前論推顯。

第二題 二支

三角形。任依一邊作平行線。即此線分兩餘邊以爲比例。必等。三角形內有一線分兩邊以爲比例而等。即此線與餘邊爲平行。



先解曰。甲乙丙角形內。如作丁戊線。與乙丙平行。題言丁戊分甲乙、甲丙、于丁、于戊。以爲比例。必等者。甲丁與丁乙。若

甲戊與戊丙也。

論曰。試作丁丙戊乙兩線。其丁戊乙丁戊丙兩角形。

同以丁戊爲底。同在兩平行線內。卽等一卷三七而甲戊

丁與丁戊乙兩角形之比例。若甲戊丁與丁戊丙矣。

五卷夫甲戊丁與丁戊乙兩角形。亦在兩平行線內。

七若于戊點上作一線與甲乙平行。卽兩形在其內。則甲戊丁與丁戊乙兩角

形之比例。若甲丁與丁乙兩底也。本篇依顯甲戊與

戊丙兩底之比例。亦若甲戊丁與丁戊丙兩角形也。

兩形亦在兩平行線內故是甲丁與丁乙兩線之比例。甲戊與戊

丙兩線之比例。皆若甲戊丁與丁戊乙也。或與丁戊

丙也。

丁戊乙與丁戊丙等

則甲丁與丁乙亦若甲戊與戊丙也。

五卷
十一

後解曰。甲乙丙角形內。有丁戊線。分甲乙。甲丙。于丁。于戊。以爲比例。而等。題言丁戊與乙丙爲平行線。

論曰。試作丁丙。戊乙兩線。其甲丁與丁乙兩底之比

例。若甲戊丁與丁戊乙兩角形也。

在兩平行線內。故見本篇一


而

甲丁與丁乙之比例。若甲戊與戊丙。卽甲戊丁與丁

戊乙之比例。亦若甲戊與戊丙也。

五卷
十一

又甲戊與戊



丙兩底之比例。既若甲戊丁與丁戊丙。

在兩平行線內故。見本篇一則甲戊丁與丁戊乙之

比例亦若甲戊丁與丁戊丙也。五卷十一而

丁戊乙與丁戊丙兩角形等矣。五卷九兩角形同以丁


戊為底而等。則在兩平行線內。一卷卅九

第三題 二支

三角形任以直線分一角為兩平分。而分對角邊為兩分。則兩分之比例。若餘兩邊之比例。三角形分角之線所分對角邊之比例。若餘兩邊。則所分角為兩平

分。

先解曰。甲乙丙角形。以甲丁線分乙甲丙角。爲兩平



分。題言乙丁與丁丙之比例。若乙甲與

論曰。試作乙戊線與甲丁平行。次于丙甲線引長之。

至戊。其甲乙戊與乙甲丁爲平行線相對之兩內角。

等。外角丁甲丙與內角戊亦等。一卷廿九今乙甲丁與丁

甲丙又等。卽甲乙戊角與戊角亦等也。而甲戊與甲

乙兩腰亦等矣。一卷六則戊甲與甲丙之比例。若乙甲

與甲丙也。

五卷七

夫戊甲與甲丙之比例。若乙丁與丁

丙也。

本篇二


則乙甲與甲丙之比例。亦若乙丁與丁丙

也。

五卷十一

後解曰。乙丁與丁丙之比例。若乙甲與甲丙。題言甲

丁線分乙甲丙角爲兩平分。



論曰。依前作乙戊線。與甲丁平行。而引

丙甲線至戊。其乙甲與甲丙之比例。既

若乙丁與丁丙。又與戊乙邊平行。而乙丁與

丁丙之比例。若戊甲與甲丙。

本篇二

即乙甲與甲丙之

比例亦若戊甲與甲丙。五卷是戊甲與乙甲兩線等

矣。五卷則甲乙戊角與戊角亦等也。一卷夫甲乙戊


與乙甲丁爲平行線相對之兩內角等。而外角丁甲

丙與內角戊亦等。一卷則乙甲丁丁甲丙兩角必等。

第四題

凡等角三角形。其在等角旁之各兩腰線。相與爲比例。必等。而對等角之邊爲相似之邊。

解曰。甲乙丙丁丙戊兩角形等角者。甲乙丙與丁丙戊。甲丙乙與丁戊丙。乙甲丙與丙丁戊。每相當之各



角俱等也。題言甲乙與乙丙之比例。若丁丙與丙戊。甲乙與甲丙。若丁丙與丁戊。甲丙與乙丙。若丁戊與丙戊。而每對等角之邊各相似。相似者。謂各前各後率。各對本形之相當等角。

論曰。試並置兩角形。令乙丙、丙戊、兩底爲一直線。而丁丙戊爲甲乙丙之外角。其甲乙丙、甲丙乙、兩角既小于兩直角。一卷廿七丁戊丙、與甲丙乙、兩角又等。卽乙戊、兩角亦小於兩直角。而乙甲、戊丁、兩線引出之。必

相遇。一卷界說十一即作兩線令遇於已。其丁丙戊外角與

甲乙丙內角既等。即丁丙與已乙為平行線。一卷廿八依

顯甲丙乙外角與丁戊丙內角既等。即

丙甲丙與已戊亦平行線。一卷廿八而甲已丁


丙為平行線方形。則甲已與丁丙兩線

等也。甲丙與已丁兩線等也。一卷廿四夫乙

戊已角形內之甲丙線既與已戊邊平行。即甲乙與

等甲已之丁丙之比例。若乙丙與丙戊也。本篇更之

即甲乙與乙丙。若丁丙與丙戊也。五卷十六又乙戊已角



形內之丁丙線既與已乙邊平行。即乙丙與丙戊之

比例。若等已丁之甲丙與丁戊也。本篇更之。即乙丙

與甲丙。若丙戊與丁戊也。五卷十六甲乙與乙丙。既若丁

丙與丙戊。而乙丙與甲丙。又若丙戊與丁戊。平之。即


甲乙與甲丙。若丁丙與丁戊也。五卷廿二

一系。凡角形內之直線與一邊平行而截一分爲角

形。必與全形相似。如上甲乙丙角形。作

丁戊直線與乙丙平行而截一分爲甲

丁戊角形。必與甲乙丙全形相似。何者。




甲丁戊外角與甲乙丙內角等。甲戊丁外角亦與甲

丙乙內角等。一卷廿九甲角又同。即兩形相似。而各等角

旁兩邊之比例等。本題

增題。凡角形之內任依一邊作一平行線。于此邊

任取一點。向對角作直線。則所分兩平行線比例等。



解曰。甲乙丙角形內。作丁戊線。與乙

丙平行。次于乙丙邊。任取已點。向甲

角作直線。分丁戊于庚。題言乙已與已丙之比例。

若丁庚與庚戊。

論曰。甲己乙甲庚丁兩角形既相似。本即甲己與

己乙之比例。若甲庚與庚丁也。更之。即甲己與甲

庚。若己乙與庚丁也。五卷依顯甲己與甲庚。若己

丙與庚戌也。則乙己與丁庚亦若己丙與庚戌也。

五卷更之。即乙己與己丙。若丁庚與庚戌也。五卷

又論曰。甲己乙甲庚丁兩角形。甲己丙甲庚戌兩

角形。既各相似。即乙己與甲己之比例。若丁庚與

庚甲也。本依顯甲己與己丙。亦若甲庚與庚戌也。



平之。即乙己與己丙。若丁庚與庚戌也。五卷

第五題

兩三角形其各兩邊之比例等。即兩形爲等角形。而對各相似邊之角各等。

解曰。甲乙丙、丁戊己、兩角形。其各兩邊之比例等者。

甲乙與乙丙。若丁戊與戊己。而乙丙與甲丙。若戊己與丁己。甲丙與甲乙。若丁己與丁戊也。題



言此兩形爲等角形。而對各相似邊之角。甲與丁。乙與戊。丙與己。各等。

論曰。試作己戊庚角。與乙角等。作庚己戊

角與丙角等。而戊庚已庚兩線遇於庚。即庚角與甲

角等。

一卷

是甲乙丙庚戊已兩形等角矣。則甲乙與

乙丙之比例。若庚戊與戊已也。

本篇

甲乙與乙丙元

若丁戊與戊已。則庚戊與戊已。亦若丁戊與戊已也。

五卷

而丁戊與庚戊兩線必等。

五卷

又乙丙與甲丙

之比例。若戊已與庚已。

本篇

而乙丙與甲丙元若戊

已與丁已。則戊已與庚已。亦若戊已與丁已也。

五卷

而丁已與庚已兩線必等。

五卷

夫庚戊庚已兩腰既

與丁戊丁已兩腰各等。戊已同底。即丁角與庚角亦

等。一卷其餘庚戌已與丁戌已庚已戌與丁已戌各


相當之角俱等。四而庚角與甲角既等即丁角與

甲角亦等。丁戌已角與乙角丁已戌角與丙角俱等。

第六題

兩三角形之一角等。而等角旁之各兩邊比例等。即兩形為等角形。而對各相似邊之角各等。

解曰。甲乙丙、丁戌已兩角形。其乙與戊兩角等。而甲乙與乙丙之比例。若丁戌與戊



已。題言餘角丙與已。甲與丁俱等。


論曰。試作已戊庚角。與乙角等。作庚已戊角。與丙角等。而戊庚已庚兩線遇於庚。依前論推顯甲乙丙庚戊已兩形等角。卽甲乙與乙丙之比例。若庚戊與戊已也。本篇四甲乙與乙丙。元若丁戊與戊已。則庚戊與戊已亦若丁戊與戊已也。五卷十一而丁戊與庚戊兩線必等。五卷九夫丁戊庚戊兩邊既等。戊已同邊。庚戊已角與丁戊已角又等。丁戊已角與乙角等。而戊庚亦與乙等。故卽其餘各相當之角俱等。一卷四而庚角既與甲角等。庚已戊角既與丙角等。卽甲角丙角與丁角戊已丁角各等。

而甲乙丙丁戊己爲等角形矣


第七題

兩三角形之第一角等。而第二相當角。各兩旁之邊。比例等。其第三相當角。或俱小于直角。或俱不小于直角。卽兩形爲等角形。而對各相似邊之角。各等。

解曰。甲乙丙丁戊己兩角形。其一甲角與一丁角等。



而第二相當角。如甲丙乙兩旁之甲丙。丙乙兩邊。偕丁己戊兩旁之丁己。己戊兩邊。比例等。其第三相當角。如乙與戊。



或俱小于直角。或俱不小于直角。題言
兩形等角者。謂甲丙乙角與已等。乙角
與戊等。

先論乙與戊俱小于直角者。曰。如云不然。而甲丙乙
大于已。令作甲丙庚角。與已等。即甲庚丙角。宜與戊
等。一卷甲庚丙與丁戊已。為等角形矣。即甲丙與丙
庚之比例。宜若丁已與已戊。本篇而先設甲丙與丙
乙。若丁已與已戊也。是甲丙與丙庚。亦若甲丙與丙
乙也。五卷是庚丙與乙丙。兩線等也。五卷丙庚乙與

丙乙庚兩角亦等也。

一卷五

夫乙既小于直角，即等腰

內之丙庚乙亦小于直角。則較角之丙庚甲必大于

直角也。

丙庚甲、丙庚乙兩角等。于兩直角。見一卷十三

而丙庚甲既與戊等。

則丙庚乙宜大于直角矣。其相等之乙角何由得小

于直角也。

後論乙與戊俱不小于直角者，曰：如云不然，依先論

乙角與丙庚乙角等，即丙庚乙亦不小于直角。夫丙


庚乙、丙乙庚同為角形內之兩角，乃俱不小于直角。

一卷十七何也？則甲丙乙不得等于丁巳戊也。而其餘

乙與戊角等矣一卷

第八題

直角三邊形。從直角向對邊作一垂線。分本形為兩直角三邊形。即兩形皆與全形相似。亦自相似。



解曰。甲乙丙直角三邊形。從乙甲丙直角作甲丁垂線。題言所分甲丁丙、甲丁乙、兩三邊形。皆與全形相似。亦自相似。

論曰。甲乙丙、甲丁丙、兩形。既各以乙甲丙、甲丁丙、為直角。而丙角又同。即其餘甲乙丙、丁甲丙、兩角必等。


一卷則甲乙丙、甲丁丙兩形必爲等角形。而等角旁
三二之各兩邊比例必等。等者謂乙丙與甲丙。若甲丙與
丙丁也。甲丙與甲乙。若丙丁與甲丁也。乙丙與甲乙。
若甲丙與甲丁也。卽甲丁丙角形與甲乙丙全形相
似矣。本篇依顯甲丁乙角形與甲乙丙全形亦相似。
也何者丙甲乙、甲丁乙兩皆直角。而乙角又同。卽其
餘甲丙乙、丁甲乙兩角必等。一卷甲乙丙、甲丁乙兩
形必爲等角形。而等角旁之各兩邊比例必等。故也。
依顯甲丁乙、甲丁丙兩角形亦相似也。何者兩形各

與全形相似。卽兩形自相似。五卷十一

系從直角作垂線。卽此線爲兩分對邊線。比例之中率。而直角旁兩邊各爲對角全邊。與同方分邊比例之中率。何者。丙丁與丁甲之比例。若丁甲與丁乙也。故丁甲爲丙丁。丁乙兩分邊比例之中率也。又乙丙與丙甲之比例。若丙甲與丙丁也。故丙甲爲乙丙。丙丁之中率也。乙丙與乙甲之比例。若乙甲與乙丁也。故乙甲爲乙丙。乙丁之中率也。

第九題

一直線求截所取之分



法曰。甲乙直線。求截取三分之一。先從甲

任作一甲丙線。為丙甲乙角。次從甲向丙

任作所命分之平度。如甲丁。丁戊。戊己。為

三分也。次作己乙直線。末作丁庚線。與己


乙平行。即甲庚為甲乙三分之一。

論曰。甲乙己角形內之丁庚線。既與乙己邊平行。即

己丁與丁甲之比例。若乙庚與庚甲也。本篇合之。已

甲與甲丁。若乙甲與庚甲也。五卷十八而甲丁既為己甲

三分之一。即庚甲亦為乙甲三分之一也。




注曰。甲乙線。欲截取十一分之四。先作甲丙線。為丙甲乙角。從甲向丙。任平分十一分。至丁。次作丁乙線。末從甲取四分。得戊。作戊己線。與丁乙平行。即甲己為十一分甲乙之四。何者。依上論。丁甲與戊甲之比例。若乙甲與己甲也。反之。甲戊與甲丁。若甲己與甲乙也。四五卷甲戊為十一分甲丁之四。則甲己亦十一分甲乙之四矣。依此可推不盡分之數。蓋四不為十一之

盡分故。

第十題

一直線求截各分如所設之截分。



法曰。甲乙線求截各分。如所設甲丙任

分之丁戊者。謂甲乙所分各分比例。

若甲丁丁戊戊丙也。先以甲乙甲丙兩

線相聯于甲。任作丙甲乙角。次作丙乙

線相聯。末從丁從戊作丁己戊庚兩線。皆與丙乙平

行。即分甲乙線于己于庚。若甲丙之分于丁于戊。


論曰。甲丁與丁戊之比例。既若甲已與已庚。本篇二即

甲已與已庚。亦若甲丁與丁戊也。更作丁辛線。與甲

乙平行。而分戊庚于壬。即丁戊與戊丙。若丁壬與壬

辛也。亦若等丁壬之已庚。一卷廿四與等壬辛之庚乙也。

本篇二則已庚與庚乙。亦若丁戊與戊丙也。



辛乙直線相聯。未作丁壬、戊癸、己子、庚丑、四線。皆與辛乙平行。即壬癸、子丑、分甲乙為五平分。其理依前論推顯。



又一簡法。如甲乙線。求五平分。即從丙任作丙乙線。為丙乙甲角。次于乙丙。任取一點為丁。作丁戊線。與甲乙平行。次從丁向戊。任作五平分。為丁己、己庚、庚辛、辛壬、壬癸。而丁癸線。令小于甲乙。次從甲過癸。作甲子線。遇乙丙于子。末從子。作子壬、子辛、子庚。

子巳四線各引長之而分甲乙于丑于寅于卯于辰爲五平分。

論曰丁戊與甲乙既平行卽子壬癸與子丑甲兩

角子癸壬與子甲丑兩角各等一卷而甲子丑同

角卽甲子丑癸子壬兩角形相似矣則子癸與癸


壬之比例若子甲與甲丑也本篇依顯子壬與壬

辛若子丑與丑寅也又癸壬與壬辛等卽子壬與

壬癸若子壬與壬辛也五卷則子丑與丑甲亦若

子丑與丑寅也而甲丑丑寅兩線等矣五卷依顯

幾何原本



寅卯辰巳俱與甲丑等則甲乙線為五平分

又一簡法如甲乙線求五平分即

從甲從乙作甲丁乙丙兩平行線

次從乙任作戊巳庚辛四平分次

用元度從甲作壬癸子丑四平分

末作戊丑巳子庚癸辛壬四線相

聯即分甲乙于巳于辰于卯于寅

為五平分

論曰辛庚與壬癸既平行相等即

辛壬與庚癸亦平行。一卷依顯巳子戊丑俱平行。

而甲丑既爲四平分。則甲巳亦四平分。本題依顯乙


辛既爲四平分。則乙寅亦四平分。而通甲乙爲五平分。

又用法。先作一器。丙丁戊巳爲

平行線。任平分爲若干格。每分

作平行線相聯。今欲分甲乙爲

五平分。



卽規取甲乙之度。以一角抵戊丙線。而一角抵庚

辛線。如不在庚辛者。卽漸移之。令至也。既至壬。卽

戊壬之分。爲甲乙之分矣。

論曰。庚癸與子辛。旣平行相等。卽癸子、庚辛亦平

行相等。

一卷三

而丙丁、戊己內諸線。俱平行相等。戊

庚爲五平分。卽戊壬亦五平分矣。

本題

戊壬之度。旣

與甲乙等。卽自戊至壬諸格。分甲乙爲五平分也。


如戊丙線上取丑點。而甲乙度抵庚辛之外。若丑

寅。卽從庚辛線引長之。爲庚寅。而癸子諸線。俱引

長之。其丑寅仍爲五平分。如前論。若所欲分之線

極小。則製器宜密。令相稱焉。

增題。有直線。求兩分之。而兩分之比例。若所設兩線之比例。



法曰。甲乙線。求兩分之。而兩分之比例。若所設丙與丁。先從甲任作甲戊線。而為甲角。次截取甲己與丙等。己庚與丁等。次作庚乙線。聯之。末作己辛線。與庚乙平行。即分甲乙于辛。而甲辛與辛乙之比例。若丙與丁。說見本篇二。

又增題。兩直線。各三分之。各互為兩前、兩後率比。

列等。即兩中率與兩前兩後率各為比例。亦等

解曰。甲乙丙丁兩線各三分之于戊

于己于庚于辛各互為兩前兩後率

比例等者甲戊與戊乙若丙庚與庚


丁甲己與己乙若丙辛與辛丁也。題言中率戊己

庚辛各與其前後率為比例亦等者甲戊與戊己


若丙庚與庚辛己乙與戊己若辛丁與庚辛也

論曰。甲戊與戊乙之比例既若丙庚與庚丁即合

之甲乙與戊乙若丙丁與庚丁也。而甲己與己乙



既若丙辛與辛丁。卽合之。甲乙與己乙。若丙丁與
 辛丁也。又反之。己乙與甲乙。若辛丁與丙丁也。夫
 己乙與甲乙。既若辛丁與丙丁。而甲乙與戊乙。又
 若丙丁與庚丁。卽平之。己乙與戊乙。
 亦若辛丁與庚丁也。五卷又轉之。戊乙
 與戊己。若庚丁與庚辛也。又分之。己
 乙與戊己。若辛丁與庚辛也。此後解
 也。又甲戊與戊乙。既若丙庚與庚丁。而戊乙與戊
 己。又若庚丁與庚辛。卽平之。甲戊與戊己。若丙庚



與庚辛也。此前解也。

又簡論曰。如後圖。聯甲于丙。作乙甲丁角。次作丁

乙。辛己。庚戊。三線相聯。其甲戊與戊乙之比例。既

若丙庚與庚丁。卽庚戊與丁乙平行。本篇二甲己與


己乙。既若丙辛與辛丁。卽辛己與丁乙平行。本篇二

而庚戊與辛己亦平行。一卷三十是甲戊與戊己。若丙

庚與庚辛也。己乙與戊己亦若辛丁與庚辛也。本篇三


第十一題

兩直線。求別作一線。相與爲連比例。



法曰。甲乙、甲丙兩線。求別作一線。相與爲連比例者。合兩線。任作甲角。而甲乙與甲丙之比例。若甲丙與他線也。先于甲乙引長之。爲乙丁。與甲丙等。次作丙乙線相聯。次從丁作丁戊線。與丙乙平行。末于甲丙引長之。遇于戊。卽丙戊爲所求線。

如以甲丙爲前率。倣此。




論曰。甲丁戊角形內之丙乙線。旣與戊丁邊平行。卽甲乙與乙丁之比例。若甲丙與丙戊也。

本篇二

而乙丁、甲丙、元等。卽甲乙與

甲丙若甲丙與丙戊也五卷



注曰。別有一法。以甲乙、乙丙、兩線。列作甲

乙丙直角。次以甲丙線聯之。而甲乙引長之。末從丙作丙丁。為甲丙之垂線。遇引長

線于丁。即乙丁為所求線。

論曰。甲丙丁角形之甲丙丁。既為直角。而從直角

至甲丁底。有丙乙垂線。即丙乙為甲乙、乙丁、比例


之中率。本篇八則甲乙與乙丙。若乙丙與乙丁也。

既從一二得三。即從二三求四。以上至于無窮。俱

倣此。

第十二題

三直線。求別作一線。相與爲斷比例。



法曰。甲乙乙丙甲丁三直線。求別作一線。

相與爲斷比例者。謂甲丁與他線之比例。

若甲乙與乙丙也。先以甲乙乙丙作直線。

爲甲丙。次以甲丁線合甲丙。任作甲角。次


作丁乙線相聯。次從丙作丙戊線。與丁乙平行。末自

甲丁引長之。遇丙戊于戊。卽丁戊爲所求線。

論曰。甲丙戊角形內之丁乙線。既與丙戊邊平行。卽甲丁與丁戊之比例。若甲乙與乙丙。本篇二

第十三題

兩直線。求別作一線。爲連比例之中率。



法曰。甲乙、乙丙兩直線。求別作一線爲中率者。謂甲乙與他線之比例。若他線與乙丙也。先以兩線作一直線。爲甲丙。次以甲丙兩平分于戊。次以戊爲心。甲丙爲界。作甲丁丙半圓。末從乙至圓界。作乙丁垂線。卽乙丁爲甲乙、乙丙

之中率

論曰。試從丁作丁甲、丁丙兩線。卽甲丁丙爲直角。

卷三

而直角所下乙丁垂線。兩分對邊線甲丙。其甲乙

與乙丁。若乙丁與乙丙也。

本篇八之系

則乙丁爲甲乙乙


丙之中率。

注曰。依此題。可推凡半圓內之垂線。皆爲

兩分徑線之中率線。如甲乙丙半圓。其乙

丁爲甲丁、丁丙之中率。已戊爲甲戊、戊丙


之中率。辛庚爲甲庚、庚丙之中率也。何者。



半圓之內。從垂線作角。皆為直角。三卷故依前論

推顯各為中率也。

增題。一直線有他直線。大于元線二倍以上。求分他線為兩分。而以元線為中率。




法曰。甲乙線。大于甲丙二倍以上。求兩分甲乙。而以甲丙為中率。先以甲乙、甲丙、聯為丙甲乙直角。而兩平分甲乙于丁。次以丁為心。甲乙為界。作甲戊乙半圓。次從丙作丙戊線。與甲乙平行。而遇半圓界于戊。末從戊作戊己

垂線而分甲乙于己。卽戊己爲甲己、己乙兩分之
中率。

論曰。試作戊甲、戊乙兩線。依本題論。卽戊己爲甲
己、己乙之中率。而甲丙戊己爲平行方形。卽丙甲
與戊己等。一卷卅四則丙甲亦甲己、己乙之中率也。

第十四題 二支

兩平行方形等。一角又等。卽等角旁之兩邊爲互相視
之邊。兩平行方形之一角等。而等角旁兩邊爲互相
視之邊。卽兩形等。




之邊者甲乙與乙庚之比例。若戊乙與乙丙也。

論曰。試以兩等角相聯于乙。令甲乙乙庚為一直線。其甲乙丙與戊乙庚既等角。即戊乙乙丙亦一直線。

先解曰。甲乙丙辛乙戊己庚兩平行。方形等。甲乙丙戊乙庚兩角又等。題

言此兩角各兩旁之兩邊為互相視



一卷十
五增題

次從辛丙己庚各引長之遇於丁。

其辛乙乙己兩平行方形既等即

辛乙與乙丁兩形之比例。若乙已與乙丁也。五卷而

辛乙與乙丁。俱在兩平行線之內。等高。即辛乙與乙

丁兩形之比例。若其底甲乙與乙庚也。本篇依顯乙

已與乙丁兩形。亦若其底戊乙與乙丙也。則甲乙與

乙庚亦若戊乙與乙丙也。

後解曰。甲乙丙戊乙庚。等角兩旁之各兩邊。爲互相

視之邊者。甲乙與乙庚。若戊乙與乙丙也。題言辛乙

乙已兩平行方形等。

論曰。依上論。以兩等角相聯。其甲乙與乙庚之比例。

既若戊乙與乙丙而甲乙與乙庚兩底之比例。若平行等高之辛乙與乙丁兩形。本篇一戊乙與乙丙兩底之比例。若平行等高之乙己與乙丁兩形。則辛乙與乙丁若乙己與乙丁矣。而辛乙乙己兩形安得不等。

五卷

九

第十五題

二支

相等兩三角形之一角等。即等角旁之各兩邊互相視。兩三角形之一角等。而等角旁之各兩邊互相視。即兩三角形等。

先解曰。甲乙丙、乙丁戊、兩角形等。兩乙角又等。題言

等角有之。各兩邊互相視者。謂甲乙與乙

戊之比例。若丁乙與乙丙也。

論曰。試以兩等角相聯于乙。令甲乙、乙戊


為一直線。其甲乙、丙丁、乙戊、既等角。即丁

乙、乙丙、亦一直線。一卷十次作丙戊線相

聯。其甲乙、丙乙、丁戊、兩角形既等。即甲乙、丙與乙丙

戊之比例。若乙丁、戊與乙丙、戊也。五卷夫甲乙、丙與

乙丙、戊兩等高形之比例。若其底甲乙與乙戊也。而



乙丁戊與乙丙戊兩等高形。亦若其底丁乙與乙丙也。則甲乙與乙戊。若丁乙與乙丙。


後解曰。兩乙角等。而乙旁各兩邊。甲乙與乙戊之比。例若丁乙與乙丙。題言甲乙丙。乙丁戊兩角形等。

論曰。依前列兩形。令等角旁兩邊各爲一直線。其甲乙與乙戊之比例。既若丁乙與乙丙。而甲乙與乙戊兩底。又若其上甲乙丙。乙丙戊兩等高角形。丁乙與乙丙兩底。又若其上乙丁戊。乙丙戊兩等高角形。則甲乙丙與乙丙戊之比例。若乙丁戊與乙丙戊矣。而

甲乙丙與乙丁戊豈不相等。五卷九

第十六題 二支

四直線為斷比例。即首尾兩線，矩內直角形與中兩線，矩內直角形等。首尾兩線與中兩線，兩矩內直角形等。即四線為斷比例。




先解曰。甲乙，已庚，戊己，乙丙，四直線為斷比例者。謂甲乙與己庚，若戊己與乙丙也。而甲乙丙丁，為甲乙乙丙，首尾兩線，矩內直角形。戊己庚辛，為

戊己、己庚、中兩線矩內直角形。題言甲丙、戊庚兩形等。
論曰。兩形之乙與己。既等爲直角。而甲乙與己庚之
比例。若戊己與乙丙。是乙己等角旁之各兩邊。互相
視。而甲丙、戊庚兩直角形必等。本篇十四

後解曰。甲丙、戊庚兩直角形等。題言四線之比例等
者。謂甲乙與己庚。若戊己與乙丙也。

論曰。甲丙、戊庚兩形之乙與己。既等爲直角。卽等角
旁之各兩邊。互相視。而甲乙與己庚之比例。若戊己
與乙丙也。本篇十四則四線爲斷比例矣。



已上直角方形。題言甲丙戊庚兩形等。

論曰。試作已庚線與戊己等。即甲乙乙丙己庚戊己。

為比例等等者。謂甲乙與戊己。若己庚與乙丙也。則

戊己己庚。矩內直角形。即戊己上與甲乙乙丙首尾

線矩內之甲丙形等矣。本篇十六


後解曰。甲丙直角形與戊庚直角方形等。題言甲乙

與戊己之比例。若戊己與乙丙。

論曰。甲丙戊庚。既皆直角形。即甲乙與戊己之比例。

若己庚與乙丙也。本篇而已庚與乙丙亦若等己庚。

之戊己與乙丙。五卷則甲乙與戊己若戊己與乙丙矣。



角亦同此論如上圖。

系凡直線上直角方形與他兩線所作矩內直角形等。即此線為他兩線之中率。何者。依上後論。甲乙乙丙矩內直角形與戊己上直角方形等。即可推甲乙與戊己若戊己與乙丙。而戊己為甲乙乙丙之中率故。

第十八題

幾何原本

直線上求作直線形與所設直線形相似而體勢等。

法曰。如甲乙線上求作直線形與所設

丙丁戊己庚形相似而體勢等。先于設


形任從一角向各對角各作直線而分

本形為若干角形。如上設形則從己向

丙向丁作兩直線而分為丙丁己丁己


戊丙己庚三三角形也。次于元線上作乙甲壬甲乙

壬兩角與丁丙己丙丁己兩角各等。其甲壬乙壬兩




線遇于壬。卽甲壬乙與丙巳丁兩角亦等。而甲壬乙與丙巳丁兩形爲等角形矣。一卷次作乙壬辛壬乙辛兩角與丁巳戊巳丁戊兩角各等。其壬辛乙辛兩線遇于辛。卽乙辛壬與丁戊巳兩角亦等。而乙壬辛與丁巳戊兩形爲等角形矣。末依上作甲壬癸與丙巳庚亦爲等角形。卽甲乙辛壬癸與丙丁戊巳庚兩形等角。則相似而體勢等。凡設多角形俱倣此。論曰。壬甲乙角與巳丙丁角旣等。而壬甲癸角與巳丙庚角又等。卽乙甲癸全角與丁丙庚全角等。依顯

甲乙辛與丙丁戊兩全角亦等。而其餘各全角俱等。
 則甲乙辛壬癸與丙丁戊己庚為等角形矣。又甲乙



與乙壬之比例。既若丙丁與丁己。而乙
 壬與乙辛。亦若丁己與丁戊。本篇平之。

即甲乙與乙辛。亦若丙丁與丁戊也。卷五








二則甲乙辛丙丁戊及辛戊角旁各兩邊
 之比例亦等也。兩形等角即等角旁各兩邊之比例等見本篇

四又辛壬與壬乙之比例。既若戊己與己丁。而壬乙


與壬甲亦若己丁與己丙。壬甲與壬癸亦若己丙與

已庚。平之。卽辛壬與壬癸。亦若戊己與己庚也。五卷廿二
 則辛壬癸、戊己庚兩等角。有各兩邊之比例等也。依
 顯餘角俱如是。則兩形爲等角形。而各等角。有各兩
 邊之比例俱等。是兩形相似而體勢等。



注曰。凡線上形相當之各角
 等。卽形相似而體勢等。如上
 甲乙丙、丁戊己兩角形。其乙
 丙、戊己、線上之乙角、丙角。與
 戊角、己角。相當相等者是也。

若兩形在乙丙丁戊兩線上。則雖相似而體勢不等。又如上甲丙戊庚兩直角形。其甲丁與丁丙之比例。若戊辛與辛庚而餘邊之比例俱等。亦形相似而體勢等。若甲丙壬庚兩直角形。雖角旁比例等。而在丁丙庚辛線上。不相當。則體勢不等。



增作本題別有一簡法如設甲

乙丙丁戊己直線形。求于庚線。

上作直線形與相似而體勢等

先于甲角旁之甲乙甲已兩線



任引出之爲甲辛甲丑。次從甲向各角。各任作直
線爲甲壬甲癸甲子。次于甲乙線上。截取甲辛與
庚線等。末從辛作辛壬線。與乙丙平行。作壬癸與
丙丁癸子與丁戊子丑與戊己各平行。卽所求。
論曰。兩形之甲角既同。甲乙丙甲己戊兩角與甲
辛壬甲丑子兩角各等。一卷廿九而甲丙乙甲丙丁兩
角與甲壬辛甲壬癸兩角各等。卽乙丙丁與辛壬
癸兩全角亦等。依顯丙丁戊丁戊己與壬癸子癸
子丑各全角各等。則甲乙丙丁戊己與甲辛壬癸


子丑兩直線形爲等角形矣。又甲辛壬、甲壬癸、甲
癸子、甲子丑、四三角形與甲乙丙、甲丙丁、甲丁戊、
甲戊己、四三角形各相似。本篇四之系卽甲乙與乙丙
之比例。若甲辛與辛壬也。而乙丙與丙甲。若辛壬
與壬甲也。丙甲與丙丁。若壬甲與壬癸也。平之。則
乙丙與丙丁亦若辛壬與壬癸也。依顯餘邊俱如
是。則兩形相似而體勢等也。

第十九題

相似三角形之比例。爲其相似邊再加之比例。

解曰。如甲乙丙、丁戊己、兩角形等角。其乙與戊、丙與己、相當之角各等。而甲乙與乙丙之比例。若丁戊與戊己。題言兩形之比例。爲乙丙與戊己兩邊再加之比例。先論曰。若兩角形等。卽乙丙與戊己兩邊亦等。而各兩等邊爲相同之比例。卽兩形亦相同之比例。就令作再加之比例。亦未免爲相同之比例。則相等之兩形。卽可爲兩等邊再加之比例矣。





乙庚為連比例之第三率。令乙丙與戊

己之比例。若戊己與乙庚也。本篇十一次作

甲庚直線。其甲乙與乙丙之比例。若丁

戊與戊己更之。即甲乙與丁戊。若乙丙

與戊己也。而乙丙與戊己。若戊己與乙庚。則甲乙與

丁戊。若戊己與乙庚也。夫甲乙庚與丁戊己兩角形。

有乙戊兩等角。而各兩旁之兩邊。又互相視。本篇十五即

兩形等。則甲乙丙形與丁戊己形之比例。若甲乙丙形

與甲乙庚形矣。五卷七又甲乙丙與甲乙庚兩等高

角形之比例。若乙丙底與乙庚底。本篇則甲乙丙形

與丁戊己形之比例。亦若乙丙底與乙庚底也。既乙


丙戊己乙庚三線爲連比例。則一乙丙

與三乙庚之比例。爲一乙丙與二戊己

再加之比例矣。是甲乙丙與丁戊己兩

形之比例。爲乙丙與戊己再加之比例

也。



系。依本題。可顯凡三直線爲連比例。卽第一線
上角形與第二線上角形之比例。若第一線與





第三線之比例。如上甲乙丙三直線爲連比例。
其甲與乙上各有角形。相似而體勢等。則一甲
丙線與三丙線之比例。若甲形與乙形也。何者。甲
線與丙線之比例。爲甲線與乙線再加之比例。而甲
形與乙形之比例。亦甲線與乙線再加之比例。則甲
形與乙形之比例。若甲線與丙線矣。依顯二乙上角
形與三丙上角形。相似而體勢等。則二乙形與三丙
形之比例。若一甲線與三丙線。

第二十題

三支

以三角形、分相似之多邊直線形。則分數必等。而相當之各三角形、各相似。其各相當兩三角形之比例。若兩元形之比例。其元形之比例。爲兩相似邊再加之比例。

先解曰。此甲乙丙丁戊、彼己庚辛壬癸、兩多邊直線形。其乙甲戊、庚己癸、兩角等。餘相當之各角俱等。而各等角旁各兩邊之比例各等。題先言各以角形分之。其角形之分數必等。而相當之各角形各相似。論曰。試從乙甲戊、庚己癸、兩角。向各對角、俱作直線。



爲甲丙、甲丁、己辛、己壬。其元形既相似。
 卽角數等。而所分角形之數亦等。又乙
 角既與庚角等。而角旁各兩邊之比例
 亦等。卽甲乙丙與己庚辛兩角形必相
 似。本篇乙甲丙與庚己辛兩角形必相
 似。本篇乙甲丙與庚己辛兩角形必相
 與己辛庚兩角各等。而各等角旁各兩邊之比例各
 等。本篇依顯甲戊丁、己癸壬兩角形亦相似。又甲丙
 與丙乙之比例。既若己辛與辛庚。而丙乙與丙丁若
 辛庚與辛壬。兩元形相似故平之。卽甲丙與丙丁若己辛與

辛壬也。五卷又乙丙丁角。既與庚辛壬角等。而各減

一相等之甲丙乙角。已辛庚角。即所存甲丙丁角。與

已辛壬角必等。則甲丙丁與已辛壬兩角形亦等角

形亦相似矣。本篇

次解曰。題又言各相當角形之比例。若兩元形之比



例。

論曰。甲乙丙。已庚辛。兩角形既相似。即兩形之比例。

為甲丙。已辛。兩相似邊再加之比例。本篇依顯甲丙

丁。已辛壬之比例。亦為甲丙。已辛。再加之比例。則甲

乙丙與己庚辛兩角形之比例。若甲丙丁與己辛壬兩角形之比例。依顯甲丁戊與己壬癸之比例。亦若



甲丙丁與己辛壬之比例。則此形中諸角形之比例。若彼形中諸角形之比例。此諸形為前率。彼諸形為後率。而前與一後之比例。又若并前與并後之比例。五卷十二。即此一角形與相當彼一角形之

比例。若此元形與彼元形之比例矣。

後解曰。題又言兩多邊元形之比例。為兩相似邊再

加之比例。

論曰。甲乙丙與己庚辛兩角形之比例。既若甲乙丙
丁戊與己庚辛壬癸兩多邊形之比例。而甲乙丙與
己庚辛兩形之比例。爲甲乙己庚兩相似邊再加之
比例。本篇
十九則兩元形亦爲甲乙己庚再加之比例。

增題。此直線倍大于彼直線。則此線上方形與彼
線上方形爲四倍大之比例。若此方形與彼方形
爲四倍大之比例。則此方形邊與彼方形邊爲二
倍大之比例。

甲

先解曰。甲線倍乙線。題言甲上方形與乙上方形爲四倍大之比例。

論曰。凡直角方形俱相似。本卷界說一依本題

乙

論。則甲方形與乙方形之比例爲甲線與乙線再

加之比例。甲線與乙線既爲倍大之比例。

則兩方形爲四倍大之比例矣。何者。四倍

大之比例爲二倍大再加之比例。若一二

四爲連比例故也。

後解曰。若甲上方形與乙上方形爲四倍大之比

例題言甲邊與乙邊爲二倍大之比例。

論曰。兩方形四倍大之比例。既爲兩邊再加之比

例。則甲邊二倍大于乙邊。

系依此題。可顯三直線爲連比例。如甲、乙、

丙。則第一線上多邊形與第二線上相似

多邊形之比例。若第一線與第三線之比

例。





此系與本篇第十九題之系同論。

第三十一題

兩直線形。各與他直線形相似。則自相似。

解曰。甲乙丙、丁戊己、兩直線形。各與庚辛

壬形相似。題言兩形亦自相似。



論曰。甲乙丙形之各角。既與庚辛壬形之各角等。而丁戊己形之各角。亦與庚辛壬形之各角等。即兩形之各角自相等。公論

形之各角既等。則甲乙丙形與庚辛壬形各等角旁

各邊之比例等。五卷十一而丁戊己形與庚辛

壬形各等角旁各邊之比例亦等。也是甲





乙丙形與丁戊己形各等角旁各邊之比例亦等也。各角既等。各邊之比例又等。即兩形定相似矣。本卷界說一

第二十二題 二支

四直線爲斷比例。則兩比例線上各任作自相似之直線形。亦爲斷比例。兩比例線上各任作自相似之直線形。爲斷比例。則四直線亦爲斷比例。

先解曰。甲乙丙丁戊己庚辛。四直線爲斷比例者。甲乙與丙丁。若戊己與庚辛也。今于甲乙丙丁上各任

作直線形。自相似。如甲乙壬、丙丁癸。于戊己、庚辛、上



各任作直線形。自相似。如戊己丑子、庚辛卯寅。題言四形亦為斷比例者。

謂甲乙壬與丙丁癸。若戊丑與庚卯也。

論曰。試以甲乙、丙丁、兩線。求其連

比例之末率線。為辰。本篇十一次以戊己、

庚辛、兩線。求其連比例之末率線。為

己。平之。即甲乙與辰之比例。若戊己與己也。五卷廿二夫

甲乙壬、與丙丁癸、兩相似形之比例。若甲乙線與辰

線本篇十九及廿之系而戊丑與庚卯兩相似形之比例。若戊

己線與己線則甲乙壬與丙丁癸之比例亦若戊丑

與庚卯矣。五卷十一

後解曰。如前四形爲斷比例。題言甲

乙丙丁戊己庚辛四線亦爲斷比例。




論曰。試以甲乙丙丁戊己三線求其

斷比例之末率線爲午未。本篇十二次于

午未上作直線形與戊丑相似而體

勢等爲午未酉甲。本篇十八午酉與戊丑相似。卽與庚卯

辰



知不足齋

亦相似。而甲乙與丙丁之比例。既若戊己與午未。依
上論。卽甲乙壬與丙丁癸兩形之比例。若戊丑與午
酉矣。夫甲乙壬與丙丁癸之比例。元若戊丑與庚卯。
則戊丑與午酉。亦若戊丑與庚卯也。五卷十一而午酉與
庚卯等也。五卷九午酉與庚卯既等。又相似而體勢等。
卽兩形必在等線之上。而庚辛與午未必等。見下方補論
則戊己與午未之比例。若戊己與庚辛也。而戊己與
午未。元若甲乙與丙丁。則甲乙與丙丁。亦若戊己與庚辛也。
補論曰。庚卯、午酉兩直線形相等相似。而體勢等。卽

在等線之上者何也。蓋庚辛與午未若云不等者。或

言庚辛大於午未也。則辛卯宜亦大於未酉矣。五卷十四

而庚卯形宜亦大於午酉形矣。何先設兩形等也。言

小。倣此。補論者。前此未著。而論中無他。論可徵。故別作一論。以足未備。


又補論曰。甲乙丙丁戊己兩直線形相等。相

似。而體勢等。即相似。邊如甲乙與丁戊必等。


者何也。蓋云不等者。或言甲乙大於丁戊也。

即令以甲乙丁戊兩線求其連比例之末率。

線為庚。本篇十一其甲乙與丁戊既若丁戊與庚。



而甲乙大于丁戊。即丁戊宜大于庚。即甲乙宜更大于庚矣。然甲乙與庚之比例。若甲乙丙形與丁戊己形。及廿之系。甲乙既大于庚。則甲乙丙宜大于丁戊。已何先設兩形等也。是甲乙不能大于丁戊矣。言小倣此。



增論曰。本題別有簡論。今先顯四線之比例等。而甲乙壬與丙丁癸兩形之比例。若戊丑與庚卯兩形者。蓋甲乙與丙丁之比例。若戊己與庚辛而


甲乙壬與丙丁癸之比例。爲甲乙與丙丁再加之
比例。本篇十九戊丑與庚卯之比例。亦爲戊己與庚辛
再加之比例。是甲乙壬與丙丁癸。若戊丑與庚卯
也。

次增論曰。今顯四形之比例等。而甲乙與丙丁兩
線之比例。若戊己與庚辛兩線者。蓋甲乙壬與丙
丁癸之比例。若戊丑與庚卯。而甲乙壬與丙丁癸
之比例。爲甲乙與丙丁再加之比例。若戊丑與庚
卯。爲戊己與庚辛再加之比例。本篇十九則甲乙與丙

丁之比例。若戊己與庚辛亥。

第二十三題

等角兩平行方形之比例。以兩形之各兩邊兩比例相結。



解曰。甲丙、丙己、兩平行方形之乙丙、丁、戊丙庚、兩角等。題言兩形之比例。以各等角旁各兩邊之比例相結者。謂兩比例之前率在此形。兩比例之

後率在彼形。如甲丙與丙己之比例。以乙丙與丙庚

偕丁丙與丙戊相結也。或以乙丙與丙戊偕丁丙與丙庚相結也。

論曰。試以兩等角相聯于丙。而乙丙丙庚作一直線。

其乙丙丁角既與戊丙庚角等。即戊丙丙丁亦一直

線。

一卷十
五增

次于甲丁己庚各引長之。遇于辛。次任作

一壬線。次以乙丙丙庚壬三線求其斷比例之末率

線爲癸。

本篇
十二

末以丁丙丙戊癸三線求其斷比例之

末率線爲子。其乙丙與丙庚兩底之比例。既若甲丙

與丙辛兩形。

本篇


而乙丙與丙庚亦若壬與癸。則甲

丙與丙辛。亦若壬與癸也。五卷十一依顯丙辛與丙己亦

若癸與子也。平之。即甲丙與丙己。若壬與子也。五卷廿二

夫壬與子之比例。元以壬與癸。癸與子。兩比例相結。

本卷界說五而壬與癸。癸與子。元若乙丙與丙庚。丁丙與



戊丙戊。則甲丙與丙己之比例。以乙丙與丙庚。偕丁丙與丙戊。兩比例相結也。其以乙丙與丙戊。偕丁丙與丙庚。相結。則先以乙丙。丙戊。為一直線。可

依上推顯

後注曰。此不同理之比例也。兩形不相似。本篇又

不相等之形也。等角旁各兩邊。不互相視。本篇十四故

必用相結之理。必須借象之術。其法假虛形實。所

以通比例之窮也。以數明之。乙丙六十。丙庚二十。

壬三求得癸一。丁丙四十。丙戊八十。癸一求得子

二。卽甲丙之實二千四百。與丙己之實一千六百。

若壬三與子二。爲等帶半之比例也。其曰壬與癸。

癸與子。兩比例相結者。壬三倍大于癸。癸反二倍

大于子。反二倍者。癸得子之半。三乘半得一五。則壬與子。爲

等帶半之比例也。其曰借象者。乙丙與丙庚。丁丙

與丙戊。二比例既不同理。又異中率。故借壬與癸。

癸與子。同中率而不同理之二比例。以爲象。本卷界說

五初作壬與癸。若乙丙與丙庚。次作癸與子。若丁

丙與丙戊。本篇十二則癸爲前率之後。又爲後率之前。

是爲壬子。首尾兩率之樞紐。令相象之丙庚。丁丙。

亦化兩率爲一率。爲乙丙。丙戊。首尾兩率之樞紐。

因以兩比例相結爲首尾兩率之比例。雖不能使

三率爲同理之兩比例。而合爲一連比例。亦能使

兩不同理之比例。首尾合而爲一比例矣。自三以

上。可做此相借。以至無窮也。

本卷界說五

第二十四題

平行線方形之兩角線方形。自相似。亦與全形相似。


解曰。甲乙丙丁平行方形。作甲丙對角

線。任作戊己庚辛兩線。與丁丙乙丙平

行。而與對角線交相遇于壬。題言戊庚

己辛兩角線方形。自相似。亦與全形相似。

論曰。試依一卷廿九題。推顯兩角線形等角。又庚甲



戊與乙甲丁同角。而甲戊壬外角。與甲丁丙內角等。
甲庚壬外角。與甲乙丙內角等。戊壬庚外角。與乙己
壬內角等。乙己壬外角。又與乙丙丁內角等。則戊庚
形與甲丙全形等角矣。依顯己辛形。亦與全形等角
矣。今欲顯兩形與全形相似者。試觀甲庚壬與甲乙
丙兩角形。甲戊壬與甲丁丙兩角形。既各等角。一卷廿九
可推。仍見本篇四之系。即甲乙與乙丙之比例。若甲庚與庚壬。
而庚乙兩角旁各兩邊之比例等也。六卷四又乙丙與
丙甲之比例。若庚壬與壬甲。丙甲與丙丁之比例。若



壬甲與壬戌平之。卽乙丙與丙丁。若庚壬與壬戌也。
 五卷則乙丙丁庚壬戌兩角旁各兩邊之比例等也。
 廿二依顯各角旁各兩邊之比例皆等。是兩角線方形自
 相似亦與全形相似。

第二十五題

兩直線形求作他直線形與一形相似與一形相等。



法曰。甲乙兩直線形求作他直線
 形與甲相似與乙相等。先于求相
 似之甲形任取一邊如丙丁于丙



王 癸

戊 一 卷 四 四 五

丁邊上作平行方形與甲等為丙
方形與乙等而戊丁庚角與丁丙

己角等為丁辛其丙丁庚己戊辛俱為直線也。一卷

可推次作一壬癸線為丙丁丁庚之中率。本篇末于壬

癸上作子形與甲相似而體勢等。本篇即子形與乙等

論曰丙丁壬癸丁庚三線既為連比例即依本篇二

十題之系可顯一丙丁與三丁庚之比例若一丙丁

上之甲與二壬癸上之子兩形相似而體勢等者之

比例也。又丙丁與丁庚之比例。若丙戊與丁辛兩等。

高平行方形之比例也。本篇則丙戊與丁辛。若甲與

子矣。夫丙戊與丁辛。元若甲與乙也。丙戊與甲等。丁辛與乙等。則

甲與乙之比例。若甲與子也。五卷而乙形與子形等


矣。五卷

第二十六題

平行方形之內減一平行方形。其減形與元形相似而

體勢等。又一角同。則減形必依元形之對角線。

解曰。乙丁平行方形之內減戊庚平行方形。元形減



形相似而體勢等。又戊甲庚同角。題

言戊庚形必依乙丁形之對角線。

論曰。試作甲巳巳丙對角兩線。若兩

線為一直線。即顯戊庚形依甲丙對

角線矣。如云甲巳巳丙非一直線。令

別作元形之對角線。而分戊巳邊于

辛。即作辛壬線。與巳庚平行。其乙丁

戊壬兩平行方形。既同依甲辛丙一

直對角線。則宜相似而體勢等矣。

本篇

廿四 是乙甲與甲

丁之比例。宜若戊甲與甲壬也。夫乙甲與甲丁。元若

戊甲與甲庚。

元設形相似而體勢等

今若所云。則戊甲與甲庚。

亦若戊甲與甲壬矣。

五卷十一

而甲壬分與甲庚全亦等

矣。


五卷九

可乎。若云甲辛丙分已庚于辛。卽令作辛壬。

與已戊平行。依前論駁之。

第二十七題


凡依直線之有闕平行方形。不滿線者。其闕形與半線上之闕形相似而體勢等。則半線上似闕形之有闕依形必大于此有闕依形。



解曰。甲乙線平分于丙。于半線丙乙
 上任作丙丁戊乙平行方形。其對角
 線乙丁。次作甲乙戊辛滿元線平行
 方形。即甲丁為甲丙半線上之有闕
 依形。丙戊為丙乙半線上之闕形。本卷
界說此兩形相等相似。體勢又等。題言甲乙線上凡
 作有闕依形。不滿線者。其闕形與丙戊相似而體勢
 等。即甲丙半線上之甲丁有闕依形。必大于此有闕
 依形。

論曰。試于乙丁對角線上任取一點爲庚。從庚作己
庚壬線。庚癸線。與甲乙乙戊各平行。卽得甲庚爲依
甲乙元線之有闕平行方形。而癸壬爲其闕形。此癸
壬闕形。既依乙丁對角線。則與丙戊闕形相似。而體
勢等。本篇廿四夫丙庚庚戊兩餘方形既等。一卷四三若每加
一癸壬角線方形。卽丙壬與癸戊亦等也。又丙壬與
丙己俱在兩平行線內。底等。卽兩形等。一卷三六而丙己
與癸戊兩形亦等。若每加一丙庚形。是甲庚平行方
形。與子丑磬折形亦等也。丙戊平行方形。函子丑磬

折形之外尚有庚丁形。則丙戌形必大于子丑磬折形。而等丙戌之甲丁形。丙戌甲丁同在兩平行線內又等底故見一卷三六必



大于等磬折形之甲庚形矣。依顯凡依乙丁對角線作形與丙戌相似者其有關依形俱小于甲丁也。為其必有庚丁之較故也。

又論甲丁必大於甲庚。曰己丁丁壬

兩平行方形。同在兩平行線內。又底等。即兩形等。卷一


六而庚戌為丁壬之分。則丁壬大于庚戌。較餘一庚

丁形其大于丙庚亦如之。庚戌丙庚兩餘方形即等

丁壬之己丁形其大于丙庚亦較餘一庚丁形也。次

每加一丙己形則甲丁必大于甲庚矣。

又解曰。若庚點在丙戌形外。即引乙丁對角線至庚。



從庚作辛丑線與癸戊平行。次引甲癸

線至辛。引乙戊線至丑。而與辛丑線遇

于辛。于丑末作庚己線與辛甲平行。即

得甲庚為依甲乙元線之有闕平行方

形。又得己丑與丙戊相似而體勢等者。兩形同依乙庚對角線故

見本篇
廿四
爲其闕形也。題言甲丁形亦大于甲庚形。

論曰。試于丙丁線引出之。至子。卽辛子。子丑兩線等。

一卷
卅四
而辛丁丁丑兩形亦等。
一卷
卅六
其丁丑己丁兩餘

方形既等。卽己丁與辛丁亦等。夫辛丁大于辛壬。既


較餘一庚丁形。則己丁之大于辛壬。亦較餘一庚丁

形也。此兩率者。每加一甲壬。平行方形。則甲丁大于

甲庚者。亦較餘一庚丁形矣。依顯凡乙丁對角線。引

出丙戊形外。依而作形。與丙戊相似者。其有闕依形

俱小于甲丁也。爲其必有庚丁之較。故也。



半線上作戊己庚乙平行方形與

丁相似而體勢等。本篇十八次作甲辛

庚乙滿元線平行方形。若甲己平行方形與丙等者。

本篇廿五即得所求矣。若甲己大于丙者。題言甲己小即不可作。見本篇


廿七即等甲己之戊庚亦大于丙也。則尋戊庚之大于

丙幾何。假令其較為壬。兩直線形不等相減之較法見一卷四五增即作

癸子丑寅平行方形與壬等。又與戊庚形相似而體

勢等。本篇廿五則戊庚平行方形與丙直線形及癸丑平

行方形并等。而戊庚必大于癸丑矣。夫戊庚與癸丑



既相似。即戊己與己庚兩邊之比。例若寅癸與癸子也。而戊庚既大于癸丑。即戊己己庚兩邊亦大于寅癸。癸子也。次截取己己己卯與癸子。癸寅等。而作己己辰卯平行方形。必與癸丑形相等。相似。而體勢等矣。又卯己形。既與戊庚相似。而體勢等。必同依乙己對角線也。本篇廿六次于己辰線引出。抵甲乙元線。于卯辰兩界。各引出。作午未線。即甲辰為依甲乙線。

之有闕平行方形與丙等。而其闕形乙辰與戊庚相

似。本篇廿四即亦與丁相似。

論曰。辰庚與辰戊兩餘方形既等。一卷四三每加一乙辰

角線方形。即乙己與戊午亦等。而與等戊午之戊未

亦等。戊午戊未同在平行線內。又底等故。見一卷卅六乙己與戊未既等。又

每加一戊辰方形。即甲辰平行方形與申酉磬折形




亦等矣。夫申酉磬折形爲戊庚形之分。而戊庚與丙

及癸丑等。戊庚所截去之卯己又與癸丑等。則申酉

磬折形與丙等也。而甲辰亦與丙等也。

第二十九題

一直線求作依線之帶餘平行方形與所設直線形等。而其餘形與所設平行方形相似。



法曰。甲乙線求作依線之帶餘平行方形與所設直線形丙等。而其餘形與所設平行方形丁相似。先以甲乙線兩平分于戊。次于戊乙半線上作戊己庚乙平行方形。與丁相似而體勢等。

本篇十八

次別作一

平行方形。與丙及戊庚并等。爲辛。二卷十四次別作一平

行方形。與辛等。又與丁相似。而體勢等。爲壬癸子丑。

本篇廿五其丑癸既與辛等。卽大于戊庚。而丑癸既與戊

庚相似。卽丑壬與壬癸兩邊之比例。若戊己與己庚

也。而丑壬與壬癸兩線。必大于戊己與己庚也。若等或小

卽丑癸不次于己戊引之至卯。與壬丑等。于己庚引

之至寅。與壬癸等。而作卯寅平行方形。卽卯寅與丑


癸同依辰己對角線而等。本篇廿六又與戊庚相似。而體

勢等矣。次于甲乙引之至己。庚乙引之至午。于午卯

引之至末。末作甲未線。與己卯平行。卽得甲辰帶餘
平行方形。依甲乙線。與丙等。而已午爲其餘形。與戊
庚形相似。而體勢等。本篇廿四卽與丁相似。而體勢等。
論曰。甲卯、戊午兩形既等。一卷卅六戊午與乙寅兩餘方
形又等。一卷四三則甲卯與乙寅亦等矣。而每加一卯己
形。則甲辰平行方形。與戊辰寅磬折形亦等矣。夫戊
辰寅磬折形。元與丙等。丑癸卽卯寅。與丙及戊庚并
等。每減一戊庚卽磬折形與
丙卽甲辰亦與丙等。

第三十題

一直線。求作理分中末線。



法曰。甲乙線。求理分中末。先于元線。作

甲乙丙丁直角方形。次依丁甲邊作丁
已帶餘平行方形。與甲丙直角方形等。而甲已為其

餘形。又與甲丙形相似。本篇廿九即甲已亦直角方形矣。

惟直角方形。恒與
直角方形相似。則戊己線分甲乙于辛。為理分中

末線也。本卷界
說三

論曰。丁已與甲丙兩形既等。每減一甲戊形。即所存
甲已辛丙兩形亦等矣。此兩形之甲辛已戊辛乙兩

角既等。兩皆直即兩角旁之各兩邊線為互相視之

線也。本篇而等戊辛之甲乙線與等辛己之甲辛線。

其為比例。若甲辛與辛乙也。是甲辛乙線為理分中

末也。

又論曰。甲乙、甲辛、辛乙、凡三線。而第一、第三、矩內之

辛丙直角形。與第二甲辛上直角方形等。即三線為

連比例。本篇而甲乙與甲辛。若甲辛與辛乙矣。

又法曰。甲乙線求分于丙。而甲乙偕丙乙矩內

直角形。與甲丙上直角方形等。二卷即甲乙之

甲

丙


乙

分于丙。為理分中末線。蓋甲乙、甲丙、丙乙、三線為連

比例故。本篇廿七

第三十一題

三邊直角形之對直角邊上一形。與直角旁邊上兩形。若相似而體勢等。則一形與兩形并等。



解曰。甲乙丙三邊直角形。乙甲丙為直角。于乙丙上任作直線形。為乙丙丁戊。次于甲乙、甲丙上。亦作甲乙己庚、甲丙壬辛兩形。與乙丁形相似而

體勢等。本篇十八題言乙丁形與乙庚丙辛兩形并等。

論曰。試從甲作甲癸爲乙丙之垂線。依本篇第八題

之系。卽乙丙與丙甲兩邊之比例。若丙甲與丙癸兩

邊。則一乙丙邊與三丙癸邊之比例。若一乙丙上之

乙丁形與二甲丙上之丙辛形也。本篇十九或二十之系反之。

則丙癸與乙丙兩邊之比例。若丙辛與乙丁兩形也。

依顯乙癸與乙丙兩邊之比例。若乙庚與乙丁兩形


也。乙丙乙甲乙癸三邊爲連比例故見本篇八之系夫一丙癸與二乙丙之

比例。既若三丙辛與四乙丁。而五乙癸與二乙丙之

新刊原本

書

比例亦若六乙庚與四乙丁。則一丙癸五乙癸并與
 二乙丙之比例。若三丙辛六乙庚并與四乙丁也。既
 一丙癸五乙癸并與二乙丙等。則三丙辛六乙庚并
 與四乙丁亦等。五卷廿四



又論曰。甲乙丙與癸甲丙兩角形既
 相似。而甲乙丙角形其乙丙與丙甲
 之比例。若癸甲丙角形之丙甲與丙
 癸。本篇八即乙丙與丙甲兩邊相似。則
 癸甲丙與甲乙丙兩角形之比例為

丙甲與乙丙再加之比例。本篇十九而丙辛與乙丁兩形

之比例亦爲丙甲與乙丙再加之比例。本篇十九

則癸甲丙與甲乙丙兩角形之比例。若丙辛與乙丁

兩形也。五卷十一依顯癸乙甲與甲乙丙兩角形之比例。

若乙庚與乙丁兩形也。是一甲癸丙與二甲乙丙之

比例。若三丙辛與四乙丁也。而五癸乙甲與二甲乙

丙之比例。若六乙庚與四乙丁也。卽一甲癸丙五癸

乙甲并與二甲乙丙之比例。若三丙辛六乙庚并與

四乙丁也。五卷廿四既一甲癸丙五癸乙甲并與二甲乙

丙等。則三丙辛、六乙庚并與四乙丁亦等。

又論曰：一甲丙上直角方形與二乙丙上直角方形

之比例。若三丙辛形與四乙丁形。此兩率之比例。皆甲丙與乙丙再加

之比例。見本篇十九二十。又五甲乙上直角方形與二乙丙上直


角方形之比例。若六乙庚形與四乙丁形。即一甲丙

上五甲乙上兩直角方形并與二乙丙上直角方形

之比例。若三丙辛、六乙庚兩形并與四乙丁形。五卷廿四

既甲丙甲乙上兩直角方形并與乙丙上直角方形

等。一卷四七則丙辛、乙庚兩形并與乙丁形等。



增題。角形之一邊上一形。與餘兩邊上
兩形相似而體勢等者。其一形與兩形
并等。則餘兩邊內角必直角。

解曰。甲乙丙角形。于乙丙上任作一直線形。與甲
乙、甲丙上兩形相似而體勢等。其一形與兩形并
等。題言乙甲丙必直角。

論曰。試作甲丁。爲甲丙之垂線。與甲乙等。次作丁
丙線。其丙甲丁既直角。卽于丁丙上作一形。與乙
丙上形相似。其丁丙上形與丁甲甲丙上相似。而

體勢等之兩形并等矣。

本題

又甲丁與甲乙等。其上

兩形亦等。卽丁丙上形與甲乙甲丙上兩形并亦

等。而乙丙上形元與甲乙甲丙上兩形并等。則丁

丙乙丙上兩形亦等。而丁丙與乙丙兩線亦等。

本篇

廿二補論夫甲丙丁角形之甲丁與甲乙丙角形之甲

乙等。甲丙同邊。其底乙丙丁丙又等。卽丁甲丙與


乙甲丙兩角必等。丁甲丙既直角。則乙甲丙亦直

角。

第三十二題

兩三角形。此形之兩邊與彼形之兩邊相似。而平置兩形成一外角。若各相似之各兩邊各平行。則其餘各

一邊相聯爲一直線。



解曰。甲乙丙丁丙戊兩角形。其甲乙、甲丙、
邊與丁丙、丁戊邊相似者。謂甲乙與甲丙
之比例。若丁丙與丁戊也。試平置兩形。令
相切。成一甲丙丁外角。而甲乙與丁丙、甲丙與丁戊
各相似之兩邊各平行。題言乙丙、丙戊爲一直線。
論曰。甲乙與丁丙既平行。卽甲角與內相對之甲丙

丁等。一卷依顯丁角亦與內相對之甲丙丁等則甲

廿九

丁兩角等而甲乙丙與丁丙戊兩角形之甲丁兩角

旁各兩邊比例又等即兩形為等角形而乙角與丁

丙戊角必等。本篇次于乙角加甲角于丁丙戊角加

等甲之甲丙丁角即乙甲兩角并與等甲丙丁丁丙

戊兩角并之甲丙戊角等次每加一甲丙乙角即甲

乙丙形之內三角并與甲丙乙甲丙戊兩角并等夫

甲乙丙形之內三角等兩直角。一卷則甲丙乙甲丙


卅二

戊并亦等兩直角而為一直線。一卷

十四

第三十三題 三友

等圖之乘圖分角。或在心。或在界。其各相當兩乘圖角之比例。皆若所乘兩圖分之比例。而兩分圓形之比例。亦若所乘兩圖分之比例。





解曰。甲乙丙戊己庚兩圖等。其心爲丁。爲辛。兩圖各任割一圓分。爲乙丙。爲己庚。其乘圖角之在心者。爲乙丁丙。己辛庚。在界者。爲乙甲丙。己戊庚。題先言乙丙。與己庚。兩圖分

之比例。若乙丁丙與己辛庚兩角。次言乙甲丙與己
戊庚兩角之比例。若乙丙與己庚兩圖分。後言乙丁
丁丙兩腰。偕乙丙圖分內乙丁丙分圖形與己辛辛
庚兩腰。偕己庚圖分內己辛庚分圖形之比例。亦若
乙丙與己庚兩圖分。

先論曰。試作乙丙己庚兩線。次作丙壬合圖線。與乙
丙等。作庚癸癸子兩合圖線。各與己庚等。四卷其丙
壬既與乙丙等。即乙丙與丙壬兩圖分亦等。三卷而
乙丁丙與丙丁壬兩角亦等。三卷依顯己庚庚癸癸

了。三圖分。已辛庚庚辛癸。癸辛子三角俱等。則乙丙壬圖分。倍乙丙圖分之數。如在心乙丁壬角。或乙丁壬內地。倍乙丁丙角之數。而已庚癸子圖分。倍已庚



圖分之數。如在心已辛子角。或已辛子內地。倍已辛庚角之數。何者。乙丁壬。已辛子兩角。或兩地內之分數。與乙丙壬。已庚癸子兩圖分內之分數。各等。故也。然則乙丁壬角。與地若等于已辛子角。與地即乙丙壬圖分。必等于已庚癸子

圖分矣。若大亦大。若小亦小矣。是一乙丙所倍之乙丙壬。三乙丁丙所倍之乙丁壬。倍二已庚所倍之已庚癸子。四已辛庚所倍之已辛子。等大小皆同類也。則一乙丙與二已庚之比例。若三乙丁丙與四已辛庚也。五卷界說六

次論曰。乙丁丙角。倍大于乙甲丙角。而已辛庚角。亦倍大于已戊庚角。三卷二十即乙丁丙與已辛庚兩角之比。例若乙甲丙與已戊庚兩角矣。五卷廿五則乙甲丙與已戊庚在界乘圖之兩角。亦若乙丙與已庚兩圖分也。

十五卷 若作甲壬、戊癸、直線亦可用先論推顯。用地當

三卷廿
增題

後論曰。試于乙丙圓分內、作乙丑丙角。次于丙壬圓

分內、作丙寅壬角。此兩角所乘之乙甲壬丙、與丙乙


甲壬兩圓分既等。三卷廿七卽兩角亦等。而乙丑丙、與丙

寅壬兩圓小分亦相似亦相等。乙丙與丙壬兩合圓
線等故見三卷廿四

次每加一相等之乙丁丙、丙丁壬角形。卽乙丁丙、丙

丁壬兩分圓形等。一卷四則乙丁壬分圓形倍乙丁丙

分圓形之數。如乙丙壬圓分倍乙丙圓分之數。依顯



已辛子分圓形。倍己辛庚分圓形之數。亦如己庚癸子圖分。倍己庚圖分之數。然則乙丙壬圖分。若等于已庚癸子圖分者。即乙丁壬分圓形。亦等于己辛子

分圓形矣。若大亦大。若小亦小矣。五卷界說

六。是乙丙壬圖分之倍一。乙丙圖分。乙

丁壬分圓形之倍三。乙丁丙分圓形。偕

己庚癸子圖分之倍二。己庚圖分。己辛

子分圓形之倍四。己辛庚分圓形。等大

小。皆同類也。則一乙丙圖分。與二己庚

圓分之比例。若三乙丁丙分圓形。與四己辛庚分圓

形也。

五卷界
說六

一系在圓心兩角之比例。皆若兩分圓形。

二系在圓心角與四直角之比例。若圓心角所乘圓分。與全圓界四直角。與在圓心角之比例。若全圓界與圓心角所乘之圓分。

按丁先生言。歐几里得六卷中。多研察有比例之線。竟不及有比例之面。故因其義類。增益數題。用補闕如左云。竇復增一題。竊弁于首。仍以題旨從

先生舊題。隨類附演。以廣其用。俱稱今者。以別于先生舊增也。

今增題圖與圓。為其徑與徑再加之比例。

解曰。甲乙丙丁戊己。兩圓其徑甲丙丁己。題言甲


乙丙與丁戊己。為甲丙與丁己再加之比例。


論曰。如云不然。當言甲乙丙圓與小于丁戊己之

庚辛壬圓。或大于丁戊己

之癸子丑圓。為甲丙與丁

己再加之比例也。五卷界說二十





增
若言亥辛壬是者。試置

庚辛壬區于丁戊己圖內、

為同心。次于外圖內、作丁

亥戊未己申酉戌多邊切形。其多邊為偶數。又等。

而全不至內圖也。四卷十次于甲乙丙圖內、作甲



午乙寅丙卯辰己多邊切形。與丁戊己圖內切形

相似。四卷十六補題可推其兩圖內兩徑上、有丁亥戊未己、

與甲午乙寅丙、相似之兩多邊形。則為兩相似邊

再加之比例也。本篇一十而甲丙與丁己兩線、為兩形

之相似。邊據如彼論。卽甲午乙寅丙與丁亥戊未
己兩形。甲乙丙與庚辛壬兩圓。同爲甲丙與丁己
兩線。再加之比例也。甲乙丙半圓。大于甲午乙寅
丙形。將庚辛壬半圓。亦大于丁亥戊未己形乎。則
分大于全乎。若言癸子丑是者。亦如前論。甲午乙
寅丙與丁亥戊未己兩形。甲乙丙與癸子丑兩圓。
同爲甲丙與丁己兩線。再加之比例也。反之。卽癸
子丑與甲乙丙兩圓之比例。爲丁己與甲丙兩徑。
再加之比例也。試設他圓。乾兌離。令癸子丑與甲



乙丙之比例。若丁戊己與乾兌離五卷界說增則丁戊己與乾兌離兩圓亦宜爲丁己與甲丙兩徑再加之比例也。癸子丑既大于丁戊己。卽甲乙丙亦大于乾兌離而丁戊己與小于甲乙丙之乾兌離兩圓能爲丁己與甲丙兩徑再加之比例乎。前已駁有兩圓其第一與他圓之小于第二者不得爲元圓兩徑再加之比例夫甲乙丙不得與圓之大

于丁戊己者。小于丁戊己者。爲甲丙與丁己再加
之比例。則止有元兩圓爲其元兩徑再加之比例。
一系全圓與全圓半圓與半圓相當分與相當分。
任相與爲比例。皆等。蓋諸比例。皆兩徑再加之比
例故。

二系三邊直角形。對直角邊爲徑。所作圓與餘兩
邊爲徑所作兩圓并等。半圓與兩半圓并等。圓分
與相似兩圓分并等。本篇卅一可推

三系三線爲連比例。以爲徑所作三圓亦爲連比

例推此可求各圖之相與爲比例者。又可以圖求

各圖之相與爲比例者。

本篇十九二十之系可推

一增題直線形求減所命分其所減

所存各作形與所設形相似而體勢


等。

法曰。如甲直線形求減三分之一其

所減所存各作形與所設乙形相似

而體勢等。先作丙丁形與甲等與乙相似而體勢等。

本篇廿五次任于其一邊如丙戊上作丙己戊半圓次



分丙戊爲三平分而取其一庚戊。次從庚作已庚。

爲丙戊之垂線。

本篇九

次作已丙已戊兩線。末于已

丙已戊上作已辛已壬兩形。各與丙丁相似而體

勢等。

本篇十八

卽所求。

論曰。丙已戊角形。旣負半圓。爲直角。

三卷卅一

卽丙丁

直線形。與已辛已壬相似之兩形并等。

本篇卅一

而于

等甲之丙丁形。減已壬存已辛。兩形各與丙丁相

似而體勢等。則與乙相似而體勢等。今欲顯已壬

爲丙丁三分之一者。試觀丙庚已丙已戊兩角形旣相

似入本篇

卽丙庚與庚己之比例。若丙己與己戊也。

本篇四

夫丙庚庚己庚戊三線爲連比例。卽丙庚與

庚戊爲丙庚與庚己再加之比例。

本篇八之系

而已辛

與己壬兩形亦爲丙己與己戊兩相似邊再加之

比例。

本篇十

卽丙庚與庚戊兩線之比例。若己辛

與己戊兩形也。

兩比例爲兩同理比例之再加故

合之則丙戊與

庚戊之比例。若等己辛己壬兩形并之丙丁與己

壬矣。丙戊三倍于庚戊則丙丁亦三倍于己壬而

己壬爲等甲之丙丁三分之一。

若直線形求減之。不論所減所存何形。其法更易。



如甲形求減三分之一。先作乙丙平

行線形與甲等。一卷次分乙丁為三

平分。而取其一戊丁。末從戊作己戊

線與丙丁平行。即戊丙形為等甲之乙丙形三分

之一。本篇



今附。若于大圖求減所設小圖。則以圖

徑當形邊。餘法同前。如上圖

又今附。依此法。可方一初月形。方初月形者謂

作直角方形。如甲乙丙丁圖。其界上有附圖四分。與初月形等。

之一之乙壬丙戊初月形。而求作一直角方形。與

初月形等。先從乙丙作甲乙丙丁內切

圓。直角方形。六三卷。次用方形法四平分


之。即其一為所求方形。與初月形等。何


者甲乙丙半圓。與甲乙乙丙上兩半圓并等。本增題之

附今甲乙乙丙兩線自相等。即其上兩半圓亦自相

等。而庚乙壬丙分圓形。為大半圓之半。即與乙己

丙戊小半圓等。此兩率者各減一同用之。乙己丙







壬圓小分其所存乙壬丙戊初月形與
 庚乙丙角形等而庚巳丙辛直角方形
 與庚乙丙角形亦等則與乙壬丙戊初
 月形亦等依顯甲乙丙丁直角方形與大圓界上

四初月形并等

二增題兩直線形求別作一直線形為連比例



法曰甲與乙丙丁兩直線形求別作一
 直線形為連比例先作一戊巳庚直線



形與甲等與乙丙丁相似而體勢等

本篇


廿次以兩形相似之各一邊如戊己乙丙爲前中
率線而求其連比例之末率線爲辛壬本篇末于
辛壬上作辛壬癸形與兩形相似而體勢等本篇
卽所求十八

論曰戊己乙丙辛壬三線既爲連比例卽其上二
形相似而體勢等者亦爲連比例本篇
廿二

今附有兩圖求別作一圓爲連比例則以圓徑當
形邊依上法作之

三增題三直線形求別作一直線形爲斷比例

法曰。一甲、二乙、丙、丁、戊、三己、庚、辛、三直線形。求別
 作一直線形為斷比例。先作壬癸子丑形與甲等。
 與乙丁相似而體勢等。本篇廿五次以三形之任各一



邊如壬癸、乙丙、己庚為三率。求其
 斷比例之末率線為寅卯。本篇十二末
 于寅卯上作寅卯辰形與己庚辛
 相似而體勢等。本篇十八即所求。
 論曰。四線既為斷比例。即其線上
 形相似而體勢等者。亦為斷比例。

本篇

廿二

今附有三圖求別作一圓為斷比例亦以圓徑當形邊依上法作之

四增題兩直線形求別作一形為連比例之中率


法曰甲與乙丙丁兩直線形求別作

一形為連比例之中率先作戊己庚

直線形與甲等與乙丙丁相似而體

勢等本篇廿五次求戊己乙丙兩直線連比例之中率

為辛壬本篇十三末于辛壬上作辛壬癸形與戊己乙



丙上形相似而體勢等。本篇十八即所求。

論曰戊己辛壬乙丙三線既為連比例即各線上

戊己庚辛壬癸乙丙丁三形亦為連

比例。本篇廿二


又法曰甲乙兩直線形求別作一形

為連比例之中率先作丁丙己戊平

行線形任直斜角與甲等。一卷四五次作庚戊壬辛平

行線形與乙等與丁己形相似而體勢等。本篇廿五次


置兩平行線形以戊角相聯而丁戊戊壬為一直



線。卽庚戌戊巳亦一直線。一卷十末

五增

從兩形引長各邊。成丙子辛癸平行線形。卽兩餘方形俱爲丁巳庚壬兩形之中率。



論曰。丁巳庚壬兩形。旣相似而體勢等。卽丁戌與戊巳戌之比例。若戊壬與戊庚也。更之。卽丁戌與戊壬若巳戌與戊庚也。夫丁戌與戊壬兩線之比例。亦若丁巳與戊癸兩形。巳戌與戊庚兩線之比例。又若戊癸與庚壬兩形。則戊癸爲丁巳庚壬之中

率矣。

又論曰。丁巳、庚壬兩形。既相似而體勢等。卽同依丙辛對角線。本篇廿六而子戊、戊癸兩餘方形自相等。則丁巳與戊癸兩形之比例。若子戊與庚壬兩形。何者。此兩比例皆若丁巳與戊壬也。則子戊、戊癸皆丁巳、庚壬之中率也。

今附若兩圓求作一圓爲連比例之中率。亦以圓徑當形邊。依上前法作之。

五增題。一直線形求分作兩直線形。俱與所設形

相似而體勢等。其比例。若所設兩幾何之比例。

法曰。甲直線形。求分作兩直線形。

俱與所設丁形相似而體勢等。其

比例。若所設兩幾何。如乙線與丙


線之比例。先作戊己庚辛直線形。

與甲等與丁相似而體勢等。本篇廿五次任用其一邊。

如戊辛兩分之于壬。令戊壬與壬辛之比例。若乙

與丙也。分法。先以乙丙兩線聯為一直線。次截戊壬與壬辛。若乙與丙。見本篇七。次于

戊辛上。作戊癸辛半圓。次從壬作癸壬。為戊辛之



垂線次作戊癸。癸辛線相聯。末于戊癸。癸辛上作

戊丑子癸。癸卯寅辛。兩形與戊庚形俱相似而體

勢等。本篇十八即此兩形并與甲等。又各與丁相似而

體勢等其比例。又若乙與丙。

論曰。戊癸辛既負半圓為直角。三卷卅一即戊子。癸寅

兩形并與等戊庚之甲等。本篇卅一又戊壬與壬癸之

比例。若戊癸與癸辛。俱在直角兩旁故見本篇四戊壬壬癸壬

辛三線為連比例。即戊壬與壬辛為戊壬與壬癸

再加之比例。本篇八而戊子與癸寅兩形亦為戊

癸與癸辛兩相似邊再加之比例。本篇二十則戊壬與

壬辛之比例亦若戊子與癸寅也。兩比例爲兩同理比例之再加

故夫戊壬與壬辛元若乙與丙也則戊子與癸寅

亦若乙與丙也。


今附若一圓求分作兩圓其比例若所設兩幾何

亦以圖徑當形邊依上法作之。

六增題一直線形求分作兩直線形俱與所設形

相似而體勢等其兩分形兩相似邊之比例若所

設兩幾何之比例。



法曰。甲直線形。求分作兩直線形。俱與所設丁形相似而體勢等。其兩分形。兩相似邊之比例。若所設兩幾何。如乙線與丙線之比例。先

以乙與丙兩線。求其連比例之末率。為戊。本篇十一次

作己庚辛直線形。與甲等。與丁相似而體勢等。次

任用其一邊。如己辛。兩分之于壬。令己壬與壬辛

之比例。若乙與戊也。本篇十次于己辛線上。作己癸

辛半圓。次從壬作癸壬。為己辛之垂線。次作己癸

癸辛兩線相聯。末于已癸。癸辛上作已子癸。癸丑辛兩形俱與丁相似而體勢等。卽此兩形并與等甲之已庚辛等而已。癸癸辛兩相似邊之比例。若乙與丙。

論曰已癸辛。旣負半圓爲直角。

三卷卅一

卽已子癸。癸

丑辛兩形并與等已庚辛之甲等。

本篇卅一

又已壬與

壬癸之比例。若已癸與癸辛。

俱在直角兩旁故見本篇四



已壬

壬癸壬辛三線爲連比例。卽已壬與壬辛爲已壬

與壬癸再加之比例。

本篇八之系


夫已壬與壬癸之比



乙 丙 戊

例。既若巳子癸。癸丑辛。兩形相似。
邊之巳癸與癸辛。而乙與戊。元若
巳壬與壬辛。乙與戊。元爲乙與丙
再加之比例。則巳癸癸辛之比例。
若乙與丙。

今附若一圖。求分作兩圖。其兩圖徑之比例。若所
設兩幾何。倣此。
七增題。兩直線形。求并作一直線形。與所設形相
似。而體勢等。



法曰。甲、乙、兩直線形。求并作一形。與

所設丙形相似。而體勢等。先作戊、丁

巳形。與甲等。作巳、庚、辛形。與乙等。又

各與丙相似。而體勢等。本篇廿五次置兩

形。令相似之戊、巳、辛、兩邊聯為直角。次作戊、辛

線相聯。末依戊、辛線作戊、辛、壬。與丙相似。而體勢

等。即與上兩形并等。本篇卅一如所求。

又法曰。作一平行方形。與甲、乙、兩形并等。一卷四五次


作戊、辛、壬角形。與平行方形等。又與丙相似。而體

勢等即所求

勢等。即所求。

今附。若兩圓求并作一圓。亦以圓徑當形邊。依法作之。

八增題。圓內兩合線。交而相分。其所分之線。彼此互相視。



解曰。甲乙丙丁圓內。有甲丙、乙丁、兩合線。交而相分于戊。題言所分之甲戊、戊丙、乙戊、戊丁、爲互相視之線者。謂甲戊與戊丁。若乙戊與戊丙也。又甲戊與乙戊。若戊丁


與戊丙也。

論曰。甲戊偕戊丙、與乙戊偕戊丁、兩矩內直角形

等。三卷卅五卽等角旁之兩邊。爲互相視之邊。本篇十四


九增題。圓外任取一點。從點出兩直線。皆割圓至規內。其兩全線與兩規外線。彼此互相視。若從點作一切圓線。則切圓線爲各割圓全線。與其規外線之各中率。

解曰。甲乙丙丁圓外。任取戊點。從戊作戊丁戊丙兩割圓至規內之線。遇



圓界于甲于乙。題言戊丙戊乙戊丁。
 戊甲互相視者。謂戊丙與戊丁。若戊
 甲與戊乙也。又戊丙與戊甲。若戊丁
 與戊乙也。

論曰。試從戊作戊己線。切圓于己。即戊丙偕戊乙、
 矩內直角形。與戊己上直角方形等。三卷卅六又戊丁
 偕戊甲、矩內直角形。與戊己上直角方形亦等。即
 戊丙偕戊乙。與戊丁偕戊甲。兩矩內直角形。自相



等。而等角旁之兩邊。為互相視之邊。本篇

四。又戊丙偕戊乙。戊丁偕戊甲。兩矩內

直角形。各與戊己上直角方形等。三卷卅六

即戊丙。戊己。戊乙。三線為連比例。戊丁。


戊己。戊甲。三線亦為連比例。而戊己為

各全線與其規外線之各中率。本篇十七

十增題。兩直線相遇。作角。從兩線之各一界。互下


垂線。而每方為兩線。一自界至相遇處。一自界至

垂線。則各相對之兩線。皆彼此互相視。



解曰。甲乙丙乙兩線相遇于乙。作甲乙丙角。從甲作丙乙之垂線。從丙作甲乙之垂線。若甲乙丙為鈍角。即如前圖。兩垂線當至甲乙丙乙之各引出線上。為甲丁為丙戊。其甲戊丙丁交而相分于乙也。若甲乙丙為銳角。即如後圖。甲丁丙戊兩垂線當在甲乙丙乙之內。交而相分于己也。題言兩圖之甲乙乙戊丙乙乙丁皆彼此互相視者。謂甲乙與乙丙。若丁乙與乙戊也。又甲乙與丁乙。若乙

丙與乙戊也。



與乙戊也。


又論曰。依前圖。可推後圖之甲丁、丙戊。交而相分于己。其甲己、己丁、丙己、己戊。亦彼此互相視。蓋甲

論曰。甲乙丁角形之甲乙丁、甲丁乙、兩角與丙乙戊角形之丙乙戊、丙戊乙、兩角各等。兩為直角。兩于前圖為交角于後圖為同角。故即兩形為等角形。而甲乙與丁乙。若乙丙與乙戊也。本篇四更之。則甲乙與乙丙。若丁乙

已戊丙已丁。既為等角形。即甲已與已戊。若丙已與已丁也。本篇四更之。則甲已與丙已。若已戊與已丁也。

十一增題。平行線形內。兩直線與兩邊。平行相交。而分元形為四平行線形。此四形。任相與為比例。

皆等。



解曰。甲乙丙丁。平行線形內。作戊己庚辛。兩線與甲丁丁丙。各平行。而交于壬。題言所分之戊庚庚己乙壬壬丙四形。任相與。

爲比例皆等。

論曰。戊壬與壬己兩線之比例。既若戊庚與庚己。

兩形。本篇又若乙壬與壬丙兩形。即戊庚與庚己。


亦若乙壬與壬丙也。五卷依顯乙壬與戊庚亦若

壬丙與庚己也。

十二增題。凡四邊形之對角兩線。交而相分。其所分四三角形。任相與爲比例皆等。

解曰。甲乙丙丁四邊形之甲丙、乙丁、

兩對角線。交相分于戊。題言所分甲



戊丁乙戊丙甲戊乙丁戊丙四三角
形任相與爲比例皆等

論曰甲戊與戊丙兩線之比例若甲戊丁與丁戊

丙兩角形又若甲戊乙與乙戊丙兩角形

本篇一 卽


甲戊丁與丁戊丙兩角形亦若甲戊乙與乙戊丙
也依顯甲戊乙與甲戊丁亦若乙戊丙與丁戊丙
也

十三增題三角形任于一邊任取一點從點求作

一線。分本形為兩形。其兩形之比例。若所設兩幾

何之比例。

先法曰。甲乙丙角形。任于一邊。如乙丙上。任取一點為丁。求從丁作一線。分本形為兩形。其兩形之




比例。若所設兩幾何。如戊線與己線之比

例。先以乙丙線。兩分之于庚。令乙庚與庚

丙之比例。若戊與己。本篇其庚與丁。若同

點。即作丁甲線。則乙丁與丁丙兩線之比

例。若乙丁甲與丁丙甲兩角形也。本篇是丁甲線



所分兩形之比例。若戊與己。

次法曰。若庚在丁丙之內。亦作丁甲線。次
 從庚作庚辛線。與丁甲平行。次作丁辛線
 相聯。即丁辛線。分本形為兩形。其比例。若
 戊與己者。謂乙丁辛甲。無法四邊形。與丁丙辛角
 之比例。若乙庚與庚丙也。亦若戊與己也。
 論曰。試作庚甲線。即辛庚甲。庚辛丁。兩角形等。
 七次每加一丙庚辛角形。即丙庚甲。丙辛丁。兩角
 形亦等。則甲乙丙全形。與丙庚甲角形之比例。若

甲乙丙與丙辛丁也。五卷分之則乙庚甲角形與

丙庚甲角形之比例。若乙丁辛甲無法四邊形與

丙辛丁角形也。五卷乙庚甲與丙庚甲兩角形之

比例。既若乙庚與庚丙。本篇則乙丁辛甲無法四

邊形與丙辛丁角形之比例亦若乙庚與庚丙也。

則亦若戊與己也。



後法曰。若庚在乙丁之內。亦作丁甲線。次
庚從庚作庚辛線。與丁甲平行。次作丁辛線
乙相聯。即丁辛線。分本形爲兩形。其比例。若

戊與己者。謂乙丁辛角形。與丁丙甲辛無法四邊

形之比例。若乙庚與庚丙也。亦若戊與己也。

論曰。試作庚甲線。如前推顯辛庚甲庚辛丁兩角

形等。

一卷卅七

次每加一乙庚辛角形。即乙庚甲與乙

辛丁兩角形亦等。則甲乙丙全形與乙庚

甲角形之比例。若甲乙丙與乙辛丁也。卷五


七分之。則丙庚甲角形與乙庚甲角形之

比例。若丁丙甲辛無法四邊形與乙辛丁


角形也。

五卷十七

反之。則乙庚甲角形與丙庚甲角形




之比例。若乙辛丁角形與丁丙甲辛無法四邊形也。乙庚甲與丙庚甲之比例。既若乙庚與庚丙。本篇一則乙丁辛角形與丁丙甲辛無法四邊形之比例。亦若乙庚與庚丙也。則亦若戊與己也。系凡角形任于一邊任取一點從點求減命分之一如前法作多倍大之比例。即得其所作倍數。每少于命分之一。如求減四分之一。即作三倍大之比例。減五分之一。即作四倍大之比例也。則全形與所減分之比例。其倍數若命分之數也。



十四增題。一直線形。求別作一直線形。相似而體勢等。其小大之比例。如所設兩幾何之比例。

法曰。甲直線形。求別作直線形。相似而體勢等。其甲形與所作形。小大之比例。若所設兩幾何。如乙與丙兩線之比例。先以乙丙及任用甲之一邊。如丁戊三線。求其斷比例之末率。為

己。本篇次求丁戊及己之中率線。為庚辛。本篇末




從庚辛上作壬直線形與甲相似而體勢等。即甲與壬之比例。若乙與丙。論曰。丁戊庚辛己三線為連比例。即一丁戊與三己之比例。若相似而體

勢等之甲與壬。本篇十九
二十之系


若先設大甲求作小壬。若乙與丙其法同如上圖。用此法可依此直線形加作兩倍大三倍四倍五倍大以至無窮之他形。亦可依此直線形減作二分之一三分四五分之一以至無窮之他形。其此形

與他形皆相似而體勢等。

有用法。作直角方形平行線形及各形之相加相減者。如甲乙丙丁直角方形。求別作五倍大之他



形。先以甲乙線引長之。以甲乙爲度。截取五分至戊。令乙至戊五倍大于甲乙也。次以甲戊兩平分于巳。次以巳爲心。甲戊爲界。作甲庚戊半圓。其乙丙線直行遇圓界于庚。卽乙庚爲所求方形之一邊也。末作乙庚辛巳直角方形。卽五倍大于甲丙。何



者。乙庚既爲戊乙乙甲之中率線。本篇十之三之系
 卽一戊乙與三乙甲之比例。若二庚乙上
 直角方形與三甲乙上直角方形之比例
 也。本篇二戊乙既五倍于乙甲。則乙辛亦
 五倍于甲丙。若戊乙爲乙甲之六倍。則乙
 辛亦甲丙之六倍。若戊乙爲乙甲三分之
 一。則乙辛亦甲丙三分之一。相加相減。倣
 此以至無窮。如甲乙丙丁平行直角形。求
 別作二倍大之他形。相似而體勢等。先以

甲乙線引長之。以甲乙爲度。截取二分。至戊。令乙至戊。二倍大于甲乙也。次以甲戊兩平分于己。次以己爲心。甲戊爲界。作甲庚戊半圓。其丙乙線直行遇圓界于庚。卽乙庚爲所求直角形之一邊也。次于甲戊線上。截取甲辛。與乙庚等。從辛作辛壬線。與乙丙平行。次作甲丙對角線。引長之。與辛壬線遇于壬。末作丁癸。癸壬。成甲辛壬癸平行直角形。卽二倍大于甲乙。又相似而體勢等。何者。戊乙乙庚乙甲三線。旣爲連比例。本篇十之三之系如前論。一戊

乙與三乙甲之比例。若二等乙庚之甲辛。上平行

直角形甲壬。與三甲乙上平行。直角形甲丙也。本篇

二十之系。戊乙既二倍于甲乙。則甲壬亦二倍于甲丙。

用此法。凡甲乙上。不論何等形。與乙庚上形相似。

而體勢等者。其乙庚上形。皆二倍大于甲乙上形。

相加相減。俱倣此。以至無窮。

今附。若用前法作圖。則乙庚徑上圓。亦二倍大于

甲乙徑上圓。相加相減。倣此。以至無窮。

以上用法。與本增題同。但此用法。隨作隨得中率。

線不費尋求。致為簡易耳。

十五增題。諸三角形求作內切直角方形。

法曰。如甲乙丙銳角形。求作內切直角方形。先從

甲角作甲丁為乙丙之垂線。次以甲


丁線兩分于戊。令甲戊與戊丁之比

例若甲丁與乙丙 本篇一增題 末從戊作

己庚線與乙丙平行。從己從庚作己

辛庚壬兩線皆與戊丁平行。即得己

壬形如所求。若直角鈍角形。則從直角鈍角作垂



線餘法同 如第二節

三圖是

論曰。己戊庚線。既與乙丙平行。即乙丁與丁丙。若己戊與戊庚也。本篇四之增題合之。即乙丙與丁丙。若己

庚與戊庚也。又丁丙與甲丁。若戊庚


與甲戊。甲丁丙與甲戊庚為等角形故見本篇四之系平之。

即乙丙與甲丁。若己庚與甲戊也。又

甲丁與乙丙。若甲戊與戊丁。平之。即

乙丙與乙丙。若己庚與戊丁也。乙丙

與乙丙同線。必等。即己庚與戊丁必等。而已庚與



幾何原本

卷

辛壬又等。

一卷卅四

戊丁與己辛庚壬亦等。則己庚庚


壬壬辛辛己四邊俱等。又戊丁辛既直角。即己辛

丁亦直角。

一卷廿九

其餘亦皆直角而已壬為直角方

形。



又法曰。若直角三邊形。求依乙角作

內切直角方形。則以垂線甲乙兩分

于丁。令甲丁與丁乙之比例。若甲乙

與乙丙。

本篇十

次從丁作丁戊直線。與乙丙平行。從


戊作戊己直線。與甲乙平行。即得丁己形。如所求。


論曰。乙丙與甲乙。既若丁戊與甲丁。甲乙丙甲丁
戊爲等角形
故見本篇而甲乙與乙丙。又若甲丁與丁乙。平之。
卽乙丙與乙丙。若丁戊與丁乙也。乙丙與乙丙同。
線必等。卽丁戊與丁乙必等。而丁己爲直角方形。
今附如上三邊直角形。依乙角作內切直角方形。
其方形邊必爲甲丁己丙兩分餘邊之中率。何者。
甲丁與丁戊。若戊己與己丙故。本篇四
之系


幾何原本第六卷終

番禺孟鴻光校









PL
2451
P29
U.100

同文算指通編序

自邇馬呈祥圖書闡秘義軒聖人則而象之而容成隸
首推演其法數學於是焉肇世所傳上中下三等法卽
未必盡出黃帝要之自然相生開天立教非聖人不能
作也然古者列于六藝上有教下有習孔門七十二賢
兼通其事而學者猶云藝成而下何至如今不通一事
舉數學且失傳哉蓋自秦火爲虐古先象數圖書煨燼
殆盡竊意裨海之外垓埏之遠必有秦炬所不及異書
異術可以同文互證而數年來乃得西國數學種種成

書皆生平未見一大奇也往予晤西泰利公京邸與譚
名理累日頗稱金蘭獨至幾何園弦諸論便不能解公
歎曰自吾抵上國所見聰明了達惟李振之徐子先二
先生耳未幾余有事巡方卒卒未再叩而公已卽世求
之方冊徐太史爲譯幾何李水部爲推算指而余乃獲
因利公未泯之緒以尋古數學于不墜或曰世術乘除
非數歟曰此竄藪也用之離合變化而其法窮積渺忽
遞至正載而又窮因顯測微因可見測不可見而又窺
假令數術止是三尺之子頃刻可以擅能何以通之聖

門遂稱賢哲而昔人攻治其業至五年而始成哉此其
指可識矣夫天地名物無非此數律度量衡準繩規矩
數所紀也故曰極其數遂定天下之象然數有體有用
恢之乎不可窮約之于無何有皆體也參伍錯綜萬變
莫測則其用也算指所言大抵皆用之之法標準于損
益乘除極變于開方句股援新而傳諸舊合異而歸諸
同勢緒難領則立多端以析之義意難明復設假例以
通之而數之蘊於是始顯變始盡其用心良已勤牖世
良亦切矣易曰制而用之謂之法又曰利用出入民咸

用之謂之神法而不適於用與用而不利於用皆不足以盡神是編所傳匪籌匪觚惟馮三寸不韋盡乎天地名物律度量衡準繩規矩離合變化因所見測所不見之用而無或差忒此所謂神也振之夙稟靈心兼容武庫而復孜孜問學意有所向輒屏營一氣極慮研精以求至當是故獨至之解每不可及用志不分之效也茲服闋入長安屬禮官上書訪海內專門之業儻造膝而求所謂同文之指幸出之枕中公諸史館異日爲蘭臺石室之藏彰我國朝同文之盛卽謂十經九執雖亡不

亡可也謹敘簡端并質之太史公

鄭圃居士楊廷筠撰

同文算指通編總目

卷之一

三率準測法第一 補八條

變測法第二 補五條

重準測法第三 補十四條

卷之二

合數差分法第四上 補二十六條

卷之三

合數差分法第四下 補十五條

和較三率法第五

補三條

借衰互徵法第六

補三條

卷之四

疊借互徵法第七

補三條

又補盈胸十條
疊數盈胸八條

卷之五

雜和較乘法第八

俱補

遞加法第九

補例十二條

倍加法第十

卷之六

測量三率法第十一

補句股略十五條

總論

開平方方法第十二

開平奇零法第十三

卷之七

積較和相求開平方諸法第十四

俱補

凡七則

卷之八

帶縱諸變開平方方法第十五

俱補

凡十一則

開立方方法第十六

廣諸乘方法第十七

一乘至七乘

尋原

奇零諸乘第十八

同文算指通編總目畢

同文算指通編卷一

西海 利瑪竇 授

浙西 李之藻 演

三率準測法第一

數有顯隱必賴顯以徵隱故列前三率求後一率先定
三率之位大都取其相準如貨準貨錢準錢之類凡第
三率必與第二率相乘而以第一率除之因得第四率
爲所求舊名異乘同除

假如錢四貫得貨十二斤今問錢二十貫當得貨幾斤

則以二十爲三率以十二爲二率與相乘以四貫爲一率

第一率 四貫 二率三率乘得二百四十數以一

第二率 十二斤 率之四除之每分得六十數爲所

第三率 二十貫 求蓋第一率與第三率相準也而

第四率 六十斤 第二率又與未知之第四率相準

相準故以相推妙在相準

假如米六十石足支五月今問有米一百三十二石足支幾月此以六十石爲一率五月爲二率今有一百三

十二石爲三率以與二率相乘以第一率六十除之

第一率 六十石

第二率 五月

以五乘一百三十二得六百六十數乃以六十除之得一

第三率 一百三十二石

十一月

第四率 一十一箇月

右試法二率三率相乘如前却以第四率除之仍得第一率則所推不誤

又法移第三率爲第一率第四率爲第二率却以第一爲第三如前二三乘之以一除之所得第四率必合第

二率

第一率 二十貫

一百三十二石

第二率 六十觔

四乘六十得二百四十以

十一月

十一乘六十得六百六十以一

第三率 四貫

二十除之得十二

六十石

百三十二除得五

第四率 十二觔

五月

又有化多為寡之法先尋紐數凡一數可以除盡兩數者為紐數其兩數亦取相準者為用因以相對乃取紐數所得置本位下乘除如前若無紐數者則否

一率 四——一

此以四為紐數而一率對一

此亦以四為紐數而一率對三

一率 十二 十三

二率一四如四三四十二

十二

率一四如四五四二十故以一

三率

二十 二十

故以一代四

五

代四以五代二十依法乘之得

四率

六十 六十

仍依法乘得六十

六十

六十如前

又式

一率

三十六 十三

此以十二為紐數者三之為三

四

此以九為紐數而換一率

二率

四十八 十四

十六故以三更之四之為四十

四十八

三率者四九三十六故代

三率

六十三 六十三

入故以四更之依前

七

之以四也七九六十三故

四率

八十四 八十四

乘除仍得八十四

八十四

代之以七也仍前乘除亦

得八十四

又三率準測之法以一率除二率得數乃以乘第三率
所得第四率不異前法

一率 六十

先以一率除二率得六以乘第三率推得第四率

二率 三百六十

三率 一百三十二

四率 七百九十二

又法先以第一率除第三率得數以乘第二率乘出數
爲第四率亦如前

一率 六十

以一率除第三率得二零六十之十二約之乃五分之一爲用數以

二率 三百六十

乘第二率仍得七百九十二如前

以上二法皆用

三率 一百三十二

先除後乘但除之不盡必用零乘

四率 七百九十二

之法故不若從前先乘後除爲捷

右準測法之變凡三而喫緊在於定位孰爲第一率孰爲第二三率應前者前應後者後又或前者反後後者反前者畧具凡例如左

問用銀四十四兩買絹五十二匹今買二百六十匹該銀幾何此所問者二百六十匹則以二百六十爲第三率以原買絹五十二爲第一率相當而以四十四爲第

二率以當所測之第四率

一 五十二匹

二 四十四兩

三 二百六十匹

四 二百二十兩

問買絹五十二匹用過價四十四兩今有銀二百二十兩該絹幾匹此所指者銀數則以今有銀爲三率原價爲一率與相當而以買過絹爲二率乘之

一 四十四兩

二 五十二匹

三 二百二十兩

四 二百六十匹

問用銀四十四兩不知糴米若干曾見有人以銀二百
二十兩糴米二百六十石

一 二百二十兩

二 二百六十石

三 四十四兩

四 五十二石

問有人糶米五十二石不知得銀幾何曾見有人糶米二百六十石得銀二百二十兩

一 二百六十石

二 二百二十兩

三 五十二石

四 四十四兩

右四問總是一法所問不同以辨三率之位

問有人七日行二百一十里今行一千六百里須幾日

一 二百一十里

二 七日

三 一千六百里

四 五十三日又二百一十分日之七十

刻法每日一百依法以乘子數七十得七千以母數二百一十除之得三十三刻又三分刻之一

問椒一觔不知其價見人買六十觔用價二十兩

一 六十觔

二 二十兩 二率乘三率仍得二十却以一率之六十除之係以多除少者說在前編奇零除法

三 一觔 立一爲母倒位互乘以除之

四 $\frac{60}{120}$ 約之乃三分兩之一也求分釐法依前編以兩化之子乘母除得三錢三分三釐三

三

問穀每石價銀一兩七錢五分米每石價銀二兩五錢
今有穀三百九十六石照價折米該若干

一 二兩五錢

二 一兩七錢五分

三 三百九十六石

四 二百七十七石二斗

若問米二百七十七石二斗照價該准穀若干者卽
以一兩七錢五分爲第一率二兩五錢爲第二率以

二百七十七石二斗爲第三率

問有八成金五十兩價銀二百兩今有九成金四十兩該銀若干此因有成色有兩數有價數法當取成色折足色後用準測推之五八四十爲第一率二百兩爲第二率四九三十六爲第三率

一 四十兩

二 二百兩

三 三十六兩

四 一百八十兩

問銀一百兩零七錢八分雇工築堤四百丈零四分今
欲築堤一千丈零四分三釐該銀幾何此法化兩爲分
化丈爲釐以列三率

一 四萬四十釐 化四百丈四分

二 一萬七十八分 化一百兩七錢八分

三 一十萬四十三釐

四 二百五十一兩八錢六釐又四千零四分釐之二

千一百三十 約之乃二千二之一千六十五以
毫歸整乃五毫三絲一忽九微六
纖

問住居七箇月零十五日已支銀二百兩七錢八分又
七分之二若住六年該費若干此化年月爲日化兩
爲分以列三率

一 二百二十五日

二 二萬七十八分又七分之二

三 二千一百九十日 每年作三百六十五日

四 一十九萬五千四百二十八分又一千五百七十

五分之三千二十 卽一千九百五十四兩二錢
八分六釐四毫七絲六忽八

微七纖不盡

問有蠟十觔零五分觔之二又七兩零二分兩之一共
價銀二兩六錢今有銀九錢買蠟幾何曰此謂三不同
類之率因蠟有斤有兩又有零分銀亦有兩有錢故云取一最細數爲君以大
數化之取原價二兩六錢爲二十六錢取原蠟十觔零
五分觔之二又七兩零二分兩之一爲一百七十三兩
零十分兩之九即一千七百三十九錢也每斤十六兩先以十斤乘得一百六十數次以五之二乘得五之三十二乃共得一百六十六兩零五之二也次加七兩得一百七十三兩其所零二之一併前所零五之二用併母法互乘積之爲十分兩之九總之如上數

一 二十六錢

二率乘三率依前編
零乘之法歸整得一

二 一百七十三兩一十分兩之九 千五百六十五又一十之一乃以第

三 九錢 一率用零除之法則一十乘二十六

四 六十兩又二百六十之五十一 得二百六十為四率約之如上照斤

法得三斤十二兩一錢九分又六十

五之四在前通問十四

問欲買鰲鼈八分丈之七價若干曰曾買三分丈之一

原價四分兩之三算之

一 三三

二 四三

二三相乘得三十二之二十一以一除之依零除借母倒位乘得三十二之六十三

三八七

歸整爲一兩又三十二之三十一也卽一兩九錢六分八釐七毫五絲

四 二二 三三

一兩

問煉礦求銀初火煉得三之二再火得七之五又入火

得五之四凡三火共得足銀一十六兩原礦若干此併

子併母求之以三子相乘二五得一十又爲首率以三

母相乘三七二十一又以爲次率一十六爲三率

五乘得一百零五

一 四十

二 一百零五

三 一十六兩

四 四十二兩

問築牆上廣一尺下廣四尺高一丈二尺今上廣如故
下廣僅二尺一寸可高若干法以較求之取原上廣較
原下廣所差爲一率以原高數爲二率今築下廣較原
下廣差爲三率

一 三十寸 上廣不及下廣數

二 一百二十寸 高

三 一尺九寸 今下廣減原下廣

四 七十六寸

右法若以築高七尺六寸問上廣若干者以築高數乘原上下廣較而以原高數除之

問築牆上廣二尺下廣六尺高二丈今已築至上廣三尺六寸量高若干亦以上下廣較爲一率原高爲一率今所築中廣以較下廣差數爲三率

一 四十寸 原上下廣較

二 二百寸 原高

三 二十四寸

四 一百二十寸

右法若問築至高一丈二尺問上廣者以築至數乘原上下廣較而以原高數除之

問築牆上廣十尺下廣三十尺高四丈今欲築至上廣九尺該接高幾何以今上廣較原上廣餘一尺爲主置第三率置原高四丈爲二率以原上廣不及下廣二十尺爲首率

一 二十尺 原上下廣較

二 四十尺 原高數

又法以原上下廣較減原

三 一尺 今上廣較
原上廣數

高爲實以今上廣與原上

四 二尺

廣較得數爲法除之亦同

右法若問再加二尺上廣幾何者以再加數與原上
下廣較相乘而以原高數除之

問驛使先發三十七里別以一騎追之馳一百四十五
里尙不及二十三里須追幾里可及此以先發及追去
未及之里推之知馳一百四十五里只追上一十四里
以追上數爲第一率疾馳數爲二率不及數爲三率

一 一十四里

二 一百四十五里

三 二十三里

四 二百三十八里又十四分里之三

問甲乙二人同步甲疾乙遲甲行百步乙纔行六十步
假使乙先行百步甲方舉步追之該幾步可及

一 甲行疾四十步

二 甲日行一百步

三 乙先去一百步

四 乙會甲二百五十步

問商人糴米三千五百石每石價銀六錢五分外用腳價銀五分就糴處以米准腳價則原數內該腳夫若干商存若干此以每石糴價爲首率總米爲次率腳價爲三率依法乘除先得腳價米爲四率以減總米餘爲存商之數

一 六錢五分

二 三千五百石

三 五分 腳價

四 二百六十九石二斗三升〇七勺又六十五分勺

之四十五約之爲一十三之九以減總米餘三千二百三

十石○七斗六升九合二勺又六十五分勺之

二十約之爲一十三之四爲存商之數

右係初糴未運送者故以原糴價算若已搬運到
倉則併糴價雇值每石共值七錢矣以七分爲首
率依衰分法求之只該脚米二百五十石

問蠶繭二百五十觔換綿八十八觔若繭百觔十觔一
觔一兩各該綿幾何此求觔兩法繭數爲首率綿爲次
率列繭百觔等爲三率有零分者以觔法十六化之再

除

一 二百五十觔

二 八十八觔

三 一百觔 一十觔 一觔 一兩

四 三十五觔五 三觔八兩 五兩六錢 三錢五

之一 即三兩二錢 三錢二分 三分二釐 分二釐

以上十五問見三率布置之序餘可觸類而通

變測法第二

前準測法皆以二率乘三率而以一率除之蓋以三率

視四率猶以一率視二率多寡相等可例推也又有變測之法假如第一率多于第三率而其第二率反少于第四率或一率少于三率而二率反多于四率者此當審其不相準之數而變法測之則以第一率乘第二率以第三率除之舊名同乘異除

問布長九丈濶三尺作衣一襲今有布但濶二尺亦欲作衣一襲增布若干此以三尺爲一率以九丈爲二率乘之以二尺爲三率除之

一 三尺

二 九丈

三 二尺

四 一十三丈五尺

若欲復前準測之法則移三率爲一率移一率爲二率却以二率爲三率而仍以二三相乘以一率除

問原借九成金五十四兩今以八成金抵還照成色該還若干

一 九成

二 五十四兩

三 八成

四 六十兩七錢五分

若欲復前準測法則以八成爲首率九成爲二率而以原借五十四爲三率

問母銀四千兩生息三年今母銀七千四百八十兩數
多于前只須幾年即可當前三年之息此以四千爲一
率三年爲二率乘之今母爲三率除之

一 四千兩

二 三年

三 七千四百八十兩

四 一年二百二十日六時四刻又三百七十四分刻

之八十六

若復前準測法則以今母爲一
率原母爲二率三年爲三率

問荒年麥半石價錢六百文作麥餅每餅重十兩值十

文今麥價四百文或貴至八百文而價仍每餅十文則其餅該增減若干

一 錢六百

二 餅十兩

三 錢四百

錢八百

四 餅十五兩

餅七兩五錢

移三率爲一率移一率爲二率而以二率爲第一三率乘之卽前準測法

問二百四十方步爲一畝合濶八步長三十步今濶只六步或濶至十二步各該長幾何

一 八步

二 三十步

三 六步 十二步

四 四十步 二十步

問方倉貯米三百八十四石原高八尺濶一丈二尺深
一丈今另建一倉照前米數亦高八尺但減深八尺或
增深一丈六尺各該濶幾何

一 一丈

二 一丈二尺

三 八尺 一丈六尺

四 一丈五尺 七尺五寸

問築一臺每日用夫三十工四年而成今每日用夫五十工或減至二十工各該幾時完工或不待四年于二年一百四十六日而成又或遲至四年零二百九十二日而成每日各應用夫若干此四難俱用一法而化年為日以一率乘二率以三率除

每年作三百六十五日

一 三十三三千四百六十日 一千四百六十

二 四年 四年 三十工 三十工

三 五十三 二十工 八百七十百
即二年 一百四 二千七百五十二日 即四年 二百九

四 八百^{七十} 六年 五十一 十六日 二十五工 十二日

間以兵八千五百共守一隘其糧僅支十一月若待餽
運至日尚須二十五箇月計當撤兵幾何留兵幾何而
後可供二十五月之食

一 十一月

二 八千五百人

三 二十五月

四 三千七百四十人當留 四千七百六十人當撤

以除得數爲留
數餘爲撤數

問象牙一枝因無大秤用小秤稱之不及其錘重一斤
十兩外加一錘重一斤四兩八錢稱得六十七斤依小
秤算該幾斤法併原加錘數爲首率以稱得數爲次率
原錘數爲三率

一 四十六兩八錢

二 六十七斤

三 二十六兩

四 一百二十斤又五之三

用加六求之卽九兩六錢

問原秤稱物重八斤二兩失去原錘欲另鑄錘配用不

知輕重另借別鍾以較原稱之物只六斤則原鍾若干

此須化斤為兩以加六通後稱數九十為首率以所借

鍾三十為次率原稱數一百三為三率得所求原鍾數

以斤法除之 一 九十六兩

二 三十七兩

三 一百三十兩

四 二十七兩三錢又一十三分錢之

三以斤法除得一斤十一兩三錢二分七毫不盡

問空車日行七十里若重載即日行五十里今載糧到

倉五日三返路遠若干法以五日爲首率以空車重車日行數相乘爲次率併空車重車日行數以三返乘之爲三率

一 五日

二 五百三十里

三 三百六十

四 四十八里又三十六之二十二

重準測法第三

凡數兩相較者皆兩兩相準故以已然爲一二率見在

爲三率以測四率若已然者先有雜數見在者又有雜數此當以類次第歸併而疊用三率之法推之準而又準測而又測爲重準測法

問每人每月織絹六匹若八人四年該幾匹此以一人爲第一率以六匹爲第二率以八人爲第三率八六乘得四十八爲第四率又以四十八爲所問第二率化四年作四十八箇月爲第三率依法乘得第四率

一 一人 先以人數 一月 卽八人之一月
測絹數 次以月數測絹數

二 六匹

四十八匹

三 八人

四十八月 即四年

四 四十八匹

二千三百四匹

又併法以一人乘一月為第一率以六匹為第二率以

八人乘四十八箇月為第三率而二三相乘以一除之

一 一人一月乘只是一數

凡不同數者用此乘法併之如人與月不同是也若月與年則同數者竟當化

二 六匹

一年為十二月不必相乘

三 三百八十四

矣

四 二千三百四匹

問雇役一千里運貨二百斤給值四兩今貨三百斤運

四千里該值幾何此以一千乘二百斤爲一率以四兩爲二率以三百乘四千爲三率

一 二十萬

併 二 四兩

法 三 一百二十萬

四 二十四兩

用 一 二百斤 先測貨價

一千里 次測里價

重 二 四兩

六兩

準 三 三百斤

四千里

法 四 六兩

二十四兩

問三人用米五石值銀三兩計食五旬每人每日該銀
米幾何此以三人乘五十日爲第一率以三兩及五石
各爲第二率以一人乘一日爲第三率二三相乘一率
除之

一 一百五十 三乘五十

併 二 三兩 三百分 五石 五百升

法 三 一 一乘一

四 二分 三升三合零三之一

一 三人 先以人準銀 五十日 次以日準銀米

重 二 三兩 五石 一兩 一石三三

準 三 一人 一日

四 一兩 一石三三 二分 三升又三三

問毋銀三百兩四年得子銀一百兩今有毋銀一千五百八十兩七年該出子銀幾何此以三百乘四年爲一率以一百爲二率以一千五百八十乘七爲三率

一 一千二百

併 二 一百

法 三 一萬一千六十

四 九百二十一兩又三分兩之二

一 三百

四年 次以四年子母相算

重 二 一百

五百二十六兩又三之三

準 三 一千五百八十

七年

四 五百二十六兩又三之二 九百三十一兩又三之二

問母銀十兩三箇月得子銀四兩若母銀一百兩欲得子銀二千兩須幾年此因有月在內須作重準測法先知百兩三月所得然後再測若只如前併法以四乘十

共作一率則所差多矣式具後

一 一十兩

此未言三箇月
但十兩之得四

四十兩

既得上數乃以
銀準月而推

二 四兩

兩以三月則百
兩之得四十兩

三月

三 一百兩

亦是三月緊要
在此便可再測

二千兩

四 四十兩

一百五十月

右法試之以十兩乘三月爲第一率以四兩爲第二率

以一百兩乘一百五十月爲三率而以二三相乘以一

率除之

此係倒法蓋帶月作一率三率者

一 三十

以一十乘三

二 四

三 一萬五千

以一百乘一百五十

四 二千

問有夏布四十五匹以換綿布兩價不等夏布每三匹
價二錢綿布每七匹價七錢五分該換若干匹法先以
三率法求夏布四十五匹共價若干次卽以所獲價爲
第三率以七錢五分配爲第一率七匹爲第二率推之

一 三匹

一 七錢五分

二 二錢

二 七匹

三 四十五匹

三 三兩

四 三兩

四 二十八匹

問將銀二十三兩買布七十五匹每匹長四丈濶二尺
今另買布濶一尺六寸長與前等該減前價若干此先
求每尺之價以四丈乘全布又以濶二尺乘_{六十}爲首
率價銀爲三率另立一尺爲三率求得四率爲尺價次
求應減之價乃移三四率爲一二率以兩濶相減餘四
寸乘原長三千尺_{一百尺}爲三率
一 六千尺
一 一尺

二 二十三兩

三釐八毫三絲又三之一

三 一尺

一千二百尺

四 三釐八毫三絲又三之一 四兩六錢

問重舟日行八十里輕舟日行一百里今重舟先去一十五日輕舟幾日追及先求重舟一十五日行若干里得數用爲重測之三率而以輕舟每日多行二十里爲首率推之得四率爲追及之日

一 一日

一 二十里

二 八十里

二 一日

三 一十五日

三 一千二百里

四 一千二百里

四 六十日

問車輪半徑一尺九寸五分假令一日轉二萬周該幾里此因有里有尺又有寸有分須用再測先倍半徑得三尺九寸爲全徑數三因得一百一十七寸爲一周數以一周爲一率一百一十七寸爲二率二萬周爲三率推得尺寸共數乃以其數爲第三率以里法一千八百尺除之

一 一周

一 一千八百尺

二 一百一十七寸

二 一里

三 二萬周

三 二十三萬四千尺

四 二十三萬四千尺

四 一百三十里

問用磚砌溝九里每磚濶六寸每層該磚若干此以里求寸當化里爲寸每里一萬八千寸九里得一十六萬

二千寸乃求磚數

一 一里

一 六寸

二 一萬八千寸

二 一磚

三 九里

三 一十六萬二千寸

四 一十六萬二千寸

四 二萬七千磚

問撥夫一百名築城二百丈八箇月工完今仍用夫一百各給銀一百兩欲築城二萬丈幾月完工此以二百爲一率以八爲二率以二萬爲三率不用銀數以與夫數相同不算

一 二百丈

二 八月

三 二萬丈

四 八個月

問用夫三百名七箇月修過墩臺四十五座今有夫一千七百八十名亦七箇月可修墩臺若干座此與前法相同除月不用

一 三百名

二 四十五座

三 一千七百八十名

四 二百六十七座

問選鋒兵一名每月給銀四兩今有選鋒一萬三千名九箇月該給幾何此以一名乘一月爲一率以四兩爲

二率以九乘一萬三千爲第三率

一一

二四

三十一萬七千

四四十六萬八千

問馬十匹每一日用料七斗今有馬百匹養二十日用料幾何此以十匹乘一日爲一率以七斗爲二率以百乘二十爲三率

一一一匹

二 七斗

三 二千匹

四 一千四百斗

問開河長七百五十五丈上廣五丈四尺下廣四丈深
一丈二尺每夫每日開二百尺問幾工可完卽以二百
尺爲首率併上下廣折半得四十七尺以深乘之得五
百六十四尺爲次率以長爲第三率

一 二百尺

二 五百六十四尺

三 七千五百五十尺

四 二萬一千二百九十一工

問開濠下廣七尺上廣九尺深四尺長一千八百尺每夫每日穿一百四十四尺今用夫二百名幾日畢工此以二百人乘一百四十四尺得二萬八千八百爲法置第一率併上下廣折半以深乘得三十二尺爲二率以長爲第三率

一 二萬八千八百

二 三十二

三 一千八百

四 二日

問十二人九日共刈麥二十畝今有三十人刈麥四十畝該幾日此因有人數又有日數又有畝數當用重準法又以一率小于三率而四率反少于二率兼用變準法而重準則仍用準測法

一 十二人 先以人較 二十畝 次以日較畝

變 二 九日 日一率二 重 三日又五分日之三 率相乘三

準 三 三十人 率除之 準 四十五畝

四 三日又五分日之三 八日又十分日之一
問負米一石一斗二升行三十步日五十次今負米一
石二斗行四十步日可幾次此全用變準法以三十步
乘一石二斗二升爲首率五十次爲二率今負米一石
二斗以乘四十步爲三率

一 三百三十六

二 五十次

三 四百八十

四 三十五次

問金錢一文值銀一兩一錢五分今有銀一千兩該金
錢幾文此用化法二率乘三率以一率除

一 一百一十五分

二 一文

三 十萬分

四 八百六十九文又二十三錢之一十三

問金錢每文得銀一兩一錢五分今金錢四千文銀幾
何

一 一文

一百分

二 一百一十五分

一兩

三 四千文

四十六萬分

四 四十六萬分

四千六百兩

問烹砂煉金每日所得重三十銖今積得七斤八兩已採幾日法先化斤爲銖每斤三百八十四銖先求七斤八兩得銖若干乃以共銖求數

此是斤稱法

一 一斤

三十銖

二 三百八十四銖

一日

三 七斤八兩

二千八百八十銖

四 二千八百八十銖

九十六日

問煉銅入鑪一次每十斤得八斤今入鑪三次得七十

五斤一十三兩四錢四分原生銅若干此用化法化八

斤一萬二千八百分為首率化十斤一萬六千分為次率化三火銅

一十二萬一千三百四十四分為三率得四率為二火銅數乃即用四

率為三率以求一火銅得數又用為三率以求生銅其

一率二率不動依法乘除得數乃以斤法一十六除之

一 一萬二千八百分

二 一萬六千分

三一十二萬一千三百四分一十五萬一千六百八十

一十八萬九千六百

四一十五萬一千六百八十分一十八萬九千六百

二十三萬七千分即一百四十斤二兩

又捷法以八斤自乘六十再乘五百一十二為法以除三

火銅亦得二三七因有再乘各再進位以七為兩亦

同前法

問將銀雇匠採石不知銀數石數只云每石六十丈價
七兩七錢船價三錢總用鍛鑄炭火銀二百兩是六十

分之二則原銀幾兩買石幾丈石價船價總若干各若干法據鍛鐵炭火銀二百兩爲六十分之二已知原銀是六千兩內減二百兩只以五千八百兩爲實在之銀起算作第三率以六十丈爲第二率相乘得數乃以七兩七錢併船價三錢共八兩爲第一率除之得四率爲買石總數再置石總爲第三率以七錢七分爲二率乘之六十丈爲一率除之得石總價以減總銀餘得船價

一 八兩 六十丈

二 六十丈 七錢七分

三 五千八百兩

四萬三千五百丈

四 四萬三千五百丈

五千五百八十二兩五錢

此係石價

以減總銀餘二百一十七兩五錢爲船價加鍛鐵炭火二百兩仍足六

千兩

問毋銀六十兩置貨賣得六十四兩或只賣得五十七兩今有銀一百兩置貨賣之依前算該得多銀幾何或折銀幾何此以六十爲一率以所賣二數較之一增四兩一減三兩各爲二率以一百兩爲三率

一 六十兩

六十兩

二 四兩 多數

三兩 折閱數

三 一百兩

一百兩

四 六兩又三分兩之二

五兩

問有貨一百斤賣得子銀六十四兩不知母銀幾何茲

母銀一百兩賣得子銀六兩零三分兩之二其法以子

併母爲一率以母爲二率以所問六十四爲三率 所問六十

四兼有子母故相準第一率亦兼子母配之所求第四

率係原買母銀故第二率亦以母銀配之

一 一百六兩又三分兩之三

除貨一百斤不用只以銀數相準

二 一百兩

三 六十四兩

四 六十兩

每六十兩得子四兩則一百兩得子六兩零三分兩之二矣然則以六十四兩賣者必以六十

兩買也

問寶石一顆賣銀二百兩以其母銀較之每百兩折銀一十兩原買母銀若干此因百兩之內折一十當以九十兩爲一率以一百爲二率以二百爲三率

一 九十兩

欲以二百之子推求二百二十二兩有零之母先以九十兩之子及一百兩之母爲

二 一百兩

一率二率

三 二百兩

四 二百二十二兩零九分兩之二

問玉石一駝賣價三千六百兩今欲每母一百兩得利

一十兩必須于買價內原減得三兩方獲此利試問原

買價幾何此與前法相同以一百一十為第一率因所問在求母

三千六百兼子母故第一率亦以一百為第二率數故

以母數以三千六百兩為第三率

一 一百一十兩

二 一百兩

三 三千六百兩

四 三千二百七十二兩又十一分兩之八

再加三兩
卽原買數

問紵絲一千匹賣銀三千六百兩若原買價多六兩卽
每百兩折十兩欲知原價幾何此因百兩內已折一十
兩以九十兩爲一率以一百兩爲二率以三千六百兩
爲三率

一 九十兩

二 一百兩

三 三千六百兩

四 四千兩

再減六兩卽原價

問貨每一斤賣銀二錢卽母銀百兩已得息三十兩設
若每斤賣至二錢四分則百兩獲息幾何其法先求每
斤二錢之內母銀子銀各若干然後再據子母推之先
列所知子母全數一百三十爲第一率以母銀一百兩
爲第二率知母一百三十之內以三十爲子以推二錢
之內以若干爲子乃以二十分爲第三率依法乘除得
二錢之母銀亦卽二錢四分之母銀也次乃以母銀爲
一率以二錢四分內之子銀爲二率以一百爲三率

一百三十兩

一十五分又十三之五

二錢內
母數

二 一百兩

八又十三之八

二錢四分內
除去第一率
得此數

三 二十分

一百兩

四 十五分又十三之五

此是
母數

五十六兩

外皆
利息

問貨一百斤賣銀十兩總計每母百兩內已折十兩若
使每百斤只賣銀八兩則百兩之內所折幾何此須先
知一百斤之貨原值若干乃可重推先從百兩折十兩
得九十爲第一率以一百爲第二率以賣銀十兩爲第
三率依法乘除得百斤原本之數爲第四率卽以此爲

同治算抄通錄卷一

重準之第一率內推只賣八兩所折為第二率以總數

一百為第三率

一 九十兩

十一兩九之一

二 一百兩

三兩九之一

第一率內只賣八兩則所折者此數

三 一十兩

一百兩

四 十二兩又九之二

此得百斤正價未折之數 二十八兩

問買布五萬匹用銀一萬兩納過課銀五百兩費過車脚三百兩又納課銀二百兩又雇船一百兩又過關一

百兩又食費一千兩其費如此必每匹賣銀幾何然後
每匹獲息銀二錢法以五萬爲第一率以本價及諸費
共一萬二千二百兩化錢數爲第二率以一匹爲第三
率

一 五萬匹

二 十二萬二千錢

三 一匹

四 二錢零五十分錢之二十二

此係每匹本銀費過
之價此外再加二錢
共須四錢零五十分之
二十二方得利二錢

問布每匹長四十尺內該抽稅抽二尺有客持布三百匹稅司收布一十五匹半外貼錢六百文其布價每匹幾何此已知抽稅者爲二十取一也先求三百匹應抽之數數外皆應貼錢此所貼者半匹二十尺之價也倍之得每匹價

一 二十匹

一 二十尺
卽半匹

二 一匹

二 六百文

三 三百匹

三 四十尺

四 一十五匹

四 一千二百文

問有客販參不記母銀幾何但云每參六觔價銀七錢七分車脚三分又用過牙銀二百兩是原母三十之一其母銀數及參數價數各若干此以價_{七錢}併車脚_{三分}得八錢爲首率參六觔爲次率其牙銀_{二百}係母銀三十之一以加二倍得母銀六千內減牙銀餘五千八百兩爲三率得第四率爲參總率另以六觔爲首率減車價_{三分}以七錢七分爲次率參總爲三率求得第四率爲參共價以六除得參每觔價數

一 八錢

六觔 徑以首率除二率得每斤價一錢二分八厘三毫三之一

二 六觔

七錢七分

三 五千八百兩

四萬三千五百

四 四萬三千五百

五千五百八十二兩五錢 以減五千八百餘二百一十七兩五錢是車價

是車價

問以銀二十二兩八錢買黃白蠟均平其黃蠟每三觔

價四錢白蠟每一觔價五錢二色之價各若干此以兩

母子互乘 三五十一十五一四如四 併得一十九為首率兩母相乘

為次率總銀為三率求得二色各觔數

一 一兩九錢

二 三觔

三 二十二兩八錢

四 三十六觔 以價乘白蠟得一十八兩以價乘黃蠟三除之得四兩八錢

問飯僧不知人數初日每五十人米八斗次日每九十人米七斗共用米三十二石一斗米與僧各若干法用重測先將子母互乘 九十乘八得七百二十 併之 一千 為首率兩母相乘 四百 為次率共米為三率得僧數乃以僧數為三率各以子乘母除得二日米數

一 一千七十 五 九

二 四百五十 八 七

三 三十二石一斗 一千三百五十 一千三百五十

四 一千三百五十僧 二十一石六斗 一十石五斗

同文算指通編卷一

同文算指通編卷二

合數差分法第四上

總數一也而分之糴襍不齊者亦以準測齊之大抵以
總數爲第一率以總數所得爲第二率如以母得子或以銀得年月之類
分布而各爲之宗爲第三率若三率不盡者亦用重
準之法測之

問四商共販得子銀六千兩而各出母銀不同甲母六
十乙母一百丙母一百二十丁母二百每人該分子銀
若干先以四人共母爲第一率以所獲共子爲第二率

分置四母各一宗爲第三率以第二遞乘第三以一率除

一 四百八十

二 六千

三 六十

甲

一百

乙

一百二十

丙

二百

丁

四 七百五十

一千二百

一千五百

二千五百

問三商置貨同舟甲貨值三百兩乙貨值五百兩丙貨值一百八十兩遭風共棄貨值四百兩各照原值攤認法併三人值爲第一率以所棄值爲第二率分三人貨

值爲第三率疊以三率法乘除

一 九百八十

二 四百

三 三百_甲

四 一百二十二兩又九百

五百_乙

二百四兩又九百

七十三兩又九百八

一百八十_丙

八十分兩之四百四

八十分兩之八十

十分兩之四百六十

問三人共買貨四千斤值銀五百兩甲取一千三百斤
乙取一千四百六十斤丙取一千二百四十斤各該認
價若干此以總貨爲第一率以總價爲第二率以各人

所取數分三宗爲第三率

一 四千斤

二 五百兩

三 一千三百

甲

一千四百六十

乙

一千二百四十

丙

四 一百六十二兩又二

分兩

之二 一百六十二兩又二

分兩

之二 一百五十五兩

問三商共得子銀一千兩所出母銀多寡不一先後亦

不一甲母二百兩滿八箇月乙母四百五十兩滿六箇

月丙母五百兩滿十箇月此子銀一千者每人應分若

于其法以各母乘各月

以八乘二百得一千六百以六乘四百五十得二千七百以一

十乘五百得五
千共九千三百
總彙之爲第一率以所獲總子爲第二
率以各母及月分所乘出三宗爲第三率

一 九千三百

二 一千

三 一千六百^甲 二千七百^乙 五千^丙

四 一百七十三兩又 二百九十九兩又九 五百三十七兩又九

九十三分兩之四 十三分兩之三 十三分兩之五十九

問三商共販得子銀一千兩甲母三百兩十箇月乙母
七百兩丙母八百兩俱不知月其子銀則甲得分五百

兩乙得三百兩丙得二百兩要知丙丁二人出過母銀
幾月其法先取甲之知母知子知月者爲算以所分五
百爲第一率以一十月乘三百兩爲第二率共三已知
甲之五百乃三千中之五百矣次列乙丙所得子各一
宗爲第三率二三相乘而以一率除之得第四率卽乙
丙母銀乘月之數次乃各以其母除之仍得月數此于
四率外加一率兼重準測法云

一 五百 甲之子

二 三千 甲月與母乘

三 三百 乙之子以乘三千得 二百 丙之子以乘三千得

四 二千八百 此兼乙母乘乙月 一千二百 此兼丙母乘

二月又七分月之四 以乙母七百 一月又分月之 以丙母八百

問四商居積二年得利一萬兩甲原母三千兩至滿八月先取出一千兩至滿十九箇月又加一千二百兩乙原母二千四百兩至滿六箇月取出八百兩至滿十五箇月又加一千四百兩丙原母二千兩滿七月悉收回至滿一十七箇月別出母一千六百兩丁初不出母六箇月後方出一千八百兩又過四箇月取出九百兩至

滿十六箇月又增入一千五百兩此四人者於所獲息

一萬兩內計母計月各該分若干其法以四母各乘其

月甲作三段乘

三千兩乘八箇月得二萬四千數八月之後取去一千只存二千至十九月滿

共十一箇月以十一乘二千得二萬二千數其十九月之後又加一千二百共三千二百自第二十箇月起到底計五月以五乘三千二百

得一萬六千共得六萬二千

乙作三段乘

二千四百兩乘六箇月得

一萬四千四百兩此後除去八百兩只存一千六百兩

至滿十五月實九箇月以九乘一千六百得一萬四千四百兩其十五箇月之後又加入一千四百兩共本銀

三千兩到底計九箇月以九乘三千兩得二萬七千共得五萬五千八百數

丙作二段乘

二千兩乘

七箇月得一萬四千兩自滿十七箇月以後出本至二

年止共七箇月以七乘一千六百得一

丁作三段乘

六

萬一千二百共得二萬五千二百數

箇月以後出本一千八百兩滿四箇月以四乘一千八百得七千二百此後取去九百實存九百至第十六箇月滿計六箇月以六乘九百得五千四百此後又出本一千五百共二千四百到底計八箇月以八乘二千四百得一萬九千二百共
 得三萬一千八百數
 四人共計一十七萬四千八百
 爲第一率以所獲息爲第二率分各母乘月數爲四宗
 作第三率

一 一十七萬四千八百

二 一萬兩

三 六萬二千

甲

五萬五千八百

乙二萬五千三百

丙

三萬千八百

丁

四

三千五百四十六
兩又一千七百四

三千二百九十二
兩又一千七百四

一千四百四十一
兩又一千七百四

一千八百一十
九兩又一千七

十八分兩之二千

十八分兩之三

十八分兩之二千

百四十八分兩

五百九十二

八十四

二百三十二

之三百八十八

問三商同夥甲母四百兩乙三百兩八錢六分丙一千

兩零七錢九分三商共折銀一百兩各認若干此皆化

兩爲分

甲四萬乙三萬八十
六兩十萬七十九

併三人總分數爲第一率

以所折爲第二率分各母數三宗爲第三率

一 一十七萬一百六十五

二 一萬

三

四萬

甲

三萬八十六

乙

十萬七十九

丙

四

二千三百五十
又十七萬一百

一千七百六十
八又十七萬一

五千八百八十一
又十七萬一百六

六千五百一十萬

百六十五之八

十五之四萬九千

二千二百五十

千二百八十

六百三十五

問三商甲出母銀二百兩經十二月乙出母銀二百四十兩不知月丙出金若干不出銀經十箇月共得子銀一百三十八兩甲分六十乙得四十八丙得三十今問乙該幾箇月丙之金值幾何此以甲銀乘甲月共二千四百而知子銀六十出自二千四百也以六十為第一率以二千四百為第二率以乙丙各子為第三率二三相乘各以一除之其所得數 兼乙丙之母與月皆在其中矣乃以乙母除乙之四率而知乙之月八以丙月除

丙之四率而知丙之母金值銀一百二十兩

一 六十

二 二千四百 以上俱甲

三 四十八 乙

三十 丙

四 一千九百二十

一千二百

八月 以本銀除之得此數

一百二十兩 以月分除得此數

問三賈共販一年甲先出母銀一千兩乙母後二箇月方出丙母後四箇月方出俱不知其數幾何但所得子銀則均分要知乙丙各母之數此以所已知甲母甲月

以察其分息之數矣另併三人所乘母數月數爲第一
率以總子爲第二率分甲乙丙母所乘得爲第三率二
三相乘以一除之各得第四率爲所分子銀數

一 九百六十

甲母乘甲月

二 三百二十

乙得甲三之一

二百四十

丙得甲四之一

三 四十兩

乙以八除得此

六十兩

丙以四除得此

右已知乙丙之母銀再測如左

一 一千五百二十

甲九百六十乙三百二十丙二百四十併此數

二 一百九十

同文集補遺卷二

三 九百六十

甲

三百二十

乙

二百四十

丙

四 一百二十

四十

三十

問三商共母一千五百二十兩得子一百九十兩照母分之甲得一百二十兩乙得四十兩則丙所得若干又甲乙丙各母若干法就總子銀內減去甲乙所得子剩三十爲丙之子仍以總子爲第一率以共母爲第二率以各分子銀三宗爲第三率二三相乘以一除之得第四率爲各母

一 一百九十

二 一千五百二十

三 一百二十 甲之子 四十 乙之子

三十 丙之子

四 九百六十 甲之母 三百二十 乙之母

二百四十 丙之母

問三商總母一千五百二十兩總得子一千七百十兩
照母分子甲分一千八十兩乙分三百六十兩丙分二
百七十兩則每人各母若干其法併三人子數爲第一
率母爲第二率以各人所分得三宗爲第三率依準測
法得四率爲各母數就各以四率之數減其第三率之
數餘者爲各子數

一 一千七百一十

二 一千五百二十

三 一千八十_甲 三百六十_乙 二百七十_丙

四 九百六十 三百二十 二百四十

問二商共得子銀二百兩甲分五十兩乙分一百五十兩其母則乙多甲一倍又零八兩二人各出母幾何其法置甲五十乙倍之該得一百今分一百五十則知以贏母八兩故于一百數外多獲五十也依法列三率知五十之出于八則知一百五十之出于二十四矣

一 五十

二 八

三 五十

一百五十

四 八

二十四

問二商共貿甲母一百二十兩乙母一百八十兩共一
牙僧母子銀一百兩與牙銀十兩後得子銀一千兩各
該分幾何其法于一千內除去牙銀一百兩以實在子
銀九百兩爲算乃併甲乙母爲第一率實在子銀爲第
二率分甲乙母二宗爲第三率

同文算排通新卷二

一册

一 三百

二 九百

三 一百二十 甲母

一百八十 乙母

四 三百六十

五百四十

問三商共得子銀一千五百二十兩其母銀則甲出一千八十兩乙出三百六十兩丙不知所出幾何只言分得子銀二百四十兩今欲知丙母幾何甲乙所得子幾何其法先就總子數內減去丙子餘二千二百八十爲甲乙共得子數乃併甲乙母爲第一率以甲乙共子爲第

二率分甲乙二母數爲第三率法得第四率爲甲乙子

數

一 一千四百四十

併甲乙母

二 一千二百八十

併甲乙子

三 一千八十

甲母

三百六十

乙母

四 九百六十

甲子

三百二十

乙子

已知甲乙母子之數即可因丙子以求丙母乃併甲乙子爲一率併甲乙母爲二率丙子爲三率

一 一千二百八十

併甲乙子

月家集補遺卷二

二 一千四百四十 併甲乙母

三 二百四十 丙子

四 二百七十 丙母

問三商母銀各等一年內共得子銀一千兩但甲母閱七月乙母閱六月丙母則滿一年各該分子銀若干其法積甲乙丙總月爲第一率以總子爲第二率列三人各月數爲第三率

一 二十五月 併甲乙丙

二 一千兩

三七甲

六乙

十二丙

四 二百八十兩

二百四十兩

四百八十兩

問織絹每匹用絲一斤工價卽與絲四兩今有絲四十
三斤一十二兩其織絲工絲各若干法當化斤爲兩然
後歸兩作斤併工絲絹絲共二十兩置首率總絲爲七
百兩置次率列工絲絹絲置第三率依法乘除

一 二十兩

二 七百兩

三 四兩 工價

一十六兩 織絹

同亥集抄通新編二

四 一百四十兩 歸之乃八斤 一十二兩 五百六十兩 歸之為三 十五斤

間甲乙丙三人以田多寡均應一年差役甲田三百五

十畝乙田二百八十畝丙田一百七十畝各役幾時此

併三人田 共八百畝 置首率以一年為三百六十日置次率

列三人田數置第三率

一 八百畝

二 三百六十日

三 三百五十畝 甲 二百八十畝 乙 一百七十畝

丙

四 一百五十七日半 一百二十六日 七十六日半
問派糧八百四十石四縣照田地多寡納之甲田三千
六百三十五畝乙田二千四百六十六畝丙田三千五
百七十七畝丁田四千三百二十二畝各納若干亦併
總畝置首率總糧置次率列四縣各田數置第三率

一 一萬四千畝

二 八百四十石

三 三千六百三十 二千四百六十 三千五百七十 四千三百二十

五畝甲

六畝乙

七畝丙

二畝丁

四 二百一十 二百四十七 二百二十四 二百五十九

八石一斗 石九斗六升 石六斗二升 石三斗二升

問五縣輸穀二萬石照依人戶多少道里遠近價值上下而均輸之每車載二十五石行一里僦值一錢甲縣二萬零五百二十戶穀石價二兩乙縣一萬二千三百十二戶穀石價一兩遠輸二百里丙縣七千一百八十二戶穀石價一兩二錢遠輸一百五十里丁縣一萬三千三百三十八戶穀石價一兩七錢遠輸二百五十里戊縣五千一百三十戶穀石價一兩三錢遠輸一百五十里各該若干先求各衰

惟甲縣自輸本縣無僦里以穀價二兩爲法除甲戶得一

千○二十六衰乙丙丁戊俱有餽價各以餽一錢乘所
 輸里數而以每車二十五石除之得各運價併穀價以乘各戶
 而求各衰乙縣行道二百里乘除之得八錢併穀價一
 兩八錢以除乙戶得六百八十四衰丙縣行一百五十
 里乘除得六錢併價共一兩八錢除丙戶得三百九十
 九衰丁縣行二百五十里乘除得一兩併價共二兩七
 錢除戶得四百九十四衰戊縣行一百五十里乘
 除得六錢併價共一兩九錢除戶得二百七十衰併五
 衰共二千八百七十三為首率以總穀為次率列各衰為三率

一 二千八百七十三

二 二萬石

三 三千三十六
 甲 六貢
 乙 三貢
 丙 四貢
 丁 二百七十
 戊

四 七千一百
 四千七百
 二千七百
 三千四百
 一千八百
 六十二石
 七十七石
 三十八石
 七十九石

三斗五升 五斗七升 五斗八升 九斗二升 五斗六升

九合九勺 三合二勺 四合四勺 四合二勺 八合三勺

餽價無 二十兩 二十五兩 三十五兩 一十五兩

問有田一萬八千八百三子遞分伯比仲多一倍

仲又比季多一倍各該若干此倍增倍減法也以一二

四為衰分 季一仲二伯四 合總為第一率田數為第二率分各

衰為三率

一七

二 一萬八千八百八畝

三 四 伯 二 紳 一 季

四 一萬三百三十六 五千五百八十四

問有銀九十二兩四子挨次遞分各幾何併各衰伯四仲三

叔二季一共得一十 爲首率銀數爲二率各衰爲三率

一 一十

二 九十二

三 一季

二叔

三仲

四伯

四 九兩二錢

季

二十八兩四錢

叔

二十七兩六錢

仲

三十六兩錢

伯

問官銀一千一百零七兩令五等戶減半出辦甲戶一十六乙戶二十五丙戶三十一丁戶四十八戊戶六十

二每等每戶各若干亦先以各衰乘各等戶數併甲衰乘得

二百五十六乙衰乘得二百兩衰乘得一百二十為首

四丁衰乘得九十六加戊衰併得七百三十八

率總銀為次率列各衰為三率推得各等共數再以各戶除之得各戶數

一 七百三十八

二 一千一百零七兩

三 二百五十六甲 二百乙 二百二十四丙 九十六丁 六十二戊

四 三百六兩 三百兩 二百八十六兩 二百四兩 九十三兩

二十四兩 一十二兩 六兩 三兩 一兩五錢

問用金八十一兩造杯一套五箇每杯重若干此挨次

衰分併各衰五四三二一為首率總金為次率列各衰

為三率

一 一十五

二 八十一兩

三 五十四

三

二

一

四 二十七兩 二十二兩 六錢 王兩 二錢 王兩八錢 五兩錢

問派糧一千一百三十四石令五等戶挨次上納甲戶

二十四乙戶三十三丙戶四十二丁戶五十一戊戶六

十各等各戶各若干法亦以各等戶數乘各衰併爲首
率糧數爲次率分各衰列三率推得各等人戶所納再
以戶數乘之得各等共數

一 五百四十

二 一千一百三十四石

三 一戊

二 丁

三 丙

四 乙

五 甲

四 二石二斗 四石二斗 六石三斗 八石四斗 十石五斗

一百

二十

二百

一十四

二百

六十四

二百

七十七

三百

五十二石

問派糧三百八十五石五斗二升甲乙二等戶四六辦

納甲二十六戶乙四十戶各等若干每戶若干凡求四

六衰者就身六乘四除

首位四以六乘得二十四卽此以四除得六後多數倣此

先以六乘甲戶四乘乙戶

六乘二十六得一百五十六數四乘四十得一百六十數

併爲首率總糧爲次率列各衰

上六下四

爲三率推得每戶

應納之數再以甲乙各戶數乘之得各共數

若先以總衰除總糧

得一石二斗二升乃以甲乙衰各乘亦同

一 三百一十六

二 三百八十五石五斗二升

三 六 上

四 下

四 七石三斗二升

甲一戶

四石八斗八升

乙一戶

一百九十石三斗二升

一百九十五石二斗

問徵銀一千七百一十六兩以四等人作四六派出各

該若干法併各衰

丁四兩六乙九甲一十三零二之一

爲首率銀數爲次

率列各衰爲三衰求得各衰數

此四六衰是一倍有半加之若先以總衰除總

銀得五十二兩八錢後以各衰乘之亦同

一 三十二又二之一

二 一千七百一十六兩

三 四

丁

六

丙

九

乙

一十三又

二乙

四 二百一十一兩二錢 三百一十六兩八錢 四百一十二兩二錢 七百一十二兩二錢

問徵糧一千二百六十六石令五等人作四六納之各

該若干法併各衰戊四丁六兩九乙一十三又二之一

六為首率其甲與乙須用奇零併子總糧數為次率列

各衰為三率測得各衰數若先以總衰除總糧得二十

一 五十二又八之六

二 一千二百六十六石

三 四戊 六丁 九丙 一十三又二之一 二十又四之一

四 九十六石 二百四 二百四 三百二十 四百八十

問派糧二百六十一石令三等戶三七出辦甲戶二十
一乙戶三十二丙戶四十三各等幾何每戶幾何凡求
三七衰分者用三除七乘遞求若零分多者就首衰之
數以三因之法消息之如二位者只用三七如三位者
首位三就以三因得九爲首衰四位者首位三以三因
得九又三因得二十七爲首衰如五位者又以二十七
三因得八十一爲首衰凡此皆以省零分也此問法以
各等乘各衰併之

甲二十一戶乘甲衰四十九得一千
二十九乙三十二戶乘乙衰二十一

得六百七十二丙四十三戶乘丙衰
九得三百八十七共二千零八十八

爲首率以總糧爲

次率列各衰爲三率推得第四率是各戶應出之數再以數乘之得各等共數

一 二千〇八十八

二 二百六十一石

三 四十九

甲

二十一

乙

九

丙

四 六石二斗二升五合

二石六斗二升五合

石二斗二升五合

二百二十八石

六斗二升五合

八十四石

四十

八石三斗七升五合

問制錢三萬八千二百八十文四人作三七分之各若

干法先併各衰

丁二十七兩六十三乙一百四十
七甲三百四十三共五百八十

爲首

率以總銀爲次率列各衰爲三率推得四率

一 五百八十

二 三萬八千二百八十文

三 二十七 六十三 一百四十七 三百四十三

四 一千^{七百八} 四千^{一百五} 九千七百二文 二萬^{二千六百}

間派銀八百二十八兩二錢令五人三七納之每人應

若干先併各衰^{戊八十一丁一百八十九丙四百四十}

共四千一^{一乙一千零二十九甲二千四百零一}爲首率以總銀爲次率列各衰爲三率

一 四千一百四十一

二 八百二十八兩二錢

三 三百一十兩四錢
百〇一甲 二百一十兩四錢
九乙 一百一十兩四錢
八丁 八十一兩四錢
戊

四 四百一十兩四錢
十兩 三百一十兩四錢
二錢 二百一十兩四錢
八錢 一百一十兩四錢
二錢 八十一兩四錢
二錢

問官銀二千六百三十五兩令四等人二八出之各若

干凡求二八衰分者用四乘之遞求次衰此問法先併

各衰
丁二兩八乙三十二甲一 為首率總銀為次率列
百二十八共一百七十

各衰為三率得各銀數
此二八衰分是四倍加之若先
以總衰除總銀得一十五兩五

錢後以各衰
乘之亦同

一 一百七十

同方集抄遺錄卷二

三

二 二千六百三十五兩

三 二丁

八兩

三十二乙

一百二十八甲

四 三十二兩

丁二百二十四兩

丙四百九十六兩乙

一千九百八十
四兩。甲

問派糧二千六百五十五石九斗令五等戶二八辦納

甲戶三十乙戶四十丙戶五十丁戶六十戊戶七十各

等每戶該若干法置五等衰以各戶數乘之併

甲三十
戶乘衰

五百一十二得一萬五千三百六十一乙四十戶乘衰一

百二十八得五千一百二十丙五十戶乘衰三十二得

一千六百丁六十戶乘衰八得四百八十戊七為首率

十戶乘衰二得一百四十併共二萬二千七百
總糧為次率列各衰為三率推得四率是各等每戶納

數再以各等戶數乘之得各等共糧數

若先以併衰除總糧得一斗一

升七合為最下衰然後以各衰乘之亦同

一 二萬二千七百

二 二千六百五十五石

三 五百十二^甲一百二十六^乙三十二^丙

八^丁二^戊

四 五十九石九^斗一十四石九^斗三石七斗

斗〇四合

斗七升六合

四升四合

九斗三^升二斗三^升六合^升四合^升

以上四六三七二八俱增衰法

間官絹四百七十丈零一尺八寸四分令三等入戶辦納以一十分之六遞減其上等計二十五戶中等三十

戶下等四十八戶每等每戶若干法先置各衰以各等

戶乘併之

上等戶數乘一百衰得二千五百中等戶數乘六十衰得一千八百下等戶數乘三十六

衰得一千七百二十八共六千零二十八為首率以總絹為次率列各衰為

三率推得第四率為各等一戶所出數再以各戶數乘之得各等數

一 六千零二十八

二 四百七十丈一尺八寸四分

三 一百

六十

三十六

四 七丈八尺

上等戶

四丈六尺八寸

中等戶

二丈八尺八分

下等戶

一百九十五丈 一百四十丈四尺

一百三十四丈
七尺八寸四分

問官糧一百六十八石四斗八升八合令四等戶辦納
遞減十分之七甲戶二十二乙戶三十六丙戶四十二
丁戶四十八每等每戶各幾何立各衰以各戶數乘併
甲戶數乘一千衰得二萬二千乙戶數乘七百衰得二
萬五千二百丙戶數乘四百九十衰得二萬五百八十
丁戶數乘三百四十三得一萬六千四百
百六十四通共八萬四千二百四十四為首率總糧為
次率列各衰為三率推得第四率各等一戶所出數再
以戶數乘之得各等數

一 八萬四千二百四十四

二 一百六十八石四斗八升八合

三 一千 七百 四百九十 三百四十三

四 二石_甲 一石四斗_乙 九斗八升_丙 六斗八升_丁 容

四十四石 五_{石零} 四十一石 三十二石九斗_{四斗} 一斗六升 斗二升八合

右併衰係減衰法凡十之五十之九之類倣此

問穀二百四十石作五等分之甲乙二人數與丙丁戊

三人數等各幾何此遞差偏多偏寡法先併各衰爲二

宗較之用除數增入各衰併甲乙二衰_{甲五}得九又併_{乙四}

丙丁戊三衰_{丙三丁二}得六以減九餘三却于五等衰各

增三數

甲得八乙得七丙得六
丁得五戊得四共三十

併之爲首率總米爲次

率推得第四率遞差八石其甲乙二人所分得數與丙

丁戊三人正相當

此是以
八遞加

一三十

二二百四十石

三四十

戊

五丁

六丙

七乙

八甲

四三十三石

四十石

四十八石

五十六石

六十四石

右增衰凡增衰偏多偏寡者倣此如三人分要甲數
與乙丙數同者七人分要甲乙丙數與戊己庚辛數

同之類

問四商共得子銀三百四十兩其母以四遞加如乙五則丙九

丙七則丁十一丁九則甲十三是也係衰分遞加但知甲原母二百八十六兩

餘遞減各該若干須知十三之于九與二百八十六之

於某數相同按衰毋遞測之由甲毋以推丁毋由丁推

丙由丙推乙法以甲衰十三為第一率甲母二百八十

六為第二率以丁衰九為第三率依準測法得丁母數

餘倣此

以甲知丁

以丁知丙

以丙知乙

一 十三 甲衰

十一 丁衰

九 丙衰

二 二百八十六 甲母

一百九十八 丁母

二百三十六 丙母

三 九 丁衰

七 丙衰

五 乙衰

四 一百九十八 丁之母

一百二十六 丙之母

七十 乙母

右法已知各母再欲知其應分子銀以四遞加之數則併甲乙丙丁母爲第一率總子爲第二率分四母爲第

三率

一 六百八十 併母

二 三百四十 總子

三 二百八十六 甲 七十 乙 一百二十六 丙 二百九十六 丁

四 一百四十三 三十五 六十三 九十九

問三商共銀七百六十兩分之則甲得十分乙得七分丙得二分各若干其法併甲乙丙衰為第一率以銀數為第二率各分數為第三率

一 一十九 甲 一十七 乙 七 丙 二 共此數

二 七百六十

三 一十 甲 七 乙 二 丙

四 四百 二百八十 八十

問應徵糧七十三石二斗派令三等人戶照分攤出上
等二十五戶每戶作五分辦中等四十戶每戶三分辦
下等六十戶每戶一分辦各戶若干各等共若干法以
各分各戶相乘併之以五乘二十五得一百二十五以
三乘四十得一百二十下等六十
無乘共三為一率以總糧為二率以各衰五三為三率
百零五
推得三等戶所應出分數再以各戶數乘之得各等共
數

一 三百零五

二 七十三石二斗

三五

三

一

四 一石二斗

七斗二升

二斗四升

三十石 上

二十八石八斗 中

二十四石四斗 下

問硃砂每斤三兩六錢石青每斤二兩四錢今有銀一千二百兩議買硃青二色硃數比青增一倍各斤數與價若干法因硃砂加倍即倍其價 二兩六錢 爲七兩二錢併青價 二兩四錢 共九兩六錢爲一率以總銀爲三率所買虛數爲三率推得斤數爲四率再各以價乘之

一 九兩六錢

二 一千二百兩

三 二

一

四 二百五十斤價九百兩 一百二十五斤價三百兩

間綾每尺價銀九分二釐羅每尺八分五釐絹每尺三

分六釐今有銀一百二十一兩一錢七分五釐買綾一

停羅二停絹三停各實數與價若干法用二乘羅價一

^七分三乘絹價

^{一錢}_{八釐}

併綾價共三錢七分爲一率總銀爲

二率各虛數爲三率得四率爲各實數各以原價乘之

一 三錢七分

二 一百二十一兩一錢七分五釐

三 一 二 三

四 三十二丈七尺五寸綾 六十五丈五尺羅 九十八丈二尺五寸絹

三十兩錢三分 五十五兩六錢七分五釐 三十五兩三錢七分

問芝蔴每三斗換米五斗每米五斗抵荳七斗今有芝蔴四百五十石換米荳共九百一十石各用芝蔴若干所換米荳各若干法用重準先併米五荳七共一十二為首率以芝蔴總數為二率分列米五荳七為三率求得芝蔴合換米荳各數以為重測之第三率以米荳共

數為二率之麻總數為首率求得米荳各數

一 一十二

四百五十石

二 四百五十石

五 七

三 五

七

一百

八十七石五斗

二百

六十二石五斗

四 一百廿七

石五斗以換米

三百六十二

石五斗以換荳

三百九十五

七石五斗

六百一十二

二石五斗

問銀一千零八兩買絲三停綿二停綫一停共三百六

十兩其價綫一兩抵綿一兩六錢抵絲二兩欲知三色

併價各若干者併各衰

絲三綿二綫一共六

置第一數以總物為

第二率分各衰列第三率推得第四率是各色數乃照

前價取絲一百八十兩以二十除之得九十衰取綿一百二十兩

以一十六除之得七十五衰併綫六十衰共二百二十

五為法除總銀得綫價以一十六除綫價得綿價以二

十除綫價得絲價

一六

二三百六十兩

三三絲二綿

一綫

四一百八十兩一百二十兩六十兩

二兩二錢四分絲價二兩八錢綿價四兩四錢八分綫價

問冰片每兩價二兩七錢五分沉香每兩價銀三錢五分奇南每兩價銀八錢有人以沉香一十七斤三兩又有人以奇南一十三斤十二兩各欲換冰片若干法置冰片價爲首率化沉香奇南斤數爲兩置次率各價爲三率

一 二兩七錢五分

二 二百七十五兩 二百二十兩

三 三錢五分 八錢

四 三十五兩 六十四兩
沉香所換 奇南所換

問養軍二萬五千二百名月糧米麥荳兼支米每四名
支三石麥每九名支五石荳每七名支八石各幾何卽
以七九四各列第一率以軍總數爲二率以八五三列
三率

一七

九

四

二二萬五千二百名

三八荳

五麥

三米

四二萬八千八百石 一萬四千石 一萬八千九百石

問刻漏一壺貯水令漏開三孔其一孔最大漏水二時

而盡一孔次之三時而盡一孔最細六時而盡假如三孔俱洩則幾刻水盡其法先以三孔與時刻相較以各時爲第一率以一壺爲二率以最小時爲第三率要見大孔二時漏盡一壺則六時漏盡三壺其餘倣此而推

一 二時

大

三時

次

六時

小

二 一壺

三 六時

四 三壺

二壺

一壺

又法總而計之凡六時漏盡六壺知三孔俱開則其水

一時漏盡只以分數算之

一 二時

三時

六時

二 一壺

三 一時

四 二分水之一

三之一

六之一

積之共一壺卽是一時盡一壺也

右三數偶滿一時其法易算若併有奇零者另法求之假如累臺一座甲六年完工乙九年完工丙十八年方完今三人同累須幾時可完此先知每人每年所爲之工得若干而總算之六年者每年得六分之

一其九年者每年得九分之一其十八年者每年得十八分之一依併法每年共得三分之一約計三年通完三年之內甲戌二分之一乙戌三分之一丙戌六分之一共足十分之數

間漏壺一座上有渴烏注水下有天池洩水今塞其下竅注水于壺四時而水滿開其下竅洩水壺外六時而洩盡若使上注下洩相併則此壺須幾時可滿法以四時爲一率以一壺爲二率以一時爲三率測之而得一時之所注

四分壺之一

又以六時爲一率一壺爲二率一時

爲三率亦得二時之所洩六分壺之一乃以四之一減六之一

得十二之一於是又以十二之一爲第一率以一時爲

第二率以一壺爲第三率得四率以十二時注漏凡用準測法

者三

一四時 六時 十二分壺之二

二六分壺之一 一壺 一時

三三時 一時 一壺

四四分壺之一 六分壺之一 十二時

問塞下竅四時水滿通下竅六時水盡今上注下泄

則四箇時滿幾分曰六時盡者四時泄三分之二以除全壺餘三分之一爲水滿數又問如此則幾時可滿一壺曰依前法當以十二時滿又問假如塞下竅注上竅三時而滿塞上竅開下竅八時而盡若上注下洩須幾時可滿曰以三時滿者一時之率三之一以八時盡者一時之率八之一就三之一減八之一餘二十四之五爲一時之率則全壺得四時零五分時之四也又問一壺旣以三時而滿假如四時又五分時之三可滿幾壺曰滿一壺又十五分壺之八又

問八時盡一壺若四時又五分時之四該幾何曰此
五分壺之三卽于前數一時滿一壺者除之便得問
八時盡一壺三時得幾何曰三時泄得八分之三以
除前壺餘八分之五是三時滿八分之五又問三時
滿八分之五則全壺幾時滿曰四時零五分時之四

同文算指通編卷二

